# alexandra.ahlamontada.com

رواية



alexandra andra andra saina lies of the sain and a sain and a sain and a sain a

## <u>هذه رواية</u>

" كان ياما كان، يا سادة يا كرام، ما يحلى الكلام إلا بذكر النبي، عليه الصلاة والسلام. كان فيه ملك ولا ملك إلا الله. خلف بنتا وسماها "ترتر".

كلمة من هنا. و دمعة من هناك. تـروى لنـا ترتـر

حكايتها مع زوجها عبد الضار والولد غزالة الذي لقي لقيـة ذات ليلة، وجد شنطة فيها مليون جنيه. وما جرى لهـم مـع هذا المبلغ الذي يفوق حتى قدرتهم على الحلم.

في هذه الرواية أمور جديدة على مؤلفها: الروايـة تحكيها امرأة، رغم خشونة عالم المؤلف السابق، والأحـداث تجري في أحزمة البؤس التي تحيط بالقاهرة، على أن الأهم

ربما كانت مغامرة أو نزوة. ولكنها من حق المؤلف، خاصة أننا نرحب بالعامية شعرا. ولكننا نرفضها قصة وحكاية، ويعتبرها البعض مؤامرة على وحدة الوطن العربي.

سوى قاموس الحد الأدنى اللغوى.

هو أن النص مكتوب بلغة الهو امش البشرية. الذين لا يملكون

من حق الروائي، بعد أن ينتهي من وضع أسس بناء

هو سائد.

"لبن العصفور " تجربة جريئة. سبقتها محاولات من

قبل. من أجل اكتشاف لغة قص عامية، أثارت العديد من

ردود الأفعال حتى قبل أن ترى النور. وتخرج إلى الوجود.

عالمه الروائي. أن يجرب أحيانا أن يحاول الخروج على ما

### الله واحد

# أشكى لمين همي

## وكل الناس مجاريح

أودّي وشي م الناس فين، كل اللي سمع حكايتي، ضرب كف على كف، وقال: هيه أيام الأصول راحت فين؟ ربنا ما يكتب على عدو، ولا على حبيب، يشرب اللي شفته.

أنا عاوزة، أفش غلي، وأحكي اللي جرى لي.. ربنا يقدرني وأقوله.. بركاتك يا أم هاشم، يا ست يا طاهرة، لما الواحدة مننا ينكتب عليها تقرد جسمها في حضن راجل غير راجلها، وتعري نفسها تحت عينين، كات غريبة عليها، يا دوبك لحد إمبارح، والراجل التاني، حتى ما يكونش جوزها، على سنة الله ورسوله.

دا ولا شرب الزرنيخ، ولا أكل سم الفيران.

كنت اسمع الناس تقول، إنه صعب إن الواحدة، تغير عتبتها، وتبدّل فرشتها، وتطلع من دنيتها وتدخل دنيا تانية،

ويا ريت دا اللي حصل لي. عتبتي ضاعت، وفرشتي اتحر قت، وما لقتيشي فرشة تانية. ولا حيبقي لي عتبة جديدة.

يعنى كده بالمفتشر، طيرت العصفور اللي في ايديه، عشان شفت شوية عصافير واقفة على جدار البيت اللي

قدامنا، دا ولا خلع الضفر من اللحم بكماشة، ولا طلوع الروح من جنة البني آدم.

زمان قالوا: إيه اللي صبرك ع المر، قال اللي أمر

منه. واللي شوفته، ما شفوش حد قبلي، ويا رب ما ينكتب ف دفاتر حد بعدى، وبالعنيه ولاد بطني. يا بو خيمة زرقا. نجي

ولادي. واكتب لهم في كل خطوة سلامة. قادر يا كريم. كل واحد بيقول اليومين دولت، إن عيشته أمر من المرار، إنما كله كوم، واللي حصل لي كوم، حكايات

وحواديت وبالاوي ومصايب. كل بكة شمس كت بتجيب وياها اللي ما حدش سمع عنه. سواعي، أقعد أكلم نفسي، زي بتوع السراية الصفرا،

أخطرف وألطم وأنوح، كان مستخبى لك دا كله فين يا بـت؟ كان منشال لك فين؟ كتى فين ودا فين؟ وأنا لساتي ظغيرة، ويا ريتني فضلت ظغيرة زي ما كت. سمعت أبويا وأمى. كانو بيقولوا. إن البني آدم، أول ما

ينزل من بطن أمه. ينزل معاه دفتره. مكتوب فيه كل اللي حايحصل له. من أول ما يطلع من ضلمة بطن أمه، لغاية ما ينزل ضلمة التربة الأخرانية. يعنى من طقطة لسلمو

ينزل ضلمه النربه الاخرانيه. يعني من طفط في لسلامو عليكو.
والمكتوب ما منه مهروب. تفلفص فين؟ مين يقدر

يهرب من اللي ربنا كاتبه له في دفاتره من قبل ما يخلف ه وينزله الدنيا؟ مين قدر قبل كده يهرب، مين حايقدر بعد كده بفلت؟

يس. كل واحد وياه دفترين، دفتر شايله ملك ودفتر ماسكه شطان، الملك يفضل واقف على يمين الواحد مننا، والشطان على شماله. كل الواحد ما يعمل حاجة كويسة.

والشطان على شماله. كل الواحد ما يعمل حاجة كويسة. يكتبها الملاك في دفتر الحاجات الكويسة، وأول ما يعمل حاجة شين. يعني وحشة. يروح الشطان كاتبها طوالي.

زمان. زمان، كان الملاك بس هـو اللـي بيكتب، وصفحة الحاجات الحلوة كت تتملي لحد آخرها. فيروح واخد دفتر الشطان منه بكتب فيه. إنما لليام ديت، الشطان بس هوه اللي بيكتب، حتى لو الملاك اتحايل ع الناس، ووقع في عرضهم، ما حدش يقدر

يعمل حاجة كويسة. وعشان كده الملاك بيسلم دفتره للشطان من أول يوم. والأطفال اللي بيموتوا قبل ما يخطوا العتبة، يبقوا

زي الأنبيا، دول بس اللي بيروحوا الجنة حتف، أما كل واحد، مشي على رجليه، ولو خطوة واحدة، حايروح النار

طوالي. وكل دا بيحصل، عشان يوم القيامة قربت ساعته مننا. بقى يادوبك فركة كعب ونوصل له. ينكن يكون بكره

مننا. بقى يادوبك فركه كعب ونوصل له. ينكن يكون بكره واللا بعده. وبالكتير خالص. بعد بعده. أقول إيه واللا إيه؟ والله مانا عارفة، دي حكاية

صعبة؟ كنا عايشين كافيين خيرنا شرنا. لحد ما طب علينا اللي كان السبب. لأه، ربك والحق هوه ما كانشي السبب.

كت فيه فضيحة تانية، بعيدة عننا، هيه اللي عملت جرستنا. اللي بكره يعملوها غناوي وتبقى حكاية.. اللي ما يسمعشى يتفرج.

قليل البخت يلاقي العضم ف الكرشة، ويتكعبل في

السديري. الفضايح على قفا من يشيل، الناس مدارياها الحيطان. وور البيبان والشبابيك والبلكونات بالوي متلتكة.

وكل واحد عاوز يداري على بلوته. جتنا نيلة في بختنا الهباب. فضيحتنا على عينك يا

تاجر والفرجة ببلاش أصل الناس العدلة خلصــت. ومــا

بقاشي غير الناس الكسر . الناس النقاضة، الناس اللبط، هـوه بيفضل ع المداود غير أوسخ البقر. دي الناس بقيت أكتر من النمل بالنهار والناموس بالليل. ومر الكترة اتعودوا علي

الحاجات الوحشة ونما الناس تاخد على الـوحش. تتسـى ان الدنيا فيها حاحات حلوة.

دى أيام الأصب، الزعازيع هيه اللي فوق الشواشي، إنما السكر والمكرر. دا يبقى في الجدور من تحت، والجدور

ما تبقاشي باينه من الأرضية. هو فيه أهيف م الزعزوعة. إنما هيه اللي يبقى شايلها عود القصب فوقه. أهي دي أيام

القصب تمام.

ما علينا، آني عايزة دلوقتي ألم الحكاية في عقل

:41

بالي. قبل ما ابتدي القول. نوبة واحدة راهن واحد تاني. قال

- تيجي نملا ستاشر زكيبة كلام؟

- وحانملاهم منين؟

هو فيه أكتر وارخص م الكلام في البلد دلوقتي؟

باللابینا

- نحط في الزكيبة الأولانية الكلام ده.

## مالوش تاني

# مین عرف مبتداه

## هان عليه منتهاه

معقولة حد حابصدقني؟ أنا عارفة إن دبت مش راحة

تدخل دماغ حد. أنا عمري ما عرفت اسم الواد اللي قلب حياتنا. وخلى عاليها واطيها. كل اللي عرفته اسمه لولاني بس. غزال. وكت أنا لوحدي أقول له: غزالة. اسم دلع يعني. وهوه نوبة قال عن نفسه. ف ساعة روقان بال: غزال الدر سألة عن در اله؟ قال المن مورد

البر سألته: بر إيه؟ قال لي: بر مصر.
إنما لحد دلوقتي، تقولي: ونقبه إيه؟ أقول لك الكدب على الله خيبة. اسم أبوه إيه؟ أقول ما اعرفش، وعيلته مين؟ والنبي ما كان يتعز. ما اقدرشي أرد عليك، أهو غزال وبس، والاسم كان عاجبني موت. وكت أحب أناديه بيه. وكت زعلانة علشان خلفت وسميت وخلصت، وكت بأقول لنفسي لو إني خلفت من تاني. وجت الخلفة ولد. يبقى لزمن يكون اسمه: غزال. ولو جت بت تبقى غزاله. بس حكاية البر دي. ما دخلتشي دماغي، علشان تطلع منه بعد كده.

شفتيه إمته يا بت يا ترتر، الواد اللي كان باين عليه

ننوس عين أمه، شفتيه فين أول نوبة يا بت يا ترتر؟ هوه أنا عقلي دفتر. أنا مش فاكرة اليوم انما لسه فاكره جيته زي ما يكون دا حصل انبارح. أو ينكن دلوقتي أهه، هدومــه كــت

يكون دا حصل انبارح. أو ينكن دلوقتي أهه، هدومه كت لازقة في جتته. عرقه مرقه. وريحة عرقه زي ريحة الخل.

وبقه منتن. وسدره زي قفص الفراخ الفاضي. جريدة جنب جريدة جنب جريدة. ولا حتى حتة لحمة بين الجريدة والتانية.

ساحبة حاجة وراه. الحاجة دي طلعت ضيف جابيه وياه. ناولني اللفة، وقال لي أعمل لهم لقمة، عشان همه ميتين م الجوع، خدني ف دوكة، خت اللفة منه وأنا بأقول في سري، ياما جاب الغراب لامه، لولا عصافير بطنه

صوصوت، ما كنشي الأكل جاه على باله.
نما فتحت اللفة. التقيته جايب أكل يا دوبك على قده
هوَّه والضيف اللَّي ساحبه وراه. وهوه كده جوزي، غاوي

فشخرة، اتمطع وعمل حساب نفسه واللي وياه، إنما اللي في الدار، ما يهمهوشي خالص، أنا والعيال ناكل بعضينا.

بصبت الضيف، لقبته ولد ظغنطوط، حاجة بدويك أكبر من عيالنا. قلت في عقلي. إيه الله للم الشامي ع

المغربي. قلت حاأتعب نافوخي ليه، بكرة نقعد جنب الحيطة ونسمع الظيطة.

الواد، يا عيني عليه، كان في نص هدومه، عينيه ما نشالتش من ع الأرض، ونما بيجي بكلم بتهته، مش عرفه ليه

كل ما كت أبص له. أحس انه عطشان، عابز بشرب. أروح جايبه القلة \_ التلاجة البلدي بتاعتنا \_ ما هـ و حمارتك

العرجة و لا سؤال العوبل. باخدها منى وبشرب بيجي نصها، يرجعها ووشه بيضح، وهوه بيقول " من إيد ما نعدمها ".

> الناس قرف. والواد كت قرفته باين عليها كويسة. مع إن حالته كت عدم. سعت ماجه عندنا. دقنه لسه يا دوبك مخضرة، وضو افرة الطويلة شايلة وساخة الدنيا كلها. كان جلد على عضم.

اللفة اللي اداهالي جوزي، كان فيها أربع بيضات وورقة زبدة، وجبنة ضاني من بتاعت البقالين واحنا طول عمد نا بناكل حينة قريش ويس الله يتتباع خدط، خدط،

عمرنا بناكل جبنة قريش وبس. اللي بتتباع خرط، خرط، الجبنة الضاني عمرنا ما هوبنا نواحيها. عشان بتتباع زي الدهب. صحيح إن الجبنة القريش. بقت الخرطة بشلن. ما

هو أصل الغلا والكوا. خلوا التراب له سعر. مين عارف ينكن تتباع الجبنة القريش بالوزن بعد كده.

يتن تبع المبك العريس بالورن بعد كان اللفة كان فيها حلاوة طحينية. وست رغفة بيض، تسمعي ضحكتها، وتشوفي وشك فيها بدال أكلها. من كتر البياض والحلاوة.

جوزي كان طلع م البيت من العصرية، ما معهـوش لا أسود ولا أبيض. ايد ورا وايد قدام. جايز قلب رزقه فــي الحصة ديت. تاهت ولقيناها. هوه اتلم على الوله. والولد هوه اللي اشترى الحاجات من وياه.

حاكم جوزي ما يقولشي للواحد "سلامو عليكو" إلا ان

كان وراه مصلحة يعني دفيان بالفلوس، يفضل وراه لحد ما ينحل وبره. ويخليه زي سعت ما نزل من بطن أمه. أنضف م الصيني بعد غسيله. ويزقه ع الخلا وهوه بيقول له: "أمك

ف العش واللا طارت" ويديها ضحك. حاجة كده ضحك ونصب على مخاليق ربنا..

خت اللفة، ودخلت على جوه العيال اتلموا عليه. الجوع كافريا ناس. والعيال كانوا على لحم بطنهم من سعت الصبحية. قلت لهم دى عزومة وإكرام الضيف واجب..

الصبحيه. فلت لهم دي عرومه وإكرام الضيف واجب.. حانودي وشنا منه فين. لقيد إيدين العيال الظغيرة بتنمد وتاخد حتت من

العيش، ياكلوه حاف. رحت قاسمة البحر نصين، نص ليهم ونص لينا.

حطيت شوية سبرتو في بابور الجاز، وكبست الهوا جامد فيه، وأنا خايفة يطلع كباس البابور صوت. عيب يعرف اننا ما عندناش بوتاجاز زي كل مخاليق ربنا.

الشاهد. الفنية طلعت جاز، شطيت عود كبريت، ونما ولع، قربته م البابور راح هابب نوبة واحدة. أنا دايما باولعه قدام الدار من برة. عشان الهياب ما بسودشي الجدران، هوه

قدام الدار من بره. عسان الهباب ما يسودسي الجدران، هوه احنا لاقيين اللضا عشان البياض والجير والألوان، وهوه مش كفاية ان عبشتنا مهيبة عشان نهيب الحيطان كمان.

لو طلعت البابور قدامه بره، حاتبقى ليلتي سوده من سي عبد الضار. أقرع ونزهي، فنجري بق. يحب يبان قدام الناس ياما هنا.. ياما هناك.. وأنا كنت باسكت وأقول لنفسي،

الناس ياما هنا.. ياما هناك.. وانا كنت باسكت واقول لنفسي، يا بن يا ترتر الدنيا ماشية كده. كلها مظاهر وكله بيضـحك على كله..

على كله.. الناس كلها جوه بيوتها. حياتها تقلب غم. عينيها بتشر دموع، وأول ما يطلعوا في الحواري ينسوا البلاوي.

وكل واحد يبقى عاوز يبان مفرفش. ويلضم مع اللي يقابلـــه ف كلام وحديث. وهات حكايات واللي ف القلب ف القلب. وأنا باقلي البيض وداني راحت لهم، سمعت جــوزي

ك دام وحديث. وهاك حديث والتي ك العلب ف العلب.
وأنا باقلي البيض وداني راحث لهم، سمعت جوزي
بيقول له. يا سلام يا غزال، لو كنا جبنا نص كيلو بسطرمة
مع البيض. كت بقت أكله أنجف. الواد قال له: إنت عارف
كيلو البسطرمة بقي بكام؟

مش يسكت جوزي، راح قايل له. واللا نص كيلو عجوة تتطش في الزبدة مع البيض. الواد رد عليه. عجوة، يا داهية سوخة، أول هام، إحنا فين والعجوة فين، دي عايزة سفرية. وركوب أتوبيسات من هنا لحد السيدة واللا الحسين

والواحد يرجع بكره. تاني هام. أنا نفسي بتعوم من أكل الحلو.

تقولشي ابن سرايات المحروس، قلت بس، يبقى الواد صيده.. صايدة المعدول. وحايفضل وراه لحد ما يبقى ع الحميد المحيد. ويقول له: وريني عرض كتافك. وفر حنب

الحميد المجيد. ويقول له: وريني عرض كتافك. وفرجني عطى على على مشيتك. طريق السلام يا خويا. السكك اللي تودي. عملت أكلهم لأول. أنا عرفة جوزي بيحف في

الأكل، ودايما ياكل من قدام اللي بياكل وياه، وزمان كان ييجي ع الأواخر، ويروح تافف في الماعون عشان أسيبه له. إنما بطل الحدوته ديت. بعد ما بقى أبو عيال.

لو كنت عندي مواعين.. كنت قسمت أكلهم. وحطيت لكل واحد لوحده. طلعت لهم الأكل قدام البيت. وجوزي قطع الرخيف نصين، وقال "بسم الله "ضحكت في عبي. مـؤمن ع الآخر، دا ياكل مال النبي.

الواد زغر لي زغرة عرتني من هدومي. زغرة تجمد المية في عز الصيف وتخليها تلج. بص لي بعيون مليانة حنية، والدموع مرغرغة فيها، بتلمع زي نجوم السما ف انصاص الليالي. دموع غريبة، لا عايزة تتزل، ولا تخش

جوه زي ما كانت. واد غريب، اللي بتقوله عينيه. ينطق بيه لسانه بعد كده.

عنيه كت بترعش، رعشة حلوة موت زي السكر. قال لي: ما تجابري الأكل ويانا، عشان يبقى عــيش

وملح. قلت له: كلو انتو بالهنا ولشفا، مطرح مـــا يســـري

قلت له: كلو النو بالهنا ولسفا، مطرح من يسري يمري. الكلام بتاعي سطل الواد. طس ف نافوخه. قاللي إنه

عمره ما سمع الكلام ده غير من أمه.. الـواد قعدتـه تلـذ، وكلامه مش مهرجل. مترتب والواحدة مـا تشـبعش مـن ملافظه و تنقى مش عاوزه تقوم من فريحه.

وكلامه مش مهرجل. مترتب والواحدة ما تشبعش من من ملافظه وتبقى مش عاوزه تقوم من فريحه. همه كلوا بره، واحنا كلنا جوه، بعد ما قلت للعيال.

حسكو عينكو يعرف أبوكم. انكوا أكلتوا. دا لو عرف، حايخلي الدار، تضرب تقلب بعد الضيف ما يمشي.

إنما الضيف ما مشيش خالص. لحد ما مشيت وياه. رجلي على رجله. الأكل خلص ما اقدرشي أقول إن حد شبع، إنما الأكل خلص وبس. جوزي قال. يا سلام الأكلة ديت عاوزه

براد شاي وعلبة سجاير نحبس بيها.
الواد من الكسوف راح جايب شاي وسجاير. وقال:

مين اللي بيبيع السكر في البلد دي؟ جوزي كان قاعد مجعوص. مش على بعضه. مين قده، قال: السكر مش مهم، كفاية إن ترتر تحط صوابعها في الشاي، يبقى أحلى من

كفاية إن ترتر تحط صوابعها في الشاي، يبقى أحلى من العسل. العسل.

ربنا سترها. كان عندنا شوية سكر من بتاع التموين. حليت بيهم.. وحوالين زردة الشاي. الكلام خدنا. وهات يا حديث، فتحنا محدث.

الواد كان صنايعي بيشتغل في أيها حاجة، بيلقط رزقه. زي احنا ما بنقول عن السريح. والرزق بحب الخفية. البلد ما فيهاش شغل دلوقتي.

يشيل أنابيب بوتاجاز يطلعها العمارات بالبقشيش بس. هـوه وشطارته. ضحك وقال يعني مش حاتحملوا هم الأنابيب م

إن كنت انت رديت عليه من يعيد. نكون إحنا ردينا.

ف الليل بيشتغل سنكرى عربيات. سنكرى من غير محل. سنكرى تل طوار . بيشتغل عند أبها واحد ضاربه السلك.

وعاوز يصلح بلوشي، يعني بملالين. ساعتها قلت یا خوفی یقول، یعنی ما تشیلوشی هم

العربية اللي عندكوا بيقي لازم نضحك. وإحنا لا ضحكنا ولا هو ه قال أيها حاجة عن عربيتنا.

الواد كان شغال ف سبع صنايع. سألت نفسى: وبخته

ضايع برضك زي جوزي كده؟ قال إنه في الجهادية. بيروح هناك الصبح بدري. يحضر الطابور، ويطلع سلاكي سعت الضهرية، يحط هدومه عند مكوجي قريب من وحدته، في

مدينة ناصر، يروح عليه. يغير هدومه. ويرجع ف الليل بيات في محل المكوجي هوَّه وزملاته. الليلة بنص جنيه يناموا جنب بعضهم. تحت ترابيزة المكوة، والدفع آخر

> الواد ما جيشي سيرة أبوه ولا أمه. مع أنه لـز من يكون له أب وأم. ينكن ربنا افتكر هم. طب خواته البنات

الشهر.

وخواته الصبيان، مين همه؟ يا خبر بفلوس بكره يبقى يدلاش.

مع الشاي والسجاير الكلام حيصهال. ونص الليل بقى قريب. واحنا لسه قاعدين نكلم. وراح جوزي رامي عليه يمين طلاق بالتلاتة لا بيات عندنا والواد كان عين ف الجنة

وعين ف النار. الود وده يبات عندنا.. إنما كده باين عليه مكسوف. زي البت البنوت. كان عايز يمشي. ومش عاوز،

مكسوف. زي البت البنوت. كان عايز يمشي. ومش عاوز، آهي درانا أحسن من دكان المكوجي برضك. جوزي قاله: آهو توفر النص جنيه كل ليلة. دا انت

جوزي قاله: اهو توفر النص جنيه كل ليلة. دا انت بتدفع خمستاشر جنيه في الشهر، تقدر تكري بيهم أحسن مطرح. يكون بتاعك لوحدك. سأله: طب كت بتتسير فين الصبحية؟ رد عليه: كت باعملها في أيها حته خلا بعيد عن

الناس، دكان المكوجي ما كانشي فيه غير حنفية ميه وبس. قعدوا يتعازمم حصة من الليل. والعيال كانم فرحانين بالنص بطن. اللي اتلموا عليها. ما هو نص العمى ولا العمى

كله. وجوزي ماسك في الواد. والواد قال إن الحكاية مـش مبلوعة. وفي الأواخر. قال انه حيانام عندنا الليلة ديت وبس.

إنما مش حايكررها تاني، عشان المطرح يدوبك مكفينا بالعافية.

عبد الضار قاله. الدنيا حر. والصيف حصيرته واسعة وآهي ليلة وفراقها الصبح. وابتديت أوضب النومة لينا وللضيف. سحبت حلاية نضيفة من حلاليب حوزي.

لينا وللضيف. سحبت جلابية نضيفة من جلاليب جوزي. وجبت شبشب وفوطة واديتهم له عشان يغير هدومه. جوزي كان كريم وياه ع الآخر حلف عليه بالطلاق

يمين تلاتة. لا ينام وياه في أوضة النوم. وأنا آخد العيال في حضني في الصالة. غزالة قال: "ودي تيجي " عبد الضار فهمه أنه لو ما سمعشي الكلام، حايطلع دلوقتي في انصاص الليالي يطلقني. وهوره ما يخلصوشي خراب البيوت العمرانة.

الليالي يطلقني. وهوَّه ما يخلصوشي خراب البيوت العمرانة. وعموما هيه الليلة ديت وبس. وبعد كده حاينام ويا الولاد في الفسحة.

الفسحة. سألت نفسي. هوه عبد الضار قلب وبقى بتاع عيال واللا إيه؟ ينكن الواد حايدفع له، نظير ما يكيِّفه اللياة. والله اليومين دولت. كل شيء جايز.

العيال أول أبوهم ما دخل الأوضة مع الضيف. ناموا حواليه. رحت عدلاهم ع المخدة وقعدت أعد نجوم الليالي. كيلوا اللحمة بقشي بعشرة جنيه حتة واحدة. العشرة جنيه معروفة. عشر ورقات كل ورقة تنطح التانية. إنما الكيلوا اللحمة با إما بغشك الجزار في الوزن. أو بكون تلات

الكيلوا اللحمة يا إما يعشك الجرار في الورن. او يكون دلات تربعه عضم وشغت وجلد وعروق. وبتاع الفول. ما يبعش بأقل من حتة بربع جنيه. ورغيف العيش الحاف اللي يوحد

باقل من حنه بربع جنيه. ورغيف العيش الحاف اللي يوحد ربه بقى سعره حتة بخمسة ساغ. دا ولا يوم القيامة ذات نفسه. حدتى كت بتحسب بالملين، وأبوبا كان بيتكلم

بالقرش، وجوزي أول ما خدني، كان بيحلف بالجنيه. إنما دلوقتي بالعشرة جنيه حتة واحدة، والله ما ني عارفة و لادي وولاد ولادي حايحسبوها ازاي. دي أسعار بقيت بالغلا والكوا.

والدوا. في يوم من ذات ليام. سألت عبد الضار عن حكيوه الغلا. قام انشال وانحط، وقال: دي حاجة إلهية كده، ونا قلت له. طيب والحكومة تروح من ربنا فين. قام ظغر فوقه

وتحته وحواله. وقاللي " الحيطان ليها ودان، واحنا ناس كسيبة على باب الله والميه عمرها ما طلعت في العلالي ". ما جاليش نوم. قمت، وقعدت ع الحصيرة، وفردت رجليه على آخر هم، وقميص النوم ما يوصلشي إلا لحد

فخادي و بس. و أول ما أقعد العقدة دبت، بيان نــص فخــادي التحتانية. قعدت أحسس على رجليه وعلى فخادى، وكل

دراع حسس ع التاني، واروح بايسة ايديَّه وأقول يا خسارتك في الفقر والبهدلة يا بت، يا خسارة حلاوتك في اللضا اللي

انتى عايشة فيه. أحسس على وسطى، ألاقيه ملين، أمسك سدري وأرفعه لفوق وأقول الرمان طاب واستوى وطلب الأكالة،

أبص حو اليه و أقول هيه فين بس الرجالة يا خواتي. أنا عارفة آني حلوة. أول ما مشي في الشارع. حتى النسوان يعاكسوني. وإحدة منهم قالت لي: "هأه يا نقأه" وقفتني وقالت.

> فيه نسوان ما عندهمش ربع طعامتك والواحدة منهم نما تفتح فخادها. تلم الفلوس بإيديها وهيه لسه نايمة. ولـزمن تجيب مكنة تحسب بيها الفلوس لأن العقل يتوه م الكترة. ما هي

الكترة بتودى العقل ف داهية.

وابص لفخادي وأقول، قليلة البخت ما تاخدش من فخادها غير البص ليهم.

كل ما اطلع، اسمع حكايات زي ديت، وارجع البيت

راحت أيام. وجت أيام. لحد الليلة ديت، نما لقيت عينين بتبص لي م بعيد لبعيد. قلت يا حسرتي عليه. جت

الحزينة تفرح، طلع اللي حايفرحها وإد كحيان عايزني أشيله

فوق كتافي. بدل ما يخليني أتعب من عد الفلوس. يعنى أكدب

وأقول إن النغنغة والعز كانوا جولي على بال؟

وأنا في الليل، وفي النهار بأقول، يا سابل سترك،

عمرى ما طلبت منك غير الستر ويس.

## والتالتة تابتة

## زرعت صجرة هلبت

## وسقیتها بمیه یا ریت

#### طرحت ما بجيش منه

السؤال اللي طول عمري. ما لاقيتلوشي جواب، هو شغل جوزي. نما واحدة تقولي، وانتي جوزك بيشتغل إيه يا شابة؟ كت أحتار. هلترى أكشف البير وغطاه قدام الغرابوة، يعني أقول لها، سبع صنايع والبخت ضايع سبع صنايع وبنكمل عشانا نوم.

كت باكدب، والكدب بحوره ما لهاش شط تاني. الكدب حباله دايبه. زي حبال المحبة اللي تتقلب جواز، الكداب نساي. كت أقول لواحدة شغلانة. وانسى وأقول ليها بعد كده شغلانه تانية. وأول ما تكعبل ف الكدبة.. اتصرف طوالي. هوه آني ما قلتلكيش.. ما هو جوزي ساب شغلانة

السبوع اللي فات ومسك و إحدة تانية، الناس بتحسد لعميي على عماه، والمكسح على كساحته.

يقولوا: دا جوزك بيلاقى الشغل مستنيه ع السكك. قسم و أرز اق.

اسم جوزي. كل واحد سمعه، يسألني هوه ملاقاش غير لسم ده. دي الأسامي ف بلدنا بلوشي، الأسامي لا عليها

ضرابب و لا جمرك. وكل واحد حر بسمى زى ما هو عاوز.

أروح قايله لهم: هوه فيه حد بيسمى نفسه. أهله همه اللي سموه و هو ذنبه إيه؟

كل ما يمسك جوزي شغل. لزمن ينكرش منه. لـو طول جامد في الشغلانة بيقي شهر . هو شهر وشهير والتالت ما يجيش، كان دايما يقول لي إن دمه حامي وطبعه و اقف،

وانه ما يعرفش شغل المحلسة ومسح الجوخ. والناس بتقول إن ايديه طويلة، وذمته يرمح فيها القطر ما يجبش آخرها. وأنا قلت ف عقل بالي، يا بت يا

ترتر آدي احنا عابشين و هوه في الآخر بيتصرف. بيقي إيه لزمت السؤالات اللي بتخرب البيوت. الناس كت نازلة عليه مألسة ونأورة. والعيال تطلع وترجع دموعها زي مية السواقي. عيال الجيران، بيعايروهم

إن أبوهم شيخ منسر، وانه حرامي، أقول لهم، دول عيال بياكلوا في قتة محلولة. عشان كده. مال لهمش شغلانة غير

بياكلوا في قله محلوله. عسان كده. مان لهمس سعادته عير إنهم يجيبوا في سيرة الناس. جوزي بيشتغل أيها شغلانة. إنما بيحلم، وما فيش حاجة بعيدة على ربنا. إنه يفتح معرض عربيات. يبيع فيه

حاجه بعيده على ربنا. إنه يفتح معرض عربيات. يبيع فيه العربيات الجديدة لنج، اللي لسه طالعة من الفبريكة. واللي كاوتشها لسه كتابة بلاده باينه عليه.. ما تمسحتشي. وأنه حايسمي المعرض: "سيارات ترتر".

أقول، طيب ابتدي بمعرض عربيات شغالة. نص عمر، خرج شغل اللي يبتدي صغير يكبر بعد كده. إنما اللي يبتدي صغير يكبر بعد كده. إنما اللي يبدي كبير ينكن يظغر. يقول لي يا عبيطة. الظغير يفضل ظغنطوط، والسمك الكبير بياكل السمك الظغير بيعمله مزة

ويدوسه ويدهسه. ما فيش حد بيساعد حد. تخاريف، دا لعمى بيحلم بقفة عيون. والجعان بيحلم بسوق الدرة، إنما كت أسمع تناتيش كلام إن جوزي بيتاجر ف جتت الميتين اللي في الترب. اللي ف النواحي التانية من ببتنا.

وانه بيروح قدام البنوك اللي ف نص البلد، وأول ما يلاقي فلاح طالع ومعاه قرشين. يتعرف عليه، يمشي وياه، يسايره ف الكلام، ويعزمه على كباية عصير حاطط فيها

يسايره ف الكلام، ويعزمه على كبايه عصير حاطط فيها دوا، أول ما يشربه الجدع، يروح في النوم أسبوع بحالة. يقوم من النوم، يلاقي نفسه متلقح تحت كوبري.

مقشط. أنضف من الصيني بعد غسيله. قالوا: بينشل الركاب في الأتوبيسات، آهي ماشية، أيام بنشرب عسل وأيام بنشرب خل. ليالي نقف على ضوافرنا. وليالي نسكت عصافير

بطوننا بالضرب. وإن ما سكتشي يبقى بحتف الطوب. كنت أقول له: نفسي تشتغل شغلانة عليها القيمة. تضمن ماهية أول كل شهر، زي ولاد الناس اللي ملو هدومهم. يكشر ويقولى: همه بتوع الحكومة لاقين اللضا. كل

واحد فيهم عامل فردة ف شغله ع الناس اللي محتاجة له. كل واحد بيمد إيده للحرام، عيني عينك، ف عز الضهر، الماهية ما تأكلش نملة. ولا تفطر عيل لسه مفطوم من بز أمه. وكل و لحد ماسك شغلانة غير بتاعت الحكومة بعد الضهر.

جوزی کان کبیر عنی، سنین بینی ویینه، بس عمری ما حسبتها، وعشان الناس خوفتني من اسمه. كت دايما أقول له يا راجلي يا سبعي يا جملي. وف سواعي كت أقول له:

يابا بس دى كت بنتر فزه يروح قايلى: "بو لما يتنفخك".

و فضل ور ايا لما يطلت حكاية بايا ديت. عمرى ما شفت له أهل. وكل ما سأله عن أبوه وأمه

وخواته وخواله وعمامه وخالاته. يقول أول حالته ما تتعدل حانر وح نزور هم، وده عمره ما حصل. عشان حالتنا عمر ها ما انعدلت. همه با دو بك قرشين بيجوم، و بعدين بطير م زى السيرتو . و لا نوبة شفت معاه كيسة فلوس زي كـل النـاس

و عمر ه ما قالي. خدى القرشين دول شبليهم بنفعوا وقت عوزة، حاكم القرش لبيض، ينفع في اليوم لسود، وإحنا كل أيامنا سودا غطيس، ما فيش بوم طلعت له شمس.

أشرب نار عبالي إن كت باكدب. عمري ما عرفت ليه أهل، فتحت عينيه ع الدنيا، وأنا ويا جوزي ده. عشت معاه ف الحرام ولولا انه اتعارك مع الجيران، وهددونا، ما كانشى خدنى وراح على واحد مأذون في انصاص الليالي، عشان بكتب علبَّه.

المأذون هوه اللي أجر لبنا، انتبن عشان بشهدم ع

العقد، رجعنا الحتة القينا الجيران عاملين جرسة وفضيحة، وكاتبين بلاغ للنقطة، إن احنا عايشين ويا بعض من غير

جواز، رجع قلبه أجمد من الحديد، حط صوابعه في عين التخبن منهم. وقال لهم: أعلى ما في خبلكو اركبوه، وأول ما

جاب ورقة الجواز راح وراها اللي يسوي واللي ما يسواشي. إنما اللي أنا عارفاه، زي مانا عارفة نفسي، إن الواد الأولادني، واللي فوق راسه، حبلت بنابيهم وولدتهم، قبل

حكاية كتب الكتاب ديت، و لا انعمل لي فرح و لا ليلة دخلـة ولا صبحية ولا جوزي خد وشي زي ما باسمع أنه بيحصل لكل البنات البنوت.

هوه قال الناس، إننا كنا متجوزين علي سنة الله ورسوله من يوم ما عشنا مع بعض، إنما في ساعة شطان \_

والله ما شطان إلا بني آدم \_ رمي عليَّه يمين الطلاق. وكان لزمن برجعني لعصمته تاني. وكتب الكتاب من أول وجديد. عشت ویا جوزی. وکل ما نقول یا رب قرش، بیجی

بداله كرش. المسعودين فلوسهم بتزيد. والمتعوسين عيالهم هيه اللي بتزيد. ويا ريت الكروش بتيجي زي ما لحنا عاوزين \_ اللي غطى ووطى \_ إن همه بيجوا غصبن عننا.

حاجة كده إحنا مش عاوز بنها. هوه أنا حاكفر واللا إيه با ربي؟ دى الناس بتقول: كل اللي يجيبه ربنا كويس.

دا الإمام في الجامع. كان بيقول كل بوم جمعه، إنه

ما فيش بعد الكفر ذنب. والكفر ده تنهز ليه العواميد اللـــي شابله السماء، وبنهز له العرش الكبير ف السما اللي قاعد عليه ربنا يقسم لرزاق بين الخلق كليهم.

من زمان، وأول ما شفت وشي في المراية، بعد خراط البنات ما خرطني وأنا أقول لزمن بابت. تجبيي بت، تشبل جمالك ده. وحلاوتك اللي الرجالة حابتجننوا عليها. بس

كت عاوزه لاولاني ولد عشان جوزي. وعشان كمان نما بكبر بيقى ابنى و اخويا.

بعد كده كت أقول دايما المثل اللي طلعنا سمعناه من ابهاتنا وأمهانتا. اللي ما اعرفش همه مين، ولا فين أراضيهم الوقتي. المثل كان بيقول "اللي يسعده زمانه يديه الواد ويا البت".

الواد الأولاني فرحت بيه، وقلت أنا اتحرمت من إني يبقى لى أخ. أنا لسه ظغيره وهوه حابيقي لي أخ، وأنا لسه في دم النفاس، سمعت عبد الضار عاوز يسميه على اسمه.

عشان يبقى عبد الضار عبد الضار. مش كفاية من الدست مغر فة.

كت تعبانة. والحس بيطلع منى بالعافية، ومع كده

قلت له حرام عليك. من حلاوة اسمك عاوز تكتره في العيلة. دا الواحد لو ضور في أسامي الناس كلاتهم. ما يلاقيش واحد تانی اسمه زی اسمك.

قاللي عشان اسمى يفضل واحد من العيال شايله. دا احنا خلاص باللا حسن الختام. قلت له: دا انت اسمك لوحده معيرة. عاوز تخلى البكري بتاعتنا يطلع للدنيا وهوَّه شايل معيرته وياه. وكفاية إنه حاييقي ابن واحد اسمه عبد الضار،

دا قلیل إن ما غیرشی اسمه واتبری منك. عشان الناس ما تاكلشي وشه من السؤالات عن لاسم.

أنا كت أحب قوى اسم حسن، ما اعرفش ليه.

وصممت، وقلت حالم هلاهيلي وكراكيبي وأشيل حتة اللحمة الحمرا على ايديه، وامشي م الدار، إن ما سمعشي

التحمه الحمرا على البيه، والمسي م الدار، إن من المعسب كلامي. أهو بلاد الله خلق الله.
قاللي السمعي يا بت الناس، بقى اللي أوله شرط آخره

نور، من دلوقتي وطالع، أسامي الصبيان أنا اللي اسميها. عشان رجاله في بعضينا ونفهم، في سوق الأسامي، ايش دخل النسوان في حاجات الرجالة. وأسامي البنات، انتي

تشاوريني فيها. وأنا برضك اللي اسميهم، دولت شايلين اسمي أنا مش اسمك، دا انتي حياله أمهم، والناس بتنادي الواحد بأبوه مش بامه. لقاني غضبت و زعلت، والناس قالوا له، إن الزعل

في اليومين دولت بعد الولادة، مش كويس، دا يقصف عمر الولية، كز على سنانه وسماه حسن، قاللي إن حسن ده، كان في باله قبل ما أقوله، وعشان كده وافق عليه. إنما هو مش ممشى كلمتى زي مانى فاكره.

كان يقوله، يا واد يا بو علي، إنما آني كت بادلعه زي الناس الغناي، بتوعات العلالي. وأقول له يا سنسن. وكان عبد الضار يتخانق ويايا، ويقول لي، كده حايطلع الواد

بنوته في أيام مش عاوزه غير الرجالة. اللي واكلين كبدة الدياية نبه وشاربين دم الأسود.

وأول ما فطمت الواد. كت عايزه أشيل تاني. عشان البت اللي مستنياها: البت اللي حاتبقى أحلى مني، وحاتحفظ سري، واني بأتوحم عليها، كنت بالف واجيب صورم

سري، والي بالوحم عليها، حدث بالف واجيب صورم الجرانين، آخدهم من البقال والطعمجي وأعلقها ع الحيطان. واقعد ابص ليها، عشان البت تطلع صنيورة. وتبقى حاجة

واقعد الحص ليها، علمان البت تطلع صليوره. وتبعى حاجب زي بتوع السيما. لما كت أشوف بت حلوة في الشارع، أوقفها قدامي وأقعد الص لها لحد أهلها ما بخافه مني، ويخطفوها مين

وأقعد ابص لها لحد أهلها ما يخافو مني، ويخطفوها من قدامي. يفتكروني خطافة بنات. سألت ستات كبار. ازاي يعرفوا اللي في البطن، إن

كان ولد واللابت. قالوا إن الولد وهوه في بطن أمه رفسته تبقى خشنة، وعضامه ناشفة وشيله في البطن تسع تشهر يهد الحيل.

البت تبقى حنينة. تتقلب بدلع وتمد رجليها زي ريش النعام. كل حاجة فيها حلوة زي حتة القشطة. إنما الواد يبقى معصعص. عملت الكلام ده حلقة في وداني. وقعدت مستنية

البت. اشتريت ليها الفساتين، والحلقان والغوايش، والخلاخيل وبنس الشعر الظغنطوطة، وعملت ليها على إيديه مخدة على

وبنس الشعر الظغنطوطة، وعملت ليها على إيديه مخدة على قدها. وحتة ملاية وحتة بطانية. كل حاجة ظغيرة، حاكم أنا أموت في الحاجات الظغيرة خالص.

أموت في الحاجات الظغيرة خالص. بعدما نزلت مني، سمعت الداية بتاعت الحتة بتقول

لعبد الضار: مبروك ولد. كتمت غيظي، دي خلقة ربنا برضك، واللي يقول ليها لأه، تنخطف من وشه، قلت: كل الل يجيبه ربنا كويس.

النوبة دي أنا ما اتكلمتش في حكاية الأسامي، وهوه قعد يومين يفكر حايسميه إيه، وراح مسميه نافع وبقى أخو حسن، بعد ربنا ما نتعني بالسالمة. ما اقدرتش انسى حكاية

حسن، بعد ربنا ما نتعني بالسالمة. ما اقدرتش انسى حكاية البت اللي باحلم بيها.
ما كنتش عايزة حد يقوللي، يا أم حسن، ولا يا أم نافع. كت عايز اهم يسموني أم ستوتة بنوتة. الناس بتقول، إن

الواد بيطلع لأبوه عدل. والبت لأمها طوالي. والبنت اللي كت عايزاها كت مسمياها في عقل بالي من قبل ما تشرف. وكت ونا نايمة أحلم إن الناس تنادي عليه: "يا أم نزاهة" وأرد عليهم طوالي، وكت عايزه أدلعها بنزهة.

عبد الضار من نواحيه كان عايز عيال كتار. كان بيضور على عزوة وعيلة كبيرة، كمان العيال أول ما يقدروا يمشم يشغلهم ويساعدونا ع المعايش.

من هنا لهنا، حبات لتالت نوبة، ولا سألت ولا عمات، وقلت للي حايجيبه ربنا كويس، بس أنا، بيني

عملت، وقلت للي حايجيبه ربنا كويس، بس أنا، بيني وبناتكم، كت عايزاها بت. قبل ناييجي معادي، كبست العساكر بينتا، وخدوا

جوزي، وكت أول نوبة أعرف عيني عينك إنه بيعمل حاجات بطالة، انمسك وسعت ما طلعوا بيه والكلبشات في ايديه. على باب الدار، كت حاأموت ف هدومي الخلايق واقفين ترش الملح ما ينزلش، ما تعرفش الناس دولت جم من

واقفين ترش الملح ما ينزلش، ما تعرفش الناس دولت جم من أيها عب واتلموا من أيها تربه. كل واحد قال الكلمة اللي قدره عليها ربنا، اللي قال دا يسرق دا قتال قتله، واللي قال دا شيخ منسر، واللي قال دا يسرق

كل واحد قال الكلمة اللي قدره عليها ربنا، اللي قال دا دا قتال قتله، واللي قال دا شيخ منسر، واللي قال دا يسرق الكحل م العين، واللي قال دا هجام أتوبيسات، واللي قال دا بيتاجر في البرشام. واللي قاللي عمرك ما حشتوفي له طريق حده. بالله شديله أبه كاته ا بالفله عن الله ساييها وباكم، وأنا

بيناجر في البرسام. والتي فالتي عشرت ما حسودي ما مريق جره. وأنا حرم، والله شديله أبوكاتوا بالفلوس اللي سايبها وياكي. وأنا حلفت آني ما معايا ولا مليم ولحد.

كام يوم وطلع. طلع يوم ما ولدت بالظبط. آني الطلق جانبي من هنا والناس اتلموا عليه. قالوا دي وحدانية مالهاش

بعي من من والمحبوس والواد نزل من بطني واق، واق، واق، واق، وهوه داخل الدار، والناس بتقوله: كفارة يا عبد الضار، السجن للجدعان، الحبس للرجالة، النوبة ديت لا سأل ولا

السجن للجدعان، الحبس للرجاله، النوبه ديت لا سال ولا عمل، أول ما عرف إنه واد راح مسميه يحيى، عشان ربنا نصره على الأنجاس ولاد الكلب اللي كانوا عاوزين يلبسو له

نصره على الأنجاس ولاد الكلب اللي كانوا عاوزين يلبسو له تهمة وهوَّه مظلوم. وبكده، قلت كفاية عليه تلات صبيان، آني مش مكتوب لي أخلف بنات، واحدة غجرية بتشوف البخت

محتوب لي الخلف بنات، واحدة غجريه بنشوف البخت وتضرب الودع في السوق، قالت لي آني مكتوب ليه مع جوزي صبيان على طول. ومش حائجيب بنات إلا نما أغير فرشتي وأبدل عتبتي.

فرشتي وأبدل عتبتي.

سألتها. يعني إيه يا خالتي. قالت يعني تتجوزي
راجل تاني، قلت لها، ربنا ما يكتب عليه ده. ولا يحصل ولا
يكون. ولا نام في حضن راجل تاني. غريب عليه. بقيت

يكون. ولا نام في حضن راجل ناني. عريب عليه. بعيت أحب أبص للبنات الظغيرين. ومن يوميها باحب الحاجات الظغيرة، سمكة ظغيرة. حمار ظغير ماشي ورا امه. جدى

محندق، أي حاجة ظغيرة، ينكن عشان اتحرمت من بت

لسه نازل من بطن امه. معزة لسه ما طلعش ريشها، بيت

ظغيرة تنادي وتقولي: يا نينه، والناس تنادي عليه " أم نزهة

" ينكن آني كث نفسي، يكون اسمي نزاهة لو سميث نفسي.

# اربع تربع

## غزالة: أصله وفصله

يوم ما طب علينا عبد الضار. زي القضا المستعجل. وف إيده غزاله، قلت هو مكفينا عيش حاف من غير غموس. عشان رايح يجيب لي حنك وزور وبطن تانيين. حنك فيه ضبين. كل ضب له صفين سنان يطحنوا الظلط. الواد سعت ما جه، كان لسانه مشقق م العطش،

وريحه حنكه ولا ريحة قبر اسه مدفون فيه ميت جلد على عضم، والوساخة خطوط خطوط على جتته، وهدومه لازقه في جسمه من العرق، بصيت اللواد من فوق لتحت قسته بعينيه، كان لخمة يغرق في شبر ميه. الواد كان قله. له

تحت، بس مالوش فوق، وأنا الراجل اللي يدخل مزاجي ويكيفني لزمن يبقى له تحت، ويبقى له فوق، يبقى فرخ، زي عود السرو، اللي مزروع ف أيام الرخا.

قلت وأنا مالي، هوَّه أنا حاتجوزه، آني خلص، خدت تصيبي من الدنيا، واتمددت في حضن راجل، ما اخترتوش، وتلاقيه لا اختراني ولا غيره تلاقينا طسينا ف

بعضنا في يوم زحمة على شريط سكة حديد، واللا ينكن لطشنى من أهلى.

الشهادة شه، غز الة عمره ما شال عينيه فيَّه، بعد أول

يوم جه عندنا فيه، وبص لي البصة الطويلة الأولانية اللي ما تتهاشي، هوه باين عليه متربي ومتأدب. حاجة كده، لله في

لله. وعمره ما بص لي بصة كده واللاكده. ولا طلع العيبة من بنات شفايفه. عارف إنه ضيف. ضيف مين يا عم. دا بقى صاحب

عارف إنه ضيف. ضيف مين يا عم. دا بقى صاحب غريف والدار مكانتش سايعانه. رحنا جبنا واحد كمان ويانا، آني واحدة، ست وما يفهمشي الراجل غير ست. الواد كت عنيه مني.

كان بيحبني بعنيه. جته وكسه، فيه اللي بيحب بشفافية واللي بيحب بأديه. حب غزالة كان سكيتي. من بعيد لبعيد، عمره ما سمعنى كلمة حلوة وعمره ما مد إيديه عليه.

جایز ما جنلوشی الفرصة، وینکن تحت السواهی دواهی.

کت حاسة إن الواد ده روحه فیَّه. جایز خایف علی القمته و خسیل هدمته و فرشته اللی بینام علیها کل ایلة. یینکن أنا قاعدة. وحاطة ایدی علی خدی مستظراه، إنه یخطی

العتبة هوه لول. آني ما رميتش نواحيه حبل الود ولا وريته حاجة، ولا سمعته كلمة، مش جايز فاكرني متهنية ويا بختي المودي در المنابة بالمودي شدى

المهبب وراضية بيه ومبسوطه وكافية خيري شري. بس نما كان الواد يظغرلي. كنت أحس إن ظغرته بتقول كلام وحكايات. حاجات تفهمها الواحدة من غير ما

بتقول كلام وحكايات. حاجات تفهمها الواحدة من غير ما تتقال. إنما الحكاية عمرها ما زادت عن كام ظغرة وكمام تتهيدة، قلت جايز هوه عاوزني في حلال ربنا، وانه ما

تنهيدة، قلت جايز هوه عاوزني في حلال ربنا، وانه ما يحبش المشي البطال ولا الحرام. كل شيء جايز. دا يبقى انطس في نواضره الأبعد،

مع إن ربنا مديله عينين تندب فيها رصاصه. وهو شايفني مشبوكة في راجل، جايبه منه كوم لحم، لساته قدامه سنين طويله، عبال ما يتربى شايله وساحبه ومحمله.

صعب علي أقول، إن جوزي اتقق مع غزالة، إنه يعيش ويانا، وإنه يدفع لينا أجرة. إنما هوه اتسحلب واتدحلب وقعد ويانا، إزاى. مش عارفه، ويوم ف التبين ف تلاته.

وليله جرت وراها ليلة ولتنين شدوا ليله تالته. وخد عندك. القصد، ده كان أحسن له من عيشته اللي كان عايشها قبل كده، وجوزي بص لقه إن الواد ظغيور وشاطر وصوابعه تتلف في حرير. يقدر يخلى الفسيخ شربات ويحول التر اب دهب ف غمضة عين.

ربكم والحق الواد غزالة، أول ما جابه جوزي، ما كتش هضماه و لا بلعاه و لا مدياله ريق حلو من ناحيتي. كت

حاسة انه واحد غريب، لا هو ه من أهلنا و لا مين لحمنا أو دمنا، دخل بيننا وإنكشف على سرنا، وعينه وقعت ع السرير

اللي بنام عليه. ينكن يتسحب وأنا مش موجودة ويدخل الأودة

بتاعتی، ویشوف قمیص نومی. والکومبولوزون بتاعی، والسنتيان والكلوب ودا عمره ما كان يحصل جوزي قايلي، دى حياله ضيافه، يوم و اللا يومين، الواد ف زنقة و مسيرة

حابمشي آهو قفل على الشهر، وشهر وشهير، والتاني ظغير، وليام بتجري و لا حد حاسس، لغاية ما بقى و احد مننا، و ما عدتش أحس إنه غربب.

هوه كان دايما، يقول عني، اخته الكبيرة، وكان

بيقول إنه اتحرم إنه تكون له أخت تبل ربقه وربنا حقق لــه مناه. أنا كنت باسمع الكلام دا كليته، وأقول في عقل بالي.

والعقل يوز للواحدة، ويوسوس ليها بحاجات وحشة خالص. أقول تلاقي أبوه شيخ منسر، وأمه غزية م النور، وجده قتال قتله، وأخته اللي أكلت دراع حوزها.

قتله، وأخته اللي أكلت دراع جوزها. لحد دلوقتي، مش عارفه، الواد غزالة، نما جانا،

لحد دلوفتي، مش عارفه، الواد غزاله، نما جانا، وعاش ويانا، كت إيده واخده ع البطال. بيسرق جيوب وينط حيطان، واللا جوزي خلى الكلام ده حلقه ف ودانه؟

حيطان، واللا جوزي خلى الكلام ده حلقه ف ودانه؟ حاكم جوزي ف طبعه الخوانة، والغدر سارح ف دمه، البعيد كان غدار، ما كنش يعرف يفكر غير ف الحياة

والملعوب، وملاعيبه ما لهاشي آخر. والملعوب، وملاعيبه ما لهاشي آخر. عمل حاجة، ما كنشي عموما، ما حدش بيخلي حد يعمل حاجة، ما كنشي عاوز يعملها. جوزي قعد يودود في ودانه. والزن ع الودان

عاوز يعملها. جوزي قعد يودود في ودانه. والزن ع الودان أمر من السحر، والواد بيسمع. آهو لقى بيت، وهدمته بتنغسل بايدين واحدة ست، ولقمته بيتي. بعد أكل المحلت

اللي مش و لا بد. وتلاقي بطنه زرعت من أكل الفول والفلافل والكشري صباحه ومساه. غز اله كان من طبعه، إنه يحب يجيب لقمته بعرقة.

عرائه كان من طبعه، إنه يحب يجيب تعمله بعرك. كان يقول إن القرش الحلال بيعمر، ونما الحكاية تنشف يميل

على واحد، يستلف منه، دلوقتي ما حدش بيسلف حد، كل ما يطلب من واحد، يقول له: السلف تلف والرد خسارة.

كره الكلمة دي، ودعا على اللي قالها. حس إن الكلمة ديت نقرها من نقرة. واقفة له. زي العضمة في النزور، ابتداء يمد إيده للحرام، يعمل إيه؟ ما كانشي يقدر

الرور، المداع يعد إيده للعرام، يممن إيد. لما كالمسي يعدر يشق بيشق جيوب، ولا يهجم ع الشقق. ضور الحكايا وقلبها. وفي الوقت ده. جه عندنا،

وجوزي ادبقه واستمله، وهات يا كلام. الشهادة شه، الواد كان معافر وياه. عشان قعدوا ياخدوا ويدوم كام يوم.. إنما عمر ما حد وقع في قرابيز جوزي ونفد منه.

الواد غزاله، كت العربيات لعبته. ما فيش باب أيها عربية، يقدر يقول له لأه. يسرق اللي فيها. راديوهات، مسجلات، شنط، هدوم. طب يوديها فين؟ ويبعها لمين؟ دا

المخبرين والعساكر، وأقلها واحد. يقدر يسحبه قدامه ع الحجز. وأول ما يعرف إنه هربان من الجهادية، تبقى يا داهية دقي هوه معقول يطلع كل يوم بتصريح؟ دا لو كان متجوز ومعاه قسيمة جواز كان عمل مبيت وبقى كل ليله بره.

هوه فين والجواز فين؟ كان سعت ما يهظر يقوللي،

دوري لي على واحدة أكتب عليها.. كده وكده. جواز ع الورق. عشان يطلع نوتة مبيت. وكل واحد يروح لحاله بعد كده. قلت له، ما فيش واحدة تتجوز ف الهوا، وبلوشي كمان.

راح مأجل حكاية فتح العربيات في انصاص الليالي، هوه ما يعرفش اللي يصرتف له البضاعة، ويبيع السريقة من

غير ما تجر عليه البلاوي وده أهم من السرقة. في الوقت ده دخل جوزي ع الخط. عمل فيلم، غزاله

قاله إنه يقدر يسرق الكحل من إزاز العربيات، بس مين يبيع له. راح جوزي مفتوح فيه طوالي: ومخبي عليَّه كل المدة ديت، روح يا شيخ منك شه.

ديت، روح يا شيخ منك شه. جوزي قعد يزن على ودانه زي الدبور. يقول له هات وأنا أصرَّف لك البضاعة، وقال إنه بيعرف بياعين حاجات من دى. في العنبة. يفكوا الراديو ميت حته، ويبيعوا

كل حتة لوحديها. أنا قلتله. جوزي بتاع كلام وبس. يخلي لك لبحر طحينة، إنما إيدك منه والأرض. يعني معار، أبو لمعة، واللي يتعشم في كلامه، يبقى زي عشم إبليس في الجنة.

منه لله جوزي، عمره ما عرف يعمل أيها حاجة،

وطول عمره يلبد في الجحر زي الثعبان، ويخلبي غيره يعرض نفسه للبلاوي، وهوه بيتفرج، إن جت سليمة. يقول لك نصيبي. وإن وقعت الفاس في الراس، يسرخ طوالي:

وأنا مالي، ويطلع نفسه زي الشعرة من العجين، شطان متصور في صورة بني آدم. والله باين الناس كلها شياطين حمر، والملابكة سابوا الدنيا وراحوا دنيا تانية، ينكن ما

لهاش وجود حو البنا.

أول ما قلت لجوزي، وحاتروح من ربنا فين. حرام عليك سبب الواد ف حاله، شخط فيَّه، حرمت عليكي عبشتك،

من بوميها بقى باخد الوادع الغرزة، وباخدوا سهرتهم هناك يرجعوا وش الفجرية ع النوم. قلت يا بت انتي مالك. ابعدي عن الشر وغني له.

القرش جرى في إيد جوزي، وهـوه لا شـغلة ولا مشغلة، صايع زي ما هوه قلت يبقى شغل الواد في الكار، اللي شغال فيه، كل اللي ساكنين هنا..

الواد كان لقطه. ما فيش حد من البوليس عارفه.

الفيش والتشبيه بتوعه نضاف، مالوشي أيها ورق في نقطة

البوليس، وبتوع المباحث ما يعرفولوش طريق جرة. والـواد ميري، معاه عدة شغل معتبرة. اللبس العسـكري، أول مـا

يلبسه، عسكري الدورية يضرب له تعظيم سلام، أول يوم جه جوزي قال: يا سلام لو ركبت عليه ضبورتين عيرة. ولا الحكمدار نفسه، يقدر يشيل عينيه فيك.

جوري عن. ي سادم مو رحب عليه صحبورتين عيره. و الحكمدار نفسه، يقدر يشيل عينيه فيك.

الواد غزاله، أهله كانوا فلاحين، هوه اللي قال لينا كده، من عب بعيد خالص. مش الاقيين اللضا، و زي ما تقول

إنه هربان منهم، وعمره ما سافر ليهم، حسدته. قلت طيب، يبقى لي أهل ف آخر الدنيا. وأنا ما يرتاح لي بال، إلا نما أروح لهم. وما ارجعش من عندهم أبدا. جاته ستين نيله دول الأهل ستر و غطا للواحد مننا.

كترت المونة علينا. بس أنا كت آكل ينزل الأكل جوايا زي السكاكين، تقطع في جوفي. أكل حرام، بدل مطرح ما يسري يمري، كان مكان ميسري يهري، يدخل زي السم تمام. يعمل إيه في البدن؟ تقولش بنشرب زرنيخ، اللي الناس بتموت بيه؟

سي المسامل بمعود بيا . قلت ف عقل بالي، أكلم مع الواد غزاله. أحوشه عن سكة الحرام والبطال، دى فيها تأبيدة، ويبقى مالوش مستقبل، طب جوزي ووشه بيقول إنه رد سجون، الدنيا إداته الطريحة اللي هيه، إنما يا نضرى الواد ده ذنبه إيه، قبل ما يشطح

حاينطح، وآخرة النطح السجن، مهما طولت الحكاية، وجابت فلوس، دا جدودنا قالوا: امشي عدل يحتار عدوك فيك. هـوه

فيه أحسن من العدل؟ أنا جيت إيه؟ جيت أكلمه عشان مصلحته.. قلت مرة

كده استفرد بيه فيها. وابقى عملت اللي عليّه. وريَّدت ضميري اللي كان بينقح عليَّه. بدل ما يروح في الرجلين. ربك والحق آني خفت. خفت ليه ومن إيه؟ أول هام أنا كت

ربك والحق التي تحف بحف ليد ولل إيد الون لعام الم الم الم الد عن واخدة جنب عن الواد غز اله. عشان هوه كت عينيه مني. من يوم ما قعد عندنا، وأنا العصفورة، بتقولي، يا بت يا ترتر، دا منظر منك. عينيه عليكي.

يوم ما فعد عندا، وإن العصفورة، بنفوني، يا بن يا ترتر، دا منظر منك. عينيه عليكي. أنا كت فرحانه بعينيه اللي عمرها ما انشالت من

دا أنا على ذمة راجل. بيعارك دبان وشه، ومخلفه منه كوم لحم، وباين عليه، كاتبه ورقة مع الفقر، وحايفضل معايا لحد آخر يوم ف عمرى اللي كله لضا.

عليَّ. في الرايحة والجاية، إنما كت بأقول لنفسى. وآخرتها؟

ويعني إيه، لو مشيت ويا الواد غزالة، المشوار لحد

خره، مش حاينبوني غير آني أبقى زي الغراب اللي زعــق على خراب عشه، قلت برضك أكلمه، ومطرح مــا ترســـى دقلها كت خارفة.

دفعها من حابيه. تاني هام، ليروح يقول لجوزي، وتبقى يا داهية دقي.. سر الواد مش ويايا، سره مع جوزي، والوشوشة مع

دفي.. سر الواد مش ويايا، سره مع جوزي، والوشوشه مع جوزي، وهوه مدي ودانه لجوزي لما كت باتمدد ف الليل. جنب جوزي، وغزالة ينام جنب العيال ف الفسحة. وأول ما

جنب جوزي، وغزالة ينام جنب العيال ف الفسحة. وأول ما ييجي النوم، كت باحلم. كت أشوف نفسي هربت وياه. ويا غزالة.. بلاد الله. خلق الله.. وآخره المتمة كتب عليّ. بس ما عشناشي في التبات والنبات، وخلفنا صبيان وبنات.

كت باعيط طوالي عشان عيالي، ضناي اللي سبتهم مع جوزي. مش عارفه ليه ما خدتهومشي معايا. الحجة التانية اللي كت بتموتني في جلدي. إني بقيت على ذمة

الدائية اللي كل بنموندي في جددي. إلى بعيب عسى دمسة راجلين نوبة واحدة. بقيت أشوف نفسي والكلابشات الحديد في إيديه، وأنا لابسه أبيض ف أبيض، ورايحة سجن النسا، وإيشى عسكرى قدامي، وعسكرى ورايا، يعنى تشريفة واللا

زفه. وبكده أكون ضبيعت اللي ورايا واللي قدامي ف شربة مية.

ربها. عمر ما حد، حايسدقني نما أقول، إن جوزي عمره ما باسني، دايما كشر، وبوزه طوله شبرين. كان يرجع البيت

دايما في انصاص الليالي. يزغدني ف جنبي، أو يرفسني برجله، يصحيني مفزوعة من أحلها نومة. أكون نايمة على جنبي الشمال، بعدلني، يخليني أنام

على ظهري يروح شايل قميص النوم. يرفع نصه التحتاني، يغطي بيه نصي الفوقاني. مع إني حلوه كلي على بعضي.

يغطي بيه نصي الفوفاني. مع إني حلوه كلي على بعضي. إنما هوه كان بيقول إن نصي التحتاني هو اللي يهوس وبس. وأنا نص نايمة، ونص صاحيه، يروح عامل اللي

هوه عاوزه. نوبة لقاني نايمة بالكلوت. راح نازل من فوقي، وطلع على وسط الدار، ورجع ومعاه عصاية، نقرش بيها جتني حتة حتة، خطوط الضرب كت باينة خط خط. زي كراريس العيال بتاعت المدارس.

قال وهوه بيضربني، الست اللي تنام لابسه اللباس مع جوزها، تبقى مش عايزاه. واللي ما تعوزشي راجلها تبقى عندها وارد من بره البيت. ودي ملهاش غير العصاية،

تبقى عندها وارد من بره البيت. ودي ملهاش غير العصاية، لحد ما تتوب. من يوم ما كلت العلقة السخنة ديث. وأنا أول ما

أحس إن جايلي نوم في السكة. أروح قالعة الكلوت، ومعلقاه على حبل الهدوم كمان. عشان يشوفه بعينه أول ما يدخل عليه. عليه. بعد حكاية الكلوت دبت. بقى أول ما يدخل بعبط فيه،

بعد حكاية الكلوت ديت. بقى اول ما يدخل يعبط فيه، زي ما يكون كلب نايم ع التل ما يكون كلب نايم ع التل طوار، داست جنبيه رجل ماشيه وينكن الرجل دي داست على شعراية من شنبه. فراح هابب فيها من غير إحم

ولا دستور. عبد الضار كت سناته صفرا، ومسوسة. كأنه دكـان مليان دخان ومقفول عليه ونفسـه مكـروش، زي مجـرور

الكنيف. أول ما يشيلوا الغطا من فوق وشه. عشان ينزحوه. أول ما أصحى، يطلع على جنتي البلا. تقولشي عفريت راكيه ومدلدل رجليه. وبيقول له شي يا حمار. ياخد جوزی مزاجه، ویتکرع ویتاوب وجایز یعمل حاجات أوحش من كده.

إنما الواد غزالة، كان حاجة ثانية، وبعدما قعد وبانا. بقى آخر قيافة. الزاكتة لسه منشاله من عليها مكوة الرجل

البلدي. اللي تخلي القماش ولا ورق الدفاتر. ينكتب عليها. ودي عشان يتفسح بيها مع عبد الضار بعد الضهر. وف جبب الزاكتة اللي على سدره، مندبل بتهف منه

اللو انضة، تقولشي كان مبيتة في إزازة ربحة من العشا لحد الصبحبة، قعدت غز الة كت تلذ الواحدة، كلامه مسبسب مش مهرجل. أقعد، ما ابقاشي عاوزه أقوم من فريحة، وف البيت الجلابية العربي، باقتها وعراويها مشخولة دايرن داير

بالحرير اللصفر المطلى بمية الدهب. ابتدیت احتار و أنضار و أقول یا حیرتی بین انتین

رجاله، اللي مكتوبين لي ف دفتري. نما كان الواد غز الة بنده عليه. كت أحس إنه بيمشى اسمى علشان يحلى بيه بقه. إنما جوزی کت الشیاطین بتتعار ک علی وشیه، زعلیه علی طراطيف مناخيره. دول اللي قالوا ضل راجل ولا ضل

حيطة. كانوا و لا عار فين حاجة. أهو الراجل، كان جنبي،

إنما لا فيه ضل ولا غيره. نقحة الشمس، وطل الليل بهدلوا عمرى كليته.

بصينا لقينا نفسنا بنهظر مع بعضنا، هوه يطرطش الميه عليه. وأنا طسيته ف وشه بشوية ميه، لقيت وشه

اتعكر، وقفت خايفة، قاللي: أصل رش لمية عداوة. ابتدا ياخد على. قالى: اللي يشوفك. ما يصدقش إن

بطنك شالت وحبلت وخلفت كذا بطن. وان سدرك رضعت منه عبالك لحد ما انفطموا. سدرك مر فوع لفوق وكأنك بت بنوت، لسه خراط البنات خارطها انبارح بس أنا كنت بافرح

من معاكسة الواد غزالة. كنت فاكره إن جوزى، حاتاخده الجلالة، و دمه مـش،

حايطيق ويقوم يرقع وشه بقلمين، ينقرش له بيهم سداغه، واللا يروح قالع المركوب اللي ف رجليه. وهات يا ضرب بيه، وفين يوجعك. أو ينتف له شعر راسه المسبسب، اللي بيتعايق بيه ع البنات، وبعدين يهفه بوكس ف مناخير ه وبديله

شلوت في محاشمه. أتاريه نخ وجاب ورا، وسكت وطاطا رأسه.

وساعتها عرفت إن الود غزالة بقى عكاز جوزي، الله

بيتسند عليه، أنا كنت مستريحة لمعاكسة الواد غز الة ليه. بس والله ماني عارفة ليه. إنما الولحدة منينا تحب إنه يكون فيه

راجل بيحاجي عليها. ويتعارك ويسيح الدم عشانها. دى حاجة تلذ الواحدة وتسعدها. إنما يا حسرة دا ما

حصلشي من جوزي. وابتدا يحصل من واحد ما هواشي

جوزي. حيا الله غريب قاعد حدانا.

هوه أنا كنت عار فه. إن الواد ده. حابيقي البريمو

بتاعنا. الكومي اللي حايقش الورق اللي ع الطرابيزة كليت، ويوصل للفورة واحنا لسانتا بنتكعبل ف أول السكة. إنما باين

كده والله أعلم إن كلينا حانتكعبل.

#### خمسة وخميسة

#### ايش يعمل الترقيع في التوب الدايب؟!

كنا خمسة عايشين. كافيين خيرنا شرنا. بقينا ست نفار. انقلبت حالتنا. النوم تخاطيف، واللقمة ما بقتشي مكفية، دا فيه حنك زيادة بقى ويانا.

أول ما لاقي نفسي لوحدي. كت ادعي ربنا. زي ما سمعت من أمي. وقبل ما ادعي زيها كت أفتكرها. داني لو شفتها في الشارع ما اعرفهاشي.

حاجة كده طشاش ف عقل بالي.

إنما كت متأكده آني لزمن يكون ليه أم. زي كل مخاليق ربنا. أمال يعني اتولدت شطاني. طلعت كده من نفسي. كت أعزي روحي وأقول مسير الحي يتلاقى. واللا يا هلترى هيه ماتت علشان ادعي لها بالرحمة من عند ربنا.

كت أقول، يا من أمره بين الكاف والنون. خلي حالتنا تبقى أحسن. جوزي يلاقي له شغلانة حلال، زي كل الناس اللي بتشتغل، وتقبض الماهية أول كل شهر. يصرفوا منها على طلباتهم طول الشهر، لحد ما يهل شهر تاني.

أبص حواليه، ألاقي كل واحد، بيجيب رزقه حلاله من عند ربنا. كت بادعي للواد غزاله. إنه يفارقنا

بالمعروف. قبل ما يهد علينا بيتنا. ويضور على نفسه ويشوف حاله. ويجوز ويتلم على واحدة ويفتح لنفسه بيت،

ويشوف حاله. ويجوز ويتلم على واحدة ويفتح لنفسه بيت، زي كل مخاليق ربنا.
كت أدعي لعيالي، قبل كل هام. إن ظروف حياتهم

كت أدعي لعيالي، قبل كل هام. إن ظروف حياتهم ما تبقاش صعيبة زينا. وانهم يعرفم يعيشم. أدعي ليهم بالعلام والشهادة والوظيفة الميري اللي هيه. زي ولاد الناس، اللي

والشهادة والوظيفة الميري اللي هيه. زي ولاد الناس، اللي عايشين ف مدينة ناصر، اللي بنشوفهم وهمه معديين بالعربيات نازليت سعت الصبحية، رايحين البلد. ونلاقيهم ف

حصة الضهرية والعصاري راجعين م الشغل لبيوتهم، وكل واحد حاطط في العربية بتاعته وشايل ومحمل كل الحاجات والمحتاجات اللي بنسمع عنها، وعمرنا ما شفناها ولا أكلناها.

احنا خلاص. راحت علينا، يعني حناخد زمنا وزمن غيرنا، إيه الطمع ده؟ ما هو الطمع أقل ما جمع والبني آدم، ما يملاش عينه غير التراب، كفاية اللي انكتب لينا. إنما العيال دولت زنبهم إيه، همه يعني كانوا عملوا إيه ف دنيتهم.

أني كت حافضة من صغر سني، إن بيت النتاش ما

يعلاش. مهما بني وعلا. ما دامت مش بالحلال، يبقى كله بنهدم قبل ما ببنيه.

سواعي العيال كانوا يسمعوني وأنا بادعي. يقولوا لى، هوه انتى بتحدثي روحك، تبقى حاتروجي السراية الصفرا، أقول لهم اسكتوم، أنا بادعي أبو خيمة زرقا. يروحم

سألين عن الخيمة وصاحبها، أشاور للسما العليا. أقول لبهم أنا كده سمعتها من أمي. ما هي من الناس اللي كانوا عارفين

ر بنا بصحيح. أهو دا بقى حالى، طول النهار بادعى ربنا. وفي

الليل. أول عيني ما تغمض تيجي المنامات، حلم ور ا التاني. قابلت راجل كبير، النور حايبك من حواليه، ما كانشى باين من الضي. قلت له زي ما باسمع:

 اظهر وبان عليك الأمان. سرخت بعلو الصوت:

 انس و اللا جن. قالي، انتي مش عارفاني يا بت يا ترتر. أنا أبوكم،،

كبش بإيديه من حو اليه. حلقان مخرطه، دهب و ألماظ و ياقوت

وجواهر، حاجات زي اللي بنشوفها ف السيما، قلت ف

خطري: آهي زينه وتحويشه، ورحت لابساها طوالي. الشعر مسبسب وأنا لابسه أبيض ف أبيض، زي

الملايكة اللي ف السما وقدامي يمام بني وحمام أبيض، كل وليف يناغي وليفه، وغز التي رايقة. وسدري فيه مية المحاياه، اللي ياخد رضعه واحدة منها، تتكتب له الحياة

المحاياه، اللي ياخد رضعه واحدة منها، تتكتب له الحياة طوالي. ما يهوبش الموت نواحيه طول عمره. وما تقدرش تعد السنين اللي حابعشها بعد كده.

علم يا بت يا ترتر، كت خايفة لكون باحلم، وأول ما قرصت نفسي، صحيت من أحلاها نومة، وألذ حلم شفته ف حياتي. قلت دا أنا، بعد الحلم اللي فات ده. حابقي ياما هنا،

ياما هناك. زي نسوان الحواديت. حلوة تقول للقمر قوم، وأنا أقعد مطرحك، حاجة كده زي نسوان التصاوير اللي بيعلقوها ع الحيطان، يعني بالمفتشر كده الواحدة الحلوة تتوحم عليها عشان تجبب بت على كسمها.

جريت ع المرايه، لقيت نفسي زي سعت ما نمت ما فيش ولا حاجة زادت عليه، تعبت على بال ما نمت من

تاني. ولقيت نفسي ماسكة مقشة في المنام. أكنس في دارنا ناحية اليمين، تطلع فلوس ووياها فضية كيمان، كيمان. أكنس

ع الشمال، يطلع دهب، حاجة قد الجبل العالي اللي ورا الحتة بتاعتنا.

انطربت وأنا لسه ف الحلم، قلت ألاقي فين طاسة الخضة بس يا ناس، شفت نفسي في بيتنا سعت العصرية، إنما كان حاجة ولا سرايات البهوات وع الترسينة قله وإبريق فخار والريق فخار والريق نحاس بعضوى، القلة نزلت ف بير ف وسط

فخار وإبريق نحاس بيضوي، القلة نزلت ف بير ف وسط الدار، وطلعت مليانة شهد لحد البزبوز، على وشه قشطة عايمة، والشهد من اللي يشفي العليل، من علته ف غمضة عين.

ولبريق الفخار فيه عسل من بتاع الجنة، ولبريق

النحاس مليان ميه من بير زمزم تبل روح العطشان، القلة قالت لي، أنا طالعة الجنة، اللي ف السماء السابعة، يدوبك مسافة السكة، وأكون هنا تاني.

مساعة السند، والمول هذا ثاني. وللمريق النحاس اللي بيضوي. قالي. أنا رايح لغايـــة بير زمزم. ولبريق الفخار قال لى أنا نـــازل يـــدوبك لحـــد

الأرض السابعة. تحت أرضنا.. اللي عاش فيها أبونا آدم وأمنا حوا.

قلت لنفسي، يا منت كريم يا رب، دنا كت لساتي بادعي قبل ما نام طوالي. ينكن أبواب السما كت مفندقة سعت الدعا. وعثمان كده طلع الدعا طوالي على هناك،

سعت الدعا. وعشان كده طلع الدعا طوالي على هناك، واستجابت السما لدعايا. عشان أنا دعيت ف سعت إجابة.

جريت على طول وراهم. لقيت القلة لسه ماشية على قدها. قلت لها خوديني وياكي. مطرح ما انتي رايحة يا قلتي يا حلوة، ياللي حاتجيبي وياكي السعد والهنا. واحنا رايحين

يا حلوة، ياللي حاتجيبي وياكي السعد والهنا. واحنا رايحين الجنة أنا كت متعكرة، عشان نسيت أجيب العيال ويايا، وحتى كت سبتهم هناك، أبقى ضمنت ليهم الجنة. فكرت أرجع أنا والقلة من تاني، عشان أجبب العيال،

فكرت ارجع انا والقلة من تاني، عشان اجيب العيال، قلت للقلة ترجع معايا، عشان أجيب ضنايا، والضنى غالي. القلة قالت لي، هيه ما تعرفشي تمشي إلا لقدامها. عمرها ما رجعت لورا. والنوية الجاية ناخدهم ويانا.

رجعت نورا. والنوب الجايد الخدام ويال. و والنبي القلة واخداني على قد عقلي. دي الجنة يا ناس، والواحد يروح لغاية عندها نوبة واحدة، بقى دا معقول الكلام ده.

مشيت وياها، دا اللي يطعم ضنايا بلحة، تتزل

حلاوتها في بطني، أول ما طلعنا من حتنتا، بصينا لقينا انتين، القلة قالت لي، واحد منهم الحق والتاني الزور. سألت هوه معقول الحق يمشي مع الزور؟

هوه معقول الحق يمشي مع الزور؟ القلة انجعصت واتشرطت عليَّه، من دلوقتي لحد ما نرجع م الجنة، اوعى تسألى. أي سؤال. خلى سؤالاتك

نرجع م الجنه، اوعي تسالي. اي ســؤال. خلــي ســؤالاتك جواكي. كان الزور والحق ماشين عاوزين يوصلم للنــاس، والزور تعب م المشي ما هو زور بقى، لزمن يتعب. إنما الحق ماشي ف سكته زي الحديد، دو غرى، قلت

ما هو عشان هوه الحق. لزمن يعرف سكته غميضي، الزور وقف وطلب من الحق إنه يركب فوق ضهره. راح الحق موطى لهم.

وقف وطلب من الحق إلى يركب قوق لصنهره. راح الحقق موطي له. عشان يعمله ركوبه، وراحوا ماشيين بصيت لهم. لقيت الزور راكب ومجعوص، إنما الحق هوه اللي ماشي. نما صحيت من النوم، زعلت أول ما افتكرت إن

إيدي كان فيها مقشة، وكت باكنس الدار، مرة اكنس شـمال، ونوبة اكنس يمين. كل النساوين بيقولم، إن الكنس في المنام شر. معناته الخراب يا ساتر استر يا رب.

قلت لنفسى أنا ادخل الكنيف. وأفسر المنام جواه.

يقوم ببطل مفعوله، وما يحصلش الشر اللي جاي من وراه. دخلت الكابنيه. وبدال ما اعمل زي الناس، فسرت المنام، وبطلته عشان أحمى ولادى وجوزى من شره.

أحسن حاجة ليه من الوقتى، إن الواحدة تتام وهيه صاحبه، يعنى أنام وعينيه مفتحة. أحسن من منامات النكد

دیت.

اعمل إيه ف بختى المابل؟ دانا با ناس عابز ه أعبش

قبل ما أعجز. قبل الواحدة ما يبقى وشها زى الغربال. كله خطوط. وجلد بطنها مرخرخ ورجليها محنية، عاملة زي سكة التعبان، كلها لولوة وعينها من غير رموش، وفي وسط

راسها حتة صلعة، باينة زي الرجالة تمام.

هيه الواحدة مننا يا حبة عيني. مهما عملت لـز من تلاقى الأواخر، واقفة لبها في آخر كل سكة زي العمل الردى.

#### ست الستات

### اللي سترها في الأول يسترها لحد الآخر

اشتغلوا مع بعضيهم، اشتغلوا إيه؟ والله ما نا عارفه. لا سؤال سألت، ولا جواب جاوبوني. في حكاية الفلوس..

جوزي ما يحبش يكلم خالص يقول أيه، داري على شمعتك تقيد، لو سبتيها للرايح والجاي، هبو الناس يته مطفيها.

الجاي على قد الرايح. جابوا كتير، جابوا قليل، والله ما اعرف، راح يامه، راح شويه، إن كت انت البعيد عرفت، أكون أنا القريبة عرفت برضك آني كت عاملة زي لطرش ف الذفة.

كنت باقول دايما، الله جاب، الله خد، الله عليه العوض، كت بضحك على نفسي. دي لو كت السكة عدلة، كنا عرفناها. واللي بيجي من عند ربنا لزمن يكون حال. إنما اللي بيجي بلاش لا بد يروح بلاش.

جوزي كان بيقول ع الحاجات ديت إنها يدوبك تسليك زور. حاجة تفتح النفس لغاية الضربة اللي هيه. حاتهل الفلوس اللي مش حاتقدر نعدها. فلوس زي رمل

الصحرا اللي جنبينا، حد قدر يعدها؟ وإن كان الكلام ف

الليل، يتطلع للسما ويقول: مين يقدر يعد النجوم؟ أقــول و لا حد، يقول لي: أهي الفلوس اللي حاتيجينا. تبقى كده. قلت اتلم المتعوس على خايب الرجا.

المتعوس على خايب الرجا. كانوا يروحوا مع بعض، ويرجعوا مع بعض، وعبد

الضار قال للناس ف الحتة، إن غزالة قريبي، وأنه راضع عليه، أخويا بس من بعيد، هوه عمل كده، عشان الناس ما

تاكلشي وشه بالكلام. بقى يقول الحكاية ديت لحد أنا ما قربت أصدقها،

بعى يعون الحداية ديت لحد الله عز الله نوبة، بيني علام عزالة نوبة، بيني على عزالة نوبة، بيني وبينه، على حكاية القرابة ديت، قاللي: هو حد يسدق جوزك

وبينه، على حكاية القرابة ديث، قاللي: هو حد يسدق جورك يا ست ترتر، قاللي: إنه ما يحلمشي يكون من قرايبي، إنما الكدب مالوش رجلين.

في ليلة، من ذات الليالي، رجع جوزي لوحديه. مـــا كانش شادد وراه الواد غزاله. خفت أسأله عليه، عقله يروح حتة كده و اللاكده، حاكم دا جوزي، و انبي عارفاه. هوه اللي قال ليه، إن غزالة عنده نبطشيه في العسكرية، وحايرجع وش الفجرية، وخلي باب السكة

موارب، أول ما بيجي يدفعه يا دوبك، يروح مفتوح. قلت له: دا الباب المقفول يرد الرجل المستعجلة،

والدار اللي من غير باب تعلم السرقة.
هز كتافه. وقال: هوه إحنا عندنا حاجة تنسرق يا

عبيطة، طيب تيجي الحرامية وأنا أربطهم هنا في الدار، أقلعهم هدومهم، وآخد منهم اللي همه سارقينه، ويبقم جم يسرقوني. طلعتهم بلابيص، مش الناس بتقول تيجي تصيده بصيدك.

يصيدك. الفاركان بيلعب ف عب جوزي، ولفكركان بحور، موجه تاخده لآخر الدنيا، وموجة ترجعه لحد عندنا، ما

ت بىتى مورد ئىب بىتىرى ويىتىن بوتىي . قات لە:

> طلعت مني غصب عني. قال ليه:

\_ غز الة ما يعر فش يكدب.

\_ مانا عارف يا معدولة. دا أبيض لسه. إنما

هوه الواد غزالة، ربك والحق، كت له نبطشبات إنما كان بيزوغ منها، وكان بيدفع فلوس لعساكر فلاحين،

الاحتباط و اجب.

مقطوعين من صجرة، بمسكوا النبطشية بداله. ومن بوم ما قعد معانا. عمر ه ما بيت ليله بر ه الدار . حاجة تو غوش.

كت عاوزه أسأله، تفتكر الواد حاياخد ف وشه ويقول عدولي. يمشي ف سكة اللي يروح ما يرجعشي، سكة

الندامة، بلعت سؤالي جوايا. لو سمعه جوزي مني. تبقي يا داهية سودا. عمري ما حاخلص منه. إنما هوه معقوله إنه بمشى بلاد تشيله وبلاد تحطه، من غير ما يقولي. أني

ماشى.

دى حاجات تنحس من غير كلام، والواد حاسس بيه وانى حاسة بيه، سكيتى، من غير ولا كلمة انقالت، إن كت منه واللا مني، والإحساس الحلودا، كان من ورا ضهر جوزي. اللي ما كانش و اخد باله، غير من القرش. جه منين

وراح فين. وكان ضاحك ع الواد غزالة، ويقول له إنه

بيحوش له نصيبه، عشان يبقى له قرش معاه يكون بيه نفسه ويفتح بيت. وتبقى له شغلانة.

أنا كت عارفه إن ده عشم إبليس ف الجنة. إنما آدي السماء وآدي الأرض. هوه عمر حد خد ملين أحمر من جوزى قبل كده، دا ياكل مال النبي، ولا يتهزله رمش.

جوري فين حده، در يدن هان النبي، ولا ينهرك رهس.

سعت ما كان، المكرفون اللي فوق الزاوية، بيوكبر،
عشن الناس تقول تصلي الفجر حاضر، والوكبره ديت، كت

تفزعنا وتطلعنا من أحلاها نومة، جوزي عمره ما صلى، لا الفجر ولا غيره، إنما لزمن عينيه تقتح على خروشه المكروفون، وهمه لسه بيجربوه قبل الوكبرة والأدان.

كل الناس في الحتة، كت تصحى من أحلاها نومة. إنما مين يقدر يقول البغل في لبريق. اللي بيروحم الجامع معروفين، والزيطة والزمبليطة ديت ما كنلهاش أيتها لزمة.

إنما اللي ينطق يا ويله وسواد ليله م الجنازير والمطاوي والسنج اللي ويا العيال أمهات دقون، اللي ماليين البلد اليومين دولت. واللي بيقولوم عليهم السنية.

لو أيها حد اتكلم، كت العيال، أمهات جلاليب بيضا بقطعوه حتت و لا حد يعرف له طريقه جره، ومن شاف القتيل عيني عينيك، لو فتح حنكه، وقال ع اللي حصل، يحصنَّل المقتول تاني يوم.

كل ليله، اصحى ف الوقت ده، إن كت محوشة ميه أفكها، واصحى العيال عشان يصبَّر م، بدل ما يعملوها على الفرشة، وأنا أغسل وانشر، والهدوم بتدوب من كتر الغسيل،

وإرجع أنام من تاني لحد الصبحية وأفضل طول النهار، شواكيش بتدق ف عضمي، عضم راسي وعضم جتتي من

تحت ر اس صحبان سعت الفجرية. أول ما طلبت ع الفسحة، لقبت مكان غز اله، زي ما

هو، فرشته تقولشي لسه مفروشه دلوقتي. قلت بيقي ما رجعشى وإحنا نعسانين. تلاقيه فين؟ تلاقيه اتلم على مرة كده واللا كده. ضحكت عليه. يا حية عيني. دا لسه ما دخلشي دنیا، وما شمش ریحة قمیص نوم نتایة ولا شافشی کلوت

و احدة ست.

حاكم إنى عارفه العيال دولت، والواحد منهم يرمح ورا فستان بت متعلق ع الشماعة وشابله وماشي بيه صبيي مكوجي، أي حاجة من ريحة الحريم، تخلي برج من عقله يطير، ربك و الحق، النار شعللت جوايه. الله هو أنا حاأغير عليه و اللا إيه؟ أمال لو مكتش على ذمة راجل، كت عملت إبه؟

شوبة وراح داخل عليه. وأنا واقفة ف وقفتي ديت، عليه طل الليل، وتعب السهر، كت ف إيديه اليمين شنطه

تخطف العين طوالي، أول ما تبص لها، ما تقدرشي ترجع عينيك تاني، وف إيده الشمال الهباب الله بيلبسوه. عدة

الشغل يعني. عشان صوابعهم ما تعلمشي في أيها حتة يحطوا أبديهم عليها.

أني عار فاه، لما كت باغسله ويا الغسيل. وكت

عار افه وساكته. بيقى الواد اشتغل لوحديه، خدله جنب، هوه جوزي بتعاشر . دانا حاأروح الجنة حتف عشان مستحملاه وشايله بلاويه كل السنين ديت.

بصبت له، بس ما كتش شايفه غير الشنطة، تقولشي الواد اشتغل دكتور واحنا ما نعرفش، يكونشي من بتوع

المباحث. جاى هنا، مستخبى ورا حكاية عايز بوصل لقر ارها، ويجيب التابهة فيها. والله كل حاجة جايزة البومين دو لت. رمى عليه الصباح. وأنا رديت عليه، وحط الشنطة

وقعد. الكلام أخد وعطا. جرجرت الحديث وياه، اللي جوه

الكالم الحد وعطا. جرجرت الحديث وياه، اللي جوه تلاقيه صاحي وعامل نايم. وهوه حتى نما ينام، يمكر، يقوم يقفل عين، ويفتح العين التانية. تقولشي شيخ منسر، والله

يقفل عين، ويقلح العين النادية. تقولسي سيح مسر، والسر أدهم الشرقاوي ف زمانه. أنا مش كدابه، نما أقول. إن ديت أول نوبة يكلم فيها

ويايا، واحنا لوحدينا، ظغر للشنطة المرزوعــة ع الأرض. وقال لمي: ــرزق بعته سيدك.

رق بعته سيدك. وابتدى يحكي اللي حصل.

هوه كان كنجي ف النبطشية. حاكم النبطشيات ف الجيش تلات تنواع: لولاني: برنجي، والتاني: كنجي، والتالت: شنجي، وهمه. نما يلموا دا على دا، تبقى: بكش.

جابين من ورا الجاموسة، اتفقوا مع بعضيهم وغلوا الأجرة. ضربوها في أربعة. وهو ما معهوش فلوس وخاف يطلب قرشين من عمه عبد الضار، يقوم يحرن ويفض الشركة اللي

مسك النبطشية عشان العيال ولاد القراو انات اللي

بناتهم والشركة زي اللبن الحليب أقلها حاجة تعكرها وأول ما تتعكر . عمر ها ما ترجع زي ما كانت تاني أبدًا.

طلع م المعسكر، وهو أنضف م الصيني بعد غسيله، والوقت ما فيهوش أتوبيسات. كان لزمن يستني ساعتين عشان يركب أول أتوبيس، وأول أتوبيس ولا الله لابس

طاقية لخفا ذات نفسه، يقدر بزوغ م الكمساري التزويع دا ف الزحمة ويس. وإن زوغ من الكمساري، يـروح فـين مـن المفتش. قال ما بدهاشي يا وإد خدها كعابي لحد البيت ونسمة

الفجرية حلوة، والشوارع ما فيهاش حد، والفجر رزقه واسع. قام لقى في السكة إيه؟ لقى عربية واقفة، ما يعرفش إيه فيها نده له. هو ه الرزق كده. بنادي صاحبه دايما، غزاله بيحلف انها كت أوحش عربية في العربيات. ومع كده. حاجة

فيها ندهت عليه. واللقمة بتنادى أكالها، آم رايح نواحيها. حسس عليها من بعيد لبعيد الأول، لا تكون فيها صفارة تلم عليه الناس وتصحى النايم من سابع نومه، ويتمسك وتبقى حرسة و فضيحة.

لقاها نضيفه. بص ع الكنبة الورانية ملتقاش أيها

حاجة. زغر ع الكرسيين القدامنيين. التقاهم يا مولاي كما

خلقتني. قال تبقى الشنطة اللي وره. راح لابس عدة الشغل وابتدا يفتح الشنطة. كان فيها الكوريك والصليبة والعجلة الزيادة، وكان في الشنطة كبود وصاحبها كسل بغطبها. لأن

العربية لسه يا دويك وإقفة وريحة البنزيم كت لسه طالعة منها، ونما جس الماتور بإيديه لقاه لسه سخن.

يعنى بالعربي كده. العربية لسه واقفة دلوقتي، بــص حواليه كويس، ما كانشي فيه بيوت قربية منها. والقريب منها

كت الترب اللي الناحية التانية م السكة البيضا. العربية كت قديمة ودايبه. خرج بيت يعني. وعشان

كده الشنطة ما خدتشي ف إيديه غلوة. وبعد ما قلب الشوية كر اكيب. بص التقى الشنطة المعتبرة. نايمة و اخده راحتها ف النوم، وسط شنطة العربية.

قعد يحسبها. الحاجات اللي كت متتبورة، واللا الشنطة. شال الشنطة لقاها خف الريشة، المهم يتصرف بسرعة. ده اللي علمه ليه عمه عبد الضار . ودي أصول

الكار . فكر بسرعة زي فسية العفريت، أول هام، شيل العجلة والكوريك والصليبة والكبود صعب، أي واحد يقابله لزمن يشك فيه تاني هام. إن الشنطة حتى لو كت فاضية ينكن تجيب أكثر، غير إن شيلها أسهل و أأمن ف الحصة ديت.

بير بير يو يو يو يو مده طوالي: مسك الشنطة. من تاني حب يوزنها. رفع إيده بيها ونزلها.

يوزنها. رفع إيده بيها ونزلها. ما كانتشي فاضية، وما كنشي فيها حاجة تقيله.

معقوله يكون اللي فيها فلوس يا ولد، ده لــو كــان. تبقى لقيه. كنز م السماء، من اللي بيسمع عنهم. وهوه معقول واحد يحطه لقيه زي دي في الشنطة، ويقفل عليها ويــروح

واحد يحطه لقيه زي دي في الشنطة، ويقفل عليها ويروح ينام، دا يبقى لساته طالع م السراية الصفرا. لزمن الواحد يبقى قلبه حديد وشـجيع ف الحاجــات

اللي زي دي. هوه عمره ما فكر إنه يعمل حاجة لوحديه. إنما جوزي قال له، إنه لو قابل حتى نتفة حاجة معقولة حايسيبها وبيجي يسأله وهيه حاتفضك مستنياه؟!. يبقى

حايسيبها وييجي يساله وهيه حافضك مستنياه ؟!. يبقى يتصرف منه لنفسه، وبعدين يحلها ألف حلال. قام خد الشنطة. وقفل شنطة العربية زي ما كانت.

وخد نفسه وتنه جاي ع البيت. وكويس إنه عمل كـــده، لـــو اتأخر شوية كانوا اللي طالعين م الصــلا قابلوه، وينكن تبيجي الطوية ف المعطوبة ويمسكوه، وما يسيبو هوشك إلا عند الظابط في النقطة.

يأخذ الرزق اللي بعته ليه ربنا ويهرب بيه. إنما طلوع عبد

الضار سبق كلامي.

عبد الضار اللي كان عامل نفسه نعسان، وكان شخيره واصل لحد السما، أول ما الكلام وصل لحد كده. كان

وسطينا. تقولشي الأرض انشقت وطلع منها. وع الشنطة

عدل، أنا كت لسه عاوزه أوشوش غزالة واللا أشاور له. إنه

### سبعة

# الظاهر لينا

# والخافي على الله

عبد الضار لافرك النوم ف عينيه، ولا كان بيتاوب، ولا كان بيتاوب، ولا كان بيتمطع ويفرد حيله بعد النومة الطويلة. ولا طسس وشه بشوية ميه، ولا فك ميه زي عوايده. ما كانش نعسان. دا كان مفتح وعينيه مفنجلة. وصاحي وسامع كل كلمة قلتها

لغز الة. وكل كلمة غز الة قالها لي.

سمع كل اشي ان كان. وتنه جاي طوالي، تقولشي كان عارف إن فيه شنطة. راح رايح عليها عدل. ومسكها وقعد يفتح فيها. وغزالة بده يكمل بقيت حكايته. ويحكي اللي حصل. إنما عبد الضار ما كانش شايف م الدنيا بحالها غير الشنطة وإزاى يفتحها.

الشنطة كت من اللي ليها نمر. وكت نوفي لسه. ونمرها سرية، يشيلها لواحد ف عقل باله. وطبعا النمر ديت ما يعرفهاشي غير صاحب الشنطة، إنما صاحب نصيبها

حايعرف نمرها منين؟ غزالة قال نجرب النمر. والنمر اللـــي نجربها وما تقتحش نكتبها ف ورقة. واللي تقتح با للا

السلامة. عبد الضار قاله حيلك. دا احنا لو قعدنا نجرب النمر

ينكن يوم القيامة يقوم، وما نكنش فتحناها. لـزمن نكسرها وبعد ما نطلع اللي فيها: نتاويها تحت سابع أرض. عشان وجود الشنطة ديت عندنا معناته إن إحنا اللي أخدنا اللقبه اللي

فيها. قبل ابد عبد الضار ما توصل للشنطة. كان غز الـة

لقفها ومسكها. وقفوا في وش بعض. كل واحد منهم لزمن يقتل التاني. عبد الضار قاله: خبر إيه با حلاوة. مش انت

> بتجبب وأنا اتصرف في المونة. هو إيه اللي تغير؟ غز الة قاله: لا تقرق. المرة ديت لا كنا مخططين و لا متفقين ولا فيه أيها كلام. دي حاجة انحطت كده في سكتي.

> وأنا ماشي. يمين بالله تلاته، ينهزله عرش ربنا في علاه. لا فكرت فيها و لا حتى جت على بالي.

عبد الضار قاله: ودي تفرق. انت حاتاخدني ف دوكة، وتعمل لى شوية همبكة. غز الة رد عليه طوالي. وكان الرد كان جاهز على طرف لسانه، تفرق م السما للرض. دي أول شغلانه اعملها لحساب نفسى. لا انت اللي قابل لي

عليها، ولا انت اللي مفكر لي فيها. ولا احنا شاريينها من حد ولا محتد بايعها لينا. أنا كت ماشي كافي خيري شري، لا شغلة ولا مشغلة. لحد ما طلعت ليه من ذات نفسها.. بتقولي:

شغلة ولا مشغلة. لحد ما طلعت ليه من ذات نفسها.. بتقولي: خدني يا غزاله.. اعمل ليها إيه؟ اكسر بخاطرها. دا جبر الخواطر على الله، رحت واخدها.

الخواطر على الله، رحت واخدها. غزالة كان تعبان بصحيح وهو بيقول: وأنا راجع أهم حاجة بافكر فيها. آني أريح جنتي من هدة السهر، واعرف أتلم على نفسي وأنام شوية: أخد لي تعسيلة تخاطيف. قبل

حاجه بافدر فيها. الي اريح جللي من هذه السهر، واعرف أتلم على نفسي وأنام شوية: أخد لي تعسيلة تخاطيف. قبل النهار ما يطلع. وتبتدي الرجلين تدب على الأرض. اتشاحنم، والعيال صحيوا مفزوعين، وأنا أضرب

بالصويط كده وكده. اتفاهم بالراحة يا جماعة لحسن الحيطان ليها ودان. والسكك ليها عينين والبني آدمين مرشقين زرع بصل في كل حتة، وحاتودم نفسكم في ستين داهية انته و لتتين، ويبقى لا حوزى استفاد. ولا غز الله استفاد

داهية انتوم لتنين. ويبقى لا جوزي استفاد. ولا غزالة استفاد هوه لآخر. استهدوم بالله يا جماعة، واخزم الشطان، وروقـم بالكم شوية.

رحت عملت لهم كبايتين شاي، وتقلتهم، لقمت ف كل

كباية بيجي معلقتين شاي ناشف، التلقيمتين خدوم في وشهم باكو شاي بحاله. الناس دايما بتقول إن الشاي الكشري بيروق الدم. إنما الشاي المغلي بيجيب، الشر بره وبعيد، العيا

بيروق الدم. إلى الساي المعلي بيجيب، السر بره وبعيد، العيا الوحش، اللي بياخد عمر الواحد معاه. جبت الشاي، وهمه قاعدين مفرهدين، عرقانين، وما

فيش واحد فيهم على بعضه. الواد غزاله. كان قاعد وعامل الشنطة كرسي تحتيه. وفوق كده، ماسكها بإيده. تقولشي خايف عليها من نسمة الهواء.

نما جا الشاي. جوزي قالي، اقعدي يا ترتر الحضرينا، يا دي الندامة يا بت. دي أول مرة يغلط ويعملها. بلسان حلو قالي. خليكي معانا. وغمز لي بعينيه. يعني أجي معاه. على الواد غزاله. لأنه هوه برضك جوزي وأبو

عيالي. وعمر الدم ما يبقى ميه، والضفر عمره ما طلع من

اللحم. قعدت وياهم. حسيت إنه عاوزني عشان يكسر بيه مقاديف الواد غزاله. ما هو حاكم جوزي دا يعمل أيها حاجة طول ما فيها مصلحة واللا قرش حابيجي من ورا الحكاية. الشاهد. قعدت متغصبة. ما هو حاكم أنا ما أقدرش ما اقعدش. وأن ما قعدتش، وباظ الموضوع، حايندار عليه،

وتبقى الحكاية باظت علشان ما قعدتش. ولو قعدت ما كانتشى باظت، ولو اتكلمت ورميت الواد غزاله كام رمش،

كانتشي باظت، ولو اتكلمت ورميت الواد غزاله كام رمش، واديته شوية حنية، طقم مراوح على قلبه يعني، كنا نانا المراد من رب العباد.
أمال، ما هو حاكم جوزي، أول ما تبوظ ف إيديه

امان، ما هو خالم جوري، أون ما ببوط في إيديت حاجة، يضور ع السبب، السبب لزمن ما يكونشي هوه، يكون حد تاني. ويا داهية دقي عليه على طول طوالي. جوزي ابتدا يسحب ناعم. ويقول إن إحنا وغزالة

أهل، واحنا لميناه وبيتنا بيته، وحاجتا حاجته. وهدمتنا هدمته، ولقمتنا لقمته، واحنا نما بنحلم نما بننام ف انصاص الليالي، بنحلم سوا. ونما بنشتغل بنطلع على الخير سوا والر سوا. وإن جوزي لوجت له حاجة. رزق يعني، وكان لوحديه، كان حايدي غزاله نصيبه من غير ما يفتح بقه بكلمة

واحدة. غزالة قال: إن اللي أوله شرط آخره نور. والشغلانة دى بره كل حاجة، دى جت مع العور طابات، وهيه جت له من السكة م الباب للطاق، وخد من ده عندك كلام ما لـوش آخر.

أنا ما اعرفش، ربك والحق، إيه اللي خلاني نطقت، وقلت يا جماعة، مش تعرفم إيه اللي ف الشنطة الأول، مش حايز يتتعاركم على حيه هوا، لا يودم ولا يحسم وتخسس م

جایز بتتعارکم علی حبه هوا، لا یودم ولا یجیبم وتخسرم بعضیکم. دا أنتم عزوة لبعض. غز اله قالی بر اوه علیکی، با ست ترتبر، وحدوزی

غزالة قالي براوه عليكي، يا ست ترتــر، وجــوزي قالي كت تايهة مننا فين دي يا ترتر، قلت لهم: ــ تاهت ولقيناها. نفتح الشــنطة الأول، وبعــد مــا

ــ تاهت ولقيناها. نفتح الشــنطة الأول، وبعــد مــا نفتحها ونشوف إيه اللي فيها. يبقى لنا كلام تاني. جبت لهم سكينة المطبخ وشنطة عدة قديمــة شــايلها

جوزي. كان بيتهيأ لي، إنه شايلها لوقت عوزه، عشان يشتغل في يوم من ذات الليام، أتاريها عدة الشغل اللي بالي بالك. شغل نص الليل. اللي بيعملوه ويا بعض من ورا ضهري.

قعدوم يتحايلم ع الشنطة، إنها تنفتح، وهيه راسها وألف سيف، حلفت بالإيمانات ما هي مفتوحة. وجوزي يعزم، ويتمتم بكلام مش فاهمينه. عايز يعمل له منظر،

ويوشوش الشنطة، ويقول للى جواها: اظهر وبان عليك الأمان.

وغزالة يقول: حاسب ع اللي جواها. من هنا لهنا. ودا يقول له حاسب، ودا يشمشح ف الشنطة، ويقول دي ريحة الفلوس طالعة من جواها، ترد روح اللي مات وشبع

موت. وترجعه الدنيا من تأني.

أنى كت رايحة جاية، أروح بكبايات الشاي والبراد

فاضبين، وإرجع بيهم مليانين، وإلله ماني عارفة كم نوية عملت الحكاية ديت، أصل العدد ف اللمون، تقولشي باجيب

شاي م الحنفية بتاعت الحكومة. السمس طلعت، و الرجل ابتدت تحب قدام البيت،

اصطبحنا واصطبح الملك لله. ولا ملك إلا الله. واللي رايح شغله. و حا با حمار وشي با حصان. إنما كله ده تقولشي بيحصل في بلد تانية. كنا مشغولين لحد شوشتنا بالشنطة

واللي ف الشنطة.

العيال قاموا من النوم بدري. كل يهم ناموسيتهم كحلى، همه وراهم إيه، والأيام الفاضية فايدتها النوم. العيال قعدم يفركم عينيهم، مش مسدقين اللي شايفينه. عمر هم ما قاموا لقوا المنظرده.

فين وفين نما انفتحت الشنطة، دى ما انفتحتشـــى إلا بطلوع الروح، ونما كسروها وبقيت حتت. بس الله كان جواها، حاجة ترد الروح خالص فلوس، أموال، ورق، وربط

فلوس عمر الواحد مننا ما يعيش عشان يشوفها مع بعضها في وقت واحد.

احنا صحيح بنمسك فلوس ف أيدينا، إنما حتت ظغننه، ملالبین، قروش، ساعات، نص أفرنكات. شلنات،

بر ابز ، اربع جنبهات. انصاص جنبهات، و أقله جنبهات صحيحة، جنيه ورأه واحدة. ويوم ما نتمطع تبقى حتة بخمسة ولا حتة بعشرة. إنما الورقة أم عشرين والورقة أم ميه،

نسمع عنها وعمرنا ما شفناها، ولا حسسنا عليها. جوزي قال: دي رزم فلوس جديدة لنج، بريحة البنك وريحة الفابريكة اللي بتدق الفلوس، جوزي خوف الواد

غز الة، وخلى الفار بلعب ف عبه، وقاله تلاقيهم مسحوبين من البنك ف نفس يوم ما خدتهم، وجايز صاحبهم عنده النمر بتاعتهم. لز من نبقى حوطين جامد لننمسك، يعنى لا بد نكن يومين، لأن صاحبهم حايعرف السريقة النهاردة. يا إما الصبحية يا إما الضهرية وع الكثير خالص. نما الدنيا تليل.

ويبلغ والمباحث تشتغل طوالي، جوزي قاله وهو بيعد على صوابعه إنا قدامنا تلات تيام طوال عراض. غزالة رد عليه، يعني قدامنا اتنين وسبعين ساعة،

جوزي أكد على كلامه أيوه تمام انتين وسبعين ساعة بحسبة الجيش. وكل ساعة فيها ستين دقيقة. وكل دقيقة فيها ستين ثانية، وكل ثانية تحصل فيها بلاوي متلتلة وبعدها نشوف

ثانية، وكل ثانية تحصل فيها بلاوي متلتلة وبعدها نشوف راسنا من رجلينا. ونعرف حانتصرف ازاي في المبلغ ده. جوزي خوف غزالة. إنما يا روحي ما بعدك روح. غزالة قاله: الشرط قبل الحرت أحسن م النزاع بعدين. انت

تشتغل، وأنا أديك أجرتك، إنما الشغلانة دي كلها على بعضها شغلانتي، وإن شفت منك خوانه. أروح أسلمهم للبوليس. وأطربقها عليه وعليك. وعلينا كلنا.

جوزي طمنه: يا غزاله مش حانختلف. بس المهم توصل لبر الأمان وما تتمسكشي الفلوس. إحنا غلابة والحتة كلها عارفة إن احنا بنكمل عشانا نوم، وعمرنا ما عدينا غير القمل في الفرشة، والأكلان ع الجدران، ولو بانت الفلوس معانا. حايروحم يبلغم عننا. لو كان فيه مطرح بره البيت.

كت شيلتها فيه، بيتهيألي إن كده أأمن. عايز الحق واللا ابن عمه؟ آني غمزت للواد غزالة،

عشان جوزي حاببتدي يلعب بديله، وينيم الواد ويرقد له ويروح مديله الهدر اللي هوه. غزالة قاله: الفلوس حاتفضل

ويانا هنا، تبقى في السليم. ونحاجي عليها ونحفظها وتبقى في الحفظ و الصون.

غزالة ابتدا يكلم ويا نفسه ومعانا. طيب ما هو

صاحبها كان شايلها ف شنطة العربية، وقافلها عليها يعنب خد ايه. أهو انضحك عليه. هو بيقع إلا الشاطر احنا نخليها هنا. بس كل واحد يحط عينه في وسط راسه.

حاولوا يقفلوا الشنطة من تاني. إنما هو يقى لسه فيه شنطة و لا دياولو ا حيث ملاية من حوه. ولفيت فيها الشينطة

المكسرة. وجواها الفلوس. والواد غزالة قعد الأول فريحها وحط إيده عليها. إنما ما كانش متطمن، راح قايم وقاعد فوقيها. عملها كرسي وبقت الفلوس تحت مقعده عدل، وقعدنا في وش بعض.

الواحدة من زمان كت تقول: بس هبه فين الفلوس. إنما ما كتش عارفه إن الفلوس بتيجي تخرب البيوت، وتبوظ

النفوس، وتجيب وياها كل بالوي الدنيا. حياتنا اتشقلبت، الواد غزالة قعد ع الشنطة ما قامش

من قعدته. ينكن محصور عايز يعمل زي الناس، رجليه نملت و الدم وأف في عروقه. وجوزي ما عتبش باب الدار،

وهو اللي طول عمره ما يطيق قعدة الدار، يحس إنه مكتوم وانه حايموت. لزمن يهج ويسرح ويطفش ويلف ويدور. إنما

النهار دة ما هو بش بره عتبة الدار . و مسك العبال و العصابة ف إيده. فالهم. حسكوا عينكوا تقولوا أيها حاجة عن الله شفتوه. اللي حابقول حاجة حاتاويه وحاودية الترب حتف.

العيال اترعيم.

و فوق كده وكده خلى العبال ما بشو فوش الشارع طول النهار. قعدنا بجوعنا وخوفنا. خايفين م الله معانا وخايفين من نفسنا. وكل واحد خايف م الثاني. ومش مديله

أمان خالص.

صحيح الفلوس جت. فلوس بالهبل، فلوس بالكوم

فلوس لو ولعنا فيها النار ما تحرقهاش. فلوس لو قعدنا نعدها

ما تقدرش نجيب آخرها ولا بطلوع الروح.

الفلوس جت، إنما يا هلترى حايحصل إيه؟!

دا الجواب ببان من عنوانه وكل واحد آهو قاعد على

أعصابه. دي الفلوس جت وجابت وياها الغم، زي زعابيب

أمشير. ولسه ياما حانشوف.

#### <u>تمنیه</u>

### كل شيء دواه الصبر

## لكن قلة الصير مالهاش دوا

شويتين، بصيت، لقيتنا قاعدين. بوزنا ف بوز بعضينا، لا شغلة ولا مشغلة، والإيد البطالة إيه؟ الإيد البطالة نجسة. والشطان يبقى شاطر نما يوزوز في عقل اللي ما عندوش شغله. قلت ف خاطري. بقى يا رب حانقعد التلات تيام والتلات ليالي كده. ده احنا نطق نموت ونموت بعضينا، وناكل بعض بالحيا، لزمن نشغل نفسنا بحاجة، أيتها حاجة، دار المثل بيقول: اقلعي منديل رأسك وفليه كله فوتان في النهار.

طيب وان فات النهار. نعمل إليه في الليالي. اللي ما لهاش أول ولا آخر ينكن النهار فيه مخاليق ربنا، وله حس، وضيه بيملا الدنيا، إنما الليل ضلمة، هس هس، والناس بتلبد جوه بيوتها.

خاطري قالي، ما تتيجي يا بت يا ترتر نلعب كورشينة، وآهو دور في دور، وعشرة ف عشرة، ونوبة يكسب واحد ويخسر التاني، ونوبة تطلع باطه، الوقت يجري

ويفوت، وتعدي المهلة اللي عملها لينا عبد الضار. منه لله. عمره ما يعمل حاجة عليها الطلا.

عمره ما يعمل حاجة عليها الطلا. ربك والحق. رجعت في كلامي. قلت لــو جــت الكورشينة، وصوابعهم لعبت، مين أدراكي يا بت إنهم يلعـــبم

الكورشينة، وصوابعهم لعبت، مين ادراكي يا بت إنهم يلعبم لعب تفاريح الأول، ويقولوا أهو تفويت للنهار والليل. إنما الملعونة دي جايز تجرهم للعب بالفلوس. يضحكوا في الأول، ويقولوا دور واحد بس، إنما جايز شنطة المالية ديت

تنتقل بصنعة لطافة من إيد غزالة لا يد عبد الضار.
يروح غزالة قيام، يجيب أجل عبد الضار بضربة
واحدة. ما هو عفي ولسة بخيره. ويبقى أنا خسرت الراجلين
اللي متعكزة عليهم جوزي، والراجل اللي بيحبني من بعيد
لبعيد، وابقى طلعت من المولد، مولد إيه؟ طلعت من الدنيا

بعيد، وابعى طعف من المولد، مولد بيد. لطعف من السدي كلها من غير حاجة ولا محتاجة، وابقى مرة وحدانية، وما قداميش غير سكة المشي البطال، اللي لزمن يكون آخرها السجن.

تقولشي عبد الضار كان بيقرا اللي أنا بافكر فيه، بعد شوية كده. وبعد ما قلتلهم إن الشاي خسع ويايا، وإن السكر

بقى قله، وإنهم لزمن يمسكم حنكتهم شوية، والسجاير اللــي قاعدين يعفروا فيها، ومناخير كل واحــد بقــت عاملــه زي

قاعدين يعفروا فيها، ومناخير كل واحد بقت عامله زي المدخنة، ما فاضلشي منها غير كام واحدة.
عبد الضار قال ما يضرش، إحنا نلعب كورشينة،

عبد الضار قال ما يضرس، إحدا تلعب خورسينه، وقلت لأه.. كله إلا الكورشينة، قالي ليه يا بت الناس. قلت لأه وبس، المهم نشوف حكاية الشاي والسكر والسجاير. قال آهو

وبس، المهم تسوف حمايه الساي والسجاير. قال اهو نبعت العيال يجيبوا سجاير وشاي العقدة الحرير ف السكر. اللي عمره ما يتباع عند البقالين، زغرلي وقالي تستلفي من أيها جارة كبايتين سكر على بال ما نجيب التموين، ونمسك

ايها جارة كبايتين سكر على بال ما نجيب التموين، وتمسك إيدينا جامد في حكاية السكر. عبد الضار قال وأهو احنا معانا قرشين فكة يمشوا الحال لحد المهلة ما تخلص ونتطمن خالص.

إنما عبد الضار ، أبو التفانين بحق وحقيق، بالــه

رايق، قال طيب ما نقضي الوقت اللي قدامنا في إن احنا نعد الفلوس، الولد ما كانش مآمن، وعبد الضار عايز يعرف الخميرة قد إيه. عشان بعد كده باخده على خوانة.

أنا قلت دا العدد يقل البركة. نسيبهم كده، دا إحنا فاكرينهم كل مالية الدنيا باللي فيها، أجلوا الحكاية دي شوية.

فاحريبهم من مانيه الدلي باللي فيها، الجلوا المحداية دي سويه. إنما عبد الضار حط الفكيرة في دماغ الولد. والفكيرة ابتدت تزن، وتودي وتجيب. وشوية وشويتين غزالة وافق.

غزالة قال: بس نبعت العيال يجيبم الحاجات لول. وبعدين يرجعم، ونقفل علينا من جوه بالضية والترباس ونتبت جامد، ونقفل الشبابيك، ونسد أيها منفذ يودي على بره

ونتبت جامد، ونقف الشبابيك، ونسد ايها منفذ يودي على بره ونبتدي في العدد.
عبد الضار نما الواد غزالة هاود. قاله: تعرف إنه

فيه مكنة في البنك بتعد الفلوس دي ف غمضة عين، بتشتغل بالكهربا. أول ما تغمض عينيك. وقبل ما تقتحها تاني، تقول لك الفلوس اللي معاك كام، ولعلمك بيأجروها. غزالة قاله: كده نبقى رحنا للموت برجلينا. وأهو جالك الموت با تارك

حده ببقى رحما تنموت برجليا. وأهو جانك الموت يا تسارك الصلا ونبقى سلمنا اللي حدانا للحكومة ذات نفسها. لا يا عم. يفتح الله. احنا نعد على إيدينا وصوابعنا أحسن من حكاية المكنة وعدها.

سألت عبد الضار: والمكنة بتنباع؟ غزالــــة قــــالي: وحانجيبها على إيه يا حسرة، هيه المـــرة ديـــت الأولانيــــة والأخرانية، الحكاية ديت بتحصل في العمر كله نوبة واحدة. وبعدين نما نروح نجيب المكنة، حانلفت النظر لينا، ونقول يا للي ما شفتش شوف.

لني ما للعلل للوك. العيال زي الفريرة، راحوا اشترم اللي احنا عايزينه من أقرب دكان، أبوهم قالهم طيران في المرواح، وطيران

في المجي، وعشان يجريهم قالهم يشترم لبان لهم من الدكان.
العيال كانوا مش مسدقين نفسهم، وهموا بيسمعوا الكلام ده.

العيال كانوا مش مسدقين نفسهم، وهموا بيسمعوا الكلام ده.
هيه القيامة حاتقوم واللا إيه، حطوا ديلهم في سنانهم وهات يا جري.
انه طلعت، بقيت عاملة زى كلاب السكك، إنما دى

الي طلعت، بعيت عامله ري حالب السحك، إلما دي مش أول نوبة، استلفت تلات كبايات سكر. كل كباية من عند جاره شكل. وكل واحدة أكدت علي ً إني أرجع السكر أول ربنا ما يفرجها. مش اضرب عليه عوافي، زي غيري ما

بيعمل.
الواد غزالة طلب مني الصحارة، اللي شايله فيها حاجاتي ومحتاجاتي، جبت الصحارة وفتحتها وطلعت

الهلاهيل اللي فيها. حط الشنطة على شماله، والصحارة على بمينه.

عبد الضار اتشاهد، وقال: محمد نبي وموسى نبي و وسى نبي وعيسى نبي. وكل من له نبي يصلي عليه. قلنا عليه الصلاة والسلام، عبد الضار كان ببجرب فينا عدة الشغل.

غزالة قعد يعد. واحنا عنينا لتناشر لايده وياه، تروح مع الفلوس كده وترجع كده. والواد كان بيعد، تقولشي مخه

دفتر ابتداء يعد. بل طراطيف صوابعه. من تفاف بقة وابتدا يعد. احنا قاعدين، تقولشي متصبرين، وهوه الواد قاعد،

يروح مسحلب ومدحلب ربط الفلوس. يخلص ربطه ويجيب ربطه، يروح مطلع منها طوالي الأستك اللي رابطها، ويدخله في رجله. ويبتدي يعد: الله واحد، ما لوش تاني. ولا تالت

وف نوبة تانية: موسى أول النبيه. وعيسى تاني نبي ومحمد خاتم النبيين. وكل من له نبي يصلي عليه. آهو بيقلد جوزي وحايفضل ماشى وراه لحد ما يجيب له الكفية.

هوه يعد. واحنا نازلين هسهسة. وهو هات يا عدد، وتو ما يخلص الربطة، يسلك لستك من رجليه ويرجعه زي ما كان، ويلفه لفتين ع الفلوس، ويروح حاططهم فريح

خواتهم في الصحارة. ويسمى عليهم ويكبر.. جايز كمان يقرا الصمدية في سره.

كان الولد غزالة مخبي النصاحة دي كلها فين. تلاقيه كان لا بد لعبد الضار وعامل صبي عنده. وعامل عبد الضار معلم. عشان بشرب منه الكار. كان لا بد له في

الضار معلم، عشان يشرب منه الكار، كان لا بد له في الدرة، زي ما بيقولوا.
الدرة، زي ما بيقولوا.
انما هو واد ناصح وعارف الكفت ذات نفسه، إحنا

قاعدين ننش الدبان من على وشنا وهوه بيعد. كان عبد الضار بيعد هوه لآخر. بس عد عن عد يفرق، غزالة بيحسس، بيعد بصوابع إيديه ولسانه ويشم ريحة الفلوس الحلوة. وعبد الضار ببعد من بعبد لبعيد. ببعد بعينيه.

عبد الضار كان بيقول. إنه يقدر يحسبها وهيّه طايرة، ويقدر يعد حب الرمل ف الصحرا. والنجوم ف السما الواسعة. إنما لا هوه قال للولد حاجة، ولا غزالة قال لعبد

الضار أيها كلمة.

العدد خد وقت طويل خالص. واحنا قاعدين
متصبرين. الباب خبط مرتين، واحنا ولا هنا، الناس اتكلمت
من بره بره. وقالوا تلاقينا نابمين، وقالوا على عبد الضار:

نوم الظالم عباده. ولا حس ولا خبر. وينكن لو انت رديت. نكون احنا ردينا على الكلام ده. واحد قال: جايز هجوا

نكون احنا ردينا على الكلام ده. واحد قال: جايز هجوا وطفشوا، رد عليه واحد تاني: جايز راحم يشموا هوا. حتى لو شتموا من هنا لحد الصبحية. ولا حنا

سامعين، مش جايز شموا خبر وعايزين يعرفوا إيه الحكاية، وإيه الرواية، والسر إن طلع مننا ما بقاش سر، وحا تبقى فضيحة بحلاحل.

وإيه الروايه، والسر إن طلع منا ما بقاس سر، وحا ببقى فضيحة بجلاجل. ما اقدرش أقول الواد غزالة سعت العدد، كان فرحان واللا زعلان. هوه كان ملهى في العدد وخلاص. سواعي

واللا زعلان. هوه كان ملهي في العدد وخلاص. سواعي كان يتصور لي إن غزاله كان حايتجنن من كتر العدد، وإنه حييجي له لطف ف عقله وحايمشي يكلم الهوا ويعاكس النسمة ويحكى لنفسه ويقول، وياخدوه ع السراية الصفرا.

النسمة ويحكي لنفسه ويقول، وياخدوه ع السراية الصفرا.
وعبد الضار هوه اللي حايقعد على تلها. هوه بيفضا ع
المداود غير شر البقر؟!

عجيبة. سواعي يفوت اليوم كله، من غير ما حد يهوب نواحي باب بيتنا. هوه احنا عندنا إيه يا حسرة، إنما النهاردة إيه الحكاية. الباب خبط من تاني. نفتح مين يا عم، دول لو طبلوا بالطبل البلدي. وعملوا مولد سيدنا الحسين،

وستنا نفيسه، ورئيسة الديوان السيدة زينب. والله ما هوب نواحي الياب. أصل الواحد لو قرب من الباب حابكون

لرجليه على الأرضية حس. الباب يخبط، احنا نتكلم، والولد والا هوه هنا. باين

عليه عقله يوزن بلد، صحيح هوه عامل زي عقلة الصباع. إنما الولد باين عليه متودك وتلاقيه متلطم من قبل ما بيجي لنا. ويقى عارف كل حاجة.

ما أقدرش أقول، كام ساعة فاتت وصوابع غزالة

بتعد في الورق لخضر وشفايفه بتلعب مع صوابعه. آني كت قاعدة ظاغرة لغزالة. عمرى ما بصبت ليه كل الوقت ده. قست الواد بعنيه شبر شبر، وفصلته حتة حتة وقلت لنفسي:

ابه الحكاية يا يت يا ترتر؟ الكدب على الله خبية، هوَّه لا جوزي و لا حاجة، كل

اللي بيني وبينه، انه م الحين للحين كان يقولي كلمة حلوة. يبل بيها ربقي الناشف. والحكاية ما زيتش و لا قلتش عن الكلمة الحلوة وخلاص.

أنا كنت مرتاحة له. وكت نفسي ومني عيني. إن الفلوس تكون من بخته ومن نصيبه. أول هام. كت حاسة إن عبد الضار لو اتحكم ع الفلوس دي وعكمها ف إيده.

حايتجوز عليه ويفتح بيت تاني. أنا أصلي بتاعت الشقى وبس. وما انفعشي غير ف البهدلة. إنما ليام اللي حاتبقى حرير ف حرير، ولحمة ف

إما ليام اللي حابيقى حرير في حريسر، ولحمله في لحمة، وحلويات في حلويات زي قوالب السكر، ديت تلزمها مرة تانية. ما تفكروش باللي فات. تاني هام، الواد غزالة. ده كت حاسة كده.. و الله أعلم. إن عينيه منه. وإنه مش

كت حاسة كده.. والله أعلم. إن عينيه مني. وإنه مش حايفونتي خالص. ما اعرفش إزاي دا يحصل. إنما كت

حايفونتي خالص. ما اعرفش إزاي دا يحصل. إنما كت حاسة إنه ما يقدرش يبعد عني. الشاهد. الفلوس اتعدت، لا جوزي قالي همه يطلعم

كام، ولا غزالة قال لنا، همه يبقم كان، ينكن لو ليه لوحدي. كان غزالة قال. إنما حديآمن القط على مفتاح الكرار؟ هـوه معقولة يقول لجوزي على المبلغ كام؟!

باين من شكلهم إن المالية شقله كبيرة قوي. لو قعدنا نصرف منها العمر كله، ولو استلف كل واحد فيهم على عمره عمر تاني. مش حانخلصها، وما نقدرش نخلصها.

الفلوس واتعدت. وبقينا قاعدين زي ما كنا. وكأننا يا بدر لا رحنا ولا جينا. لو حد بص علينا من بعيد. يقول عننا

شوية مجانين، قاعدين بياخدوا صور لبعض. وبنرسم بعض من بعيد لبعيد. كل و إحد بيرسم التاني. وبيرسم ع التاني.

رجعنا زي ما كنا، حال المبتدأ. وفكرنا، طبب حانعمل ایه تانی. جوزی عقله بیودی ویجیب عایز یعمل

مغرز للولد، يلهف منه القرشين اللي وياه، والولد طبعا بيحر ص جامد. وحاطط عينيه ف وسط ر أسه. دي خيطة العمر اللي عمرها ما حاترجع تاني، حتى لو شاف حلمة

و دنه. جوزي ابتدا يدلعني، بعد عد الفلوس طوالي، وهـوه

عمره ما كان بيدلعني. إنما بعد الفلوس ما جت، وبعد ما عرف إن الواد عينه منى. ابتدا بقولى: با ترتورتي. ونوبـة بقول: با تراتر، وبكلم عن حلاوتي الله تدوش أجدعها راجل. قدام الواد عيانك بيانك، وهو لا يستحى ولا يختشى.

> الحكاية ديت ما تنقسمشي على تلاتة. الحاجة دي المفروض انها تكون بيني وبينه وبس والرجالة والستات بيعملوها جوه أوض النوم، بعد ما يسنكروا بابها عليهم. وعبد الضار كان يتطمن دايما ان العيال نامم وشبعوا نوم

وبياكلوا رز مع الملايكة.

قال ان تراتر تخطف رجلها، تشترى لنا كل الجرانين وكل المجلات اللي عند بتاع الجرايد، شهقت شهقة طالعة من عزم قلبي. قلت بطلوا دا واسمعوا ده. واللي معاه قرش

ومحيرة يروح يجيب حمام ويطيره. حر انین ایه؟ انت طول عمرك یا راجل انت دخلت

علينا بتطوح جرنان ف إيدك، دا احنا عمرنا ما افتكرنا

الجر انبن إلا واحنا بنفرش النملية اللي ف المطبخ. عشان الجبر ان قالوا لي، لز من تقر دي تحت كبابات الشاي و الحلال

و الكسر و لات و الطباق و رقة جورنا. عشان تحافظ عليهم. يوميها سألتك، قلت لى: منين يا حسرة. وبعد شوية، قلت لي: نظري على و اد أفندي. من اللي ببقروم جر انبن، نبعت له الولد، يستلف منه كام جورنان. يكون قريهم وشايلهم

عشان ببيعهم لبتاع البتليا بالكيلو وأنا عملت كده.

عبد الضار قالي يا عبيطة. ما هو إن كان صاحب الملابين دي. عرف إنها ضاعت وبلغ، ولا راح عمل محضر في القسم. حانعرف منين؟ حانقعد نشم على ضهر إيدينا، واللا حانفتح له المندل، ونضرب الودع ونشوف

البخت؟ لأ الجر انين حاتكتب اللي بيحصل. وطبعا دي مش حاجة قليلة. ومبلغ زي ده. مش بيروح كل يوم من واحد.

البلد كلها، حاتقف على ضافر واحد. من أول ما تتكتب الحكاية ف الجر انين، دول ملايين، هوه قال ملايين

من هنا، والواد غزالة راح شاخط فيه: وإنت ايش عرفك انهم ملابین. انت کت بتعد معایا؟

عبد الضار قاله، انت ماسك لي ع الواحدة ليه؟ انت

نقرك من نقرى ليه؟ هوه انت نازل من بطن أمك فوق ر أسي؟ قال ملايين قال. أهو كلام ابن عم حديث. هوَّه الكلام

عليه جمرك. هوه فيه حاجة سابياها الحكومة لبنا غير الكلام، تيجي انت بقي تحط لي مكنة قدام بقي وتحسب لي الكلمة اللي اتقالت واللي ما اتقالتشي. يا عم وسع. حد وإخد منها

حاحة. اني عشان ألم الموضوع والحكاية والرواية، وشابفاهم من سعت المالية. ماجت، وهمه عاملين زي ناقر ونقير . طلعت. وعمري ما كت أعرف فين بتاع الجر انين ده،

دا لحنا إن لاقينا العيش، يبقى المش شبرقه.

الحتة بتاعتنا، تبان متعلقة في السما، ليها مطلع

واقف، وفي أول المطلع غرزة. صاحبها بيقول عنها قهوة. واللي بياخدوا مواعيد قدامها. بيقولوا: قدام الكازينو. وهيه يا دوبك حتة غرزة كحيتي. فيها شاي ومعسل.. عشان الإيد

دوبك خله عرره تحليي. فيها نساي ومعسل. عسل الإيت مش طايله. ويوم ما تطول حاتلاقي البرشام والبودرة والميه وفتح القزايز والذي منه. وجميع ما يخطر على بالك واللــي

وفتح القزايز والذي منه. وجميع ما يخطر على بالك واللــي ما يخطرشي كمان. سكعت مشوار كعابي معتبر. شــوف بقــى شــايلين

سكعت مسوار كعابي معتبر. شوف بقى شايلين الفلوس، مش عارفين نعدها. وأنا أمشي موتورجل، نزلت من ع الخرزة، وكمان موقف العربيات اللي بالنفر. بصيت ع الجبل اللي قدامنا، بيقولوا عليه المحجر،

بالنفر. بصيت ع الجبل اللي قدامنا، بيقولوا عليه المحجر، بييجي منه الجير بعد ما يطفوه. قلت لبتاع الجرانين. عايزه من كل جورنان واحد.

الراجل ما سدق. كل واحد كان بييجي. يطلب طلبه ويقول له هات الجورنان الفلاني، وينكن يقراه وهــو واقــف عنــده. ويروح مرجعه ليه من تاني ويديله عرض أكتافه.

أنا اللي قلت له، من كل صنف واحد. قام وقـف ع الفرشة. واستفتح مرتين، وجاب لي من كل كوم جورنــان. وعمل لي الحسبة، وقالي ع المبلغ. وأول ما دفعت له، مسك الفلوس حبها، وخبطها ف قورته، قبل ما يحطها ف جيبه،

وقال لي: لو كام زبون زيك يا ست الكل، كنا جبرنا من الصبح. وكان زماننا مستريحين زي عباد ربنا ف بيوتنا بدل

الصبح. و كان زماننا مستريحين زي عباد ربنا ف بيونتا بدل ما الشمس بتخبط فينا.
رجعت ليهم بالجرانين. نما قربت من بنتا بصيت

ليه. تقولش باشوفه لأول نوبة. دا الكدب على الله خييه. آل بيت آل. دا ينفع مصد للريح. ف الشتا تتزل علينا نطرة السما كلها، ونغني ويا العيال: يا نطرة رخي رخي والسقعة

تدخل جوه عضمنا. وفي الحر الشمس تبخ نارها علينا عدل. الخشب بيزيق، والجدران بتريح. دي ولا خرابة، بيت كأنه ملصم.

مسكو الجرانين.. فلوها كلمة كلمة. وعبد الضار حمد ربنا.. قال الجواب دايما يبان من عنوانه. ما فيش ولا

جنس كلمة واحدة عن الموضوع كله. دي حكاية، تلاقي البيه صاحب المالية لساته نايم في أحلها نومة، أو إن المبلغ ده، هوه ما تعبش فيه. أو بنكن سارقه ومش حايقدر ببلغ.

غزالة قاله، كلام ليه معنى، يخش الدماغ طوالي. قال: هوه فيه واحد يجيب المبلغ ده من عرقه. دي حاجة يا تيجي م الهوا برضك. مين اللي يجيب من

تيجي م الهوا. يا إما م الهوا برضك. مين اللي يجيب من عرقه كوم الفلوس ده.
عبد الضار، ما كانش عاوز الواد يحط ف بطنه بطيخه صيفي أبدا، ويتطمن ويستريح وباله يهدأ، قاله الأمان

ما جاش لسه. قدامنا بكره وبعده، وبرضك نجيب الجرانين زي النهارده، ونفليها كلمة كلمة، وحرف حرف وتسويره تسويره. عشان نفضل عارفين راسنا من رجلينا. وما نتاخدش على مشمنا.

تسویره. عشان نفضل عارفین راسنا من رجلینا. وما نتاخدش علی مشمنا. خاطری قالی: إن عبد الضار عاوز بیقی له ف الحکالة حتیکال الکلام ده محکلة الحرانین والتفانین وش

الحكاية حتى. كل الكلام ده. وحكاية الجرانين والتفانين. مش عشان مصلحة الواد، دا لو طال يطيرها كان جاب لها الريح، إنما هو عايز يبقى له عين غليضة. ويبقى اسمه حافظ للواد ع الفلوس، وعند القسمة يبقى يكلم بلسان قوي. ويشخط

ع الفلوس، وعند القسمة يبقى يكلم بلسان قوي. ويشخط وينتر ويتعنتظ، ويطلب زي ما هو عاوز، حاكم عبد الضارد. أنا عاجناه وخايز اه.

أنا مش عارفة غزالة كان فاهم كده ولا لأه، والله

عبد الضار قدر يدخل في زواريقه ويفهمه إن بيشتغل عشانه. ابتدا عبد الضار بلف وبدور، وبقول إن الواحد لزمن يبقى ستر وغطا لخوه. والمليان يكب ع الفاضي، غزاله قاله

قصدك إيه بالضبط؟ بدل اللف والدور ان قولى اللي ف بالك دو غرى قوام. دا احنا أهل واكلين عيش وملح مع بعض.

عبد الضار كأنه كان قاعد على باب شـق التعبان، راح رادد عليه طوالي أدبك قلتها بعضمة لسانك. عيش وملح

ويا بعض. يعنى اللي يحضر القسمة يكون له نصيب. غز الة قاله: كله الا القسمة.

قعدم بتتاقروا. كلمة من هنا. وكلمة من هناك، قلبم القديم والجديد. والواد قال لعبد الضار، إن الغلطة غلطته، ما لوش سبوبة بنزل بها السوق، يقلب رزقه، إنما عابش تناتبش

حتة من هنا وحتة من هناك.

عبد الضار قاله، هوه احنا كده با ولاد العرب ويا مصاروة. أول ما نشبع نكلم عن الحلال والحرام، وطول ما احنا جعانين مش الآفيين اللضاء عمر ها ما تفرق وبانا.

عبد الضار سلم طوالي. قاله بلاش حكاية القسمة، ما دامت مش لاده عليك، انت معاك فلوس، وأنا معابا اللي

أبيعه، ونا سألت نفسي طوالي: إيه اللي عنده ببيعه المجنون ده؟ هوه حيلته اللضا. دا عامل زي الضبور اللي زن علي خراب عشه. لو إدى الواد الأمان بنكن باخد منه اللي عابزه.

عبد الضار لبد له، وعرض عليه يشتري الدار، اللي وشها عليه كان وش السعد، الولد عمل بأصله. وقاله: وأنــتم تروحوا فين؟ حد يبيع داره؟ عبد الضار زعق فيه: نروح مطرح ما نروح.

عبد الضار قال بلاش الدار. تشتري العيال. بنه آدمین جاهزین، بدل ما تتجوز و تنط و تحبّل و تولید و تربی

وترضع وتغسل. ويشخوا على رجليك. غزالة ما خلهش يكمل. قاله: أعوذ بالله من الشطان. هوه فيه حد يبيع ضناه؟ القبامة قربت تقوم يا ولاد.

> عبد الضار قال لنا، الواد حايشتغل واعظ باين عليه، عبد الضار بص له نوبة واحدة، وكلمه وهوه ببشاور لبَّه: طب اسمع تشتري تراتر حمار وحلاوة، بعد ما تشتريها مني

حاتعرف آني أنا هدينك هدية تخلي لياليك كلها هنا. مرتبة من دم ولحم. وحاجة بيضا زي لهطة القشطة.

الواد غزالة المرة دي ما ردش طوالي، لا قـــال آي. ولا قال لأه. ينكن الحكاية حليت ف عينيه، وده يخليني أقف

ولا قال لأه. ينكن الحكاية حليت ف عينيه، وده يخليني أقف هنا شويتين. أنا ما كانشي هاممني غير بتوع الفلوس دولت،

وطبعا بعد كده عرفنا البير وغطاه. والحكاية كلها. بس أنا هنا. مش حاافضل لحد ما أجيب المتمة بتاعت الحكاية: أنا حائقف هنا. عشان أقول حكاية الفلوس اللي لقاها غزالة.

حاأقف هنا. عشان أقول حكاية الفلوس اللي لقاها غزالة. وجابها وجه لحد بنتا بعد كده. ما هو حاكم لو لا الفلوس دبت. كت حباتها فضلت

زي ما هيه. من حال المبتدأ لغاية حال المنتهى. إنما الفلوس شقلبت الوضع. خلت عاليه واطي، وواطيه عالي. هوه فيه غير القرش يعمل كده، ودي قروش ما لهاش عدد، قبلها كنا اللي نبات فيه، نصبح فيه. دلوقتي حاجة تانية، نفسي

مكروش وروحي مسحوبة. ومش عارفه إيه اللي ممكن يحصل بعد شوية. كنا ف جرة وبقينا بره. البيضا وأدي اللي سلقها، وأدي اللــي قشــرها، وأدي اللــي

وأهي ديت حكيوة الفلوس وصحابات الفلوس وآدي

أكلها. دي. دي. دي.

#### <u>تسعة</u>

### من حرامی لحرامی

# يا قلبي لا تحزن

يرجع مرجوعنا لأصل الحكاية. أنا اللي تعبني موت. هوه صاحب الفلوس ديت. مين اللي يسيب كوم فلوس كده وينساه ف شنطة عربية في انصاص الليالي. وبعد ما يعرف انهم ضاعم. خدهم صاحب القسمة والنصيب. يفضل ساكت. لا حس ولا خبر. وقلبه بيدق جوه سدره. ودمه سارح في عروقه. بدل ما يطب ساكت ما يديش منطق.

دا لازم عنده ولا مال قارون. اللي بيحكم عنه. حد ينسى الكنز دا كله. بقى دا معقول يا ناس.

صاحب الفلوس كان أهم واحد عندي. بعد الفلوس نفسها وكل اللي حاأقوله عنه الوقتي. طراطيش كلام. كلمة من هنا، وكلمة من هناك، والكلمة ع الكلمة، تبقى حكاية زي ما كانوا بيقولوا. طوبة على طوبة. تبقى العركة منصوبة.

هيه الناس بقت لها شغلانة غير الكلام. في الفاضية والملانة، يشتغلوا كلام، ويقبضوا حديث، وياكلوا حكاوي،

ويا ويله وسواد ليله. اللي يطب ويقع. عليه إنه يسد براسه. ينتفوا ريشه. لغاية ما يبقلهوش ولا ريشة واحدة.

أنا سمعت الناس بتقول وتحكي، وأنا حاأعمل زبهم، لأن الحكاية دي بالعينة. كت السبب في كل اللي جرا لي.

حاكم إحنا فوقنا حتة حلوة زي الجنة، شوارعها واسعة. اسمها مدينة ناصر ، وتحتنا حتة الشر يره وبعيد. زي النار اللي في الآخرة اسمها منشية ناصر . قلت في عقل بالي هوه كله ناصر الجنة اسمها ناصر والنار برضك اسمها ناصر . دا

لز من واحد سره باتع. عشان حاطط اسمه طوالي من أول الجنة لحد النار . دي الدنيا لساتها فيها حاجات كتبرة الواحدة ما تعرفش عنها حاحة.

ياما سألت على ناصر ده. اللي سمم كل حاجة

باسمه، قالوا إنه جدع شارب من بز أمه. أكل كبده العدا نبة ودوخهم السبع دوخات، القصد مدينة ناصر، الجنة الله، تحتنا. كنا نقعد نتفرج على العربيات الملعلطة اللي رايحة نو احبها. و نحلم. و نلعن و نسب حظنا عشان ربنا خلقنا فقر ا. كان في مدينة ناصر ديت، واحد قب وغطس بقى مليونير نوبة واحدة. بيحصل الكلام ده في الحتت اللي ربنا راضي عليها. والواحد نما بتغنى الناس تلف حواليه، تعف

راضي عليها. والواحد نما يتغني الناس تلف حواليه، تعف عليه زي الدبان اللي بيحط ع الحاجات الحلوة. عمركم سمعتم عن واحد غطس وقب، وحالته

اتغيرت زي البراح ما بين السما والأرض، أنطس في نواضري. ولا يبارك لي ربنا في عمري إن كت باكدب. ما هي برضك حكاية غزالة جت كده بالمضبوط. بس غزالة

هي برضك حكايه غزاله جت كده بالمضبوط. بـس غزالــه لسه مرقد ع الخميرة. إنما برضك ده اللي حايحصل ويــاه، ويضرب الضربة اللي هيه والناس الغلابة. تضــرب تقلـب حوالينه. ولا حد يفهم إيه اللي حصل.

الواد ده. كان بيكمل عشاه نوم. عايش يا مولاي كما خلقتني. بلبوص، كحيتي. الناس نامت وهو كده صحيت لقيت الأشيا معدن وهو بقى ملونير. مع إن ده بيحصل في السيما و الحكايات و الحو اديت و بس.

الناس كت بتعامله زي ما يكون جربان واللا أبرص. إنما لم الميه جريت ف إيديه. ورجليه طلعت ع المعاش وركبت عربية. من موتورجل لموتو أربع فرد كاوتش.

ابتدت الناس تلف حوالينه. يمسحوا له جوخ. إن عطس الدنيا كله ييجى لها برد. ويدوبك تو ما يزعل، الحر يملأ البيوت

والتراسينات. دي بلدنا كده، إن الغني شكته شوكة. يبقى البر كلــه

ف دوكة، والفقير إن قرصه تعبان يقولوا له اسكت بقى بلاش تلقيح جنت. ما حدش سأل، إيه اللي حصل. كل واحد كان عاوز

يبقى زيه، يعمل اللي عمله، ويمشي وراه. والولية من دول بقت بتدعي لعيالها. إنهم يبقوم زيه، وربنا يفتح السكك في وشهم زي ما فتحها له. صدق اللي قال: معاك قرش: تساوي قرش، ممعكش و لا ملين. تبقى ما لكش لزمة. تقل جيبك.

ورش، ممعكش ولا ملين. نبقى ما لكش لزمه. نقل جيبك. تجري الناس وراك، يخف جيبك، يقولوا إن عقلك هو اللي خف.

فتح عليه، الناس من نفسها اداته اسم تاني. بقى اسمه: علي السعيد. والناس عقولها تنسى زي ما هي عايزه. وتفتكر اللي تحب تفتكره. راحم ناسيين حكاية علي وبقى اسمه السعيد، السعيد جه، السعيد راح، السعيد قال كيت. السعيد عمل هس

الراجل ده كان اسمه على سعد. ومن يوم ربنا ما

هس. السعيد نايم لحسن يصحى. تعظيم سلام يا جدع السعيد

وصل سمع هس السعيد بيغني. وكل واحد بقي يقول: من جاور السعيد يسعد وإني قلت: حط رجلك مطرح رجل السعيد تسعد.

الناس سانت حياتها. وقعدوا بكلموا عن طاقـة ليلـة القدر اللي انفتحت له و الفاوس تجبب و باها حكابات، قالو ا

لقى لقيه. وقالو ا مخاوى جنيه ساكنة تحت سابع أرض، وكل ما تطلع له. يكيش و بحبب منها. قالوا نصب نصبه. قالوا سرق سريقه تتاقل بالدهب. قالوا فتح خزنة بنك. قالوا هبر

الهبرة اللي هيه. ماهيات مستوظفين بعاد. وكل و لحد يحلف ويتعزرن ع المصحف الشريف. وإيمانات بنهز لها عـرش السما ف علاه.

و احد جه وقال إن السعيد اشتري حمار . قالو ا له، دا يبقى عايز يأكله ويشربه. ويجيب له حمارة بنط عليها. ودي كلها عايز ه مساريف. المهم اشتر اه ليه قال لهم، و أنا إيش

عرفني. نما اعرف حاابقي أقول لكم. المهم إن الحمار ده عجيب وغريب ولا فيش منه. كل ما يقول له حا، يشخ فلوس، يقول له شي يشخ فلوس. يقول له هس، يشخ فلوس. هوه يكلم ويا الحمار من هنا، والحمار يتنه واقف،

و فاشخ رجلیه، رجل یمین، ورجل شهال، ور افع دیله، ويروح مديها شخاخ. وعلى السعيد وراه بيلم. سألوه والحمار

دا بياكل إيه. قال دى فاتتنى، ونزلوا سؤالات عليه. وهوه ما اداش منطق.

في يوم من ذات ليام، شاف علي السعيد، وهوه بيركن تومييله، صاحب من صحابات أيام اللضا. سلم عليه

بطرطيف صوابعه. وكلمة من هنا. وكلمة من هناك. وعامله إيه الدنيا وباك. صاحبه شوقى قاله: خدنى وباك، ضحك و سأله: على فين؟، شوقى اتمسكن، لحد ما بتمكن، وحلف له:

إنه ما يهموش على فين. أهم حاجة يكون وياه. مـش همـه كانواع الخير والشر سوا، اشمعني الجوع كان موحدهم.

واللقمة الهنية اللي تكفي ميه، تفرق بناتهم. هوه \_ وشوقي \_ عينيه مليانه. وعمره ما بص للى ف ايدين غيره. ولا يمكن بيص للى ف ايد أخوه وحبيبه. إنما للضرورة أحكام.

على السعيد قال لشوقى اديني فرصة أفكر، شوقي قال له: هوه أنا حايشك. فكر زي ما انت عاوز، روحي يا

أيام وتعالى يا أيام، وفي يوم قال على السعيد لشوقي:

مبروك، وقبل ما يسمع منه: الله يبارك فيك. قال له: من النهاردة ورايح، مش حاييقي اسمك:

شوقي الفنجري إنما حايبقى اسمك شوقي السعيد. النكتة حبكت. حب ينكث وياه، شوقي قاله: هوه انت

ما تعرفش. راح مطرقع كف على كفه، قاله: انا من يوم أمي ما ولدتني وأنا اسمي: شوقي السعيد طوالي. باين إن النكتة كت بايخة. عشان على السعيد لا مد له كفه عشان تبقى

بصره. ولا ضحك عليها. راح شوقي فاهمها وهيه طايرة، بصره. ولا ضحك عليها. راح شوقي فاهمها وهيه طايرة، قاله: دا لزمن يبقى لي اسم تاني. شوقي وش السعد. إيش جاب لجاب. هيه الميه طول عمرها طلعت في العلالي.

جب لبب. لهي المعيد للون المعرفة للمنت في المعرفي.
التاني صن شوية، ولقاها حلوة كده. ما هو لو بقي السمه: شوقي السعيد. وهو على السعيد. يبقى اللي ما يعرفش يقول عدس، إنما نما يكون هوه شوقي وش السعد. يبقى فيه

فرق بين لسمين والحكاية ما تسحش على بعضيها. ويبقى بناته وبين شوقي سد يوصل لحد السما. لا ييجي التاني بعد شوية، ويقول له: المليان يكب ع الفاضي. ساعتها بس. على السعيد، شاف ف شوقي، ولد

بيفهم، ويقدر يتصرف. وعرف ساعتها إنه اختار واحد يقدر يسد في العملية التقيلة اللي همة داخلين عليها. شوقي الفنجري، أو شوقي وش السعد كان الكدب بيطق شرار من

عينيه. إنما على السعيد كان عاوز يسدقه. ضرب على السعيد ايده ف سيالته، طلعت فيها

عشرات وخمسات وعشرينات. اداله حفنة فلوس على ما قسم. وقاله، يطلع بزبورت ويتعلم سواقه العربيات من أيها مكتب تعليم. ويقطع رخصة م المرور، لزوم الشغل، وكل

مكتب تعليم. ويقطع رخصة م المرور، لزوم الشغل، وكل حاجة حايعرفها في أوانها ووقتها. القرشين دول تسليك زور. ضحك شوقي زي الناس

العبطا. وقال كل دول قرشينات. أمال الجنيهات، والخمسات والعشرات والعشريانات، والميات والألوفات. تبقى إيه. يا سيدنا الملونير؟

قرب منه على السعيد. وقاله. الكلام ده حلقه ف ودنك. حتى مراتك ما تعرفش حاجة عن النواحي دي. إيدك الشمال ما تعرفش إيدك اليمين خدت إيه منه، كلمه ف

راسك، تعرف خلاصك. شوقي حلف لـــه. إنـــه هـــوه مـــا حايعرف هوه نفسه إليه اللي حصل وياه.

مشي شوقي يكلم نفسه. إيه يعني اللي خده م العقل، بزبورت يعني يركب الهوا، ويروح بلاد بره ايشي مرواح، وايشي مجي، ورخصة سواقه وهيه دي عايزة مفهومية.

حايكون عنده بدل التومبيل بيجي ميه. مش حايعرف عربياته من كترهم. زي الفقرا ما بيعرفوش ولادهم أول ما يكتروم، يعني حايبقي زي علي السعيد تمام.

يعني حايبقي زي علي السعيد تمام. على السعيد؟ بقى ده معقول؟ تلاقيه بيشتغل في التقايل.. ويرمي له حتة عضمة يمصمص فيها. هوه حد

بعد الحكاية ديت. شوقى لاحظ إن على السعيد.

بيعامله من بعيد لبعيد كأنه ولا فيه اتفاق ولا غيره. ولا سأله عن حكاية البزابورت ولا رخصة السواقة ولا أيها حاجة. الأول اتوغوش. إنما بعد كده حط ف بطنه بطيخه صيفي. وقال جايز إن دى أصول الشغل الله داخلين عليه. دى

الحكاية باين عليها أغوط من البحر اللي ما لوش شط تاني. اللي فوق سكندرية.

هوه من نوايه، فضل يعمل الحاجات اللي عايزها منه علي السعيد من سكات. ما قالش حتى لنفسه هوه عمل إيـــه.

والحكاية ما كلفتهوش ملين أحمر. يبقى فاضل قدامه إيه.

عشان يبقى جاهز للعملية كلها؟! شوقي قال لنفسه: أنا لسه جديد ف الكار وعشان كده أحسن أسيب الخطوة لو لانيه لعلي السعيد. هو ه أدرى منى بأصول الشغلانة دبت.

السعيد. هوه ادرى مني باصول السعالة ديك.
ودا اللي حصل بعد كده. في صباحية يوم من ذات
ليام. قابله على السعيد. وعمل كأنه بيرمي عليه الصباح.
بص حواليه كويس. وقرب منه. وسلم عليه. وكلمه بحس ما

بص حواليه حويس. وقرب منه. وسلم عليه. وحلمه بحس ما يقدرش يسمعه أقرب واحد ليهم. والغريب إن شوقي سمع كل كلمة قالها علي السعيد.

قاله: ليلة القدر مستنياك. رد عليه شوقي، حاكم هوه ابن نكتة، ودمه خفيف موت. تقولش سماعين ياسين في في زمانه، وحاول ينكت. ما هو إن ما ضحكشي يطق يموت:

بس رمضان لسه بعيد. شاور علي السعيد لمخيخه وقال له:

دي ليلة القدر احنا للي بنعملها. غير ليلة القدر بتاعث ربنا. بعد كام يوم. قال على السعيد لشوقي الفنجري: هوه.

قال: هوه. على السعيد قال: عندك ميعاد مع الراجل الكبير. سأله شوقى: آنى راجل كبير. ما هى البلد مليانه كبرا. دي

ساله شوقي: اني راجل كبير. ما هي البلد مليانه كبرا. دي ما فيهاش و لا حد ظغير. ضحك وسأله: دا بتاع ليلة القدر. كل اللي طلبه علي السعيد من شوقي الفنجري إن

كل اللي طلبه على السعيد من سوفي الفنجري إن يكون معاه شنطة إيد. متينة وجامدة. وأول ما تتقفل على اللي فيها. عمرها ما تتفتح. يعني شنطة من بتوعات اليومين

دولت. اللي بيقولوا عليها. ليها نمر سحرية. واللا نمر سرية. واللا نمر سرية. والنبي ماني عارفه.

هوه كت عنده شنطة بيقول عليها ف الحتة. من بتوع السفرا. شاريها من سوق الكانتو. عشان يتعاجب بيها. الصيت ولا الغني. اشتراها بعشرين جنيه. تقولشي مسروقة.

كل واحد كان يسأله عن سعرها. يقوله: افصل انت وشطارتك. ويبتدي الفصال. ميت جنيه. يتنفخ ويقول: زود شوبة. وتوصل لحد تلتميت حنيه. من يوم ما اشتراها وهوه شايلها فاضية. أكثر حاجة

انحطت فيها. البطاقة وكرنيه الشغل. إنما كان حاسس إنه لزمن ييجي لها يوم، تتملي فيه فلوس، وكان يحلم بيها في الليل مليانه فلوس. وكان يقعد يحسب. لما تتملى فلوس. تأخد

قد أيه. كان يحتار عشان مش قادر يحسب أي فلوس حايحطها فيها. ورقة بعشرة أو من أم ميه، واللا بألف. كان

كالمحتمد المنطقة المن

الناس كلت وشه. وقالوا عليه، أبو شنطة فاضية. وهو ما زعلش. وقال ليهم، مسير الفاضي يتملي، هوه الفاضي بيفضل على طول فاضى. الكلام أصله حبك.

ضحكوا وقالوا الفاضي يعمل قاضي. شتمهم. وقال لهم يا نور دي شنطة. هيه بني آدم.

من يوم ما اشتراها. وهوه بيقول عليها. وش السعد. كان متأكد إنه في يوم، حاييجي الخير الشنطة دي. وكان يشيلها، ويطبطب عليها ويبص ليها. ويسأل عنها. وينضفها دايما مرة بالميه. ونوبه بالجاز، وبفرشها من غير ما تتوسخ.

دايما مرة بالميه. ونوبه بالجاز، ويفرشها من غير ما تتوسخ. وعمر ها ما راحت عن باله خالص.

على السعيد. نما كلمه. اداله ميعاد سعت المغربية ف

آخر العمار، من نواحي مدينة ناصر. عند الهو كدا، الفران جرت ف عبه. اتوغوش. سأل على بيه السعيد الملونير، عن الراجل الكبير. مين هوه؟ عايش فين؟ عايزه ليه؟ وإيه

العبارة والحكاية؟ عشان يبقى عارف هوه بيخطي ورايح فين.

طبطب على السعيد على كتفه وقاله: اللي أوله شرط آخره ایه. رد علیه: نور طبعا. علی السعید. کز علی سنانه و هو ه بيقوله: و أول شرط ف الحكاية ديت، إنه ما يسألشي أي سؤالات خالص. همه حايعر فوه اللي لزمن يعرفه من

غير سؤالات ولا يحزنون. سؤال واحد بخلي نقبه على شونه. ويعمل م الحبــة

قبه. كل اللي عليه إنه يحط لسانه في بقه. وما يطلعوشي إلا وقت اللزوم. أهل زمان قالوا لنا: لسانك حصانك. إن صنته صانك. وإن سبته بهدلك وهانك. النوبة دي. هوه بيسأل

أخوه. ما فيش بهدله و لا إهانه. النوبة الجابه. رقبته هبه اللي حاتطير . رجعت الفيران تلعب في عبه. إنما النقله في كلم ابن حتته. خلت كل فير ان الغيط. وجميع فيران البيت تطلع

البلا على جنته نوبة واحدة. قاله صاحبه إنه لو نجح في لمتحان عند الناس اللي رايح لهم. فلوسه مش حاتتعد.

وحايعدوك معاهم. قاله. يعدوني؟ رد عليه: المهم إنه يوصل لشط بحر الخوف ويعدي وما يخافشي م الطراطيش.

سط بحر الحوف ويعدي وما يحافسي م الطراطيس.

راح لصاحبه قبل الميعاد بساعة زمن. ما ركبش

تكسي، احتياط واجب وأي غلطة تخلي رجله والقبر. قعد

يلف في مكان المعاد. لحد رجليه ما ورمت م المشي. وصل والدنيا منوره والشمس طالعه. وفضل يروح وييجي لحد الدنيا ما غشت. بعين ليلت.

ابتدت العربيات تركن حواليه. فيها بنات وعيال متقصعين. بيحبم بعض عيني عينك، خبط لرض برجليه. وشتم الدنيا. وتفع لسلفت. دمه انحرق من شكل العيال

اللي راكبين العربيات. وهو عمره ما ركب غير رجليه. نما السكك كلت منها راقات. من كتر الرمح عليها. عمر جزمة من جزمه ما عمرت أكتر من سنة، ولزمن يعمل ليها نص نعل من نص السنة ديت، إنما اللي

بيركبم عربيات. تلاقي عمر الجزمة من عمر صاحبها. جه صاحبه. كان راكب عربية، عمره ما شافه راكبها قبل كده. دا تلاقيه بيركب العربية نوية واحدة. ولو

ضورت وراه تلاقیه ینکن بیرکب الولیه برضه نوبة واحدة ما یتنیهاشي. وبعد کده تبقی خرج بیت طوالي، العربیة کت العین ما تحیش آخرها. بیت ماشی علی عجل. بیتلعاط زی

لله يسيهاسي. وبعد حده تبعى حرج بيك طوالي، المربية حد العين ما تجييش آخرها. بيت ماشي على عجل. بتلعلط زي المراية. تشوف وشك فيها. وتسرح شعرك، ويقدر الواحد

المراية. تشوف وشك فيها. وتسرح شعرك، ويقدر الواحد ياخد دقنه قدامها. بحلق في الترومبيل، بس ما قدرش يعرف كسمه إيه

بالضبط، مع إنه في السنين الخرانية، اتجنن من السؤال عن التومبيلات واتمانها. اللي كان عقله ما يقدرش يحسبها، وبعديها كان بيدوخ من كترة الفلوس. ما هو حاكم كتر الفلوس يجنن. وقلتها تودي ع السراية الصفرا. وهو من

يومه عايز يطلع السما. بس من غير سلالم. أول ما شاف صاحبه. بيبص له من ورا إزاز الترمومبيل. عمل نفسه بيشوفه صدفه من غير معاد. ولا ترتيب، ما هو ما حدش ضامن حاجة في الزمن ده. ظغر للعربية. وعينيه حاتفط من مكانها. وتعب الوقفة راح نوبة

واحدة. شوقي الفنجري قال لعلي السعيد: ـــو النور دا أنا شفته فين قبل كده.

قاله: انت حاشتعر من دلوقتي. الصبر يا بن آدم، لف واركب.

واركب.
لف حوالين العربية. كت جديدة لنج، لسه طالعة من الفبريكة، من بلاد بره، مناخيره شمت ريحه البوية اللي لسه

طرية ما نشفتش. والكتابة ع الكاوتش كت لسه توك مكتوبة، وهوه بيلف شاف نفسيه ماشي كأنه قدام مراية الدولاب الطويلة في أوضة نومه. اللي بينام مع مراته قدامها وهمه

الطويلة في أوضة نومه. اللي بينام مع مراته قدامها وهمــه عريانين ملط. زي سعت أمهم ما ولدتهم. حلف بالطلاق يمين تلاتة. شــافعي ومـــالكي وأبـــو

حنيفة، إنه يوم ما يحتكم على واحدة زي دي. لزمن يركب مراته جنبها ويشوفوا نفسهم فيها. أقله ديت مرايبة ملونه. أحسن من مراية البيت. قال لنفسه، أنا شيلت يا زمن الحلم ما كليت. ولفيت

معاك ما خليت. بس بقى. لحد كده وخلاص، كفاية. لـزمن نلاقي اللي يشيلنا. أنا خلاص انتهيت والطريق لو سلك مـن أوله، عمره ما يعرف الميلان. الناس العبطـة فـي الحتـة.

أوله، عمره ما يعرف الميلان. الناس العبطة في الحتة. بيقولوا اللي يشبك مخه في حب الفلوس عمره ما يعرف ينام الليل. وأنا خت إيه م النوم؟ أنا نمت الليل. وأنا خت إيه م النوم؟ أنا نمت الليل.

الليل. وأنا خت إيه م النوم؟ أنا نمت اللي يكفيني ويكفي الناس كلاتهم. كان فيه سواق راكب قدام بيسوق التوموبيل. دا على

كان فيه سواق راكب قدام بيسوق التوموبيل. دا علي بقى ولا رئيس الحكومة ذات نفسه. إيدين السواق مغطيهم بجوانتي أبيض. وراسه عليها كاسكته ولا أكبر ظابط في البوليس أو الجهادية. وبدلته بشرب من عليها العصفور.

وقميصه أبيض زي الحليب. وشانق نفسه بعليقة. والزاكتة لونها غامق، على عينيه نضارة. ما اعرفش شمس واللا نظر، وهوه فيه حد يلبس نضارة شمس في الليل. تلاقيها نظام عياقة.

صاحبه على السعيد كان قاعد ع الكنبة الورانية، شاور لشوقي ع الحتة اللي جنبه، عشان يقعد عليها. قعد ونفسه مكروش م الخضة.

التومبيل من جوه كان مكسى بالقطيفة الكحلي. والعربية من بره كان لونها سماوي. والدواسات في الأرضية

كت من نفس لون القطيفة. وع الكنبة الورانية كان فيه مسند كله قطيف ف قطيفة. وهوه بيقعد افتكر إن مراته ريقها ولسانها نشفم من كتر طلبها فستان قطبفة. وهو ســأل لقـــي

تمنها في السما، فطنش. عمره ما حسس عليها إلا أما فكرته بالفستان القطيفة.

استغرب، قال لنفسه من غير حس، عشنا وشفنا

العربية لابسه أحسن من البني آدمين. مش بعيد، تكون الحلية اللي ف الباب. دهب اربعة عشرين قراط. والإزاز من اللي بيكبر وبصغر، واحنا نشوف اللي بره. واللي بره عمره ما بشو فنا. ياما لسه حانشو ف.

صاحبه كان حاطط ايده اليمين ع المسند. وهوه راح

حاطط إيده اشمال كمان ع المسند. ما حدش أحسن من حــد. احنا كلنا و لاد تسعة. ولزمن الواحد تبقى مناخيره ف السما. وراسه برأس صاحبه، من دلوقتي، عشان لو نخ ووطي من دلوقت. حايفضل كده طوالي. صاحبه بص له وقاله: رايحين

لولي النعم.

قعد، وراح حاطط الشنطة اللي كت ماليانه بالهوا

على أرضية التومبيل اللي كت واسعة. بص لقي صاحبه فارد رجليه ع الآخر ، راح حاطط الشنطة ع الكرسي الفاضي، جنب السواق، صاحبه ضحك وقاله أقرع ونز هي.

انت نص كنبة، والشنطة كرسي لوحديها، ولسه ياما نشوف مذاى.

شوقی الفنجری فرد رجلیه، اتضایق، عشان عظم

رجليه طقطق وهوه بيفرده. عضم غشيم. لسه واخد ع الشقا. تلاقى عضم صاحبه طرى. ومتزيت وواخد على كده. قال لنفسه، دا الفرق بين واحد منغنغ ع الآخر. وواحد شحط ع الأواخر. الحالة عندهم جيم طوالي. قال لنفسه: بس هانت يا

و لد . شوقى عمره ما انجعص كده. وفرد نفسه ع الآخر. صحيح اللي قال: الفقر حشمة والعز بهدلة، وهوه ياما بلع

الفقر زي شربة الدود اللي كان بياخدها وهوه صغير. صاحبه قال للسواق: المطار با اسطى، وكلمة المطار رنت ف ودانه. فسمع أصوات الطيارات اللي بتكون في سابع سما، وشاف أنوارها بتضوى فوق السحاب، حزقه السؤال، بقى زي المرة اللي جاها الطلق. كان بده يسأل: هوه الميعاد في بلاد بره؟

كان عاوز يقول، إنه ما معهوش بزبورت، ولا ورق يطلع بيه بره، وجماعته في الدار ما يعرفوش حكاية السفرية دي. وينكن.. يروحم النقطة ويعملوا محضر بغيابه. وتنكشف

دي. وينكن.. يروحم النقطة ويعملوا محضر بغيابه. وتنكشف الفولة قبل ما يبتدوم.
الكلام ده. طلع على جوه، راح مطمن نفسه. هوه

الكلام ده. طلع على جوه، راح مطمن نفسه. هـوه ابتدا سكة عمره ما حايعرف آخرها. وليه بس يتعـب نفسه بندا؟ بالأواخر. هوه لسه ابتدا؟

ف المطار، نزلم قدام لوكاندة كبيرة خالص. العين ما

تجبش آخرها اللي لاحمه مع السما، قدامها طيارة ما قدرش يعرف هيه طياره لعبه واللا بحق وحقيق، الطيارة بشرة خير. بتطير ف العلالي. والعلالي هيه الجنة ذات نفسها.

حير. بنطير في العادلي. والعادلي هيه الجنب دات تعسمه. ونما بيحلم بيها. تفسر مراته الحلم، بإنه حايطلع فوق واللي فوق الليهم طايلة. شبرقة ونغنغه ونعنشه وحاجة ألسطة. افتكر الغنيوة اللي بتقول: عشان ما نعلا ونعلا لزمن

افتكر العليوه اللي بلقول: عسان ما تعلا وبعلا لرمن نطاطي نطاطي. نفخ. قال لنفسه: وهـوه ده كـلام يخـش الدماغ. عشان نعلى، يبقى حانسكن العلالي. ومين اللي جاب

سيرة الواطي بقي. العالى عالى. والواطي واطيى وبين ده وده. زى ما بين سابع أرض وسابع سما.

تته داخل على جوه. صاحبه وقفه. قاله هنا وبس، شوية وقبل ما ينشف عرقه اللي كان زي مرقه. وقف تومبيل

أقوله إيه واللا أحكى إيه؟ صاحبه أبهه. التوموبيل لأو لاني ما يساويش فردة كاوتش في التومبيل التاني. قال لنفسه: يا سنة

سوخة. هيه إيه الحكاية يا ولد؟ التومبيل اللي وصل، وكان بيزيق في وقفته. بمزيكا

حلوة، عشان الشحم لسه زي ما هوَّه. كان فيه انتبن. نيزل واحد. وفضل التاني في العربية واللي نزل كان شحط، طول بعرض، خشبه كتير زي بتوع العصابات اللي بنشوفهم ف

السيما. جسم إيه؟ وعضلات إيه؟ ومقانص إيه؟ وبز از رجاله ابه؟ وشعر ابه طالل من ترسينة بدلته؟ حاجة كده زي عبده شلضم، استلم منه الجدع ع

النوتة، كان فاضل بيصم له. بإنه خده صاغ سليم. ما ر موش السلام على بعض زي كل مخاليق ربنا ما بيعملم. يا خي دا السلام لله. كانوا بيتلفتوم، ويبحلقم حواليهم زي النور والغجر، تقولشي شايلين سريقة. وفيه حد ماشي وراهم. أنطس في نضري إن كت باكدب. وما اوعى أكمل

كلامي. خدم الجدع من صاحبه، وركبوه التومبيل اللي هوه. وصاحبه مشي لحال سبيله. معقوله. صاحبه ما يمشيش معاه غير الخطوة لاولانية ويسيبه حتى من غير ما

يسلم عليه. متشعلق ف حبال دايبة مش عارف الألف من كوز الدرة، ولا عارف اللي مستنظره في سكته، ويا عالم إن

كت سكة السلامة واللا سكة الندامة، واللا سكة اللي يروح ما يرجعش. ساعتها، انخلع قليه م العروق، اللي شايلاه، دولت

ما يرجعس.
ساعتها، انخلع قلبه م العروق، اللي شايلاه، دولت عاملين زي بتوع المنسر، يسأل ويخلص، حايفضل لحد ميته

عاملین ري بنوع المنسر، یسال ویخلص، حایفضل لحد مینه محصور بالسؤالات اللي بتکویه یسأل ویریتَّح نفسه و إن شاشه تتطربق علی دماغه، ودمغتهم.

کان کافی خیره شره، و آهی ماشیه. لیلة قافرة ولیلة

ما حدش اداه فرصة، يهرش البرغوت اللي ماشي على على على على على التومبيل التاني. وسوق يا اسطى ياللا.

والعجل حك بالأرضية. وسرسعت سرسعة تصحى اللي ف سابع نومه.

وطيران راحت ناطه العربية هجمت ع السكة نوبة واحدة

وأول ما جرت العربية، الهوا دفع باب اللوكاندة

لجوه، فينك يا امه تشوفي الأمله اللي ابنك فيها. حايدوخ من

ركوب التومبيلات اللي ترد السروح أهسو داخ م السرمح،

تقولشي كانم بيسابقم الريح.

آهو دا اللي حصل.

## <u>عشرة</u>

## شيخ المنسر

راحوا بيه على شبرا، شوف بقى م المطار لشبرا عدل. سفر، لو كان في سكة عدله، ماشيه طوالي. كان وصل سكندرية.

قبل كده كان صحبه بيكلم وياه، أو يضحك له. إنما اللي جنبه دلوقتي. أبو الهول ذات نفسه، تقولشي عاملينه من الحجادة.

ف آخر شبرا. وقدام كنيسة أنوارها مطفية. وقف التومبيل، السواق وقف من نفسه. دي المشورة لرمن سيم معروف بناتهم. نزل الراجل السكيتي م التومبيل. راح نازل هوّه كمان من نفسه. ما حدش منعه م النزول. بص لقى نفسه واقف ع التل طوار. والتومبيل مشي شويه كده يا دوبك.

شوية وجت عربية تالنة. أجعص من الأولانية، وأحلى م التانية، عربية تقول للقمر قوم وأنا أقعد مطرحك.

سواق ومعاه واحد تاني. استلموه من غير إحم ولا دستور، ومن غير ولا كلمة انقالت. دي الحكاية واعرة باين عليها.

قال ف عقل باله، دولت عصابة. حلف بالطلاق تلاتة. إنهم عصابة، زي عصابات الأمريكان. بعد ما ركب. كان حايسرخ. اللي بيسوق التومبيل المرة دي نتاية، فلقة

كان حايسرخ. اللي بيسوق النومبيل المرة دي ننايه، فلفه قمر. نظام ملبن ومهلبية. شعر إيه المسبسب. أصفر رباني وفيها كل حاجة بيحبها، تخينه، زي المرتبة، وبيضه زي

وفيها كل حاجة بيحبها، تخينه، زي المرتبة، وبيضه زي القشطة. القشطة. يكونوش عارفين مزاجه، ف موضوع النسوان

والهلس. وهو بطل كلام فاضي. عشان إيده مش طايله وهوه عمال زي البوسطجي، يوصل الماهية م الشغل للبيت، ولا يستجري عينه تروح على ملين منها.

عمال ري البوسطجي، يوصل الماهية م السعل البيت، ولا يستجري عينه تروح على ملين منها. قلبه زغرت. كان فاضل شوية ويرقص. ما دامت الحكاية فيها نسوان. يبقى كله تماما. سواء فيها قرشينات

الواحد في عز الشتاء، من غير لحاف. من سعت ما ساب صاحبه، وهو بيعامل ناس، نسوه الكلام. ما فيش واحد فيهم حواه لسان.

و اللا حابيجي نقبه على شونه. كفاية الفردة دي. اللي تدفي

إلا الست دي. اضورت ويصت وراها، ونورت التومييل من جوه من غير كهار ب. قالت: "ميه مسا" لو الود و ده، كان نزل على طول، وركب قدام جنبها. و ضرب أيو الهول اللي وياها، ونزله، وهرب معاها. بقي معقول إن

شنطته هيه اللي تكون جنب الهنك والرنك. وهوه بعيد محروم.

إيه اللي عاجبه في القعدة ورا. أبو الهول هو اللي

اكلم قال: المهندسين يا اسطى، يبقى لزمن ولى النعم ساكن في المهندسين، كلام معقول ويخش الدماغ اللي هناك همــه الموعودين، عابشين ف جنة قبل جنة ربنا بتاعت الآخرة.

العربية مشيت ناعمة. تقولشي بتحسيس ع الأرض. زي النتابة اللي سابقاها. والواحد بحسس على كل حتة فيها، مرة زي قمع السكر، بصت على نفسها في المرابـة اللـي قدامها. كان عاوز بقولها، إنها مش محتاجة للحاجات دي.

سكت. قال لنفسه يا ولد ينكن الراجل اللي جنبها جوزها. يبقى جه يكحلها عماها، الصبر طيب، واللي يصبر لزمن بنول المراد، وهوه مش عاوز غير إنه يركب المرة دي ويفضل يدي ويشيُّع لحد ما يموت وهو وياها.

بلا فلوس بلا غيره. ومين اللي قال إنها بعيدة عن الورق لخضر أبو مادنة منورة. الوقت كان زي السبرتو، ولا

حس بأبها حاجة، غير إن العربية واقفة وهمه تقولشي نزل عليهم سهم الله جوه التوموبيل. الوقت فات. وهيه متسمرة

قدام، وهوه محنط ع الكنبة الورانية. لغاية ما وقفت عربية رابعة جنبهم. نزلت منها ست متحجبة ومعاها راجل.

يعنى حابسيب المرة اللي لهلبت قلبه وقطعت حشاه. حتى من غير ما بعرف اسمها، أو بعرف حابلاقيها تاني ازاي، بقى ده كلام. من دى لام حجاب طوالي. قليل البخت،

تسمله العابقة، للي ملفوفة من شعر رأسه، لضو افر رجليها في القماش، يا فرحة ما تمت. خدها الغراب وطار، المتعوس متعوس، حتى لو علقم له فانوس: نقول إيه في حظنا.

الولية المتحجية قربت خالص من شباك التوموبيا. قالت: "السلام على من اتبع الهدى" نطقت كلامها، زي تمثيليات اللغة العربية. اللي بتيجي ف شهر رمضان، وزي إمام الجامع ومدرس الإلزامي.

خدته الولية المتحجبة، و هو ه عينيه متعلقة بالولية اللي كت لابسه عربان. سدر إيه؟ وفخاد إيه؟ نتابة تحل من على حبل المشنقة. قال لنفسه، إن الدنيا قد ماهيه كبيرة، كبيرة، فهيه ظغيرة ظغيرة خالص، ومسير الحي يتلاقي.

وهوره حايفضل حي عشان يلاقي الحبايب مخصوص. انقلبت الآية المرة دي، قعد جنب الست، اللي مـش

بابن منها غير عينيها. والله ما بابن عليها إنها ولية و لا يحزنون. تقول إيه بقي؟ يعني لزمته إيه بس الحجاب ده؟

اللي طلعوا لنا بيه على آخر الزمن، دا مداري تحته حاجات و محتاحات.

الولية قالت بعد شوية "شي الله يا أم هاشم"، ما تعرفشي إن كت بتكلم نفسها زي العبط، واللا بتقوله، والله

هيه عندها لطف في عقلها، واللا بتقول الكلام ده للسواق، قالت للسواق: سمعنا كلام الله يا شيخ أحمد. صاحبنا احتار . ف العربية لأو لأنية سمع مزيكا

افرنجی، نحاس ف نحاس وادی، خبط ورزع. جاب له صداع. بعد كده سمع حلقة ذكر "الله حي، الله حيي" وكت حلوة لغاية إنه فكر يتطوح هوه كمان، ويزعق من عزم ما فيه: الله حي الله حي. والعربية التالتة كان فيها واحد بيغني عن أم حسن. والطشت اللي قالها قومي استحمى، وسعت ما

كان بيسمع سأل نفسه: يا هلترى سمعت كلم الطشت، و استحمت الست أم حسن، ويا بخت الطشت، على اللي شافه.

واستحمت الست المحسل، ويا بحث الطست، على التي سافة. بس لزمن تكون أم حسن ف حلاوة السواقة اللي فاتت، السواقة؟ ما تفكرنيش باللي فات. دي ما لهاش غير حتة

السواقة؟ ما تفكرنيش باللي فات. دي ما لهاش غير حتة واحدة تعيش فيها طول عمرها اسمها: المرتبة.
هيه بتسمع، وهيمانه مع كلام ربنا، وهوه قاعد بيصيص لبها. والله دي كمان مرة حلوة، رموش عينبها طول

يبصبص ليها. والله دي كمان مرة حلوة، رموش عينيها طول المسطرة اللي الواد بيذاكر بيها دلوقتي في البيت. وكسم جسمها تحت الخيمة اللي لابساها بيقول: هنا نتايه تجنن الواحد بيضاعتها. حاطة احمر واخضر واصفر وابيض.

الواحد ببضاعتها. حاطة احمر واخضر واصفر وابيض. وقصة شعرها باينة من تحت هدومها. الشيخ كان بيقرا سورة الرحمن. والدمع شكشك

عينيه، فكرته بصلاة الجمعة. بقى محتار. يلعب حواجبه للنتاية، واللا يسمع السورة اللي بيموت فيها. هيه كوم والقرآن كله كوم.

الست سألته: الأخ مسلم. قال لها: وموحد بالله.

عند جامع السيدة زينب نزلم من التومبيل. خدتـــه ومشيت. فكر إنه يطلب منها. انهم يدخلم الجامع، ويتوضـــوا

ويصلوا ركعتين لله. بص لقى باب للحريم وياب للرجاله. خاف لتتوه منه، ويروح تعبه ع الفاضي. مين يعرف، ينكن

يقولوا عليه هربان. بعد ما عرف حاجات عنهم، ويخطف وا ابنه و اللا بنته و الحكاية تبقى بابخه.

حاول يقرا الفاتحة لأم العواجز، الست أم هاشم، إنما نفسه كان مكروش. أجل موضوع الفاتحة لظرف تاني، يادي

النابية ع اللي استلمه المرة دي. كان ماشي كأنه شار ب بحر خمرة بيتمايل ويتطوح تقولشي رجليه بايات وزمبلك. قال لنفسه: جايز هوه بيمثل إنه سكران. ما هم الناس دول بتوع

تفانين ما لهاش آخر. و هو بيركب العربية، دعا أم هاشم، تكون دى آخر ركوبه. كان ابتدا يدوخ ويتعب. عمره ما حصل له كده. كان

زمانه بياكل رز مع الملايكة في سابع نومة، وعياله بتريل ع المخدات. ومراته بتكح عشان تقول له انها صاحيه. وإنها عايز اه، و هو عامل نفسه نايم، و مش و اخد باله، و النعسان ما

علهوش ملامة. وعشان الدور يخيل عليها. يروح مديها شخير م اللي هوة. الولية المتحجبة شاورت له من بعيد لبعيد، يعني باي

باي. تيجي منك انت الحركة النميسة دي. اللي ما جت من الولية اللي كت بتحك نفسها في الكرسي وهيه بتسوق.

الراجل السكران، هو اللي ساق العربية، عربية ظغنطوطة محندقة، فيها كرسي للسواق وكرسي للي جنبه بس. ما فيش سواق عشان يقوله: ع الحتة الفلانية يا اسطى،

تقولشي البلد ما بقاش فيها رجاله.

بس. ما فيش سواق عشان يقوله: ع الحتة الفلانية يا اسطى، فيعرف همه رايحين فين. ابتدا يبص للسكة، عمره ما عدى من هنا، إلا وهــو

ابدا يبص سنده ما عدى من هذا إلا ومدو محموله ما عدى من موجه. شوية محشور ف الأتوبيس أو الترماي، حايطلع من روحه. شوية والعربية زعقت. كت طالعة جبل عالمي. قال في سره. معقول إن البيه الكبير يكون ساكن فوق جبل المكتم. أول ما

طلعم فوق، هبت عليهم نسمة ترد الروح.
تحت هوا اتشم قبل كده. شايل جواه عرق ومجاري
لفوا الجبل من فوق. وياه ع اللي شافه في اللفة دي. مسخرة
في العربيات، بوس وأحضان من اللي هوه. حب من بتاع

الناس للي في العلالي. بال رايق ونسوان تجنن. وفلوس جاية لوحديها. العربيات مرصصة ورا بعضيها ف كل عربية انتين، واحد وواحدة. وشغالين على ودنه.

اللي قاعدين ع الكنبة الورانية، واللي عاملين الكرسى القدماني سرير، واديله ف التمام. لا تقول لي صحة

و لا عافية، الحكاية عايزة روقان البال، بالك رايق تهد جيال. وتركب عشر نسوان في ليلة واحدة. وكأنك كت بتتفسح.

نزلوا تاني من فوق الجبل، من غير ما يروحوا أبها حتة، قال السكر إن إنه بيستبشر بالجنة دي قبل ما يطلع على باب الله. السكك قرف، والمشوار اللي بجبيه هنا. تبقى قرفته

عسل، قال لنفسه، بدل ما بسأل عبنيه بتقول هو رايح فين. لقى نفسه ماشى وحواليه كباريهات. قال يبقى شارع

الهرم. اللي عمره ما سهر فيه. من الليلة دي وطالع. مش حابطي له السهر إلا هنا. ينكن السكر ان تبيجي له البشر ه من هنا كمان، والنبي باين عليه حايدوخ السبع دوخات ويرجع

قفاه بقمر میت رغیف. بص ف ساعته، مش عارف إيه اللي جابها على

باله. كان عقرب الدقايق راكب فوق عقرب الساعات. ياه نص الليل. دايما يقوم ف الساعة دي. عشان يبرد نار العشا اللي مشعللة ف جوفه بشربة ميه. يشرب ويتكرع ويحمد

ربناع الفول والبصل والعيش. هيه نفس الأكله ف صباحه

وف مساه. دي البهايم بتغير أكلها. وهو البني آدم حصَّل البهايم في ليام اللي زي الهباب دي؟

رُحمة ولا زنقة الستات. نسوان ملعلطة، ورجاله تعبانة. وزباين أكترهم م العرب. وأقلهم م الحرامية ولاد

تعبانة. وزباين اكترهم م العرب. واقلهم م الحرامية ولاد البلد. والسهرة صباحي. أول ما ينام الناس. يصحى الشارع دهوه. وأول ما يصحى الناس ياخد الشارع ده تعسيلة طول

دهوه. واول ما يصحى الناس ياخد الشارع ده بعسيله طــول الليل ليله نهار. ونهاره ليل. البلد كلها لها سلو. وهنــا ســلو تاني.

تاني. قبل ما يخلص الشارع. ويبان الهرم ذات نفسه.

حودت العربية على سكة جنبها ترعة. صحر وناموس وهس. ما فيش حس ولا خبر، كأنك قلبت صفحة في ألبوم صور .. صورة انقلبت وجت واحدة غيرها، ما فيهاش م الأولانية أيها حاجة. النور داب ف الضلمة. والألوان اللي

الاولانية ايها حاجة. النور داب ف الضلمة. والالوان اللي مالهاش عدد سلمت نفسها لسواد الليل الغطيس. نور العربية كان فارش السكة. وكل ما ينزل ع الأرض. يلاقي تعبان بيبرق وسحالي بتعدي السكة بسرعة من ناحية لناحية قبل ما

تدهسها، العربية وقفوا قدام سراية بيضا، حواليها حراس من

كل النواحي. في ايديهم بنادق ومدافع. وفي وسط كل واحد مسدسات وخناجر وسكاكين. هجموا عليهم الحراس. صاحوا:

\_ مين اللي جاي؟

قال السكر ان: ــــ أنـا.

قال. ــ نص أرنب. نه دار در من تا در

فتحوا له السكة. وقالوا: ـــ اظهر وبان. عليك الأمان.

جوه السراية. سكك مسفلتة وإشارات مرور وعساكر مرور لبسهم أنضف من لبس العساكر اللي بحـق وحقيـق

وإشارات بتضوي. أحمر واخضر واصفر. وعربيات تانية. ماشية وميدان ولا ميدان التحرير ف وسطه نافورة شعالة، مش خربانة زي نافورات الحكومة اللي بتنخرب يوم ما

تتركب.

العربية وقفت قدام طرقه. تشوف أولها، إنما عمرك ما تجيب آخرها، فوقها تكعيبة عنب. وحواليها م الجنبين

خلايا نحل بلدي، ووراها جناين فل ويسمين ونرجس وهـوا الليل اشتكى من كتر الريحة اللي شايلها. كان السكران ماشي قدامه. زى العفريت، ولا سـكر ان ولا حاجـة، وف آخـر

قدامه. ري العفويي، ولا تسخران ولا خاجسه، وف الحسر الطرقة لقى سراية جوه السراية. بس ما فيهاش باب ولا شباك و لا حتى رزونة. دا و لا القلعة.

شباك ولا حتى رزونة. دا ولا القلعة. كان فيه باب قرب الجدار تمام. أول ما وقفوا قدامـــه انفتح من نفسه، من غير ما حد بلمسه. لز من شغال بالكهربا.

الفتح من تفلت، من حير ما حد يملت. الرمن سعن بالمهرب. طب وان انقطعت عنه وهوه جوه، ينفتح إزاي؟ وهو معقولة الكهربا تتقطع عن دولت. أول الباب ما انفتح انخض شوقي، وراح راجع لورا. قاله السكران: اللي ينخض م الباب

وراح راجع لورا. قاله السكران: اللي ينخض م الباب حايعمل إيه ف التقايل اللي جوه..

السكران طبطب عليه. يا ابني العمر واحد. والرب واحد، جمد قلبك. عمر الخوف ما يقدم و لا يأخر، سمعوا

صوت من غير ما يشوفوا أيها حد "شيع الأمانة" قال السكران: "الأمانة ف السكة" السكران طلع ورقة من جيبه. قاله فيها خريطة توصله. وأول ما يوصل يحرقها.

مشي ف سكه. فوقه مرايه وتحته مرايه وعلى يمينه

مرایه و علی شماله مرایه، أورطه ماشیه معاه. ناس فوقه.
ناس تحته. وناس حوالیه، من کل ناحیة. هجمت علیه المیه.
کان عام نامز بدن در مرش مره بدس فرن هذا در کرد ه در ارت

كان عاوز يضرب مرش ميه. بس فين هنا. ركبه سابت. كان ماشي يبحلق في اللي ماشيين معاه، يضحك يضحكوا، بشاور بشاور وا. بقف بقفوا. بنط بنطوا، بخطف رجله

يشاور يشاوروا. يقف يقفوا. ينط ينطوا، يخطف رجله يخطفوا رجليهم. آه لو ركب المرة السواقة في الحتة دي. دي تبقي

اه لو ركب المرة السواقة في الحتة دي. دي تبقى ولا حكايات ألف ليلة وليلة. واللي عمله الملك فاروق ذات نفسه في زمانه ف نسوان مصر.

"حمد لله ع السلامة" طلع من توهته ع الصوت.

تقولشي كروان بيغني واللا مرة بتغنج. ونقول آه ياني. بص قدامه. لقه مرة أنقح من اللي كت بتسوق. أول ما شافه منها سدرها. تقولشي شايله حمولة.

ضحكت، ينكن زلزال هز الدنيا، والمنطلون القطيفة اللي كت لابساه كان قماشه تحت جلدها. دلوقتي بس، عرف إن مراته وياها حق. إنها عايزة تلبس القطيفة بس دى فخادها

عمودين ملبن. إنما الغفير اللي فاته في البيت مهما لبسه حابفضل غفير.

صحيح بيقولوا. لبس البوصة تبقى عروسة. إنما وتربة كل اللي ماتوا له. مهما ليس أم العيال. وآهي الفلوس جابه، وحابليسها، والميه تكدب الغطاس، حاتفضك زي ما

هيه. سأل نفسه دي لابسه جلدها واللا هدوم. خاف يبص لها. عينيه تتعلق بيها لغاية يوم الموقف العظيم. ما يعرفش يرجُّع رموش عينيه تاني من عليها.

أول نوبة ف عمر ه يقابل مرة، ريحتها تشده ليها. قال لنفسه با و اد بالش هيل. هو ه جاي عشان بيقي فوق الأول

و بعدين بحلها ألف حلال، قالت له، إنه حابقاب الراجل التانم. قالها إنها أول واحدة يقابلها تريح باله. لزمن دي ست مهمة ف العصابة، ينكن تكون هيه ذاتها نفسها الراجل الأو لاني، باما سمع عن عصابات عاملاها نسوان، وكل

الرجالة تتمرغ ف ترابها وتحت رجابها، مسيره بعرف كل حاجة وبيقى واحد من دول. دخل مكتب تقولشي ميدان ضرب نار . حاجــة مــا

تجبيشي آخر ها. و الراجل التاني كان قصير خالص. قز عــة.

نص واحد تحتاني ما لوش فوق، وإيديه ولا إيد المولود اللي لسه طالع م اللفة.

أوضه مكتبه كت كبيرة خالص. وهوه ظغير خالص، لو أنا منه، كت قعدت في خن ظغير. زي خن الأنارب. عشان أملاه. الداحل كت فيه حاجة واحدة طويلة. ذي

عشان أملاه. الراجل كت فيه حاجـة واحـدة طويلـة. زي العصابة. السيجارة اللي كـت ف بقـه. والراجـل راح ع

المكتب وقال: وآدي قعدة. المرة النتاية، اللي يدخل السجن عشان ليلة معاها. خدته لغاية كرسي، قدام البيه عدل، الولية مشيت بضهرها

على بره، وسابت الباب مفتوح. حط الشنطة ع الأرض والكرسي اللي قعد عليه كان هزاز. يطلعه وينزله ف غمضة عين. قال شوقي لنفسه، يا واد خلي حكاية الهز بعدين. حط إيديه بين فخاده، فافتكر على طول فخاد المرة اللي دخلته المكتب.

دي الناس نعسانة. ودول بيشتغلوا. وفخاد المرة خلاته يحلف ليكمل المشوار واللي يحصل يحصل. ومطرح ما ترسى دق لها. الفلوس بتجيب النسوان. هوه كان محتار. الفكر بيودي ويجيب زي موج البحر. اللي عمره ما صيّف

فيه. هوه والعيال. ما دامت الحكاية حاترسي في المكتب مع

الراجل ده. كان لزمته إيه وجع الدماغ. واللف والدوران. ينكن دى أصول الشغل عندهم.

المرة النتاية أم فخاد دخلت تاني، النوبة دي كت بتزق قدامها عربية، عليها اللي نفسك تحبه. كأنها عربية جاية م الجنة طوالي. علب سجاير عمره ما شاف زيها،

وشرب، وحاجات من اللي بتبلع الشرب. هوه عرف إنها نفس المرة، عشان ريحتها كت سابقاها، نفس الريحة اللي

لسه معششة ف مناخير ه.

شاورت ع العربية:

\_ حاجة خفيفة لزوم القعدة.

كان عاوز بسألها: \_ أمال الحاجة التقيلة تبقى إيه؟! يا دين النبي. والنبي دا ما كانشي عايش قبل كده.

كان بيجر رجليه ع الأرض. الراجل القزعة قام من على مكتبه. قال:

\_ خادم القوم سيدهم.

عمل لنفس كاس. وصب لشوقى كاس. واختار أكبر سيجارة. عاملة زي الشومة، وقدمها ليه. وقاله يخدِّم علي

نفسه بعد كده، يعتبر نفسه مع بيته، والعزومة ع الضيوف بس، وهوه مش ضيف، والراجل القزعة، مسك الكاس ورفعه

و قال: \_ في صحة الصحبة الجميلة.

وشوقي راح رافع كاسه، وقال نفس الكلام. فكر بسرعة. ما حبش ببان غشيم، لزمن يعرفوا من دلوقت إنه مقطع السمكة وبيلها. والسكك واكله من رجليه راقات.

ومرقع وبتاع نسوان وابن حرام. اللي يبان أمير هنا ياكلوه أكل، اللي بياكل على ضرسه ينفع نفسه. صاحبه اللي جابه فص ملح وداب. وهو حاياخد منهم

على قد ما يكون مفتح وحرك ويفهمها وهيه طايرة. إنما لو غرق ف شير ميه. عمره ما حايخد حاجه، لزمن يعرفوا إنه يمشى ع العجين ما يلخيطوش.

سأله الراجل النص لبه: "فين الشنطة"؟ مد إيده. مسكها طوالي وقال: "أهي" شاور له ع المكتب يحطها عليه. وقاله: "افتحها" راح فاتحها. والراجل اتضور وراح فاتح الدولاب، كان في قلب الحيطة اللي وراه، وفوق باب الدولاب صورة متعلقة.

طلع رزم فلوس، ورق أخضر محدش مسكه قبل كده، طالع من الفبريكه طوالي. لزمن دول عندهم فبريكة. حط الفلوس ف الشنطة بابديه الكريمة. رصها يسرعة، لـ

حط الفلوس ف الشنطة بإيديه الكريمة. رصها بسرعة، لو كان شوقي كان تلخبط في رصها وغرق ف شبر ميه. \_ أرنب.

\_ أرنب. اللي حطها ف الشنطة فلوس، يبقى منين جه الأرنب، قبل ما يستفهم جاوبه الراجل. جايز عندهم مكن مخصوص.

قبل ما يستقهم جاوبه الراجل. جايز عندهم مكن مخصوص. يقول لهم ع اللي بيفكر فيه، وقاله دا سيم. الاستك يعني ميه، والألف يعني باكو، الأرنب مليون، عشان الأنارب بتخلف

بسرعة، والمليون بيخلف أسرع من الأنارب والأرنب حايدفيه الليلة دي بس، وهو حايمضي لهم دلوقتي وصل أمانة بأرنب ونص وحايمضي لهم شيك، طبعا من غير

رصيد، همه عارفين البير وغطاه، بنتين مليون حاجة كده وكده. عشان يضمنوه، دي أول عملية، وبعد ما يأمنوله. لا وصل ولا شبك ولا دياولوا.

طيب يسأل دلوقتي والا ينكتم ويسكت. بكره الصبح حاير وح ع البنك، يحط الفلوس فيه. لـزمن يسـأل واللـي

بحصل بحصل: مش حاتكون هناك مشاكل؟ قاله: في البنك حابقابل ر اجلهم. راح سأله طوالي: واعرفه از اي؟ قاله: مش لازم يعرفه. الراجل هوه اللي حايعرفه. همه دلوقتي يعرفوا عنه كل حاجة ف حياته، حتى

اللي بيفكر فيه عار فينه، البنك اللي حاير وحه، السكر تيرة حاتديله عنوان البنك بتاعهم. وبعد ما يفتح حساب باسمه ويحط فيه المبلغ. حايروح بنك أجنبي تاني. بنك خواجاتي، ويفتح فيه حساب تاني، بالدولار. من غير ما يدفع و لا ملين،

في البنك التاني. ويطلب تحويل الجنيهات اللي حطها في البنك لاو لاني لدو لارات. وبعدين بحولها لحسابهم ف بالاد بره.

> كل ده حايعمله الراجل بتاعهم، وهـوه بـس يديلـه اسمه. ويمشى معاه، جايز بحتاجه في أي مغرز أو شوكة تقف لهم ف زور الحكاية. وبعد الفيلم ما يتم. حياخد إشعار تحويل. يجيبه هنا بنفس الطريقة. سلم واستلم يسلم الأشعار، ويستلم وصل الأمانة والشيك اللي من غير رصيد، اللي يحط

الكلبشات ف ايديه ف غمضة عين. وياخد عمولته. ربع في الميه.

ان ما غلطش في العملية دي. حابيعتوا له ف عمليات تانية، دلوقتي حاير جع بعربية ظغيرة ١٢٨ نـص عمر علشان ما يلفتشي نظر حد من الناس كله عينيه مفنجلة،

وتمن العربية حاينخصم من العمولة بالتقسيط. والمبلغ حايكبر في كل نوبة عن المرة اللي قبليها. وكل حاجة حسب خفة

ابديه في الشغل. وهوه طالع، الست اللي بره. السكرتيرة حاتديله

مفاتيح العربية وورقها الراجل خلص كلامه. اللي كان بيقوله وكأنه حافضه صم، تلاقيه قال الكلام ده و لا ألف نوبة، بنكن مليون. ما هي كل حاجة هنا بالمليون، أول ما خلص كلامه،

راح ماسك الكاس. شوقى مسك كاسه زيه ومسك بالإيد التانية سيجارته الطويلة. زيه تمام. شرب شفطة م الكاس، فشرب زيه. وخد نفس م السيجارة. خد زيه. الراجل قاله:

> \_ دى أموال ربنا. قال شو قي.

\_ أنعم و أكر م.

الراجل القزعة قاله: ـ تبارك اللي بباركها. وراح مشاور ع الشنطة وقال:

\_ وتبقى لعنه ع اللي يحاول سرقتها. دي فلوس أرامل ويتامى، وأولاد سبيل. الناس دبقتهم مليم على مليم لغاية ما بقت ملايين. قاله: شوية شوية، وحبه حبه، تبقى

واحد مننا. زي صاحبك اللي وصلك لينا. قاله إن المكسب بينصرف على مشروعات الله. سأله: وهو ربنا له مشروعات؟ قاله: طبعا.

مسروعات؛ قاله: طبعا. قدامه أرنب بحاله. نايم جوا الشنطة. وبرة عربية مستنياه عشان يركبها. هوه عاوز يركب نسوان قبل العربيات. إنما العربية هيه اللي حاتصيد المرة. الراجل

العربيات. إنما العربية هيه اللي حاتصيد المرة. الراجل القزعة قال العمولة ف الآخر. حاول يحسب عمولته من دلوقتي عشان يعرف هوه حياخد قد إيه من العملية. إنما أجل حكاية الحساب دى لبعدين. وكل شيء بأوانه.

الخمرة شعشعت ف نافوخه. وسرحت ف دمه. راح سائل عن العمولة قد إيه. الراجل القزعة راح ضاحك، ضحكة هزت المكتب والسراية. غربيه إن الراجل القزعة

تطلع منه الضحكة دي. راح دايس على جرس، الأرض انشقت وطلعت منها المرة أم ريحه. حاجة تهيج التور.

الراجل القزعة سألها: تقتكري أغرب حاجة عملها الأخ الجديد، إيه هيه؟ عنيها اتسعت، وشفايفها بعدت عن بعضها، حاجة تجنن. ياخي اركبها دلوقتي وخلص نفسك.

بعضها، حاجة تجنن. ياخي اركبها دلوقتي وخلص نفسك. ومناخيرها اتحركت من مكانها. قالت لازم بيسأل عمولته قد إيه؟

إيه؟ الراجل القلة شب على رجله، لحد ما حصل شفايفها وباسها بوسة طويلة وقال لها: برافو يا بت يا جنيّة انتي. كل

وباسها بوسه طويله وقال لها: براقو يا بن يا جليه الني. كل سؤال له عندك رد، قالها الراجل اللي مش باين من الأرض، إن دورها جه. تاخده عندها وتديله الدرس. درس شفوي من غير حاجة عملي دلوقتي، لغاية ما تظهر نتيجة لمتحان.

وشر عب مسي دولتي، لما المعابل المعابلة انتها. وشرب شوقي اللي فاضل في الكاس شفطه واحدة وكح. كان حايرجع اللي ف بطنه. مسك بطنه بإيديه، لو رجع اللي ف

حايرجع اللي ف بطنه. مسك بطنه بإيديه، لو رجع اللي ف بطنه حاينزل بصل أخضر لسه ما انهضمش وحب فول مدمس و تبقى فضيحة.

طلع وراها وكان ضهرها عريان. فكر في حاجات، إنما مسك نفسه، وقال اللهم اخزيك يا شطان. قالت له الولية: إن الفلوس مفروض ما تطلعش من شنطة العربية. هيه أأمن من بيته. والعربية وقفها في مكان يعيد عن بيته. مش لاز م

إن الفلوس مفروض ما تطلعش من شنطة العربية. هيه أأمن من بيته. والعربية يوقفها في مكان بعيد عن بيته. مش لازم يوقفها تحت الشباك. لأن دا يلفت النظر.
قالت له. قبل كده. كان الواحد يشيل الشنطة ويسافر

يوقفها تحت الشباك. لان دا يلفت النظر.
قالت له. قبل كده. كان الواحد يشيل الشنطة ويسافر
بيها. إنما مش في كل مرة تسلم الجرة. مطار تطلع منه،
ومطار توصل ليه. إجراءات وتقتيش وناس تبلغ عن ناس،

ومطار توصل ليه. إجراءات وتقتيش وناس تبلغ عن نــاس، والولاد أول ما يلاقوا نفسهم في بلد تاني، عينيهم تــروح ع الفلوس، دلوقت اسهل.

بعد حكاية البنوك. كل اللي حايعمله أربع مشاوير. منهم تلاتة عشان التحويل. والرابع مشوار هنا، الحكاية نضيفه ميه في الميه. ما تخرش منها نقطة دم واحدة. مستحيل ينكشف المستخبي. كله ماشي تمام حسب ورق من بتاع الحكومة.

بناع الحكومه. قالت له: إن عينهم مش حاتغفل عنه. وهوه عليه إن يقول لهم كافة شيء حتى لو حب ياخد الأرنب لنفسه. بيجي يقول لهم. ويشرح الموضوع. وكل شيء يتدبر. ما فيش حاجة اسمها مستحيل عندهم، الصراحة مهمة خالص.

والولية بتتكلم عن الصراحة. وهوه ممنوع عليه السؤالات. طيب حايسال وإن حد فتح بقه. حايقول امال هيه

الصراحة تبقى إيه بقى. خبط لزق سألها عن الراجل الكبير ومين اللي قابله دلوقتي. قالت له: إنه ما فيش في الدنيا حاجة سداح مداح. فيه

وسي سي عبد عوسي. قالت له: إنه ما فيش في الدنيا حاجة سداح مداح. فيه حدود. قالت له: إنه ممكن ياخد الضربة اللي بتموت لو سأل عن الراجل الكبير تاني. حتتك بتتك حايروح ورا الشمس.

وعمره ما حايرجع من هناك. اللي قابله الليلة. هـوه اللـي حايقابله طوالي. قالت له: صدقني تسلم. ضـحك ف عبـه. يصدق مين ويكدب مين. عمره ما حايصدق نفسه من دلوقتي

حايفابله طوالي. قالت له. صدفتي تسلم. صحت في عبه. يصدق مين ويكدب مين. عمره ما حايصدق نفسه من دلوقتي وطالع. العصابة عايزاه يصدقها. هوه اتجنن واللا إيه. حسها كان عامل زي مخدة من ريش النعام. حب

ينام عليها شوية وحا يمشي من هنا. ويا عالم إن كان مكتوب له يرجع تاني واللا لأه. قال لها، إنه عاوز يشوفها. قالت عمره ما حاييجي هنا إلا نما تقابله. قبل ما يشوف البيه. قال لها إنه ما يقصدش الشغل إنما الفرفشة والأنسس والنعشة.

مش المثل بيقول عيش ساعة لقلبك. وساعة لربك، هوه عمره دله قت كام ملون ساعة. باين عليه غلط نما قال مليون؟

دلوقتي كام مليون ساعة. باين عليه غلط نما قال مليون؟ والنبي باين عليه حايكون مليونير والناس حاتشنف ودانه بالكلمة الحلوة دي. هوه مش أقل من علي السعيد.

قبل ما ترد على طلب الشوفان برة. جه على باله خاطر. وعشان المرة تطمن ليه. قال لها: إنه قريب علي السعيد. الولية فكرت وقالت له: على السعيد مبن؟ قال ليها:

الراجل اللي عرفني بيكم. قالت له. بردون سوري عمري ما تقابلت مع واحد بالاسم ده. قلبه سقط ف رجليه م الخوف. وهيه لحقت روحها وقالت: يمكن علي ده اسمه في شهادة

وهيه لحقت روحها وقالت: يمكن علي ده اسمه في شهادة الميلاد. ما هو حاكم كل واحد هنا له اسم تاني وهو من النوبة الجاية حايكون له اسم تاني عبال ما بيجي حايكونوا اختاروا له الاسم الثاني. سلمته ورق صغير كتير، كل ورقة فيها حاجة لزمن

يعملها وبعد ما يعملها يحرق الورقة طوالي، ورخصة العربية وتوكيل ليه بسواقتها. ومفاتيح العربية، واداته خرطة يطلع بيها لحد بره. أول مرة ف حياته يحط ف جيبه مفاتيح عربية. طول عمره بيحط فلوس فكه. ومنديل زي الجلد.

والمرة أم منطلون وفخاد يا دين النبي. بتقول له مع السلامة. وتهز ايديها وسدرها اللي زي المحمل. اتدحرج. وهو بقي

ويهر ايديها والمدرها التي ري المحمل. التحرج. وهو بعني مجذوب. مجذوب. الباب اللي طلع منه، غير الباب اللي دخل منه،

والناس اللي قابلهم وهوه خارج غير الناس اللي شافهم وهوه جاي. سكة غير السكة. واحد وداه جراش. فيه عربيات من كل صنف

واحد وداه جراس. فيه عربيات من كن صنف ونوع، حاجات عمره ما شافها. وقبل ما يحلم بالعربية سلموه عربية صغيرة. كل واحد على قده. والأرنب اللي معاه يدويك. ما يساويسش غير دي.

عربيه صغيرة. كل واحد على قده. والارنب اللي معاه يدوبك. ما يساويسش غير دي. ركب العربية. وحط الشنطة جنبه. قال بتاع العربيات. إن ساب الشنطة جنبه جايز تضيع، الأحسن إن يحطها في شنطة العربية الورانية، نزل، فتح شنطة العربية

العربيات. إن ساب الشنطة جنبه جايز تضيع، الأحسن إنه يحطها في شنطة العربية الورانية، نزل، فتح شنطة العربية بالمفتاح اللي وياه. وحط الشنطة جواها. وطلب منه بتاع العربيات. إنه يتأكد مرتين من إنه قفل الشنطة بالمفتاح.

رجع وركب العربية. هوه قبل كده عمره ما ركب عربية وساقها، غير وهوه بيتعلم، إنما لازم يبان قدامهم إله نازل من بطن أمه بيسوق عربيات. طلع من جوه السراية

من سكك غريبة. والباب البراني وداه سكة غير اللي جاه منها. شاوروا له على سكة توديه على شارع الهرم. رفعوا

له المناورو، له على للك توديه على للاح الهرم. رايحو، الديهم. وعملوا بصوابعهم شكل زي اللهي بيشوفه في التانيون. التانيون.

ساعة الفجرية قربت. كان عاوز يعيط ومش عارف ليه. ليه؟ م الخوف واللام الفرحة، أول مرة في عمره يكون ف عديه. مشى بالراحة. خاف لنخيط العربية.

ف عربية لوحديه. مشي بالراحة. خاف ليخبط العربية. وياخدوها منه ويقولوا له: طريق السلامة والقلب داعي لك. الفحر آهه. والسما بقي لونها بمثل نواحي الرمادي.

ويحدوها هنه ويوووا ده. طريق السادها والعلب داعي لك. الفجر آهه. والسما بقى لونها يميل نواحي الرمادي. إنما الشارع كان ع الآخر. أنوار وكهارب وناس ف مطاعم وقهاوي، شعور غريب حصل له أول ما لقى نفسه. يدوس ع

الدواسة. تجري بيه العربية، وكل حاجة بتجري لورا. وهوه هاجم ع الناس. والبيوت واقفة ع الصفين. تقولشي موكب معمول له مخصوص.

وهو مبسوط، وع الآخر. افتكر البيت، شقته ومراته والشارع والجيران ما تعرفش إيه اللي جابهم على باله. قال كله كويس. عشان يولف حكاية يقولها للولية اللي ف البيت، خيرة العكننة، أول مرة بيات فيها برة البيت. بص ف ساعته

حايرجع ساعة أدان الفجرية البيث. المكرفون اللي متركب قدام بلكونة بيته. بيصحيهم كل يوم ف الوقت ده.

والرجالة أمهات دقون يطلعوا. ويندهوا على بعض عشان يصلوا الفجر جماعة. ويفضلوا هناك لغاية الصبحية. وأول ما قال للحماعة بنوع الدقون والحلاليب البيضا واللغ

وأول ما قال للجماعة بتوع الدقون والجلاليب البيضا والبلغ السوقي، والسبح اللي بتوصل للأرض، على حكاية الصحيان بدري، والصداع اللي بيمسكه طول النهار، قالوا له: من

بدري، والصداع اللي بيمسكه طول النهار، قالوا لــه: مــن اعترض انطرد. اعترض انطرد. فهم إن الطرد م البيت والحتة وينكن م الــدنيا كلهــا

فسكت. قال: اصبر ع الجار السو. يا يرحل يا تبيجي له نصيبه. كان مستنظر اليوم اللي تدب فيه عركة بينهم وبين الحكومة. ما فيش غيرها يقدر يوقفهم عند حدودهم، أو خناقة

الحكومة. ما فيش غيرها يقدر يوقفهم عند حدودهم، أو خناقة بينهم وبين بعض. طبعا هوه مش حايقول لمراته إيه اللي حصل

بالضبط، هو ه عارف إن لسانها فالت، ما تتبلش ف بقها

فولة. فكر في المليون اللي معاه. وابتدا يفكر آخر مرة كـــان معاه مبلغ كبير كت امته. والمبلغ كان قد إيه. مقدرش يفتكر. هوه مش فاكر امتى؟ راح فكره وجه. امتى، قال

لنفسه: يحصل إيه لو خد المبلغ لنفسه. وحيعملوا فيه إيه؟ ولو سلم المبلغ لقسم البوليس. حياخد نسبة عشرة في الميه يعنبي قد اللي حياخده. قد العمولة بتاعته عشرين مرة بس العمولة

حياخدها تاني. إنما لو راح حتة تانية بالمبلغ حايقطع بوشه و بعبش متهدد.

أول نوبة بحس إنه وحداني، وقف بالعربية وركنها في الشارع، خاف إنه الفكر بخليه بعمل حادثة. وقال لنفسه:

دلوقتي هوه حايركن العربية فين.. ف مكان بعيد عن بيته، وف نفس الحتة برضك.

حابقول لمراته إنه كان سهر ان عند زمايل وصحاب ليه. كانوا بيشتغلوا في الدول العربية، ورجعوا ومعاهم

تحويشة العمر، وحا يعملوا مشروعات، وحايسيب شـغلانة الحكومة. ويمسك شغل عندهم بماهية عمرهم ما حيق دروا يصر فو ها. حتى لو بحتر و ايمين وشمال.

طول عمره بيرجع بيته والسمس طالعه. ويكون محشور ف أتوبيس. ينكن مرة واللا اتنين يفتكر إنه خد تاكسي. النوبة دي إيه العز؟ وايه الفخفخة راكب عربية، ولا أبو زيد الهلالي سلامة. بس أبو زيد كان بيركب حصان. عشان العربيات ما كانوش عرفوها أيامه.

تعب م اللف. وبعدين وقف بالعربية ف السكة البيضا. يا ريته ما سمع كلامهم. وخدها عند بيته. ما كانش

اللي جرالنا جري. إنما دي ابدان مستلطة على ابدان، ودا نظام مسير ه سيدك. الحتة اللي ركن فيها العربية زي ما هي بعيدة عن

بيته قرببة مننا. قعد بعد الركنة. بفكر في حكاية الشنطة. ياخدها واللا يسبها بالفلوس اللي فيها، ما هو مش لازم يعمل

اللي همه عاوزينه منه. ميه ميه، هوه كان حابب يحط الشنطة في حضنه. إنما بص لقى شنطة العربية أمان، العربية مش حاجة انجف. شكلها ما يخليش حد يفتكر إن فيها لقيه وبعدين هوه لو روح ومعاه الشنطة باللي فيها. حاتشوفها

مراته وجايز تحط مناخيرها ف الموضوع وهوه ما يقدرش بعرف لو دخلت ف الحكاية ممكن يحصل له إيه. كان عاوز بخلص م الحكاية. وكان قليه تعب م الدق

على سدره. وعينيه المفنجلة من أول الليل. ابتدت ترمش

غصب عنه. وعضمه بقى مفتفت، راح موقف العربية في

حتة نورها جامد. تحت عامود النور عدل، وما كانتشبي لوحدها. وقفها وحواليها عربيات من كل حتة، أهي العربيات

تونس بضعها، اللي بيسرق. بيستفرد بعربية لوحديها دايما. مشی علی رجلیه. قدامه پیجے عشر محطات أتوبيس، حايطخها كعابي يعني لو ساب عندهم الفلوس لغاية

الصبحبة. كت الدنبا حائتهد. إنما برضك همه لز من بعملوا

ده في الضلمة. حلف لنفسه بالطلاق إن الناس دول ببعملوا حاجة غلط، بنكن تلبسه الكلبشات الحديد ف ابديه من بكره. الله يلعن الفكر وسنبنه، دماغه بقى عامل زى خليـة

النحل، طيب ليه ما ينمشي ف العربية؟ يا عم الستار موجود. والمكتوب ما منه مهروب. المهم إن ربنا بسلمها قد ساعتين

والنهار حايطلع، النصيبة، إن دول بتحصل فيهم كل البلاوي المسحة.

رجليه وإيديه نملت. والدم اللي كان ماشي ف عروقه اتعكر . وقلبه اتخطف منه. دلوقتي قدامه سؤالات مراته، إيه بس اللي كان خلاه اتجوز؟ وخلاه ماشى وفوق راسه كوم لحم، حاتساله عن الشنطة اللي نزل بيها ورجع من غيرها. حمد ربنا إن معاه مفتاح الشقة. بدل م الخبط والرزع. والشقة كت ريحتها كأنها منقوعة في النوم من ميت

سنة. مشي على طرارطيف صوابعه وقلع هدومه. وفضل بالفائلة واللباس. خاف يضور ع الجلابية. تصحى أم قويق

بالفائلة واللباس. خاف يصور ع الجدبية. تصحى ام فويل و ونبتدي الزن من دلوقتي. عمره ما كان تعبان زي دلوقتي كان فاكر نفسه.

يدويك حايحط راسه ع المخدة. حايروح ف سابع نومة. كان تعبان موت. إنما عينيه مفنجلة. أول مرة يبقى ميت م التعب.

ومش قادر بنعس. حاجات غربية بتحصل له. شاف حياته من أول يوم لغاية آخر ليلة قدام عينيه، بقى قاعد تقولشي بيشوف عيشة واحد غيره. في ليام

لاخرانية، كان ابتداء ينخ وراسه بقت في الأرض. ما بقاش قادر يرد على سؤالات مراته. وابنه عاوز ينتقل مدرسة خصوصي. بتدي لغات بلاد بره. وبنته حكايتها حكاية.

يا دين النبي ع العيال. همه اتجننوا. عاوزين يصيفوا ع البحر زي عيال الجيران. وعايزين يروحوا سيما، ويتعشوا ف مطعم. ويكون عندهم عربية.

لو أيامهم كده. كان بيقول طوالي. إن اللي بيعملوا كده. حر امية. سرقوا البلد، إنما هوه راجل محترم. مــدرس

تاريخ كان مشغول، بيكتب كلام كتير عن الرشاوي اللهي ماليه البلد دلوقتي. وماليه سنينها اللي فاتت. مش كفاية إن مراته وعياله الخمسة عابشين في علية

ما تساعشي اتتين. نفس الشقة اللي كان عايش فيها وهوة تلموز، كل العبال ما يتكلموا يقول لهم كلمة واحدة. الإعارة.

ويبتدى يشرح الحكيوة. يطلع يسافر يشتغل هناك في الدول

العربية ويشدهم معاه. هناك الفلوس اكترم الناس. فلوس مش لاقيه الله

يصرفها، كان بيكلم عياله كأنه حايسافر بكره، وهوه كان عارف إن الموضوع عاوز واسطه. عضمة كبيرة، وينكن يدفع رشوة. وهوه ما يعرفش يعمل الحاجات دي. يدويك الشوية دروس خصوصي اللي بيديهم. لولاهم كانوا كملوا

عشاهم نوم. وملوا بطونهم هوا. مراته دايما تزن عليه. عامله زي الضبور اللي دايما

يزن على خراب عشه. تقول له: اركب تاكسي بعد الضهر، افتح محل، بقول لها، يا ولية أنا أستاذ معتبر، ونما الحالـة

نشفت وهوه بقى يكلم نفسه زي بتوع السراية الصفرا، طلع له على السعيد. من تحت سابع أرض. كل يوم وهوه واقف

على محطة الأتوبيس. يروح على السعيد واقف له بالعربية، ومركبه معاه. فرق السما من الأرض. ايش جـــاب لجـــاب. الأتوبيس اللي بينخع قلبه. والــــلا العربيـــة للـــي اللوانضـــة

الاتوبيس اللي بينخع قلبه. والله العربيله للي اللوائضلة مالياها. ولحد ما يوصل مدرسته. يدوخ عاوز يعرف إيه اللي حصل لصاحبه اللي طول عمره بيحب يطلع لفوق، ويكره

خصل الصاحب الذي طول عمره بيخب يصلع الموق، ويحسره أيها حاجة تحت. وفي كل مرة يكون في نيته إنه يقول لعلي السعيد. إن التاريخ اللي بيمقق عينيه فيه لحد انصاص الليالي. بيقول

بل الله إن كل واحد عنده فلوس كتير. يبقى لازم سارق سريقة، كان نفس شوقي وش السعد. إنه تيجي له نوبة رجولية ويقول له. حتى لو فهم إن الكلام ده فيه اتهام ليه. فين البربخ الليي بيجب لك الفلوس دى كلها.

قبل كده. كانوا كل ما يتقابلوا. كت تحصل بناتهم مناهدة وفرهدة ف الكلام. على عمره ما اتكلم إلا عن الفلوس. كان يقول إن البلد دلوقتي عامله زي أنجر فته كبير

خالص. والجدع اللي يهبر أكبر حتة، المهم باخدها وبعدين بتصرف فيها.

كان شوقى الفنجري يكلم عن التاريخ والعلم وان اللي پيجي ببلاش پروح ببلاش. كان شوقي پرجع بيته الضهرية. بتغدى وباخد تعسيله بعد الضهر، ويصحى ساعة العصاري.

يقعد في الترسينه لابس الجلابية البيتي المرحرحة، ويبس لحالة الدنيا. ناس بتموت م الجوع وناس بتموت من كتر

الأكل. إيه اللي شقلب حالة البلد كده، فاضل بينه وبين العبط فركة كعب ويشرف في السراية الصفرا، وبعد كده بقول بلف یدوخ و هو ه بیدی دروس، پروح للعیال بیوتهم عشان بیته

معيرة. وكل ما يدخل بيت ولد منهم بيجي له لطف في عقله. ويكره اليوم اللي جه فيه الدنيا. كان على سعيد بيقول له، إن معدة البلد مليانة ع

الآخر. كلت لغاية ما وقفت على ضوافرها. وهيه دلوقتي بتهضم ويا ويله اللي حايطب، واحد مش لاقي باكل يفتح الجورنان، يلاقى الملايين بتتعارك. يروح قافله ويدنه فاتح التليفزيون، تدخل عليه ملايين أكتر منها جوه بيته، بهرب

يروح فين.

رجع فكره للشنطة اللي جوه شنطة العربية، تلاقي وإد صابع بيسرقها دلوقتي. معاه كوم مفاتيح. ويفتح شنطة

العربية. يا داهية سوخة. طمن نفسه. دى أوسخ عربية في وسط العربيات التانية. الساعة دلوقتي خامسة الصبح. هوه سمع خمس دقات

من ساعة حيطة اشتر اها الجير ان اللي ساكنين قدامه، وباينهم مركبين عليها مكر فون عشان كل الناس تعبر ف إن عندهم

ساعة حيطة. باباني. قدامه ساعة و احدة، و تصحى مر اته و تصحى العيال

اللي بيطخوا مشوار المدرسة على رجليهم. وقبل ما تقطر العبال. حاتنصب له المحكمة بس من غير محامي معاه، وهيه وليه بالعة رادبو. في حنكها ألف لسان بيتحركوا ف

وقت و احد. ابتدا ضميره يشتغل له فيها. راح يقول له. هوه عارف إيه اللي عمله انبارح، دي عصابة بتهرب فلوس أهله

لبلاد بره. السهم ونفد والفاس وقعت ف الراس. دلوقتي بس عرف إن بحور الفكر بتجيب النقطة اللي تشل النفر وتخليه سطيحة هوه لحد دلوقتي ما عماشي حاجة غلط، يقدر يقوم ويرجع الفلوس والعربية لصاحبها ويا دار ما دخلك شر. ويعود أبيض زي ما كان وينضف هدومه م الوساخة، يقدر

ياخد الفلوس والعربية ويسلمهم للحكومة. وهيه تحميه م العصابة. وياخد عمولته المعروفة، ويقدر كمان يضرب عوافي ع المبلغ وياخده لنفسه. ويعزل م الحتة. وينقل نفسه

حوالي ح المبلع ويحده للعسه، ويعرن م الحده، وينعل لعسه لمدرسة تانية ف آخر الدنيا، ويبتدي صفحة جديد. مش حايبقى محتاج شغل، يحط الفلوس في أيها بنك ويعيش منهم يلبس جلابية بيضا، ويركب حتة خنزيرة

ويعيش منهم يلبس جلابية بيضا، ويركب حتة خنزيرة معتبرة. وفي نص راسه طاقية. وفي طراطيف صوابع رجليه بلغه سوقي. وف طراطيف صوابع ايده اليمين سبحة. يقول للناس كليتها إنه لساته يدوبك راجع من بلاد

بره. كان متغرب خمسة وعشرين سنة. بـس همـه يعنـي حايسكتم. تلاقيهم عارفين العيال ومدارسهم. والسويقة اللـي مراته بشتري منها كل حاجة بنص التمن، ومدرسته وبيـوت التلامذة اللي بيديهم دروس.

هوه خرع كده ليه. لازم يصلب طوله. ويبقى راجل، هوه خطا خطوة ولا بد يكملها، ما قدموشي إلا إنه يكمل. حايتعب نفسه من دلوقتى عشان إيه؟ حايضور ع الهم ليه؟

كل اللي عاوزه عينيه تغفل ولو ربع ساعة. خمستاشر دقيقة ويقوم مصحصح.

مد إيديه يفرك بيها عينيه وقبل ما يسحب إيده جاله

صوت مراته. قال أنفسه صبحنا وصبح الخلق لله. يا فتاح يا

عليم.، يا رزاق يا كريم. استبينا، الشعنونة ابتدت. إذاعة

إسرائيل اشتغلت ومين بس اللي حايوقفها.

#### حداشر

### الدنيا حلوه على مره

# ومرها أكثر

فتكم ف الكلام، أصل الحكاية وما فيها. إنه نما يبان القرش، حد يستجري يكلم على حاجة غيره، الفلوس اللي جت لغزالة خوتتني، ونسيتني نفسي، فيه كلام كنت عايزه أقوله عن عيشتنا. والدار اللي إحنا فيها، والناس اللي حوالينا، إنما حدوته غزالة و فلوسه هيه السبب.

الناس في الحتة، نص عيشتهم في الشارع، ياكلوا في الشارع، ويغسلوا في الشارع. وينشروا غسيلهم فيه. كت أسمع حكايات، يشيب ليها الشعر. وتاني يوم نما أبص في المراية، ولاقى شعر راسي لساته أسود زي ما هوه، أحمد ربنا. إنه ما غسلشي أبيض م اللي باسمعه.

كت أسمع عن ناس، العيلة تكمل خمسة وعشرين نفر، بيناموا في أوضه واحده. كت أسمع، والعياذ بالله. إن الراجل ينام مع بنته والولية تستلذ من ابنها. والأخ يحبل

أخته، والشر بره وبعيد. أصل الزنقة ف النومة طول الليــل بتعمل العجب.

آني باقول إن دي علامات يوم القيامة. اللي قرب خالص، الأم إن قلبها ما قلهاش إن دا ابنها، تبقى مش أم. والأخت إن ما عرفهاش عقل بالها إن دا أخوها. تبقى مش

والاحت إن ما عرفهاس عقل بالها إن دا الحوها. لبقى مسس أخت. هوه الدم يبقى ميه؟ وهيه الدنيا جرى لها إيه يا عالم؟ الحكايات دي ماليه الحتة. وبنسمعها كل يوم. وأقول

يا رب استر. وأسأل نفسي هوه ربنا مستني إيه عشان يحرق الدنيا باللي فيها؟ الكلام ده، كان بينقال من تحت لتحت. أهي الناس

الكلام ده، كان بينقال من تحت لتحت. أهي الناس بتتوشوش بيه. إنما ما حدش يقدر يقوله بحس عالي. وأنا كنت باسمعه وأقول أهو كلام ابن عم حديث. ويا بت فوتي. الحتة اللي احنا قاعدين فيها. كلها بيقولوا عليها. إن

دي الناس اللي بيوتهم قديمة، وانهدت. إنما الكلام ده مش داخل دماغي. هلبت معقولة، إن جوزي كان له بيت قديم ووقع. ومعقولة إن جوزي له أهل وعزوة وناس. أنا عمري ما كت مسدقة الكلام ده. وعمره ما يدخل وداني. هوه لازم مقطوع من صجرة زي حالاتي. أنا ياما سألته. وقلت له، يا عبد الضار، إنت أخدتني

منين؟ انت اتلميت على من آني سكة؟ مين من أهلي و افق لك أنك تتجوزني؟ كان بصهين وبرمي الحكاية ورا ضهره. ويقول لي: يا ترتر . بعدين حاتعر في، ينجعص ولا الظابط

في النقطة. ويبقى حايطق له عرق و هو ه بيقول. \_ مسير الحي يعرف كل حاجة، واليوم اللي

حابحصل فیه ده مش بعید.

و البوم ده ما جاش. و ما أعر فش حابيجي إمتي. إنما أنا متأكدة. إنى لز من ليه أب وليه أم وليه خوات. أمال يعني طلعت شطاني. مسير الحي يتلاقي. دي حاجة لا بد تحصل.

من يوم ما اتلم عليه عبد الضار وأنا في الحتـة دي. والدار هبه نفسها. ما غيرتش العتبة بتاعتي. اسمع عن ناس كانوا بعزلوا كل شهر ف حتة، بقولوا آهو تغيير مطرح وتبديل وشوش وحتت. إنما اليومين دول. اللي يعيش في حتة

بيقى كأنها تأبيدة. يفضل فيها لحد ما يتخرج م الدنيا واللبي فيها، من داره على قبره. دا إن كان له قبر، واللي ما لوش زى حالاتنا. يبقى قدامه ترب الصدقة. اللي مليانة ناس ما لهمش صاحب و لا حد عارف همه مین و لا جم منین. كلمت عبد الضار. أكتر من نوبة، عن حكاية التربة

لينا. بص نواحي السما. وقالي، بس ربك يبعت، وأنا مسش ممانع. هوه فيه حد يقول لأه للراحة الأخرانية، بسس مسش الأول نفكر إن يكون لينا بيت حلو ف الدنيا. وبعد كده نكلم ع

الآخرة. والبيت بتاعها. دي لسه بعيدة. قلت له: اللي عاوز يبني. يبقى هناك. عشان دا البيت اللي حانفضل فيه على طول.

وأنا أعده أأقول البيت بتاعنا، واللي يسمع كلمة البيت ينخض. ويفتكره بيت بحق وحقيقي. إنما اللي إحنا عايشين فيه ده. ما يصحش نقول عليه بيت، ولا دار. ولا حتى شقة.

دا يا دوبك ف وش العدو حتة مطرح واحد. مالوش تاني. وفسحة قدامه. الفسحة ضيقة. زي ضيق خلق اللي شارب لبن حمير.

مع كده جنبنا منها حتيتين. تقولشي من وسعها، آهو دا اللي حصل والسلام، الشاهد. حتة كنيف. يعني لا مؤاخذة بيت أدب. أو بيت راحة، وحتة ظغيرة فيها بابور الجاز والكام حلة المونيا اللي حيلتنا. واللي بنكدب على نفسنا

ونقول عليها النحاس بتاعنا.

واحنا من حال المبتدا، لا كان عندنا كنيف ولا حتة نقول عليها مطبخ. جنب عفشة الميه. دول احنا قطعناهم من لحم الحي. جنبناهم م الفسحة اللي كت ضغنطوطة. من يوم

لحم الحي. جنبناهم م الفسحة اللي كت ضغنطوطة. من يـوم ربنا ما قسمها لنا. المفروض حسب ورق الحكومة. إن المطرح عشان

المفروض حسب ورق الحكومة. إن المطرح عشان احنا نريح جنتنا فيه وبس. يعني ننام سواد الليل. ونحمي جلدنا من شمس النهار تحت سقفه.

جلدنا من شمس النهار تحت سقفه. كت فيه عفشة ميه واحدة. لصف طويل م البيوت. عينك ما تجبش آخره. ندخلها الصبحية بالدور. ودخول بيت

الراحة كان بيعمل احتكاكات ومشكلات وخناقات ما بين السكان. اللي مستعجل. واللي محاشمه حاتتفرتك عشان محصور ع الآخر، واللي وراه معاد شغل كل واحد متعلق من عرقوبه. ورا رزق عياله. الناس مداريها الحيطان والبني

من عرفوبه. ورا رزق عياله. الناس مداريها الحيطان والبني آدمين خلقها بقى ف حلقها. كل يوم كت لزمن تحصل خناقة وعركة. واتنين وتلاتة، تخلي الواحد اللي واقف على باب الراحة. بدل ما

وتلاتة، تخلي الواحد اللي واقف على باب الراحة. بدل ما يستريح، يتعارك. وتوصل الحكاية للنقطة. وسين وجيم وورق الحكومة الطويل. وقلامها اللي حبرها ناشف. وإيه

اللي جرى؟ وإيه اللي حصل؟ وأنت قلت له إيه وهوه رد عليك قالك إيه؟ ومين مد إيده لأول؟ وانت هات شهودك. وانتى هاتى شهودك. واللي سبق كل النبق. والجدع اللي

يروح النقطة محضر شهوده وياه قبل ما يسلل العسكري عليهم.

ما حدش في الزمن ده. بياخد حقه، إلا بدر اعاته. لا تقولي أصول و لا غيره. بعد النقطة. استني نما تروح النبابة،

وفي الآخر نعمل محضر صلح ويا دار ما دخلك شر، ويرجع بلا دوشة دماغ. ما ينوب اللي اتعار كوا، إلا إن الواحد يفضل شايل شخته ومحصور بميته، نهار بحاله.

و هو ه ماسك و سطه و بتلوى. تقولشي و لا حميدة شـخلع فـي ز مانها. بنكن هيه بتهز وسطها وتاخد م الورق الأحمر أبو مادنة. إنما هوه بيتلولو م الألم والوجع. ربنا ما يوري حد زنقة المحصور.

> قام جوزي. دورها ف عقل باله. فاضبي بقي. هـوَّه وراه إيه، غير إنه يلعب البيضة والحجر. من سعت ما يفتح عينيه م النوم. لحد ما يغمضها من تاني. ما وراهوش حاجة. لا عيل شاغله. ولا تيل ناعي همه. ولا شغلانة يروحها كل

يوم الصبح زي كل مخليق ربنا. اللي رزقهم بيناديهم من بكة الشمس. لحد الليل ما يصبغ الدنيا بسواده الغطيس.

هوه قاعد بيعبي الشمس في قزايز. من كتر الفضا. ويتاوب طول النهار. فاضي إنما مش عامل قاضي. هوه

حايعمل قاضي على مين يا حسرة، هوه فاضي وبس.

المهم. جاله قرشين، ما تعرفش منين. عمره ما قالي

القرش ده جه م السكة دي. جالي وقالي يا بت يا ترتر. أنا حريحًك. وحا يبقى لينا الكنيف الخصوصي بتاعنا. سلطانية معتبرة بتبرق. تشوفي فيها وشك.

يبقى بيت راحة اللي هوه. اللي كتب عنه داود في كسكرته. والله مانا عارفة بيجيب الكلام ده منين. ما حدش يدخله غيرنا. والزفارة والوساخة والنجاسة والريحة اللي ولا

يست طيرت والردارة والوست والمبالك والريث التي و المراض والبلاوي. كل دا خلاص راحت أيامه. والمراض والبلاوي للط المراض أيامه. حاب إيشى مواسير. وإيشى بلاط، وإيشى أسمنت.

وإيشي رمل، وإيشي جبس، وإيشي طوب أحمر. تقولشي حانبني عمارة م اللي بيوقفوا المزن والسحاب ف السماء، ويحوشوا الهوا عن المخاليق. البنا اللي بنى لنا بيت الراحة. قال لنا، إنه ما فيش

مجاري هنا، يبقى لازم نفحت بير قدام البيت. نصرف فيه. وننزحه كل ما يتملي. ونخلي الحموم بحساب. ودلق الميه بحساب. عنها وراح فاحت بير قدام الدار لزق. وبقى عندنا

بحساب. علىها وراح فاحت بير قدام الدار لرق. وبقى عصدت المجاري الخصوصي بتاعتنا كمان. هوه إحنا أقل م الحكومة واللا إيه؟ دا جوزي عبد الضار راجل وملو هدومه. نهايته. بقى لنا بيت راحة لوحدينا. كنا أول ناس

نعمل العملة دي. ربك والحق. طلعنا من نقرة وقعنا في دحديرة. حاكم فيه ناس مكتوب على وشهم. إنهم لازم يعيشوا في مشاكل طوالي. اللي بقى يروح على بيت الراحة العمومي بتاع الحكومة. وبلاقيه زحمة. والطابور قدامه ولا

العمومي بناح الحدومه. ويحقيه رحمه. والطابور قدامه و لا طابور السمك والبيض والعيش والسكر والزيت والصابون. بتاع الجمعية. هوه أنا ما قلتلكوشي. ودا معقول، ما هي الدنيا

دلوقتي كليها طوابير. طوابير. والواحد أول ما يبص ويلاقي طابور. يروح واقف فيه. خبط لزق. وبعدين يسال. هوه الطابور ده عشان ليه. ما هو ما دام طابور تبقى في آخره حاجة مش موجودة.

في الحتة بتاعتنا طابور. مش موجود في أيها حتة

تانية. طابور على بيت الراحة، واللي يلاقي الطابور طويل. يروح واخد بعضيه وجاي حدانا. يرمي الصباح وهوه لسه بعماص النوم. ويستأذن. إنه يدخل بيت الراحة بتاعنا

بعماص النوم. ويستأذن. إنه يدخل بيت الراحة بتاعنا الخصوصي. عشان مستعجل. وهوه مين مش مستعجل اليومين دولت؟ آهو لزمن يلاقي حجة والسلام.

الرجل الغريبة دهست بتنا. بقوا يدخلوا والعيال لسه نايمين. وحاجتنا متبعترة ع الأرض. يا ناس دي البيوت أسرار. والناس يا دوبك مدارياها الحيطان. وكل واحد كافي خد مشده و حاط على مشه وبدي واحد عدن

أسرار. والناس يا دوبك مدارياها الحيطان. وكل واحد كافي خيره شره. وحاطط على وشه ميت ماجور عجين. عنها. بصينا التقينا الطابور. انتقل من هناك. وبقى

عندنا. ضربت معانا لخمة. تعملي إيه يا بت؟ تعملي إيه يا بت؟ تتصرفي إزاي؟ تطفشي الغجر دول إزاي. قلت للفاضي العايق بتاعي. شوف لك صرفة. زمان

> كنا بنروح بتاع الحكومة. ويعدين زهقنا منه. والأكادة إن بتاع الحكومة جه عندنا. وهوه حايغلب الدلعدي جوزي. لقالها تصريفة. وسكة أبو زيد كلها مسالك.

تاني يوم، أول الطابور ما انتقل عندينا. راح رامــي عليه يمين الطلاق اتعزرن واتزربن. وخدهم دوكة. هوه مـــا

حيليتهوشي غير الطلاق. والله جايز أنا عايشة معاه في الحرام. ينكن أنا متطلقة من زمان ومش واخدة بالي. الطلاق

ري اللبانة في بقه. زي اللبانة في بقه. حلف جوزي. إن أيها حد من بره العيلة. يدخل الكنيف سوا في غيابه. واللاف حضوره. بيقي اعتبر نفسي

الكنيف سوا في غيابه. واللاف حضوره. ييقى اعتبر نفسي متطلقة. وأضور أشوف لنفسي جوز تاني، أي جوز، حتى جوز جزمة.

جوز جزمة. جوز جزمة. زعقت ف وشه، هوه ما عندوش غير الطلاق يا أخي با تعبش بالمعروف. با تفارق من غير ضرب الكفوف.

الحي يا تعيس بالمعروف. يا تقارق من غير ضرب الكفوف. زغدني في وركي. زغدة جامدة علمت أزرق. وعنها. ومن يوم الخناقة لامريكاني دي. ولا جنس مخلوق م الحتة هوب نواحي دارنا. حتى لو عملها على

روحه، أو فك ميه عيني عينك. قدام اللي رايح واللي جاي. إحنا عملنا العركة كده وكده. وهمه خدوها جد. والنوبة دي كان جوزي معاه حق في اللي عمله.

واللي خلى الناس سدقت العركة. إن جوزي عبد

الضار من يومه وهوه وشه عكر. ما يضحكشي ولا للرغيف السخن اللي لسه طالع م الفرن. يدخل مكشر. يطلع مكشر. وينام وهو شايل عبد القادر على كتافه. وش جوزي يقطع

ويتام وهو سايل عبد الفادر على كنافه. وس جوري يفطع الخميرة من البيت.

نييجي للسكان بقى. اللي همه جير اننا. والمثل بيقول.

الجار قبل الدار. والنبي وصبى على سابع جار. ودول كانوا

شوية لبط. حاجة كده نظام غجر ونور. من اللي بيسرقوا الكحل م العين. غرابوه. كل شوية جم من حتة شكل. وعايشين هنا وهمه عاشمنين ياخدوا سكن أحسن. إنما دا

وعايشين هنا وهمه عاشمنين ياخدوا سكن أحسن. إنما دا عشم إبليس ف الجنة. ما فيش حاجة من دبه ما يعرفو هاشي. نشل ماشي.

فتح شقق ما يضرش. سرقة عربيات ما فيش مانع. يسرحوا نسوان برضك جايز. ياخدوا أرض بوضع اليد. بيحصل، نصابين، كدابين، حرامية، إنما والله العظيم كلهم غلابة،

نصابين، كدابين، حرامية، إنما والله العظيم كلهم غلابة، حالتهم تصعب ع الكافر، هوه فيه حد عايز يروح نواحي الغلط. دا للي رما الناس دول ع المر اللي أمر منه.

## <u>تناشر</u>

## جه بتاجر ف الحنة

#### كترت لاحزان

عبد الضار جوزي كان قاعد يدش. كلمة فارغة على كلمة مليانة. ما هو حاكم عمايل جوزي دي. توقف الشعر المدهون بالزيت. واللي نايم فوق قشرة السراس. من يوم الواحد ما اتولد. جوزي دماغه بقت زي خلية النحل، بيزن جواها دبور.

جوزي بقت راسه وألف سيف. إنه ياخد الفلوس م الواد وجوزي معذور. إحنا ما كناشي لاقيين اللضا. ودي فرصة وجت وازاي نسيبها تعدي وتقوت.

ونما جوزي قال للواد غزالة. تشتري تراتر: أنا افتكرت إن جوزي اتخبل ف عقله. حد يبيع مراته؟ أنا باسمع إن اليومين دولت. بتحصل فيهم حاجات. ولا اللي حاتحصل لينا يوم الموقف العظيم.

يوم ما تبقى الجنة على يميننا. ونار جهنم على شمالنا. واللي عمل كويس يشيلوه الملايكة ويزفوه ع الجنة

عدل. واللي عمل بطال يروح ع النار حنف. أو زي عبد الضار ما بيقولي. ف سواعي كده. نما

يبقى البال رايق. إن احنا حانمشي على شعرة زي شعرة راسك بالضبط. نمشي عليها من هنا لحد ييجي كده السكة البيضا. يعني بيجي لها كام محطة أتوبيس. نفضل ماشيين،

البيضا. يعني بيجي لها كام محطة أتوبيس. نفضل ماشيين، وبعد كده، اللي عمايله وحشة حايقع ويطب تحب سابع أرض. وحا تكون النار مستنياه. نار جهنم الحمرا.

واللي عمل طيب في دنياته. حايقدر يعدي عليها لغاية ما يوصل للجنة. والجنة حايبقى فيها بحر مليان عسل أبيض بشمعة. وبحر كله عسل أسود مرمل. وبحر متروز لبن القشطة عايمة على وشه. وبحر مليان ميه سلسبيل. من

لبن القشطة عايمة على وشه. ويحر مليان ميه سلسبيل. من اللي بترد الروح للميت اللي شبع موت. وبحر مليان خمره وبيره. وبحر مليان عصير قصب. وبحر كله كولونيا ولواندة وريحة مسك وريحان.

قلت له، بقى معقولة، الواحد يقدر يمشي على شعراية زى شعراية راسى. دا الواحد ما يقدرش يشوفها ولا

بالنضارة المعظمة. قالي، دي بقي قدرة ربنا. قادر يخلي الميه تلج، قبل العين ما ترمش. والحديد بيطير فوق السحاب

و هو محمل ناس سكر انة ووباها عفشها. و هو ه كمان اللـــي خلى الهوا تطلع منه تساوير متلونة. والسلوك تتكلم والميه

تطلع من تحت الأرض والكهربا تتعبى في سلوك. حلف لي جوزي، عشان يقرب الحكاية من دماغي، إن فيه بت في السرك بتمشى على سلك. قلت له: عمري ما

سدقك. خدنى بعد كم يوم ورحنا السيرك، يا سالم، دنيا بتلعلط. عايمة ف النور، والنور ألوان. إيشي أحمر، وإيشي

أصفر، وإيشى أخضر. كان وبانا لو لاد. وهمه كانوا حابتجننوا عشان دي

أول مرة ف حباتهم بدخلوا سرك. واني كمان كت حاأتجنن قدهم ألف نوبة، عبد الضار ظغر لي. وقالي: هوه انتي با بت ما دخلتيشي سرك وإنت ظغيرة؟ قلت له: هوه آني طول عمري كت ظغيرة، دا أنا أوعى ع الدنيا وأنا وياك. ونما

باقول أمى و لا باقول أبوبا. بأقولها عشان كل الناس ببقولوا كده. إنما لا فاكره أمى كان شكلها إيه. ولا أبويا ولا بلدنا في أي ناحية من نو احى الدنيا.

مد إيده على شفايفي وسكتني. قالي، عشان العيال ما يسمعوشي يا عبيطة. فيه حاجات كثير ما تتقالشي قدام

العيال، عبد الضار بعد ما كان يطول إيده، يبقى له سواعي كده يبقى فيها كويس. بس مش على طول. دي ساعات

كده يبقى فيها كويس. بس مش على طول. دي ساعات تخاطيف بين المرة والمرة سنين. آهو يوم السيرك دا حب يفنجر علينا. جاب لنا فشار

ولب وسندوتشات وأزوزة ساقعة. وصرف علينا جامد. وشفت بقى وحوش وأسده وتعالب وديابة. والفيل أبو زلومة. والنص نصيص اللى كان بيطلع بنات النمر عثمان يفرفشنا.

حوالينا نسوان لابسة دهب من ساسها لرأسها، حاجة كده بتضوي. تعمي العين اللي تبص نواحيهم. وناس نضاف مستحميين باللواندة، وناس حلوين. وناس جايين السرك

بعربيات. العربية ستة متر، وعبد الضار كان كل همه، إني أشوف البت اللي بتمشي ع السلك، وهيه والسلك اللي ماشية عليه متشعلقين ف الهوا.

سألته، إنت جيت هنا قبل كده يا عبد الضار؟ شـوح وقالي: يوه ما تعديش. كم نوبة؟ مـا ردش عليـه. سـألته: لوحديك؟ قالى: لأه يا فالحة. حد بيجي سرك لوحدة. انـت

عبيطة واللا شكلك كده. جت ويا صحاباتي. قلت له. يا نمس اطلع من دول صحابات رجاله واللا ستات؟ راح ظاغر لي

و قالي. با بت الناس. بلاش نقب ف الدفائر القديمة. عشان لو قلبنا حاتخسري إنتي.

قلت له با ربت. عابزة أخسر. وحا أخسر إيه با حسرة. وهوه آني و اخده إيه غير لقمتي وهدمتي و دار لماني.

وأكتر ليام بناكل الجوع. مش عاوز اهم بس أعرف اصلى و فصلي وحكايتي.

الكلام خدني. وهوه راح زاغدني ف جنبي. وقالي: البت جت. قلت له: بت مين يا بتاع البنات؟ قالى: اللي ماشية

ع السلك. ودي حاتبقي زيها يوم الموقف العظيم. بس البت دي حظها م السما. عشان ماشية على سلك، واحنا حانمشي على شعرة، والسلك تشوفيه بعينيك، إنما الشعرة مين بقدر يشو فها.

اللي عاملين حاجات كويسة في الدنيا همــه اللــي حايشو فوها. حايكون فيه نور رباني يوريهم الشعرة دي فين. ورجايهم حاتمشي عليها بقدرة ربنا. البت بتاعت السلك كت خف الريشة. فاضل شوية وتطير ف الجو وإيديها فارداهم حواليها زي الجناحات. إنما

احنا حانعمل إيه. واحنا تخان وشايلين لحم ومربربين. والبت بتمشي ع السلك كل ليلة. يعني مجربة، يعني عمرها ما حاتقع من ع السلك واللا الشعرة في الآخرة. قلت لجوزي:

ما نجيب سلك ونجربه ونمشي عليه. ضحك وقالي، انت إيش كنيتك عشان تضحكي على ربنا.

من يوميها، وأنا كل ما ابص حواليه ألاقي كله بيعمل عمل ردي، وكله ماشي ف الغلط. وكله واخد السكة البطالـة ف وشه. أبص وأقول. طيب مين اللي حايروح الجنـة فـي الآخر.

دي الجنة حاتبقى هـس هـس. حانلاقيهـا فاضـية خالص. ما فيهاشي ولا سريخ ابن يومين. ينكن واحد والـلا تنين. وجايز ما يكونشي فيها غير لنبيا اللي بعتهم ربنا ليا.

والنار حاتبقى متروسة ع الآخر خلق. زي الحتة اللي ساكنين فيها. ترش الملح ما ينزلشي الأرض من كتر الناس. من يوميها وأنا ربكوا والحق، باحاول آني أراعي ربنا في سرى. ما اعملشي حاجة غلط. وأن عملتها غصب

عني. والشيطان شاطر أقعد آخر النهار واستغفر ربنا.

وأحلف آني لزمن أتوب، يعني الواحد خسرانة دنيتها. يبقى حاتخسر آخرتها كمان دي تبقى الحكاية كده. ما تساويش إن احنا نييجى الدنيا من أصله.

أنا بعد ما عرفت عبد الضار بيجيب لنا أكلنا منين. قلت والله مهما أعمل. هوه احنا عارفين اللقمة اللي بتدخل

بطننا حلال واللا حرام، كلمت عبد الضار عن الحلال والحرام. قال لي ما تروحي أحسن لك تخطبي ف الجامع يا

والية انتي. انت مرة بالك رايق. مش عارفة الواحد بيخلع القرش منين.
القرش منين.
هوه ما قاليش إنه بيوكلنا حرام، بس برضك عمره

ما قال إنه حلال، وعمره ما قال بسم الله قبل الأكل، ولا قال الحمد لله بعد الأكل. والعيال طلعوا زيه. كل ما أقول ليهم إن اللقمة اللي تنزل من غير بسم الله تنزل تهري. العيال قالوا احنا بنعمل زي بابا ما ببعمل.

هوه إيه الحكاية. آني قاعدة أكله زي اللي بالهم رايق، والناس بتقول الشبعان هوه اللي يكلم كتير. إنما الجعان يقعد يحسبها واللي يعيده يزيده، عشان يلاقي لقمت،

ويسد جوعه، ويسكت عصافير بطنه اللي بتسرخ من كتر الجوع.

دلوقتي عاوزه أحكي اللي حصل بالضبط. من بعد حكاية تشتري ترتر يا غزالة، ما هو إحنا وقفنا عند الحتة ديت. الواد غزالة صن شوية، وإن كت انت رديت. يبقى هوه دد، غزالة كان والله أعلم يتقلعا ف عقل باله. يشه ف

هوه رد، غزالة كان والله أعلم بيقلبها ف عقل باله. بيشوف غيه الحكاية والرواية. ومش بعيد يكون عبد الضار عاوز يصيد الواد. بينصب له خية عشان يشنقه بيها. وياخد منه

قرشين. الواد بعد ما فكر شوية. ومد إيده. وهرش بصوابعه ف عرق الهيافة، اللي ف قفاه قال: هوه حد يطول الست

تراتر. دا ولا يوم المنى ولا في الأحلام. الواحد يطولها. عبد الضار كان سايب الواد يكلم. ولا كأنه هنا. لا بد له في الدرة. بيدبحه بسكينه تلمه، ويشويه على نار هادية،

حاكم عبد الضار دا قتال قتلة. والواد بقى كأنه بيكلم نفسه. بيخطرف كده. عبد الضار قال لنفسه: الرز طاب واستوى. جوزي قال لغزالة: انت حاتهرش دماغي ليه.احنا دلوقت بنكلم في بيعة وشروة. با إمه البيعة توافق مزاجك.

ونبقى استبينا وتحط كفك في كفي ونقرا الفاتحة. يا إمه يفتح الله ونبقى كسبنا صلاة النبي.. واستبينا ما تزعلشي. ويفتح الله ما تزعلشي ولاد الأصول. شارى واللا بابع، والا بتتكلم

الله ما تزعلشي ولاد الأصول. شاري واللا بايع، والا بتتكلم غناوة. هوه لحنا كده يا أولاد مصر. لسان الولحد يتلفع بيه و إيده ما تكملشي شبر.

وإيده ما تكملشي شبر.
الواد قال: آني مش اشتريها بفلوس. دا أنا ادفع فيها
عمري. صحيح انها زي أختي. عبد الضار شخط فيه وقاله:

انت فاكرني نايم على واداني يا واد انت. دا عيني في وسط راسي. وحاسس بكل اللي بينكوا. بس كت ساكت. وبالع لساني جوه بقى. وباقول حتة واد كحيان. ومرة مش لاقيــة

اللضا. حايقدروا يعملوا إيه من ورا ضهري؟ إنما أنا عارف الحكاية والموال كله. وشايف العينين وزغراتها والوشوشة خلصنا. ما تقعدش تخطب.

غزالة قاله: اشتريها. جوزي دخل ع الخط طوالي. ابتدا يفاصل. تقولشي أنا شروة سمك ولاحتة لحمة وقيعة. ولا قفص طماطم شرك. عبد الضار قاله أنا حااديها لك

عبد الضار قاله خلاص. هوه كلام في الهوا. وبس. ادفع شخشخ. هز هلالك. عد جنيهاتك. غزالة رد عليه: إنما برضك ميت باكو. قصدي كتير على قدرتي. والواحد على

برضك ميث بالحو. فصدي كبير على قدري. والواحد على قد لحافه يمد رجليه. في سري، غزالة عين ف الجنة. وعين ف

النار. باين عليه عاوزني. إنما مش عاوز عبد الضار يضحك عليه، أنا لو كت أنا اللي باشتري نفسي، ما أزودش ملين واحد عن الخمسة باكو، دولت يجيبوا شقة من العمارات

اللي ساكن فيها ولاد الناس والعز، ويجيبوا أتوموبيل. والواحدة تقعد تصرف منهم لغاية آخر يوم ف عمرها، وما يخلصوشي. إنما عبد الضار طماع، والطمع أقل ما جمع.

قعدوا بيتفاصلوا. وعبد الضار قعد يكلم عن إيديه ورجليه وفخادي ووسطي وسدري وشفايفي وخدودي وعينيه، قال كلام أبيح وقليل الأدب قوي. ما أقدرش أقوله. كلام ما يعرفهوشي إلاراجل عن الست بتاعته. واحد انكشف

الواد غزالة كان وشه زي حتة الكبدة، بيبك دم ويحمر م الكسوف، وهو بيسمع عبد الضار بيكلم عني كده.

على واحدة ست. وشاف كل حتة في جسمها.

كان فاضل شوية وعبد الضار يعمل زى اللي بيعملوه في سوق البهايم، يقوم ويرفع شفايفي ويوريه سناني. ويرفع

رجليه لفوق ويفرجه على صوابعي. ما كانشى فاضل إلا ده، بنکن کان جوزی بیفکر یقوم ویعرینی بلبوس زی یوم أمی ما ولدنتي. وزي ما بيعريني قبل ما بينام ويايا ويفرجه عليه.

آني ما كتش عارفة. أنا فرحانة واللا زعلانة، قلبي كان بيتقطع حتت عشان عيالي. كانوا قاعدين سامعين الكلام

ده بعضمة ودانهم. شط فكرى، وأنا كت باسال نفسي با هلتری همه بفهموا الکلام ده والله همه لسه عیال صغنططين؟ أنا دعيت ربنا في سرى. ودعيت بالست زينب والسيدة نفيسة وسيدنا الحسين والإمام الشافعي إن العيال ما

ياخدوا بالهم من اللي بيحصل قدامهم. كام نوية. حاولت اطفش العيال. واطلعهم يلعبوا في

الحارة. جوزي قال لا كلمة تتنطور هنا واللا هناك. نلاقي نفسنا في سين وجيم. قلت يا بت دخليهم الأوضة الجوانية. العيال عيطوا. قليهم با ضنايا كان حاسس بالنصبية اللي جايه

جوزي شخط فيه، وقالى انتى مالك. بالك مشغول ليه، خلينا في المهم. اللي إحنا فيه. الكلام خد واده، والفصال طول وحلفوا أيمانات. وجوزي قال إنه لو وياه فلوس، عمره ما يفرط فيه، ولا

وجوري دن با مو ويه عوس، عمره ما يسرك بيد، ود باتنين مليون جنيه. دا يدفع فيه كل اللي حيلته وكل اللي وراه وكل اللي قدامه، وهوه بيعمل كده عشان الحكاية نشفت

خالص مالص. وهوه عاوز يبيعني عشان يفك نفسه. هوه خالص

تعب م الحرام. ومن المشي البطال. وعايز يبقى وياه حصة. حاجة كده رسمال. يجيب بيه سبوية وينزل يقلب رزقه حلاله. زي بقيت خلق الله، كفاية سرمحة وكلام فاضي ما

حلاله. زي بقيت خلق الله، كفاية سرمحة وكلام فاضي ما يجبشي همه. من هنا لهنا. انا مش عارفة كام ساعة راحت في

المناهدة والفرهدة. وعلو الحس. الوقت سرقنا. الحكاية بقت موال. كلام في حديث. والشاي خلص. وما فيش غير الميه. ونما ريق واحد بينشف من كتر الكلام. يطلب كباية ميه،

ومن الحنفية على بطونهم عدل في الكباية واديله. ميه بدل الشاي. الواحد بيزيح، ربنا ما يكتب عليكو نشفان الريق. الحمد لله إن الميه موجودة، وما بندفعشي فيها تمن. أنا مش عارفة لو الميه انقطعت حاييلوا ريقهم، بإيه. كت عايزة

أسيبهم وأقوم أملى القلل. إنما ما كتش عاوزه ولا كلمة واحدة تقويتني من اللي بيقولوه. وأفضل سامعة اللي بيتقال كله.

وقلت أول ما تخلص الميه. يبقى لنا كلام تاني. وفضات قاعدة زي ماني. رسيت الحكاية على غزالة وهو بيقول، همه خمس

تلاف لا يقلوا ولا يزيدوا. وإنه ما يقدرش يدفع أكتر منهم ولا ملين أحمر يوحد ربه. وعبد الضار ما يقدرش يرضي بأقل من عشرة باكو، والتسعين باكو اللي فاضلين عشان

بأقل من عشرة باكو، والتسعين باكو اللي فاضلين عشان يكملوا الميه. يبقوا دين ليه في رقبة غزالة، نما يفك كيسه يبقى يدفعهم. وكمان بعد ما يجرب ويدوق الحلاوة، ويعاين البضاعة بذات نفسه، ساعتها حايعرف آنى أساوي الميت

جوزي قال الكلام ده. وما كانشي مكسوف من كلامه، والأكادة إنه قال: إن الواحد نما يشوف البضاعة من بره تبقى حاجة، ونما يعاينها من جوه، تبقى حاجة تانية. الفرق كبير خالص.

باكو وحايز أكتر.

ما أعرفش أنا انجريت من لساني وقلت: طيب يا جماعة نقسم البلد نصين، يبقى سبعة باكو ونص. واللي قلته معناه آني مش عاوزه عبد الضار، وعاوزه أخلص منه، تقولشي حابسني في سجن.

ما اعرفش هوه فهم إيه، واللي قلته كان معناته آنيي عاوزه غزالة. وغزالة عمرى ما شفته فرحان كده. راح

واقف وقال والله عشان انتى نطقتى وقلت، كلمتك عمرها ما تتزل الأرض. انا حاأدفع له عشرة باكو بحالهم ع الجزمـة

و اكسبك انتي. دا أنني تساوي الدنيا باللي فيها. كان اللبل خش و احنا و لا داربين و لا حاجــة. و كنــا

قربنا من نص الليل مسك شنطة الفلوس في إيد. ومسكني من إيدي بإيده التانية. وقال لبنا: باللا ببنا ع المأذون. عبد الضار رد عليه: يا للابيرة. والعيال لا همه فاهمين حاجة و لا

عار فين اللي بيحصل. ينكن فاكرينا بنلعب استغماية.

العيال أول ما شافونا عاوزين نطلع، افتكرونا حانتفسح ونشم هوا. قالوا رجلنا على رجليكو العيال عملوا زيطة وزمبليطة وعياط، عاوزين بيجوا ويانا. عبد الضار قال دى تبقى ولا زفة العروسة، منعهم شخط فيهم وضربهم

وخرجنا.

الواد غزالة سألنا: هوه المأذون مـش بيشـتغل زي موظفين الميري م الصبح للضهر وخلاص. ويشطب لتـاني

يوم. عبد الضار قاله إنه يعرف واحد في مدينة ناصر. مكتبه هوه بيته، نروح له دلوقتي. ونخبط عليه.

قلت لهم طب ما النهار له عينين، والصباح رباح. ويا خبر بفلوس بكره يبقى ببلاش. والواحد ف نص هدومه م الكسوف ولو رحنا للمأذون الوقتي، حايطلب الطاق طاقين

المسوف وتو رحمت المعدول الوشي، حميصه المصلى المسابى وحال يتشرط.. وينكن يوسوس وخاطره يروح لحاجة كده واللاكده. ويودينا كلنا في أبو نكلة.

واللا حده. ويوديبا حلنا في ابو لحده. عبد الضار قال: دا محدش بيجوز اليومين دول. والمأذون من دول. بتفوت عليه السنة ما يكتبشي كتاب واحد يوحد ربه، وما حايسدق يلاقينا كأنه استلاقانا م السما.

> قبل ما نطلع م الدار، عبد الضار قال لغزالة، افتح شنطتك، وفك كيسك، وطلع كم حتة معاك لزوم المشي. حاناخد تكسى واحنا رايحين. وحاندفع للمأذون أتعابه. وما

خانا حد لنسي و احدا رايحين. و حاند فع للمادون العابه. و ما فيش داعي نفضح نفسنا و نفتح الشنطة. المتقطعة و المربطة قدام مخاليق ربنا، غزالة وقف وقاله: في دى وياك حق.

فتح الشنطة. وقبل ما يمد إيده سأل عبد الضار:أطلع

كام؟ عبد الضار قاله نص باكو يعني خمسمية. الواد ؟إيديه اترعشت وهوه بيطلع الفلوس. كان يطلع كام ورقة ويقف. يبص شوية، ويطلع تاني. وحط الفلوس في جيبه، والشنطة

يبص سويه، ويطلع ناني. وخط الفلوس في جيبه، والسطه ماسكها بإيده الشمال. وإيده اليمين في إيدي الشمال، ومشينا. واحنا ماشيين. ابتدا يقبض بإيديه في إيديه. وصوابعه

واحنا ماشيين. ابتدا يقبض بإيديه في إيديه. وصوابعه تحسس على صوابعي ويحك زند دراعه في دراعاتي. وأنا أغمز له. عايزاه يرسى وينقل. لا التاني يعند ويرجع ف

أغمز له. عايزاه يرسى ويتقل. لا التاني يعند ويرجع ف كلامه، نبقى لا طلنا بلح الشام ولا عنب اليمن. وما ينوبنا غير إن عبد الضار يفرج علينا مخاليق ربنا. واللي ما يشتري يتقرج. يزعق ويقول: دي مراتي يا خلق هوه. مش

بعيدة بعد ما يعمل للواد جرسة و فضيحة يودينا النقطة ويعمل محضر.
محضر .
إنما الواد غزالة كان فرحان. زي ما يكون انكتب له

عمر جديد.

## تلات تاشر

## المزين يضحك ع الأقرع

## بطقطقة المقص

قلنا نروح لواحد مأذون يعرفه جوزي عبد الضار. غزالة قاله: هوه انت تعرف كل حاجة؟ أنا مسكت الواد غزالة من إيديه وغمزته، بص لي، بيستفهم، قلت له: بعدين أعرفك. كت عاوزه أقوله. إن عبد الضار ده تلتين كلامه كدب ف كدب. والنبي أنا خايفة لا يطلع اسمه عبد الضار ولا حاجة، وجايز برضك اسمى أنا مش ترتر.

أول ما طلعنا م الدار. العيال شهقوا وعيطوا. وقالوا لزمن نيجوا معاكوا، ما هم يا ضنى عيني محبوسين ليل ونهار. ما بيشوفوشي الدنيا إلا من فين لفين جايز من السنة للسنة. عبد الضار صمم إن العيال لزمن يفضلوا في البيت الواد غزالة قلبه حنين. ما هو زي العيال. وعيالي كانوا عزوته وأهله وناسه في دارنا. دا حتى نومته ف وسطهم. وفرشتهم هيه فرشتهم.

غزالة قال ناخدهم ويانا. عبد الضار قال لأه يستنونا. ما فيش أي حاجة تحصل، إلا وقلبي يحس بيها قبل ما تيجي،

وعشان كده حسيت إن العيال ماسكين فيه، وبيشدوا في هدومي، عشان عينيه مش حاتقع عليهم تاني. عمري ما حائقدر أكحل عينيه بشوافانهم. وإن البيت ده مش حائعتبه

حائقدر أكحل عينيه بشوافانهم. وإن البيت ده مش حائعتبه بعد كده.

ما أعرفش كان فيه هاتف بيهتف ويقولي. يا بت يا

ترتر، انت مش حاتشوفي ضناكي من تاني. وكان ويايي وياين، عين ف الجنة وعين ف النار. أنا مش عاوزه أسيب عيالي. حد يفارق ضناه يا ناس. حد يسيب لحمه يا هوه. وهوه داخل سكة مضلمة. مش عارف حاتوصله لفين.

وبرضك كت خايفة أعند مع عبد الضار يروح مديها عند ويحزن ويانا ويبوظ لي الحكاية من أولتها. قلنا للعيال، دا مشوار بسيط وراجعين لكم من تاني.

حانرجع شايلين ومحملين. حلويات ولعب وطعمية سخنة وعيش فينو من اللي بيدوب ف الحنك، عبد الضار هوش العيال. سفخ دا قلم وشخط ف ده، وسب ليهم الدين، وسب اليوم اللي شاف فيه وشوشهم. وقال من تاني إنه ما كانشي

عاوز لا عيل ولا تيل. وإن أنا السبب اللي خليت له يخلف و پر ہی و پصر ف و پلبس هدوم و جــز م و شــر ابات. و پــر و ح

للدكاتره ويا عالم التعليم لسه جاي ف السكة. مدارس وشنط وكتب وكر اريس وجايز دروس خصوصية، وهوه عمره ما

فكر ف العيال من أصله. العيال اتر عبوم منه، حاكم هوه دايما ينزل فيهم

تلطيش طو الى من الباب للطاق. سكتم. وأنا قلب بيتقطع. عبد الضار فتح الباب. وقال باللابيرة. جت طالعة. غز الـة

قالي: معقول يا ست الكل. حاتطلعي بهدوم البيت كده. مـش تدخلي تلبسي.

قلت بقطعنی فکرتنی. دا أنا نسبت حتی نفسی، من اللي احنا فيه، قعدوا ف الفسحة، و دخلت أوضة النوم عشان

ألبس ووداني كت مليانة بنهنهة عياط ولادي. العيال مش قادرين ع العايط. نازلين عياط كتيمي. عايط على جوه. همه عارفين إنه لو طلع منهم حس. الضرب بنزل عليهم. وأول إيدين عبد الضار ما توجعه م الضرب، بيندي يضرب

بالحاجة اللي تطولها إيديه، ببلغة والا براد شاي. والا بابور

جاز. اللي ييجي ف إيده يضرب بيه، أصل الرحمة عمر هـــا ما دخلت قلبه. والعيال دموعهم نازلة تسح.

أصل الحكاية جت على خوانة. كت عاوزه أعمل حلاوة، عشان أبقى ناعمة زي الزبدة. والبس من تحت الساتان اللميع، هدوم بتضوي. وفوقها فساتين بتبرق. ومنديل

السانان اللميع، هدوم بنضوي. وقوفها فسانين بنبرق. ومنديل بأويه ينور ف الضلمة. هدوم شفتشي تبين اللي تحتيها مـش تداريه.

تداریه. طلعت أحلاها فستان عندي، لبسته، یاه. داني ناسیة. ان دی بنکن تنقی لیلة دخاتی. قلعته و حیث أحلاها قمیص

إن دي ينكن تبقى ليلة دخلتي. قلعته وجبت أحلاها قميص نوم عندي، جبت الكمبيلزون اللي ياما هنا وياما هناك. الليي كت بالبسه لعبد الضار ف ليالي المزاج. وعبد الضار كان

كت بالبسه لعبد الضار ف ليالي المزاج. وعبد الضار كان بيقولي، إن جتتي بيضا وملظلظة. وإنه ما يبينشي حلاوتها إلا قميص نوم أسود، أو بني محروق أو أحمر دم الغزال. همه التلاتة عندي. جايبهم ليِّه عبد الضار. فردتهم

التلاتة جنب بعضهم ع السرير. وقعدت أقول. يا بت يا ترتر تلبسي انهوه فيهم. احترت وبعدين قلت. هـوه أنـا ناقصـة حيرة. واحد لليلة الدخلة. وواحد لليلة اللي بعـديها. وواحـد لليلة اللي بعد بعديها. وبعد كده غزالة يكلف بقى، يقولي نامي يا جاريه أقول له لبس يا سيدي.

لبست الكمبيلزون اللي بلون دم الغزال. وتحته سنتيان من اللي يخلي سدر الواحدة طالع ع السما عدل.

وجبت فستان بشركه. ما اتحطش على جسمي قبل كده وشراب وجزمة بكعب. وقفت أسرح شعرى، وارسم حواجبي، وألوان

خدودي بشوية أبيض وشويتين أحمر. وأبين شفايفي، حطيت ف شعري توكة م اليمين وتوكة م الشمال. ولميته بكام بنسة.

ف شعري توكة م اليمين وتوكة م الشمال. ولميته بكام بنسة.
وبقيت ولا كأني طالعة من أحسنها حلاق من بتوع الستات.
في أحسن حتة في مصر كلها. الحتت اللي بنسمع عنها. اللي
كلها بيد إيات. اللي أصحابها عندهم خدامين وسفر حية

كلها سرايات. اللي أصحابها عندهم خدامين وسفرجية وبوابين وغفر. البيت اللي يبقى نصه خدامين. ونصه سكان البيت. آهو آني كده. كأني طالعة من واحدة م السرايات ده لت.

دولت. صنيت شوية. عبد الضار استعجلني قال: عايزة تبقي السفيرة عزيزة، ما هو أصل المثل بيقول، لبس البوصة تبقى

عروسة. غزالة قاله: ما تنكدشي عليها ف ليلة... قطع

الكلمة.. جايز عياط العيال خلاه ما يقدرشي يكملها. ويقول الكلمة اللي تشعلل الدنيا.

طلعت عليهم الواد غزالة قال: يا ارض احرصي ما عليك. عبد الضار وقف. ونفض هدومه وهو بيقول: رقيتك واسترقيتك. بيقولها وهو بيضحك. نقورة. دا تلاقيه عاوز

واسترقیتك. بیقولها و هو بیضحك. نقورة. دا تلاقیه عاوز برش علی وشی میه نار.
طلعنا احنا التلاتة. آخر حاجة جت ف و دانی هیه

سريخ العيال، وعياط العيال. وكلام العيال. ما هـو حـاكم. العيال دول مكشوف عنهم الحجاب. بيعرفوا اللي احنا ما بنشو فهو شي.

الولاد كت قلوبهم حاسة، كانوا حاسين إن أبوهم، حايرجع ليهم آخر الليل لوحده من غيري. وطب أنا اعمل إيه؟ واخلي إيه؟ أهو دا اللي حصل.

إيه؟ واسوي إيه؟ واخلي إيه؟ أهو دا اللي حصل. واني طالعة م الدار. بصيت للعزال القديم. وقلت يا ربي تخلي بيني وبينه بلاد وبحور. ويكون دا آخر يوم أبص ألاقيه قدام عينيه. البريق والقلة. والبابور الجاز والطبلية

ألاقيه قدام عينيه. البريق والقلة. والبابور الجاز والطبلية وحبل الغسيل والطشت شالوني ف وقت عوزة بصحيح. إنما دلوقتي همه من سكة واني من سكة. دا حرام إن الواحدة

تاخد الدنيا مقاولة شقا. أنا ياما تعبت ولنزمن أشم نفسي شوية. بالسلامة بقي يا حبايبي والقلب داعي لكم.

أنا من بكره حابكون عندي تلاجة م الأرض للسما. جواها أزايز ميه التلج دايرن داير حواليها. من كل ناحية

التلج مخدات ليها. وبوتاجاز أربعة عين وأربع شعلات وليه فرن كمان. ومن يوم ورايح حاأشرب الميه ف كباية دهب والشاي ف كبابة فضمة. وحاأقلع القبقاب الخشب أبو وردة

الأصلى، وحاامشي بزحافة باستك. وحتى المطرح اللي قد الحق دا بالسلامة من غير مطرود.

البيت الواسع اللي حااعيش فيه، حاييقي حاجة تانية خالص و بیقی عندی أو تو مبیل و سو اق و طباخ و سفر جی بربري لابس أبيض ف أبيض. وكلمة مني تقطع عيشه، من

كتر ما كت باحلم. جتني الكحة وسعلت نما انكرش نفسي. طبعا مسار بفنا من دلو قتى لحد ما نقول لعبد الضار

انت من سكة و احنا من سكة، على غز الة، عشان كده وقف عبد الضار بضور على تكسى. أنا قلت هوه المأذون الله

احنا ر ابحین له، مش فیه أتوبیس بیودی عنده قالی أتوبیس

إيه يا جاهلة دا احنا رايحين مدينة ناصر. ما فيش أتــوبيس بيروح هناك.

قلت له، ولا عربية من بتوع النفر قالي وهوه بيتنقور عليَّه ف كلامه، ولا عربية من بتوعات النفر دول. وقفنا لغاية ما لقى تاكسي. ركبناه. هوه قعد جنب السواق. وأنا

ركبت جنب غزالة ع الكنبة الورانية. النطع ابتدا ياخد جنب عني ويسلمني لغزالة. وعامل نفسه ناسي إن أنا لسه على

عني ويسلمني لغزالة. وعامل نفسه ناسي إن انا لسه على ذمته. ومراته ف شرع ربنا. وما نيش مرات غزالة. إنما

ومرائه ف شرع ربنا. وما نيش مراث غراله. إنما تعمل إيه للندل الخسيس؟ يعمل أيها حاجة ما دام حايقبض منها في الآخر.

ما كتش قادرة أسدق اللي بيحصل احنا دلوقتي ابتدينا المشوار. وكأن جوزي، سبعي، راجلي، بيقولي، روحي اتشرمطي. وهاتي لي آكل. بس الشرمطة دي بورقة مأذون

بكتب كتاب وشهادة شهود. اللي همه حايكونوا شهود زور. الكلاب كت ماليه الحتة كت أقول لعبد الضار، دول الظاهر، بيوتهم وقعت زي حالات بقيت السكان، والحكومة

اداتهم مطارح ويانا. وينكن ليهم عقود إيجار زبينا. أكتر من البني آدمين.

النوبة دي الكلاب هبهبت، عبد الضار شاور عليهم وقالي دول بيقولوا لك حاتوحشينا. عينيه رغرغت بالدموع وقلت له: وهمه الكلاب كمان عارفين الحكاية. بس دا

وقائي دول بيفولوا لك خانوحسينا. عينية رغرعت بالدموع وقلت له: وهمه الكلاب كمان عارفين الحكاية. بس دا الظاهر إن الواحدة مننا برضك تعيط على جهنم وهيه سايباها

الظاهر إن الواحدة مننا برضك تعيط على جهنم وهيه سايباها وماشية منها. ما علينا. عبد الضار قال لسواق التاكسي ع العنوان

اللي احنا رايحين له، وأتضور بوشه. وقال لغزالة: فك كيسك يا عم بقى. عشان تدفع أجرة التاكسي. هوه أنا حالايها لك وأدفع كمان. انت اللي حاتدفع من دلوقتي وطالع.

رد غزالة وقاله: مفهوم يا عمي. أنا حاادفع كل حاجة. غزالة كان متحروس من كتر فرحه. ما هو حاكم غلبان ويغرق ف شبر ميه، وتلاقيه ما فرحشي قبل كده. تلاقيها فرحته لولانيه. عبد الضار أتمدد ع الكرسي القدماني.

وحط رجل على رجل. وقال: سوق يا أسطى. دا الواحد، لو ديق المالية اللي مع غزالة طول عمره، وعمر أيوه وعمر جده، وجدود جدوده. ما يقدرشي

يعملها. إنما نعمل إيه؟ وقعنا ف إيد اللي ما يرحمشي. قلت لعبد الضار . ما هية الرحمة واجبة يا جوزى. ارحمه يرحمنا

رينا كلنا. اندار عليه، وقالى وفرى كلامك لنفسك. انتى داخلة

على أيام محتاجة فيها كلام كتير قوى، تقوليه يا ادلدعي أنا مش عاوز اسمع كلام منك. قعدت أتعجب. وأقول ف بالي.

زى الست اللي بتغني مو اوبل: عجبي عليك با زمان ليه دايما تخلى الأصبل مغلوب والعوبل غالب.

قلت الكلام ده لنفسى. ما هو أنا ما أقدر شـــ أقولــه قدام عبد الضار . لا أنا قده. و لا غز الة بقدر عليه و لا أجعص

جعيص و لا أتخن تخبن بقدروا بقولوا لعبد الضار بم. وصلنا للحتة اللي احنا رايحينها. وقبل ما نوصلها. قعد يقول للسواق. شمالك با أسطى. يمينك با أسطى. حود هنا. حود

هناك. لغاية ما قاله على إيدك يا أسطى.

هوه عمره ما ركب تكسى قبل كده. و لا حاير كب تاكسي بعد كده. طول عمر ه بياخدها كعابي. أو زي ما بيقولوم دايما موتورجل. أول ما وقف الأسطى هيلا هوب نزلنا. لقنا نفسينا قدام عمارة عالية. أولها في الأرض وآخرها في السما. عمارة من العمارات اللي عمري ما شفتها إلا في أفلام السيما.

مشى عبد الضار قدامنا، وإحنا مشينا وراه، إيدى خبطت ف إيد الواد غزالة. سألت نفسى. هوه سايق الهبل ع

الشيطنة واللا عاملها كده بالعينة بصيت وقلت له: صبرك شوية. بص لى وقال: غصب عنى يا ست الناس. أنا صابر

وحا أفضل صابر أكثر من كده. وقفنا قدام العلبة اللي الناس بيدخلوا جواها. ويدوسوم

على ظرار، تروح العلبة بالناس اللي فيها طالعين لفوق. لحد السما بتاعث ربنا. والنبي ومن نبي النبي. خايفة تقتكروني

باكدب. وحياة مقام الست نفيسة والسيدة زبنب آنـــى بــأقول الحق. دى أول نوية أركب فيها البتاع ده. اللي لسه ما

اعرفش اسمه إيه. ونما بندهو اعليه. بقولو ابا إيه. داس عبد الضار على ظرار في الجيهة اللي جنبه لزق. والنبي تلاقيه شغال مع الراجل اللي احنا رايحين لـه.

ما هو يعمل أبها حاجة. شوية ونزل، شفت النور بتاعه. وقف قدامنا والباب بتاعه انفتح لوحديه. دخلنا فيه إحنا الثلاثة بربطة المعلم. وبرضك الباب قفل لوحديه. عبد الضار داس من تاني على ظرار. بس جوه العلبة اللي احنا فيها. أنا كت حاسورق. وحا أرقع بالصوت الحياني. لقيت حاجة بتشدني وطالعة لفوق طالعه طوالي.

الحياني. لقيت حاجه بتشدني وطالعه لفوق طالعه طـوالي. زرع بصل. ينكن المرجيحة بتلف وتدور نوبة الناحيـة دي. ونوبة الناحية التانية، والواحدة ف المرجيحة بتكـون شـايفه اللي حواليها.

اللي حواليها. إنما العلبة دي. محشورة بنات أربع حيطان. حاجة كده ولا زنقة القبر. اتسندت على غزالة. عبد الضار شخط فيه. ما تمسكي نفسك شوية. اصبري كلها شويتين وتبقي يا

فيه. ما تمسكي نفسك شوية. اصبري كلها شويتين وتبقي يا ختي تسخسخي عليه زي ما انتي عاوزه. وتعملوا ده بعيد عن عيون الناس. لغاية ما يقرف منك. طويلة وهبلة

ومسكوها طبلة. لأه، دي طويلة وهبلة ومسكوها واد. والواد عاكم على مليون أهيف. ياللا، ما هي الفلوس كده، تييجي للي ما يعرفش يصرفها. إزاي يا ربي. دا اللي انت خلقتهم عشان بصرفوا الفلوس. ما يلقوش اللضا.

وقفنا ف دور م لضوار. أول ما وقفنا الباب انفتح لوحديه. دي الدنيا فيها حاجات كتيرة وإحنا ما كناشي عارفين أي حاجة من اللي فيها. طلعنا. لقينا سطر شقق ع اليمين. وسطر شقق ع الشمال. طيب حاتعرف شقة المأذون إزاي. عبد الضار كان عارف. راح حدف على شقة منهم

عليها يافطة. ف نص الباب، كان فيه برواز إزاز، والإزاز كان مضلم والحصة كت متأخرة. هوه فيه حد بيتجوز الساعة دي؟ يا كسوفي ياني.

كت لسه حاأكلم سكت. سبته يتصرف. هوه مد طرطوفة

صوباعه الطويل. وراح ضارب الجرس. سمعنا من جوه حس عصفورة بتصوصو. وكل ما يتكى ع الجرس تصوصو من تأني. تبقى دي مش عصفورة، متربية ف قفص عصافير متعلق ف الفسحة. دي حاجة تانية.

من تاني. تبقى دي مش عصفورة، متربية ف قفص عصافير متعلق ف الفسحة. دي حاجة تانية. أنا المتغربت وسألته. قالي. الجرسات القديمة بتاعت ترن ترن، خلاص، راحت عليها وطلعت معاش. فيه

جرسات دلوقتي بتعمل العجب. وفيه جرسات بنبوس وتدلع وتحسس. قلت له عيب اختشي. قاللي: أهل الخشا ماتو. وإن طلع العيب من أهل العيب ما يبقاش عيب. يا بت الناس سبيبني أفضفض وأفرفط.

سبيبني افضفض وافرفط. شوية كده، وحتة الإزاز اللي ف وسط الباب، بان فيها نور. وعلى ضي النور شفنا حديد متركب ورا الإزاز من جوه. وبعد شوية سمعنا حس من الشقة بيقول: مين؟ رد عبد الضار وقاله: أنا. سأله من ورا الباب: انت مين؟ عبد

الضار علا حسه. وقال: أنا زبون آخر الليل اللــي الســلك ضاربه، قلت لروحي ينكن دا سيم بناتهم. الراجل فتح الحتة الإزاز. طلعت شراعة، بتقتح على

ذات نفسه. وقال: اتفضلوا. اتفضلنا. دخلنا، لقينا ورا الباب فسحة فيها ترابيزة ومكتب، وطقم كده تعبان، قعدنا. الراجل استأذن ودخل جوه الشقة، الظاهر كده والله أعلم. إنه حايلبس هدومه. عشان هوه نما فتح لينا الباب كان

لابس جلابيه ع اللحم.

شويتين، وجه المأذون، ما هو عبد الضار قال لنا وهو جوه إن ده هو المأذون. راجل تخين وكرشه قدامه مترين ولابس جلابيه بيضا وطاقية بيضا وبلغة بيضا ف رجليه. سلم علينا وقعد. وبدل ما يعزم علينا بأزوزة واللا

رجليه. سلم علينا وقعد. وبدل ما يعزم علينا بأزوزة واللا شاي واللا قهوة، دخل في الموضوع عدل. وقال: جواز واللا طلاق؟ عبد الضار رفع صوابعه لتتين قدامه وحركهم. طلع صباع لقدام، ورجع الصباع التاني لورا. وقاله: لتنبين يا مولانا. المأذون سأله: لتتين إزاى؟ دى تبقى حكاية ورواية ولزمتها شرح.

عبد الضار، شاور على نفسه وقاله: أنا، وراح

مشاور عليه وكمل: حاأطلق الست دي. وشاور على غزالة وقاله: والأخ حابتجوزها. المأذون سأله: معاكوا ورقك، عبد الضار رد عليه: هوه احنا جابين نتوظف. ورق إيه؟ المأذون

قاله: بالراحة عليه باخوبا، هيه هلضمة، أول هام كل واحد لز من تبقى وياه بطاقة صخصية، وشهادة ميلاد. تاني هام. بكون وباك عقد جو ازك منها. تالت هام: لز من انتين شهود يكونوا وياكوا. والشهود يكون وياهم بطاقاتهم.

> عبد الضار قاله: الشهود مش مشكلة. أنا أجبيهم لك بكرة، أنا معايا ورقى وورق مراتي. وهوه وياه ورقه. هـوه فيه حد بيتعتع اليومين دول من داره إلا ومعاه ورقه. المأذون رجع من تاني. هرش ف عرق الهيافة.

وسأل عبد الضار، انتى قلت لى إيه؟ جواز وطلق حتة و احدة؟ عبد الضار قاله: أبوه. المأذون رد عليه طوالي: ما كانش يتعز، ما ينفعشي. عبد الضار سأله. وإيه اللي حايق ل نفعه المأذون قاله: ما هو انت لزمن تطلقها، وتمر فترة

العدة. و بعد كده تتحوز . عبد الضار اتترفز، خبط إيده اليمين ف إيده الشمال.

وعلا حسه وقال: يا مولانا يا بخت من نفع واستنفع. هوه انت لازم تحط العقدة ف المنشار . طيب ما هو حالك كده

حابقف. سهل رينا بسهلك. المأذون ما سابوشي بكمل كلامه. وقفه بعلو الحس.

وقاله: هوه أنجر فته يا وإد أنت. والجدع اللي ياخد أكتر دي أصول. مش جابز هبه حامل منك، لا بد بكون بين الجواز

والطلاق فترة العدة. على داير اليوم. أنا أطلقها دلوقتي، وأحسب لكو مدة العدة، وترجعوا لي بعدها. وليه ترجعوا؟ هيه ترجع بعد كده مع الراجل اللي هيــه عــاوزه تتجــوزه برضاها. أقوم أعقد لبها عليه. إن كان لبنا عمر علي وش

الدنيا. إنما تسبب ده. وتمسك ده في نفس الساعة، أنا ما أقدر شي أعمل كده. وما يقدرشي ع القدر إلا ربنا.

عبد الضار حرك صوابعه كأنه بيعد فلوس لمو لانا. التاني ما فهمشي. أو عمل إنه مش فاهم. خده و دخل جوه وأتوشوشو. وأنا سمعتش ولا كلمة م الوشوشة إنما الشيخ برضك ما رضاشي، لأنه كان بيقول لأه، يعني لأه، هيه لأه

برطف ما رفضه الله وبط على كلمة لأه، وبقى ما عندوش غيرها.

رجعوا والشيخ بيقول: دا احنا كلينا نروح ف حديد لو عملناها. الطيب أحسن. بالصبر يا ابن آدم تعمل كل اللي ف نفسك. عبد الضار وهوه بيقعد مطرحه تاني قاله: ده الأخ

ف نفسك. عبد الضار وهوه بيقعد مطرحه ثاني قاله: ده الاخ بيحبها وبيموت ف دباديبها وحا يدفع، دا الأخ دفيان، المأذون قفل الكلام وهوه بيقو له: والنبي لو دفع مال قارون ما

قفل الكلام وهوه بيقو له: والنبي لو دفع مال قارون ما اعملها.

عبد الضار خبط دماغه بإيده وقاله: تاهت ولقيناها يا مولانا. نعمل كله ع الورق. ونسيب التواريخ على بياض. وانت تملاها بعد كده. حسب الأصول اللي بتقول عليها. قاله:

والت تمارها بعد عده. حسب الاصول التي بنفول عليها. قاده. برضك ما أقدرش أبدا. الدفتر اللي معايا صفحاته متنمرة. وكل صفحة مختومة. دا سجل رسمي. يبقى أقدم وآخر فيه إزاي افرض جت جوازات بكرة أحطها ف عبي.

إزاي افرض جت جوازات بكرة أحطها ف عبي. عبد الضار قاله: ولا بباكو؟ المأذون رد عليه ولا بملبون با جدع أنت.

عبد الضار حبكت معاه النكتة وقاله: الله هوه انت عارف اللي معانا بالضبط دا يبقى مكشوف عنده الحجاب.

عد الضار شاور لبنا. نقرب من بعضينا. عشان نتكلم في السر، وشوشه يعني. المأذون قال لينا. تقدروا تتكلموا في أيها حتة تانية غير بيتي. أنا باجوز وأطلق ويس.

إنما شغل التلات ورقات اللي انتوا جابين تعملوه في أنصاص الليالي. أنا ما أقدرشي أعمله. اتفضلوا من غير مطرود.

عبد الضار فضل مطرحه واحنا فريحه. الراجل قال: وروني عرض كتافكم. فضل عبد الضار زي ما تقول:

كرسى قاعد فوق كرسى. واحنا برضك زيه. ما احنا ماشيين وراه لحد ما نخلص منه، عبد الضار كان عامل زي اللزقـة اللي بغر ١. بنكن هو ه بيعمل كده عشان بضمن حقله وباخلا

فلوس أكتر. المأذون قام على حيله. وراح فاتح باب البيت. وقال

الباب بفوت جمل فتحه الباب سمَّعت العمارة كليها جايز جيرانه، حتى اللي نايمين في أوضهم، سمعونا، جتتي نملت. كت خايفة إن إحنا لو بلطنا ف الخط أكثر من كده. جايز تحصل لبنا جرسة وفضيحة. خت غزالة وخرجنا.. ووقفنا قدام باب البيت وعبد

الضار فضل واقف يتحايل ع المأذون وهوه بيزقه نواحي الباب، والمأذون راسه وألف سيف إنه ما يقدرشي يعمل اللي احنا عايزينه منه.

عبد الضار يقوله يهديك يرضيك، وهو يقول: ولــو على جنتي. وعبد الضار يعدله الفلوس اللي حاياخدها والتاني ولا هوه هنا. عبد الضار وصل للباب والمأذون قاله: دا انت

ولا هوه هنا. عبد الضار وصل للباب والمأذون قاله: دا انت باین علیك شیخ منسر. عبد الضار اتمسكن وقالـه: دا احنـا غلابة یا بیه وف ظروف صعبة.

مشينا من قدام باب المأذون وهـوه بيقـول. بـاين عليكون ناس زلنطحية لبط. في الشارع قلت لعبد الضار. إزاي فاتتـك دي يـا

فالح؟ قال دا أصله راجل خرع، مأذون خواف. ياما فيه غيره بيعمل أكتر من كده. غزالة سأله يعني كت عارف حكاية العدة دي؟ عبد الضار قاله: هوه أنا كت اشتغلت

مأذون قبل كده؟ عبد الضار قال لزمن نشوف حتة نقعد فيها. ونفكر في الموضوع برواقة، لأنه مش حابيجي قفش كده. عبد الضار قال إن عصافير بطنه بتصوصو وإنه عاوز ياكل والا حايعر ف يشغل المخيخ كويس إلا بعد ما يفول التنك لحد

آخره. غز الله بص لى. وقالى: "رأيك إيه يا ست الكل؟" قلت

له: "اللي تشوفه"، وهوه قالي: "لأ، اللي تشوفيه انتي". والتاني خبط الأرض برجليه وكان حايطلع من هدومه. وقال: هـوه

انتو ا حاتتعاز مو ا. ما تحبو ا بعض بعد ما أخلص منكو ا انتــو ا لتبن. وتر وحوا ف ستبن داهبة.

الواد غزالة بص لى. وقالى: "الرأى رأيك. والشورة شورتك" عبد الضار شخط فيه. بطل تعمل لها طقم مراوح

على قابها. وتبلفها بالحنية الكداية. دي هاتبقي مراتك علي سنة الله ورسوله. دى حاتنام ف حضنك وحا تبقى مرتبتك و فرشتك و غطاك. و تقول ليها با ست ترتر. إيه شغل الشبورة

> ده. قلت لغز الة: اللي تشوفه. حاكم أنا باعمل مع غز الـة اللي باسمع عنه م البنات. واللي ما عملتوش ف شبابي مع

> الجو بتاعي. هوه كان ليه جوز ولا غيره. ولا كان ليه شباب من أصله.

غزالة حس من كلامي إن أنا موافقة ع اللي بيقولـــه جوزي.

## أربعتاشر

### طول ما انت زمار وأنا طبال

## يا ما راح نشوف م الليالي الطوال

الشاهد، من هنا لهنا، رحنا على مطعم عشان نتعشى، مطعم كان عبد الضار عارفه، واللي بيخدموا فيه كانوا همه كمان عارفينه. هوه قعد على ناحية م الطرابيزة لوحده. وأنا وغزالة قعدنا جنب بعضينا ع الناحية التانية.

قعدت أظغر حواليه. كت الناس شبعانة. ينحط الأكل قدامهم أصناف محمر ومشمر يسد عين الشمس، حكمة ربنا، ما يمدوش إيديهم ع الأكل يشبعوا منه بعنيهم. دولت عمرهم ما جاعوا. ولا نفسهم راحت لحاجة كده واللا كده. إنما إحنا، ما يملاشي عنينا إلا التراب. عمرنا ما نشبع إلا نما الأكل يملا بطن الواحد مننا ع الآخر.

عبد الضار اتمطع وطلب أكل لنفسه. وسألنا إن كنا جعانين. يطلب لينا. ونما قلنا له الحال من بعضه. راح منادي ع السفرجي وقاله: اتنين شرحه، إحنا كنا عاملين زي

لعمش ف الضلمة. بنطس ف بعض. وعشان كده سبناه يعمل اللي هوه عاوز بعمله.

كان عبد الضار عامل زي المفجوع. طلب كباب وكفتة وسأل على حمام، ونما لقى فيه حمام طلب حمام وسأل على فراخ ما التقاش فزعل. وسأل على رز بالكلاوي ورز

بالخلطة ورز بالصلصة. ونما ما التقاش كان حايعملها عركة. وطلب سلطات. طبق من كل سلطة. حاجة عمياني. الطرابيزة ما كانتشي سايعة الطلبات. تقولشي بياكل ف آخر

الطرابيزة ما كانتشي سايعة الطلبات. تقولشي بياكل ف آخر زاده. أني كت محتارة. إزاي عرف الحاجات دي كلها.

تلاقيه بياخد بحقه حلفه، هوه عليه ياكل. إنما اللي حايكع الفلوس الغلبان غزالة. المطرح كان بتاع أكل وبس. إنما عبد الضار بلف العيال الخدامين وخلاهم يزردوا لينا شاي من ورا ضهر صاحب المحل.

عبد الضار خد من غزالة فلوس. وبعت جاب علبتين سجاير وعلبة كبريت ووصى ع الشاي. أربع كبايات ف وش العدو. كبيتين ليه. وكباية ليه، وكباية لغزالة. وقال إنه بعد الأكلة ديه الواحد لازم بحبس بجردل شاي.

سعت الحساب، بقى غزالة بيعد الفلوس، وعيني كت

وياه، أنا عديت وياه بشفايفي لحد ميت جنيه، وبعد كده اتضايقت وتعبت، وما بقتش شايفة اللي قدامي من اللي بيعمله عبد الضار، اللي عاوز يخسر الواد الجلد والسقط، بده ياكل

عبد الضار، اللي عاوز يخسَّر الواد الجلد والسقط، بده ياكل لحمه ويمصمص عضمه ويقوله: أمك في العش واللا طارت، و بضحك عليه. و بطلعه بليوص. أنا لحد دلوقتي، ما

طارت، ويضحك عليه. ويطلعه بلبوص. أنا لحد دلوقتي، ما أعرفشي غزالة دفع ميه وكام. فضلنا قاعدين بعد الأكل. وأنا كت فاكره، إن الواحد

فضلنا قاعدین بعد الأكل. وأنا كت فاكره، إن الواحد بعد الأكل يغسل إيديه. ويمضمض بقة، ويتكل يتمشى، عشان يهضم، عبد الضار قال نقعد نشوف لينا فكيرة. وبعد شوية طلب دور شاى تانى. وفضلنا قاعدين لغاية صحابات

طلب دور شاي تاني. وفضلنا قاعدين لغاية صحابات المطرح ما طفوا النور علينا، زي ما يكونوا بيقولوا لنا بالسلامة بقى.

في الوقت ده، عبد الضار قال لغزالة ع اللي حانعمله، قاله: يا سيدي تاهت ولقيناها. بلاش حكاية الطلاق والجواز، نخليها بعدين، اللي بيجي لك منه الريح سده واستريح. من نواحى الطلاق، أنا أطلقها. وبعد ما أطلقها

أأجرها لك، أعملك عقد إيجار بيها لمدة سنة، وآخد الإيجار منك بالشهر.

صن عبد الضار شوية وقاله: لا وأنا أطلقها ليه؟ لأني لو طلقتها حاتبقى حرة نفسها، هيه اللي تأجر نفسها: لا.. لا.. لا.. الطلاق بعدين. بعد ما نأجر ها نشوف حكاهة

لا.. لا.. لا.. الطلاق بعدين. بعد ما نأجرها نشوف حكايــة الطلاق، أو أكون أنا شفت مأذون يقبل يعمل الطلاق والجواز فيه ناس كتيرة بتعمل كده. دا الراجل اللـــي

ت يوم واحد. وفيه ناس عليره بنعمل حده. دا الراجل اللسي وقعنا ف قرابيزه نمكي، بيخاف من خياله، متعقد، راجل جبان، انا عارفه، قلت إيه ف الإيجار؟ أنا معجبنيش الكلام. الراجل عايز ينتف ريش الواد

جبى، أن معجبنيش الكلام، الراجل عايز ينتف ريش الواد بسببي، وأنا ما أقبلشي، أنا قلت: هوه أنا شقة واللا كشك سجاير واللا تلاجة حاجة ساقعة أو أوضة شرك واللا تربة حاتاً حن عكت محموقة وأنا باقوله: والهروب النجرية

سجاير واللا تلاجة حاجة ساقعة أو أوضة شرك واللا تربة حات حات أجرني؟ كت محموقة وأنا باقوله: ما هو يا نعيش بالمعروف يا نفارق بالمعروف؟ قالي عبد الضار، اسكتي انتي. ومد إيده على وركي

وراح قارصني قرصة، فكرنتي باللي فات كله. القرصة بكت بالدم. شديت هدومي من على روكي. شلحتة وبصيت عليه، لقيت صوابعه معلمة وبتقح دم. كت حائسورق وأرقع

بالصوت، إنما سكت. استحملت. ما هو هوه بيقول كتر م الفضايح عشان أنا رايح.

شال إيده وشد هدومي غطى بيها فخادي. وبـص لغزالة، وقاله: لا مؤاخذة يا أخ. هيه السبب. الـواد غزالـة

قاله، إن إحنا نرجع البيت. ونفكر ف الموضوع على رواقة. عبد الضار قاله، لا يا حبيبي. إحنا لزمن نقول الكلام ده بعيد

عن ودان العيال. غزالة قاله طيب تأجرها لي بكام ف الشهر. الشهر.

عبد الضار قاله، مش حانختاف، وراح طالب ألفين جنيه ف الشهر إيجار. وأنا قلت، دا يبقى كتير قبل غزالة ما ينطق. غزالة قاله إنه لو أجر عمارة بسكانها، نسوانها على

رجالتها، على عيالها، على بناتها البنوت، شروة واحدة، عمره ما يدفع ولا ميت جنيه في الشهر. غزالة اتدردح واتفنط وهوه بيقوله: يا راجل اقعد عوج واكلم عدل. من هنا لهنا، رسبت الحكاية على ألف جنيه في

الشهر. وعبد الضار كان عاوز شهر إيجار وشهرين تأمين. يعني عايز تلاتة باكو دلوقتي. مش جايز تحصل لي حاجــة

برضك، جايز يرجعني ناقصة إيد واللارجل والله عــورة مش بعيد ياكل منى حتة.

كان قلبي بيتقطع، حسيت آني حاأبقى سبب خراب جيب غزالة. والواد حايكرهني. عشان أنا كت السبب اللي خسره اللي وراه. واللي قدامه: عبد الضار طلب التلاتة

خسره اللي وراه. واللي قدامه: عبد الضار طلب التلاتة باكو، والواد قاله لأ. نكتب الشرطية لأول. واستلمها ونمشي من عندال ما دار ما دخاك شد

بادو، والواد قالم 1. تعلب السرطية دول. واستمها وتمسي من عندك ويا دار ما دخلك شر.
بصينا لقينا قدامنا مشكلة تانية: أهو احنا كده نطلع من بله ة نطب في نصيبه. من اللي حابكت لينا الشاطبة

بصيف تعيف قداما مسكته دائية. أهو أخدا كده تطلع من بلوة نطب في نصيبه. مين اللي حايكتب لينا الشرطية الوقتي. عبد الضار بيفك الخط طشاش. يستقرا أحسن ما يكتب. عبد الضار قال نبعت نشتري عرضحال وقلم. واكتب أنا الشرطية. غز الله قاله، دا بعدك. دا بيقوا سلموا القط مفتاح

الكرار. واللا حرَّصوا الديب ع الغنم. غزالة كان رأيه إن حد تاني يكتب الشرطية. وياخد أجرة إيده، عبد الضار قاله: دا اللي ينكشف على سرنا يودينا ع القسم طوالي دي الحكاية من حال المبتدأ غلط ف غلط.

من حال المبتدأ غلط ف غلط.
واحد من اللي شغالين ف المطعم، كان بيتمحلس لطرابيزتنا، ويمسح لينا جوخ، ويتمحك فينا. احنا اتوغوشنا م

الواد اللي ودانه ويانا طوالي. عبد الضار عامل أبو العريف. قال لبنا. دا ببعمل الشوبة بتوعه عشان البقشيش.

الواد ده انحشر ف الكلام زي البقدونس. وقال ما هو فيه عقود إيجار مطبوعة، بتنباع جاهزة عند البقالين، مكتوب

فيها كل حاجة. يدويك الإمضا ويس. الحشري جالنا الفرج على لسانه. نزلنا جرى نضور على دكان بقاله م الكبار.

المحل منها قد بليد لوحيها، والبضايع مرصوصة ع التلتلوار . متلتلة. زي الجبال، كلهم أول ما نسألهم على عقد إيجار . بيصو البنا، وبضربو اكف ف كف "هـوه فيـه حـد

بيأجر دلوقتي. دا كله تمليك؟" واحد كان قلبه رحيم. دلنا على بقال ف حتة كليها

> عشش وبيوت هفتانة زي الحتة اللي احنا قاعدين فيها. خدنا تكس ورحنا ليها. والناس ف الحتة متهجرين من أبام حرب الكنال. الحرب خلصت والناس رجعت إنما دولت صحتهم جت على هو ا مصر .

رحناع البقال ده عدل. لقينا عنده العقودات أشكال. عقودات بيضة، وعقودات صفرا، وعقودات خضرا. أغلاهم و أحلاهم كان العقد لخضر . أنا استبشر ت خير بلخضر . وقلت لغزالة "عايزاه أخضر عشان تبقى بشرة خير، وتبقى أيامنا ويا بعضينا خضرة يا حبيبي".

دي كت أول نوبة أقول الكلام ده فيها لغزالة، وعبد الضار اداها طناش. وعمل ودن من طين وودن من عجين، وكأنه مش واخد باله. وغزالة أول ما سمع كلمة يا حبيب

أترجف رجفة واتهز هزة. باين عليه أول مرة يسمع فيها الكلمة دي من واحدة حرمة، مسكين يا غزالة. واني برضك مسكينة.

مسكينة. والله لو الود ودي، لحط دماغي على سدرك وأعيط

من النهاردة لآخر يوم لينا ف الدنيا، يادي الندامة يا غزالة، تعالى نحط همي على همك. ونبني منهم بيت، المونة بتاعته تبقى دموعنا، والطوب من عضمنا، وسقفه لحمنا، ونقعد نعيط جواه. وأحط دموعك على دموعي، وبيقى بيت العياط.

تعيط جواه. والخط دموعك على دموعي، ويبقى بيت العياط. خدنا ورقة الشرطية، فرخ ورق واقف على حياه. ومشينا كام خطوة. وراح عبد الضار واقف، كأنه افتكر حاجة كمان نسيها. وقال لأه. نشتري عقد تاني. يبقى معيا

واحد، ومعاكوا واحد، لا تعملوا فيَّه ملعوب. هوه عاوز ينهب الواد ويس، اللي بيجي منه أحسن من عينه.

عبد الضار أول ما تجوزني، في يوم الصبحيَّة. صبح وقال إنه حلم في الليل إنه راح سوق المكن، واشترى

مكنه تدخلي فيها الورق من هنا، يطلع م الناحية التانية فلوس وانتي وشطارتك. ورقة قد اللدعة تطلع شلن. ورقة أكبر

نص جنيه. أكبر جنيه. حتة بخمسة، ببريزة دي ف لغوته يعني عشرة جنيه. هوه فاكر دلوقتي إن الواد غزالة دا مكنة

يعني عسره جبيه. هوه فاكر دلوقني إلى الواد عراله دا مكنه يحط ورق فيها من هنا، تطلع فلوس م الناحية التانية. كل خطوة عبد الضار عاوز غزالة يضرب إيده ف

جيبه يطلع فلوس. أنا حمدت ربنا إن المبلغ اللي غزالة طلعه من الشنطة من البيت لساته ما خلصشي. معقوله يخلص؟ دا مفروض يكفينا سنة. إنما عبد الضار عاوز يخلصه. والواد

يطلع فلوس تاني ف الشارع قدام الناس، ونضيع كلينا في شربة ميه.

جبنا الكونتراتو التاني. وقف عبد الضار وقال

"نتكس" ما فهمناشي الكلمة. قال ناخد تكسي يا بهايم. هو انتوا كتوا عايشين قبل كده. دا انتوا كمالة عدد. نروح هناك ونقعد ع القهوة اللي على راس حنتنا ونكتب الحجة.

اني المرة دي اللي رديت. قلت نضور علي قهوة

هنا. ونبعد بسرنا عن الحتة واللي فيها. غزالة وافقني وقالي بر اوة عليكي يا ست تر اتر . بصبت له بصة تجمد الدم ف العروق، قالى "أسف: براوة عليكي يا ترتر"، كت عاوزه أقوله. امتى اسمع منه يا تراتر يا حبيبتي. إمتى اسمع منه

كلام الحنية اللي يعمل شبورة قدام عينيه. الكلام اللي عمري ما سمعته من عبد الضار . دا عمر ه ما نطق و لا بكلمة و احدة

عنى وعن حلاوتي. إلا وهو بيبيعني لغزالة. قبل كده. كان الكف ورا الكف. تقولشي إنه

متجوزني عشان يضربني ويدوبك ف الليل، انصاص الليالي. ما يعر فش بنام من الحر و العرق و النفس و زحمة العيال بقوم

بنط، عشان بتعب وينهمد وبنام. ضورنا على قهوة. لقينا غرزة ظغنططه. مشعلاها مرة لابسة منديل بأويه وجلابية شرقاوي. الحقيقة شه. مرة

حلوة. من أول ما قعدنا وعبد الضار ابتدا بالاغبها ويشاغلها قلت أنا مالي. أنا اخلص منه. وهوه يعمل ما بداله. بعد كده افتكر إنه ما معهوشي قلم. سألنا كل القاعدين مترصصين

على قلم. ما لقيناشي. كلهم فواعلية وصعايدة. قصعة المونة واكله من كتافاتهم راقات.

خد فلوس تاني من غزالة. تلاقيه معاه قلمين ف جيبه. إنما هوه عاوز يخلص فلوس الواد بأيتها طريقة. راح المحل اشترى قلم ورجع. طبعا كل شروة ياخد فلوس

صحيحة إنما عمره ما رجع الباقي. بعد الشر.
قعد فرد الورق ع الطرابيزة، كنا متمطنين نيص

نص، ومتوغوشين نص نص برضك. لأن ما حدش يامن لعبد الضار على أيها حاجة. شاورت لغزالة إنه يكتب وياه. ما يسبوشي لوحديه يستفرد بالورق والكتابة.

قبل الكتابة سقف عبد الضار بايده. طلب له اتسين شاي، ولغزالة واحد شاي، وليه حاجة ساقعة. وطلب لنفسه بوري ووياه أربع حجرة. طبعا ما هو الصريف بيصرف، والنديدة بد من، والخذينة بابها مفتوح، هوه حايدفع حاجة.

والبنديرة بترمي، والخزينة بابها مفتوح، هوه حايدفع حاجة. دا عبد الضار بيقول دايما. البلاش كتر منه، ياخد له كمان ربع ساعة ع الصرمة القديمة، ويروح في ستين داهية.

فردنا الكونتراتوع الطرابيزة. وقعدوا يكتبم. غزالة كتب ترتر في الورقة، وسأل عبد الضارعن بقبت اسمي،

جوزي شخط فيه وقال: "هيه مش اسمها ترتر. ومين قالك كك كده؟" دا ترتر اسم الدلع. دي اسمها للي.

غزالة سأله: وللي دي تتكتب إزاي يا فالح. عبد الضار رد عليه: تكونشي شايف الشهادات متعلقة على كتافي، إيشي يمين وإيشي شمال. هات أوريك ورسم له الاسم

كتافي، إيشي يمين وإيشي شمال. هات أوريك ورسم له الاسم والتاني رسم واحد زيه. أنا بقيت تايهه. للي. أنا للي معقولة. وهـوه قاعــد

يقولي يا ترتر طول المدة دي كليها. دا ياما لسه حانعرف، وينكن يطلع للي ده مش اسمي. سابوني مستغربة. ترتر هو اسمي اللي وعيت ع الدنيا ولقيته مستنيني، إنما للي دي ما

ويتن يصع سي ده مس سمي. سبوني مستربه. ترير سو اسمي اللي وعيت ع الدنيا ولقيته مستنيني، إنما للي دي ما تدخلشي دماغي خالص. سألته مين اللي قاله إن اسمي للي؟ راح سألني، بدل

ما يرد عليه، ومين اللي قال إن اسمك ترتر؟ قالي إنه هوه اللي عارف كل حاجة عني. وورقي عنده. غزالة قاله: طيب للي وعرفناها. أبوها يبقى مين. اسمه إيه، ونقبها إيه، اسم عيلتها إيه. قاله: اكتب للي وبس وسيب الباقي فاضي وأنا حائكمله. نما أرجع للورق.

قلت له: انت ناسي اسم مراتك، وأم عيالك يا عبد

الضار، والله تلاقي دا كله تفانين من دماغك؟ ومن يوميها، وأنا لا يمكن تخش دماغي حكاية للي دي. ولو آني سميت نفسي، مش حايكون غير نزاهة، ومن يوم ما حاأبقي، أنا

والود غزالة لوحدينا. حاأخليه يقولي يا نزاهة. حد فيكو سمع عن واحدة اسمها للي حد شاف واحدة الناس بيقولوا لها يا

على واحده السمها لتي خد ساف واحده الناس بيعولوا نها يت للي. كتب وبعدين مضى. وغزالة مضى وراه. وطلب

فلوس ما أعرفش تاني، واللا تالت واللا رابع واللا خامس. والله ما نا فاكرة. قام يشتري قلم كوبيا ما لتقاشي. السترى ختامة عشان أبصم ع العقد أنا كمان.

بعد ما خلصنا. إدى الحاجات والمحتاجات دي كلها للست بتاعت القهوة. بعد ما قالها اسم الكريمة إيه. وشعر راسي طقطق وهيه بتقوله اسم الحكومة للي واسم الدلع

راسي طقطق وهيه بتقوله اسم الحكومة للي واسم الدلع ترتر. وقالت له: والكريم اسمه إيه؟ أنا فاكرة إنه قالها اسم تاني. عبد الحليم حافظ. قالت له: اللي بيغني في الراديون وبيمثل ف التليفزيون. قالها لأه. بس أنا أحلى منه. وغمز

ليها برمش عينيه الشمال غمزة أنا فاهماها.

فاضل التسليم، هوه كان عايز التسليم ده ع القهوة، عاوز ياخد البواكي عند الولية. اللي ليها نفس أساميه، واللي

عاور ياخد البواكي عند الوليه. اللي ليها نفس اساميه، واللي الحكاية دي باين فيها ملعوب، فاجر ويعملها. ياخد أجرتي ويروح يبات عند الولية بتاعت القهوة. واللي جه بلاش يروح بلاش، وهاتي يا سدرة، وعفري يا مدره، أنا قلت لأ، وغزالة

برعن، ومعني يا مسرو، وطري يا مسرو، من سف 2، وطراء قال لأ. وقلنا نمشي لأي حتة، تحت عامود نــور، وسلمني أسلمك ف الشارع.

أسلمك ف الشارع. غزالة دفع الحساب، وقعدنا نتمشى، وبعد رجلينا ما اتكسرت م المشي، التقينا عمود نور، غزالة قعد ع التال

الكسرت م المسي. اللقيا عمود نور، عراله فعد ع السن طوار، وحط الشنطة على رجليه ووارب غطاها، من غير ما يفتحه، وابتدا يعد سكيتي. لغاية ما خلص تلت ربط. بتلت بكاوي وإداهم له. وعبد الضار كان مستعد م لأول. كان

جايب وياه منديل محلاوي. رصهم فيه وربط المنديل وغزالة قاله: كل واحد من سكه يا حبيبي. عبد الضار قال لأه. لز من بيجي ويانا. ويعرف إحنا

فين دا إيجار الشهر، والشهر غمضة عين ويخلص يا إما يدفع حالا بالا إيجار سنة. غزالة قاله أنا حاأخدها وأروح سبدنا الحسين. وننزل هناك ف لوكاندة.

من هنا لهنا. جه ويانا. ركبنا تكسي من تاني وغزالة

هوه اللي اكلم النوبة دي. قاله: الحسين يا اسطى. قرينا الفاتحة في سيدنا الحسين لأول، النـــاس كــت

بتصلي الفجرية، غزالة وقفني برة الجامع، وخد شنطة الفلوس وياه. وعبد الضار وقف معايا، قالها إيه عشان هوه مش متوضى، آهي حجة. إنما هوه خايف يدخل الجامع.

مش متوضي، آهي حجة. إنما هوه خايف يدخل الجامع. سيدنا الحسين يسخطه قرد. ما هو مكشوف عنه الحجاب. غز الله قالي إنه حايقرأ الفاتحة تلت مرات. مرة ليه،

غزالة قالي إنه حايقرا الفاتحة تلت مرات. مرة ليه، ونوبة ليه، وتالت مرة لينا إحنا لتنين مع بعضينا، خفت إن غزالة ما يطلعشي من جوه. واللا ينسى ويطلع من باب تاني. واللا جنية جوه تسحره وتاخده وياها لسابع أرض أو

تاني. واللا جنية جوه تسحره وتاخده وياها لسابع أرض أو لسابع سما. روحي انسرقت مني. لحد ما شفت طلعته هالة عليه من جوه نور الجامع اتشاهدت على روحي.

رحنا اللوكاندة، حاجة بتلعلط. كت ف اكرة إن قسم البوليس بس هوه اللي شغال ليل ونهار. وإن اللوكاندات بتقفل ف الليل. عشان اللي ساكنين فيها ييجي لهم نوم. وينعسوم. لقيناها ولا عز الضهر. الموظفين اللي لا بسين

انضف م الضابط ف نقطة البوليس، سلموا علينا، وجابوا لنا كازوزة ساقعة.

غز الله حجز . وبص لعبد الضار وقاله: أديك عرفت مكاننا. ورينا عرض كتافك. فرجنا على مشيتك. عبد الضار قبل ما يمشي قال إنه كل يوم حايتطمن علينا هنا. وحسكوا

قبل ما يمشي قال إنه كل يوم حايتطمن علينا هنا. وحسكوا عينكوا تغيروا اللوكاندة. حايقاب الدنيا علينا عبد الضار خدني على جنب، وقالي أوعى أنسى آني مراته، على ذمته،

على سنة الله ورسوله، واني عايشة مع واحد تاني. لساته غريب عليه. زي أخويا. والكلام ده أعمله حلقة ف وداني. سابني وراح على غزالة، فكره بحكاية الشنطة والفلوس اللي

مدفياها. وبكرة الصباح رباح، صحابات الفلوس حايظهروا ويبانوا. وتبقى حكاية. قاله إنه كمان فيه موضوع ما يحبش إنه ينساه. هوه هربان م الجهادية. وان زوغ منه هنا وإلا هناك، حايروح المعسكر بتاعه، ويرسيهم ع البير وغطاه.

قال لينا احنا لتنين إنه مكتفنا بألف كتاف. ضحك وقال: باكوا كتفه، عبد الضار قال: تصبحوا على خير ومشي. غزالة قاله: وأنت من أهله، وأنا قلت ف سري: ربنا لا يرجعك ولا بعبدك من تاني، با عبد الضار با ابن حوا وآدم. النهار شقشق وأنا ما كنتش عايزة أطلع الأوضة. وغزالة اللي أنا عايزاه يبقى على قلبه زي الشهد. كت عاوزه أشوف سيدنا الحسين، وابل مقامه بدموعي. أنا ما كتش

مسدقة إن عبد الضار اتطرق. وأنا أنا بقيت حرة نفسي خلاص.

غزالة خدني ولفينا، وقعدنا ف مطعم بيب بص على جامع سيدنا الحسين. عدل. وشربنا حليب من بتاع الصبحية. وكلنا فطير، كان فيه فطير دلع. وفطير حادق، وفطير حلو.

قلت لغزالة هوه يبقى فطير إن ما كانش حلو؟ قعدنا على قهوة من تاني. دا أنا كــت فــي جــرة، وطلعت لبرة، كت فين وبقيت فين. إيش جاب لجاب؟ رجعنا

وطلعت لبرة، كت فين وبقيت فين. إيش جاب لجاب؟ رجعنا اللوكاندة. غزالة حط الشنطة، وقالي بعد إذنك حاأروح لحد الجامع أسأل سؤال وارجع لك تاني. أول ما مشم وساب لم الحمل بما حمل. بعنب

أول ما مشي وساب لي الجمل بما حمل. يعني الشنطة باللي فيها. كبر ف عينيه. هيه دي اللحظة اللي حسيت فيها إن غزالة بيحبني موت.

عبد الضار كان نما يرجع، وقبل ما ينام يحط المحفظة الفاضية تحت راسه كان دايما محرس منى، عشان

كان مخونني طوالي. وكت كل ما آخد هدومه عشان أغسلها. كان يسألني: فتشتي الهدوم؟ كان فيها فلوس؟ وهوه كان في

كل هدمة من هدومه جيب. حتى اللباس كان فيه جيب. إنما ربك والحق الجيوب طول عمرها كت فاضية. أنضف م

الصيني بعد غسيله. الولد ساب معايا رسماله. وكل اللي حياته. وما

وصانيش عليه. أنا ما أعرفشي هوه حايساًل على إيه وأنا ما سألتوشي. بعد ما نزل، لقيت دموعي نازلة على خدودي كت

فرحانة. فيه واحد مستأمني على مال الدنيا اللي معاه كلاته. مسكت الشنطة بإيديه، وحطيتها على فخادي وقعد مستنياه. قلت لروحي لزمن يرجع يلاقيها زايدة.

سعت ما ساب الشنطة معايا ومشي، وما رجعشي عشان يقولي خللي بالك منها. وما عاودشي من تاني عشان يعايرني ويقولي أنا مأمنك آهوه. زي عبد الضار ما كان

بيعمل معايا ف الفاضية والمليانة. حسبت إن ده. هو ه اللــي

كان لزمن يكون جوزي. وإن كل يوم ضاع من عمري من غير غزالة ما لوش طعم، وما لوش اسم، وصعب يكون من العمر. قعدت أفكر، والفكر عكنني، أنا أكبر من غزالة فـــي

العمر، أيامي رايحة، وهوه أيامه جايه، ومسيره يكبر ويعرف كل ده، ويضور له على واحدة من كسمه. لعنت الظروف اللي خلاته جاني متأخر. إيه النكد ده. تقولشي أنا في سن أنه الذه من كند من الله كذا و عثد بن مأن الم

أمه. الفرق بيني وبينه مش كتير. غزالة كذا وعشرين، وأنا كذا وتلاتين، يعني قدامي لسه سنين طويلة لحد شعر راسي

كذا وتلاتين، يعني قدامي لسه سنين طويلة لحد شعر راسي ما يبيِّض، وجسمي يفرغ ووشي يكرمش، والخطوط تملي جلد رقبتي، وسناني تلخلخ. وخلفتي ما انقطعتشي. والعادة

عمرها ما خلفت ميعاد ليها. إنما يا ريت كت أنا أظغر منه، الحاجات الحلوة دي عمري ما حسيت بيها مع عبد الضار، كنت أخاف منه، وكنت أتعزرن طول ما هوّه ف البيت. وأتمنى إنه يوريني

وكنت أتعزرن طول ما هوه ف البيت. وأتمنى إنه يـوريني عرض أكتافه، لأنه كان بيملا البيت عكننة، حياته كلها كـت خميرة عكننة، وما كانشي يهدا إلا بعد ما يعمل عركة جامدة معايا. واللا ينزل ضرب ف العيال. والا يهب ف الجيـران.

ونما ما يلاقيش حد يتعارك وياه. يروح متعارك مع دبان وشه. المهم إنه كان يتعارك وبس.

غز الة بكلم كأنه بيوشوش نفسه. أطأطأ وداني عشان أسمع هوه بيقول إيه. ينكن لو عشت وشي ف وشه ميت سنة

جايز مش حانتخانق مع بعض نوية واحدة. شوية وشويتين ورجع غزالة. نقرع الباب من بره

لأول، قلت اتفضل خش. أول ما دخل رحت حاطة الشيطة جنبی و و اخداه فی حضنی، و هات با عباط، عبطت کال العباط المتحوش جوابه من بوم ما شفت عبد الضار، عبطت

على كل الضرب اللي ضربوهولي. جميع الليالي اللي صحاني ف نصاصها عشان يهمد وويجي له نوم. عمره ما قالى عايزك. كان دايما يقولي أنا عايز حاجة تهدني. كت

عاوزه أحكى كل ده لغزالة، وهوه إداني أول الكلام. قال كان فيه با مكان، با سادة با إكر ام، ما بحلي

الكلام إلا بذكر النبي. وأنا خدت منه الحدونة وقلت: عليه أفضل الصلاة وأشرف السلام، غزالة قال: كان فيه ملك، ولا ملك إلا الله سبحانه وتعالى. خلف بت وحدانية. والبت دى

كت حلاوتها تجنن. عفرتت حتى البهايم الخرسة. كت سبحان من صور . والبت كت اسمها تراتر . وف يوم من ذات ليام. غفل عنها الحراس ف قصر أبوها. السلطان. قام خطفها شطان اسمه عبد الضار، وهو كان ضار بحق وحقيق.

سكت و اداني خبط الكلام، عشان أكمل، و أنا كملت وحكيت وقلت. كت بانتفض وأنا بأحكى زي طير لساته مدبوح دلوقتي، والسكينة لسه نازلة من على رقبته ومفرفر

ودمه سخن وجنتي كت دفيانه. كلمة من هنا، ودمعة من هناك، استقتح بالكلمة،

وأبلع بالدمعة، أكلم شوية وأبكى شويتين، قلت وترتر عاوزه تروح لبوها. مش مهم يكون ملك، أو سلطان، دا لو حتى بيكمل عشاه نوم، أو شوية عضم ف قفه، يا ناس دا الله مالوش أب بيشتري له أب. أقله عشان أبقى متأكده إن أنا ترتر. وأن أبوبا ببقى فلان الفلاني بالعبنة.

غز الله كمل: إنه أول ما نخلص من شر عبد الضار، ويبعد عننا، حاتكون أول حاجة نعملها، نضور ع العيلة مش أبوبا وبس لأه. أبوبا وأمي وخواتي كمان. ويعيشوا وبانا، أو نعيش معاهم. قلت له: وحانقدر . دا احنا نبقي عاملين زي

اللي بيضور على إبره ف كوم قش. طمني: اللي وياه قرش اليومين دول عمره ما ينضام ولزمن حانلاقي أبويا وأهلى. دا المثل بيقول: مسير الحي يتلاقى. والدنيا قد ماهيه كبيرة. فهي ظغيرة قد الكف.

ترجع مرجوعنا للمشوار اللي نزله، غزالة قالي، السمعي يا ترتر أنا رحت لواحد شيخ جنب سيدنا الحسين،

السمعي يا ترتر القارحت تواحد سيح جنب ستين الحسين، شايل كلام ربنا ف سدرة. سألته عن الجواز من غير مأذون. الراجل الشيخ الصالح قالي: شوف يا بني، كفاية أنك تقولها،

تقبليني جوزك. وهيه تقولك إنها قابلاك. انت تسألها تـــلات مرات. وهي تجاوبك تلت مرات. وتشهدوا انتين على كـــده، وناس الجيهة اللي انوا عايشين فيها. يعرفوا إن هيـــه بقيــت

غزالة قالى، المشكلة إنى مش عاوزك ف الحرام.

وناس الجيهة اللي انوا عايشين فيها. يعرفوا إن هيه بقيت مراتك، وأنت جوزها. يبقى دا جواز بصحيح. الشيخ مسك الكتاب ف بمينه. والتقت لغزالة وقاله:

الشيخ مسك الكتاب ف يمينه. والتقت لغزالة وقاله: بس يا حلو لو جم عيال. يبقى لازم العقد وكتب الكتاب، عشان الجواز البقيقي ده ما ينفشعي في الحالة دي.

عشان الحرام ده. حايبعدنا عن بعضينا. عايزك حلالي. قلت إنه هوه كدب ع الشيخ اللي راح له. ما عرفهوشي إني على ذمة و احد تاني. خبط إيده ف راسه. وقالي: فاتتني. ينقال، دا لو سمع منك كده، وهو راجل بتاع ربنا يرد عليك طوالي، إن هيه مرة زانية، تتحدف بالطوب لحد ما تموت. قلت لغزالة: اقعد وحانلاقي للعقدة عند الكريم حلال.

حسبت إن كل نقطة دم جوه الواد غزالة عايزاني. إن نني عينيه رايدني. وكل حتة ف جسمه عايزاني. إنما

نتي عيبية ربيدي. ومن حسة في جسمه عسيراتي. يمت عيازني بالحلال، لأنه مش بتاع حرام. قلت له يا غزالة: إحنا ف مكان غريب. الأوضة ليها

ولك نه يا عرابه. إحدا في مدان عربه. الاوصه بيها مفاتيح تانية ويا صحابات المطرح. عشان كده. واحد منسا ينام والتاني بيقى زي الددبان حواليه. يحرسه ويحاجي عليه، طبعا احنا لزمن نحط عينينا ف وسط راسنا. مش جايز عبد

طبعا احنا لزمن نحط عينينا ف وسط راسنا. مش جايز عبد الضار، وهوه عارف مكاننا يروح لواحد من الصيع يوزه عشان يسرقنا وإن غيرنا مطرحنا تبقى يا داهية دقي.

قعدنا نتعازم، مين ينام الأول. هوه حلف. وأنا قلت له تعدمني. إن ما نمتش انت الأول. غزالة قبل ما ينام قعد يحلم وعينيه مفتحة. قال إنه كان غيته إنه ياخدني ونروح راس البر. وأنا قلت له: أنا عايزه سكندرية. ندمت بعد ما

قاتها. قلت يا بت حانبتدي بالمختلاف. دا كده كل واحد حابيقي من سكة.

غزالة غلبني وقالي تبقى سكندرية. أول ما نخلص حكايتنا، ونتجوز، ونكتب، نزق عجلنا على سكندرية طوالي. ويبقى شهر عسل ف أحسنها لوكاندة. ونرجع بعد كده على

ويبقى شهر عسل ف أحسنها لوكاندة. ونرجع بعد كده على بينتا اللي ف مصر.
فلت له. الكلام ده، ما يدخلشي دماغي. لازم يبقى لك

كار واللا شغلانة. أو تفتح لك محل أو سبوبة تسرح بيها. لو فضلنا ناخد من الفلوس دي حاييجي يوم نلاقيها بح خلاص. ونقعد نبص لبعض. والفقر يولد الأسية في النفوس. قالى: إن

ونقعد نبص لبعض. والفقر يولد الأسية في النفوس. قالي: إن شاء الله حانعمل كده.

كمان افتكر إنه ما يقدرشي يسافر ويايا. عاشان هوه لسه في العسكرية، ولا بد يروح يثبت نفسه ف وحدته. لو أخدوه غياب حايتحاكم، ولو اتحاكم حايتحبس، قبل كده، ما

كانتشي الحكاية تفرق وياه. بس دلوقتي أصعب حاجة ف حياته إنه يبعد عني. دا ولا طلوع الروح م الجسم، ولا خلع الضفر م اللحم. غز اله قالي إنه من يوم ما شافني، حتى وأنا على ذمة عبد الضار، ضحكت وقلت له: ما نا لسه على ذمته.

قالي إنه من يوم ما عينيه وقعت عليَّه. وهوه نما كان يبات في المعسكر. غصب عنه. كان يبقى على نن عينيه. لأنه نما

في المعسكر. غصب عنه. كان يبقى على نن عينيه. لانه نما كان بيشوفني. كان يحس إن الدنيا مش سايعاه. قعدنا نكلم. والشمس ملت الدنيا. قالي، إيه رأيك

ننزل نديها فطار تاني. النوبة دي فول وفلافل وعجة وسلطة طحينة؟ قلت وجب. لبسنا هدومنا من تاني وخدنا الشنطة، وشبكنا صوابعنا ف صوابع بعضينا ونزلنا. وقعدنا ع المطعم

وشبكنا صوابعنا ف صوابع بعضينا ونزلنا. وقعدنا ع المطعم وطلبنا وأكلنا أقل من نص الأكل اللي طلبناه. بس عرفنا إن إحنا كان ممكن نطلب الأكل ده في الأوضة بتاعتنا فوق. عشان اللوكاندة بتاعتنا نص مش حاجة أبهة ميه ميه.

عشان اللوكاندة بتاعتنا نص نص مش حاجة أبهة ميه ميه. نعمل إيه ما احنا مش عارفين راسنا من رجلينا. ما احنا جداد ع العزده.

رجعنا اللوكاندة. وغزالة كان بيتاوب، وقعدنا نتعازم من تاني، مين ينام لأول، وأنا كلمتي هيه اللي مشيت، ورميت نفسي ف حضنه وعيطت من أول وجديد. كت فرحانة. وما كانشي قدامي غير العياط، ودموعي بلت

هدومه، والبلل وصل لجسمه تحت الهدوم. وأنا متفرهدة من العياط. وحاسة إن حاجة زي قوالب السكر بتنزل من عينيه

وأنا بأعيط. ويا ريته ما نام، جم عيالي. افتكرتهم وعيطت من تاني بس عياط عن عياط يفرق، بقيت أعيط سكيتي. أكز

على سناني لحد ما كت حاأجرح نفسي. ما كتش عايزاه يحس بعياطي. معقولة أنكد عليه يوم صبحيته. دي صبحية ناشفة، صبحية من غير حضن ولا بوس، من غير آه وأوه.

مسكين غزالة، جايز أدي له خمسة وعشرين سنة. مسكين غزالة، جايز أدي له خمسة وعشرين سنة. بيحلم بالليلة دي، ونما حصلت جه نقبه على شونه. الواد غزالة كويس، إنما مشيه مع عبد الضار خلاني أبص له على

إنه واحد بطال، ماشي ف الغلط، أنا ظلمته وياما ف الحبس مظاليم. شفت عيالي التلاتة بيعيطوا على غيابي. وشفت

كتابه عليها، عند نفس المأذون اللي ما رضيش يعقد لينا. وراح وياها على بيتها وشال فلوسه، اللي واخدها من غزالة تحت المخدة. وهيه شالت فلوسها في سدرها. والعيال قاعدين

أبوهم ما رجعلهمشي تاني. رجع للمرة بتاعت الغرزة، وكتب

بيعيطوا مرة عليه ويعيطوا نوبة على أبوهم. الجران جم.

و خبطوا عليهم، ولقو هم لو حديهم، وراحوا بلغوا البوليس، إن أنا وجوزي، والضيف اللي عندنا، طفشنا وسبنا العيال

وحديهم. الدنيا بقت تضرب تقلب. سؤ الات وجو ابات و العيال

اتقحموا من العياط والله أنا مجرمة، قاعدة ف حضن راجل

السرير. إنما روحي هناك. مع عيالي. دا العيال ضنا،

والضنا غالمي. أعمل إيه. أسبب غزالة وأروح أجبيهم،

وأجيب العيال إزاي، لو جبتهم حاافتح الهم من تاني، دا

أبو هم بطلب فلوس من غز الة وجابز يعمل مشكلة، وينكن

المرة بتاعت القهوة لهفت منه البواكي، ويطلب فلوس من

ما حاارتاح. العيال جم وما طلعوشي من نافوخي تاني. فضل

ياه، دا أنا مكتوب على وشي التعب والشقا وعمرى

غرالة.

احترت أعمل إيه. جتتى هنا، وقلبي مع اللي نايم ع

غريب، وعيالي اتيتموا، وأنا وأبوهم على وش الدنيا.

يعيطوا، على لحم بطنهم من غير أكل ومن غير شرب،

سريخهم ف وداني، ودموعهم قدام عينيه، وجوعهم ملا الدنيا عليه وعطشهم عطشني معاهم.

الليل.

يا هلتري..

يا هلتري.

مين اللي صحاهم من النوم؟ وشال فرشتهم؟ لو كانوا

عملوها على نفسهم من هوا الليل الطري، مين جاب لهم

الفطار، وعمل لهم الشاي؟ وهوا لهم المطرح من كتمة نفس

#### <u>خمستاشر</u>

# أعمى يجر أعمى ويقوله:

# \_ ليلة سعيدة اللي اجتمعنا

### ومكسح يجر مكسح ويقوله:

### \_ با شه نتفسح

أول يوم لينا ف الغربة. النهار قرب يروح. كت شمس العصارى الهفتانة اللي لونها زي الكركم. عايزة تروح وجه غزالة وقعد جنبي. ربك والحق كت سرحانه، طبطب عليه بإيديه طبطبة كلتها حنية. والطبطبة قلبت تحسسيس. ما اعرفشي إزاي. ابتدا من صوابع رجليه. دخل صوابع إيديه بناتهم، وابتدا يطلع لفوق وأنا حاسة بحاجة لديدة مسكرة. وجتتي قشعرت من صوابعه اللي حسيت أنها ولا صوابع واحد أفندي نواعمي عمره ما شقا ولا اشتغل بيهم.

شوية وراح فارد كف إيده، وحسس بيه كليته. ونما صوابعه وصلت فخادي، كركرت بضحكة عمري ف حياتي ما ضحكتها.قبل الساعة دي. كت جتتى كلها بتضحك. ومن

كتر الضحك شرقت، رحت قايله: اللهم اجعله خير يا رب. وغزالة جرى، جا بشوية ميه ف كباية بتلمع من كتر

النضافة. بضربة واحدة، سبت الحتة الل كلها تراب في تراب،

وحطيت رجلي على سجادة، دوست عليها ما شفتش رجلي. نزلت ف السجادة ما طلعتشي تاني. بيتي، اللي الله لا يعيد أيامه، فيه كليم قديم،من كتر غسيله ونشره بقى عامل زي ورقة السيجارة البفرة.

في اللوكاندة، سجاد، كل حتة فيها سـجاد، أول مـا قفلت الأوضة عليه. نزلت المخدة ونمت عليه، تسدقوني ولا تكدبوني؟ دا السجاد اللي بندوس عليه برجلينا، أحلي من

مرتبة السرير اللي اتجوزت عليه، واللي لسه بيوحد ربه ف بيتي. هو ه أنا كت عابشه؟ خلاص العجلة دارت، وداس على ليام اللي فاتت.

أيام اللضا والجوع، بس والنبي أني خايفة. دي العوزة ما

قدرتشي تكسرني وتجيب مناخيري لرض. آني قدرت ع اللي عدى. الوقتي بأقول يا خوفي م اللي جاي. أصل إحنا عايزين

بلح الشام بعد ما ضمنا عنب اليمن، عشان الحلو يكمل. دا الناس بيقولم، إن الحلو عمره ما يكمل والطبع غلاب. عاد ه أعبط، ما احنا و اخدين الدنيا مقاه لة شقا

الناس بيقولم، إن الحلو عمره ما يكمل والطبع غلاب. عايزه أعيط، ما إحنا واخدين الدنيا مقاولة شقا وتعب. البكا هو اللي حايريحني من تعب الفرح، إنما آني ما

ليش نقل من يومي على وجع القلب والعياط، ومهما كان اللي حايحصل، عبد الضار كان زمان وجبر، بكره ينصلح الحال، وتبقى الأشيا معدن. وأروح آني وغزالة سكندرية. ونقف على شط المالح، ونقول البحر بحرنا والهوا هوانا، خش بقى

بينا على بحر الأبهة، وارجع بينا على بر المنجهة.
والنبي ومن نبى النبي نبي. لاوفي للحسين ندري،
وأسقي البلد الشهد، وافرق الفلوس ع الغلابة اللي كت واحدة
منهم. بصيت من الترسينة. السما هنا حلوة. النور مالي كل
حتة. في أبها مكان تبص تلاقي نور، وف آخر الليل تتعب

كوبيات النور من ضي الليل، وتهسهس. وتبدتي تنعس. أبص طوالي للسما، ألاقي بسم الله الخالق، عنقود من النجوم زي عنقود العنب أبو بز، بيلعلط، أقعد أبـص لـه، وأفضل أبص لحد ما يتهيأ لي، إنه حايقع على الأرض، يمِّت الخلايق السهرانين، وينكسر ويتبعتر النور اللــي جــواه ع

المكري السهر الين، ويبعشر ويبعثر النور النسي بسواه ع الأرض. أصحى من حلمي. والاقي النجوم بتضحك عليه.

انكسف من نفسي. وأخش جوا عبي. وأسأل روحي. هـوه أوان عنب الديب لسه ما جاشي، واللا إيه؟ أحسـس علــى بطني. أكونشي يتوحم. عايزه أحبل واللا إيه. ما هــو لازم

بطني. المونشي يتوحم. عايزه احبل واللا إيه. ما هـو لازم أدي غزالة الخلفة المتشعلقة ف حبابي عينيه. قعدت أحسب عمري، وأعد علـى صـوابعي اللـي فاضل لي ف الخلفة. وأقول هوة مستني إيه بس يا ربي. نما

فاضل لي ف الخلفة. وأقول هوة مستني إيه بس يا ربي. نما كت مش عايزة الخلفة وارمح ع الحبوب واللوالب، وعبد الضار يجري على بتوع الوصفات الرخيصة. كت سنين

الضار يجري على بنوع الوصفات الرخيصة. كت سنين عمري بتتسكع وحالفه ما تمشي. ودلوقتي وأنا باغني مع كارم محمود. أمانة يا ليل يا ليل طول. وهات العمر من لاول. أبص ألاقي ليام بترمح زي الرهوان.

 دا يحصل قريب، واللا يفضل بعيد عننا؟ وكل ما نقرب منه يبعد عننا. البيت ده. فيه حمام أفرنجي. والحمام فيه ميه

سخنة وميه ساقعة. والدهب ف در اعاتى يبقى م الكف للزند. واللي بيص ف سدري يز غلل الدهب عينيه. وما يقدر شـي يشوف حتة واحدة من سدري من كتر الدهب.

ف اللوكاندة قعدت أعد ليام، ونعد الليالي، غز الة كان مشغول بعد فلوسه صرفنا كام، وباقى كام، واللي باقى يكفينا

قد ايه. غز الله كان متشعلق بيه و أول ما ابتدت الحكابة دي، قلت لنفسى دا حظى أسود من هباب الفرن. بختى لولاني. راجل ف سن أبويا، وبختى التاني، مع

ولد في سن عبالي واللي ف سن عبالي لو انكتبت لبه لقمــة عيش وباه ف الحلال، تبقى أبامي رابحة، وأبامه هوه جابه. شعرى يتغسل ابيض، و هو ه لسه دقنه بتخضر ، ولز من وحتما

و لا بد، إنه بيص لو احدة غيرى، لأنه في ليام اللي حا بتملك فيها من رجولته. حاأكون أنا كركوبة، وألا ينكن جده. يعني كده حاجة بقول لها يا خاله أو يا نينه.

كنت قاعدة أغزل ضبى النهار بضلمة الليل. وأعمل منها حبال حرير عشان أربط غزالة بيها. ضــ النهار موجود. بس هيه فين ضلمة الليل، دي كل حتة فيها كهارب،

وفيها أنوار، وف ميدان سيدنا الحسين شفت لاول نوبة ف حياتي نور خضر، ونور حمر، ونور صفر، النور ألوان، والمحلات بناتها سبق ف النور. قلت تلاقيهم سارقين

الكهربا من الحكومة. كنا بنعد ليام، اللي نخلص فيها من عبد الضار، إنما نما قعدنا وفكرنا، اكتشفنا إحنا لتنين، إن عبد الضار باع لينا

الترماي. هوه عمل صحيح عقد إيجار إنما ما طلقنيشي. وهوه كان لزمن يطلقني، ويعمل عقد الإيجار عشان بعد ما

وهوه كان لزمن يطلقني، ويعمل عقد الإيجار عشان بعد ما تقوت مدة العدة، أكتب على غزالة. غزالة قال أول ما بيجي البني آدم ده. أو الشطان ده

أو الضار ده، أنا ليه كلام وياه حاأخليه يطلقك. دا زي اللي اللي دق مسمار جما ف حيطنتا وازاي ضحك علينا واحنا تنين وهوه واحد؟ ومع كده شرينا المقلب المعتبر قعدنا نشوف

وهوه واحد! ومع حده شربنا المقلب المعتبر فعدنا نشوف إزاي شربنا المقلب، تاني يوم ف اللوكاندة غزالة قالي: عايزين نعرف ونحسب فاضل كام يوم ع الوضع ده. قلت له: ما هو من يوم الطلاق نعد بقى.

بص لي وسألني: هوه انتي اتطلقتي؟ خبطت راسي

بإيدي، وخبط راسه بإيديه لتنين، قال أما ابن الكلب خوزقنا حتة خذوق مغري، يدخل من تحت يطلع من فوق. غزالة كز على سنانه. وقال: ما هو اللي زي عبد الضار ده. عمره ما

حسى سحاد. ودان. لما لمو الدي ري حبد المصار ده. فسره لما يمشي صح. وعمره ما يتصرف دوغري، ولا بد تكون وراه حاجة غلط، والواحد لزمن وهوه بيسلم عليه يعد صوابع إيديه، نوبتين، نوبة قبل السلام، ونوبة بعديه، لأنه بيسرق

الكحل م العين، ويخلع الصوابع من غير الواحد مـــا يحــس سعت السلام.

الحكاية وغوشت غزالة. قال واحنا حانقعد نستناه لغاية ما ييجي. انتي تفضلي هنا ويا الشنطة. وأنا أروح له، أكلم وياه. آني مسكت ف غزالة، ما هو كله كوم وهو يمشي يروح مشوار وما يرجعشي منه كوم تاني. دول عيالي. اللي

يروح مشوار وما يرجعشي منه كوم تاني. دول عيالي. اللي من لحمي، يا حبة نضري قلت لهم مشوار ظغنطوط وراجعة تاني، وما شافوشي وشي من بعدها.

مين يدريني إن غزالة يمشي برضك، ما يرجعشي تاني. دا عبد الضار يتاويه ف بطن الجبل هناك، ويهددني ويبجى ياخد منى الفلوس. ما هو عارف البير وغطاه.

مسكت غزالة وقلت له: رجلي على رجلك. منين ما تـروح،

وبعدين مسيره ييجي لينا تاني هنا. هوه إحنا حانقدر نخلص منه. المحتاجة غناجة. وهوه خد قرشين حايفرتكهم في يومين بليلتين وينط لنا هنا من تاني.

ببيسين ويبط ما من التي .
قلت لغزالة، هوه ما عملشي حكايـــة الطــــلاق دي.
عشان نما نطابها منه، يروح قايل. طب تدفعوا كام؟ ما هـــو

عسل لما تطبها منه، يروح قايل. طب تنطوه كام: ما منو مش حايطلق بالسهل دي حايبقى فيها حاجات غزالة كان عاوز يروح. وأنا صممت إنه ما يروحشي، ويستنى ومسير عبد الضار رجليه تجيبه.

ويستني ومسير عبد الضار رجليه تجيبه. فضلنا قاعدين زي ما احنا. نطلع م اللوكاندة عشان نتغدى، ونطلع عشان نتعشى، ونطلع نتقسح. ونطلع نروح سيما. ونلف على أولية ربنا اللي يركتهم مالية البر كله.

وحامية البلد م الخطرات اللي بتبيجي عليها من وقت للتاني. ما خلتشي ولي منهم إلا نما زرته وحبيت على شباكه. ودعيت من عزم ما بيه، إن ربنا يوصلنا لبر السلامة. واكتب

على غزالة، ويجيب لينا العيال من عبد الضار ونتام، دي البركة ف اللمة. ونعيش. هوه احنا كنا عايشين قبل كده.

كل ما اسمع عن شيخ سره باتع أقول لغزالة. نروح له، وغزالة عمره ما تنالى كلمة ما سمعتش منه لأه خالص.

له، وعراله عمره ما تنائي كلمه ما سمعنس منه لاه حائص. لحد ما كت مش مسدقة نفسي. هوه أنا كت فين وبقيت فين؟ عبد الضار ما كانش

هوه أنا كت فين وبقيت فين؟ عبد الضار ما كانش عنده غير لأه. وأجيب منين. ما فيش غير الضرب والكسر والزعيق والعكننة جيوبه مخرومة، مكتوب عليها: اللي يدخل عمده ما بطلع، والدائه ما فرش عليه غير كلمة: ما فرش الما

عمره ما يطلع. ولسانه ما فيش عليه غير كلمة: ما فيش. إنما دلوقتي أسمع حاضر. طيب، من عينيه، وتؤمري يـا سـت الكل.

كلام غزالة الحلو عمره ما خلص، وفلوسه عمرها ما قالت بح. أما كنا بتمشي نروح أي مشوار. كنا بنسيب خبر ف اللوكاندة لعبد الضار، إن احنا بره، ولازم يستنانا،

عشان احنا عايزينه ف موضوع مهم خالص. قلت لغزالة، إن عبد الضار عمره ما حاييجي إلا ف الليل، حاكم هوه عامل زي الخفاش. يلبد ف البيت طول النهار. وما يطلعشي إلا في الليل. طول عمره هوه ويايا

النهار. وما يطلعشي إلا في الليل. طول عمره هـوه ويايـا كدة. النهار يفوت وهو قاعد في البيت. زي النسوان. وقاعد لى مشرف في البيت بالفائلة واللياس. وأول الدنيا ما تليل، يلس الحتة الله ع الحبا، و ير كب الجز مة أم استك، و يجيب الشر اب المغسول م المنشر على رجليه عدل، ويروح طالع على سنجة عشرة ياما هنا

ويا ما هناك. يضور على رزقه. ويرجع لينا قرب نصاص الليالي، و اللا و ش الفجرية.

في ليلة من ذات الليالي، بصينا لقينا باب الأوضه بيخبط علينا، طلع الخدام بتاع اللوكاندة قال لينا، فيه راجل تحت وياه أطفال ظغيرين وعاوزكم. قال إنه هوه نفس

الراجل اللي جه وياكم أول يوم. أنا سمعت كلمة عيال وخلاص. روحي بقت ف

مناخيري. يا روحي ما بعدك روح. العيال اللي كانوا بينقحوا عليا طول ليام اللي فاتت. واللي حسهم ما فارقشي وداني، وصورتهم ما بعدتشي عن عينيه، وريحتهم ما بعدتشي عن مناخيري، وأكلهم وعياطهم وطلباتهم، كل ده، ويايا حتى وأنا

ف أحلاها نومة. دى حتى ليلة امبارح. أول ما غمضت عينيه. جولى

ف المنام. عيطوا ومسكوا فيه. ما تسبناشي با مه. دا عمل

فينا كيت وكيت، ومن كتر شدهم ف الجلابية بتاعتي قطعوها وبان جسمي قدام اللي يسوا واللي ما يسواشي.

طلعت جري. خت السكة جري، نطتين كت ع السلم، وبقيت آخد ينكن خمس سلمات ف نطة واحدة. حمدت ربنا آني ما تكعبلتش. غزالة كان ينده علي. وأنا ولا هنا، ولا حاسة بأيها حاجة ف الدنيا، غير آني عاوزه عيالي، هوه أنا

حاسه بايها حاجه ف الدنيا، عير اني عاوره عيالي، هوه انا كت مسدقة إني حاأقابلهم تاني؟ وعينيه ما كانتشي عايزة تشوف حد في الدنيا كلاتها غير العيال دولت. دا أنا ولا كأن انكتب لي عمر حديد.

تشوف حد في الدنيا كلاتها غير العيال دولت. دا أنا ولا كأن انكتب لي عمر جديد.
غزالة جاب الشنطة ف إيده. وقفل الأوضة.
وحصلني على تحت، أنا وصلت عند العيال، اللي اتعشلق ف

رقبتي. واللي مسك ف إيديه. واللي شد رجليه. وأنا اعيط، وهمه يحبوا فيه والعياط وهمه يحبوا فيه والعياط يبقى ضحك. والضحك يبقى بكا. ونا ولا عارفة باعمل إيه، ولا بسوى إيه.

سدره، دا اللي حصل. وأنا باسلم ع العيال. كان قلبي دايخ. كت خايفة عليه ليخبط خبطة ويحرن ويحلف ما هو داقق من

حد فيكو سمع إن قلبه داخ من كتر الدق على قفص

تاني. خوفي أكتر كان على تعب قلوب العيال الظغيرة. طب أنا قلبي حديد. ياما شاف. إنما همه يا حبة عيني قلوبهم لسه

انا قلبي حديد. ياما شاف. إنما همه يا حبه عيني قلوبهم لسه وراور. نبت أخضر ظغير زي قلوب الزغاليل. دا احنا غلابة بشكل، لا قادرين على الفراق.

وخايفين على قلوبنا. وعلى عينينا من اللقا. دا الظاهر كده، إن احنا اتخلقنا في الدنيا دي عشان نخاف. نطلع من خوف عشان نخش ف خوف من تاني. فكرت أتكلم، ضورت على

عشان نخش ف خوف من تاني. فكرت أتكلم، ضورت على حسي، وتعبت لحد ما لقيته.
كان ما در من رتوع اللوكاندة، روان الله في اور دو،

كل واحد من بتوع اللوكاندة، ساب اللي ف إيده، وقعد يتفرج علينا، ويبص يشوف اللي بيحصل قدامه، لكن أكيد همه فهموا الحكاية وما فيها. لزمن عرفوا إن العيال

أكيد همه فهموا الحكاية وما فيها. لزمن عرفوا إن العيال دول يبقوا ولادي. إنما بقيت الحكاية عمرها ما تخطر على بال حد.

تعبنا م العياط، واستريحنا ورجعنا نعيط من تاني. أنا لحد دلوقتي، مش عارفة الدموع دي جت منين. فين وفين نما عرفت إن أنا نازلة بقميص النوم. وا، دا ما يصحش. خبطت سدري، وقلت يا ندامتي. دي حاجة عيب. غزالـــة نــزل

والشنطة ف إيده. وقالي: اطلعي البسي هدومك. وبعدين تعالى.

خت العيال ويايا. وطلعت عشان ألبس. وسوالات العيال ما لهاش نهاية. همه شافوا الأوضة. وحسوا بالدنيا اللي ما شافوهاشي قبل كده. وقعدوا يسألوا. هوه أنا حاأعيش

اللي ما شافوهاشي قبل كده. وقعدوا يسألوا. هوه أنا حاأعيش هنا طوالي؟ وليه سبتهم ويا أبوهم؟ وليه ما يبقاشي أبوهم هنا؟ ونعيش كلنا ويا بعض؟ وليه أنا عايشة هنا مع غزالة،

هنا؛ وتعيس كننا ويا بعض؛ وليه انا عايسه هنا مع عرائه، وهمه ويا أبوهم؟ ما كنا كلنا ويا بعض تحت سقف واحد ف بينتا؟ دي الحتة هنا أحسن بكثير م الحتة التانية. دي كلها محلات وسهر انة ليلها نهار. دا اليوم هناك بيفوت بسنة من

بيتنا؟ دي الحتة هنا أحسن بكثير م الحتة التانية. دي كلها محلات وسهرانة ليلها نهار. دا اليوم هناك بيفوت بسنة من غيري. الهدوم اتوسخت والبيت بقى حاجة تقرف. دول ما كلوش طبيخ نوبة واحدة من سعت ما سبت الدار.

كلوش طبيخ نوبة واحدة من سعت ما سبت الدار.
الحكاية دخلت ف الغويط. دي حاجات ما تتقالشي
العيال، لبست ونزلت بسرعة، وقلت آهو ف الحصة اللي
البست فيها، يكون غزالة كلمه ف حكاية الطلق اللي ما

حصلشي، نزلت، خدني على جنب بعيد عن العيال. وقبل ما أسأله إن كان كلمه ف موضوع الطلاق. قالي. دا البيه جاي، وهازز طوله، عايز يسيب العيال لينا وعاوز فلوس نظير

كده. وبيقول بعد كده، نبقى نكلم ف حكاية الطلاق. يعني بالمفتشر كده، عاوز يرمى علينا الجمل بما حمل.

سمعت الكلام ده من غزالة، وإن كت انت البعيد عنا رديت. أكون أنا نطقت بجنس كلمة. سمعت الكلام وسهمت،

رديث. الحون أنا نطقت بجنس كلمه. سمعت الكلام وسهمت،
أنا ما كتش هنا. كت لسه ويا العيال. وسرحانة فيهم. ربك
والحق. أول ما شفت العيال ويا عبد الضار، ردت فيه

الروح. اللي قالوا، إن الضنا غالي، ما عرفوشي البني آدمين ولا حسوا بقلوب الناس. دي قلوب الناس دي مش حتة لحمة ولا شوية دم وعروق. زي القلوب اللي بنشتريها من عند الجزار عشان نطبخها وناكلها.

عن نفسي، دا قلبي معمول من عيالي دول، أنا قلت لنفسي، معقولة عبد الضار جواه الحنية دي. ؟ بقى كان جواه كل ده وأنا مش عارفة ؟ دا أنا ابقى حمارة. والاينكن رجع ف البيعة وعاوز يقول يفتح الله. وجاب العيال عشان حلوانه

ف سلوانه يرجع ف كلامه. أنا كت فرحانة وبس، وكت حاأطير م الفرح. بــس عقلي كان بيودي ويجيب. أعمل لهم إيه؟ أوكلهم وأشــربهم إيه؟ وأفرجهم على إيه؟ دا أنا من يوم ما سبتهم، وأنا آجـــي آكل أقول فينكو يا عيالي. أشرب شربه تنزل تقطع في مصاريني. عشان عيالي مش معايا. حتى وأنا باولع نور الأمضة وأنا بالمدر على سردنا المسرن أي حامة أعمله المسرن

الأوضة. وأنا بابص على سيدنا الحسين. أي حاجة أعملها ييجوا على بالي طوالي. وأزعل وأقول. طيب يا ربي، العيال يقاسموني اللضا. ونما ربنا يفتحها على آخد اللقمة الهنية

يقاسموني اللضا. ونما ربنا يفتحها على آخد اللقمة الهنية لوحدي. غزالة عمل الواجب، قام نده ع السفرجي بتاع مطعم

اللوكاندة، وجه السفرجي. وهز دماغه كده لتحت. كأنه حايصلي لينا، وقال إنه ممنوع يجيب طلبات هنا، قمنا، دخلنا على حتة ظغيرة، مزنوقة. فيها طلبات، كل اللي قاعدين فيها

صبيان وبنات، زي الحبيبة، قاعدين اتنين اتنين. ربنا يحرسهم ويحميهم من اللي زي عبد الضار، ويكفيهم شر أيام وسواد الليالي. وما يحصلشي لواحدة فيهم اللي حصل لي يا رب.

قعدنا، غزالة سأل العيال، تشربوا إيه، والعيال قعدوا يهزوا رجليهم تقولشي الكراسي اللي قاعدين عليها مراجيح. ويمسكوا ف الكراس. ويحسسوا عليها، ويشدوا المفرش اللي

ع الترابيزة، معظورين. أول نوبة يقعدوا بعيد عن الأرضية. الكراسي والطرابيزات ما كانشي فيه منها عندنا.

همه يا حبة عيني. مش مسدقين نفسهم الحتة واللي فيها لهتهم عن أمهم. أول غزالة ما قالهم. تاخدوا إيه يا

حبابيبي، الدمعة فرت من عيني، وقلت ليه يا ربي ما كانشي ده أبو عيالي، بدل السقيل اللي خلفهم. هيه الدنيا كده. الليي

عايز ما تدولوشي. واللي ما يستاهاش تديله باليمين مرة، وبالشمال مرات، دي حكمة ربنا. هوه أنا حائكفر ع الأواخر. كل اللي يجيبه ربنا كويس والإزم نرضي بيه. العيال ما عدفوش بشديد الله وينكن دى أدل ندية في حالته و دخلها

كل اللي يجيبه ربنا كويس ولازم نرضي بيه. العيال ما عرفوش يشربوا إيه، ينكن دي أول نوبة ف حياتهم يدخلوا لوكاندة. وحد يقول لهم تشربوا إيه. عبد الضار قال أمهم تطلب لهم بقى. هيه قاعدة هنا وعارفة البير وغطاه. وعارفة

تطلب لهم بقى. هيه قاعدة هنا وعارفة البير وغطاه. وعارفة إيه اللي يتاكل. همه العيال، إيه اللي يتاكل. همه العيال، حايصوموا، يصوموا ويفطروا على كباية شاي. رحت فاتحة كفي ف وشه. وقلت له، اطلع انت منها.

أنا عرفة همه عاوزين إيه. طلبت ليهم جلاته، حاجة عمرنا ما شفناها ف البيت القديم. اللي ربنا لا يرجعه ولا تعود أيامه من تاني. كان واحد يزق قدامه عربية الدبان مغطي وشها.

وبيخبط بسكينة ف إيده. وينادي عليها من ظمارة ف إيده التانية، ويزعق بحس عالى. يصحى النايم من أحلاها نومة،

ويبيع حاجة ما لهاشي طعم إنما ساقعة زي التلج.
قلت لهم، إن اللي هنا جلاته بحق وحقيق. كاس كبير

ومعاها. معلقة، عبد الضار قال: ما هي الجلاته دي بياخدوها الناس اللي فوق. يا إما يحبسوا بيها بعد الأكل. أو عشان تفتح نفسه ع الأكل.

الناس اللي قوق. يا إما يحبسوا بيها بعد الاكل. أو عشان تقتح نفسهم ع الأكل. هوه بيلف ويدور ع الأكل. تقتكر هوه بيعمل كده عشان العبال. دا كل همه على بطنه. وعامل العبال حدة.

عشان العيال. دا كل همه على بطنه. وعامل العيال حجة. عشان ياكل على حسهم. أنا عارفاه طول عمره مفجوع. تلاقيه من يوم المطعم اللي كعينا فيه اكتر من ميت جنيه نوبة واحدة. وخسرنا الجلد والسقط. ما كالشي لحد النهاردة.

والحده. وحسرت البحد والسطعة لذا السلسي المست المهسارده. وعايش ع الأكلة دي. وجاي دلوقتي عشان ياكل. برضك كتر خيره، إنه فكر يوريني عيالي. ما هو حاسس وعارف إن العيال دول أهم حاجة ف دنيتي كلها.

هوه طلب شاي. وقال إنه حايطك قهوة بعدها. وسأل إن كان فيه شيشة واللا لأه. قالوا له، إن اللوكاندة ما فيهاشي شيشة. ولا كلام من ده، ولو كان المزاج حبك عليه خالص، يتفضل القهاوي أكتر م الهم ع القلب. قلت ناقص شوبة وبطلب حاجات عمرنا ما سمعنا عنها.

جت قعدتي جنب العيال. واد خدته على رجليه، وواد قعدته على يميني، ووإد حطيته على شمالي. وقدمنا قعد

غز الة بيعاكس ف العبال ويلاعبها ويلاغيها. وعبد الضار قاله: الله، الله ع الجد، والجد إيه؟! غز اله كمل: الله، الله

عليه. عبد الضار قاله: اللي ياخد النعجة لزمن ياخد عيالها

معاها، هيه النعجة من غير عيال تنفع، والعيال من غير نعجة يعملوا مولد ما لوشي صاحب؟ الواد غزالة مسك قوته بإيده، وقال مش فاهم: عبد الضار قاله: هيه دي عابزة

مفهو مية. ترتر من غير العيال، ما تسو اشي، و العيال من غير أم عايشة على وش الدنيا بيقي حرام، دا احنا كده بنيتم العبال.

> غز الله كان دو غرى وعلى نياته، وعشان كده قال لعبد الضار: ما هو إن شاء الله لما ربنا بحل عقدتنا، حانخلف احنا كمان عبالنا. عد الضار قاله: هيه الحكاية بالساهل، دا

تلاقي السن اللي تقدر ترتر تحبل فيه فات خـــلاص. همـــه الستات بيحبلوا طول عمر هم.

آني قلت له: فال الله ولا فالك، تف من بقك. لسه قدامي بيجي عشر سنين أخلف فيهم. عبد الضار قال: آني مش فاضى للمناهدة معاكو كفاية إنى سايبكم في العز والوز

قدامي بيجي عسر سبين احلف قيهم. عبد الصار قال. السي مش فاضي للمناهدة معاكو كفاية إني سايبكم في العز والوز وأنا ف اللضا. وبلاش نبقى ما شافوهمشي وهمه بيسرقوا، سمعه هم وهمه بيتحاسوا ويتخانقوا عالسريقة. فباخده ا منهم

وات عد المستد، وباحض بهني قد المتوقعة والمنتاخ بيستروو، سمعوهم وهمه بيتحاسبوا ويتخانقوا ع السريقة. فياخدوا منهم الهبرة جبابرة، وترجعوا من تاني على البلاطة. آني باقول يا تاخد ترتر بعبالها، با أرجع أنا ومعاما ترتر والعبال، وناخب

الهبرة جبابرة، وترجعوا من تاني على البلاطة. اني باقول يا تاخد ترتر بعيالها. يا أرجع أنا ومعايا ترتر والعيال. ونلغيي حكاية الإيجار دي. غز الة نخ، وقاله: والعيال دولت بيقي نظامهم إيه؟

عراله تح، وقاله. والعيال دولت بيقى نظامهم إليه: عبد الضار يا فرحته، رد طوالي، ما هو كان محضر الكلام على طرف لسانه: زي نظام أمهم. تاخدهم همه كمان، غزالة صحصح وقاله: بس آني عاوز أمهم، أعمل بيهم إيه؟ عبد الضار قاله: ما هو الشيء لزوم الشيء، وعشان الورد ينسقى

العليق. آني سكت، ما قدرتش أنطق، و لا أقول أي حاجة، ما أقدرشي أقول، مش عايزة عيالي. وما أقدرش أخلي عبد

الضار يحط سكينته على رقبة غزالة بحكاية الولاد دي. غزالة بص لى من تحت لتحت. قلت لعبد الضار: الرحمـة

فين؟ شخط فيَّه من عزم ما بيه: هوه انتي فاكرة فلوسه بقيت فلوسك يا عبيطة، دا انشاء الله حابوديكي البحر ويرجعك

عطشانة با هلبلة.

الواد غزالة اتضابق، وعشان كده قاله: قصر ه با عبد

الضار عايز كام؟

\_ شوف انت تلت و لاد و أمهم؟ \_ أمهم خلاص، الإيجار واندفع وهيه قاعدة معايا.

\_ تلت و لاد زى القمر بطلعوا بكام؟ وابتدت عملية فصال، لا دا عاوز بقول. و لا دا

عاوز يقر، وخفت اتكلم أقع ف الغلط، من غير ما آخد بالي. وحسبت إن غز الة عابز بخلص م الراجل ده بأي شكل، كـل

واحد عاوز التاني بيتدي، ويقول عايز كام. غز الهُ سأله: "ابحار طبعا"؟

\_ البيع والشرا حابيقي له كلام تاني. \_ مش اللي يأجر حاجة يكون عاوزها؟

\_ حانعيده من تاني يا ابن الناس.

\_ يعني الشيلة هيلا بيلا على بعضيها.

من تاني سأله غزالة:

\_ و عايز كام؟

عبد الضار فرد صوابعه الخمسة. اللي ف إيده البمني.

اليمنى. ـــ الواد بخمسة باكو.

بلع غزالة ريقه، وقبل ما ياخد نفسه. ـــ همه تلاته. يبقى عايز خمستاشر باكو.

من هنا لهنا. ومناهدة وفرهدة وكلام وحديت، تلتينـــه قلة أدب، قبل إنه يكون همه التلاتة بخمسة باكو.

قلة أدب، قبل إنه يكون همه التلاتة بخمسة باكو. غزالة كان حايفتح الشنطة، عشان يطلع منها

الفلوس، آني قلت له لأه. اطلع فوق عد الفلوس، وبعدين تعالى، وعبد الضار واتنقور علينا:

ـــ أيوه يا عم، خايفة على فلوسك. أكتر ما هي خايفة على نفسها.

على نفسها. غزالة طلع عد الفلوس، ورجع من تاني، واداهم لــه و هو ه ساب العيال وبانا. وبعد ما خد الفلوس ومشي. اكتشفنا إن حكاية الطلاق، ما افتكرنهاشي، وآهو مشي. خدنا ف دوكة. وحلني على بال ما ييجي لينا من تاني. ضرب غزالة كف بكف

على بال ما ييجي لينا من تاني. ضرب غزالة كف بكف وهوه حايتجنن. وهوه حايتجنن. أني كت طايرة من الفرح، عشان العيال ويانا، إنما نما جينا نتعشى عرفت إن احنا بقينا بدل الحنكين خمسة، وأنا

وهوه ما كناشي بنطلب حاجة، لكن العيال طلباتهم كتيرة، وما كانوش بيخافوا من غزالة، كانوا بيحبوه. واللي يحب واحد، ياخد عليه، ويطلب منه طوالي. والعيال كانوا مرعوبين طول عمرهم من أبوهم. إنما غزالة، كانوا بيعاملوه كأنه واحد

عمر هم من أبوهم. إنما غزالة، كانوا بيعاملوه كأنه واحد منهم. عديت على صوابعي بالليل، وقلت يا ترى ليام بتخبي لي إيه. ويا هلترى غزالة حايصبر لحد إمتى، وحا

بتخبي لي إيه. ويا هلترى غزالة حايصبر لحد إمتى، وحا يزهق إمتى؟ وحماره حايغلب إمتى؟ وحا يقولي بطل حماري آني يوم واللا آني ليلة؟ هيه الحكاية بانت لبتها.. هوه المخفي جوزى بابن عليه. حالف ع المصحف إنه. با فيها با بخفيها.

جوري بين صفيه على المصطف إله يكفيه . قد فرحتي بعيالي، إنما باين إن الحكاية مش حاتفوت بالساهل. غزالة كان يقعد يقولي: يا سلام يا ترتر لو إن عبد الضار ما عرفاناش طريق جره، الغلطة الوحيدة اللي غلطناها، إن احنا عرفناه مكاننا، هوه عاوز نصيبه. إنما إيه

اللي عمله عشان يكون له نصيب. غزالة كان ينام يحلم بعبد الضار بيخبط وجاي

يطلق، كان الباب يخبط ينط ويقول آهوه عبد الضار جه آهه، يفرح لزمن عبد الضار خاله الطيب حضر وجاى يخلص.

كان عفريته اسمه عبد الضار. وغزالة كان حاسس إن عمرنا

ما حانو صل لير أمان أبدا. إلا نما نفك من عبد الضبار لاول.

#### ستاشر

### ان كتوا نسيتوا اللي جرى

### هاتوا الدفاتر تنقرا

مشي عبد الضار، وخد الفلوس، وساب لينا العيال. وزي ما قلت قبل كده، كنا انتين. زورين وبس دلوقتي بقينا في وش العدو خمسة، والتلاتة اللي زادوا علينا، عيال. يعني

طلباتهم ما لهاش آخر. عيال عاشوا ع اللضا طول عمرهم. يطلبوا أيها طلب من أبوهم. يلاقوه سافخهم قلم طوالي.

طلعوا على وش الدنيا، طلعوا في المقدر جديد. وغزالة ما يقدرشي يقول لأيها حد فيهم لأه. لأنه كان فاكر يا نضرى إن ده بيز علني.

يا ريته كان بيقول حاضر وبس. دا كان بيجيب ليهم من نفسه، عمره ما دخل علينا بإيديه فاضية، المعدول اللي قبليه كان دايما يرجع إيد ورا. وإيد قدام. إنما غزالة أول ما عيل يطلب منه حاجة، يروح مشمع الفتلة ورايح جايب ليه اللي هوه عاوزه. وإن ما لاقاهوشي. يفضل يضور عليه.

ياخد السكة قياسة لحد ما يلاقيه. دا ولا اللي بيضور على حاجة لواحدة بتتوحم.

## أول هام: موال السراير

كنا واخدين أوضة بسريرين. مع إن فرشة سرير منهم. ما حدش جه نواحيها. ودي حكاية تانية حاأكلم عنها بعدين. حسبتها في بالي، الأوضة تساعينا كلنا. والليالي الحر فرشتها واسعة. الواحد ينعس في أيها حتة. يرمي جتته يجيله النوم طوالي. واحنا يا حسرة كنا عايشين في إيه قبل كده؟ كت أنا

واحنا يا حسرة كنا عايشين في إيه قبل كده؟ كت أنا وهمه وأبوهم. ف أوضة واحدة. قدامها فسحة، هـوه احنا حانعيده من تاني. يعني من حلاوة اللي فات. يغور في ستين داهية، وتغور أيامه ولياليه. البيت كلاته كان أضيق من جيب

داهيه، وبعور ايامه ولياليه. البيت كلانه كان اصيق من جيب العويل، الأوضة بتاعت اللوكاندة. بالبلكونة بتاعتها، والطرقة اللي قدامها. أوسع م البيت اللي كنا عايشين فيه قبل كده.

كت أنا وعبد الضار. بننام ف أوضة. والعيال ف الفسحة اللي قدامها، هنا أنام أنا وغزالة على سرير، والعيال على.. لا.. لا يا نداشتي يا عيب الشوم. دا ما يصحش برضك ولا يكون. دا أنا أمهم اللي شالتهم ف بطنها تسع

تشهر، دا لو شافم حاجة كده واللاكده. يقولوم انهم ولاد حرام. حبلت فيهم في السكك.

أنام أنا والعيلين الظغيرين على سرير، والواد البكري مع غزالة ع السرير التاني، والسرير اللي هنا أوسع مليون نوبة من اللي كنا بنسميه سرير وسبناه ف بيت اللضا

مليون نوبة من اللي كنا بنسميه سرير وسبناه ف بيت اللضا اللي هناك. حتى لو السريرين مكفوشي. فيه كنبة ف الأوضــة. محطوطة. بنات السريرين مكفوشي تاخد واحد بالراحة، بنقي

محطوطة. بنات السريرين. والكنبة تاخد واحد بالراحة، يبقى أنا وعيل على سرير. والسواد النا وعيل على سرير. والسواد البكري يبقى يفرد حيله ع الكنبة اللي في وسطينا. ونما نفسي تروح على غزالة. أو هوه يكون عاوزني. يبقى لها ميت

حل.
ولو السريرين والكنبة مكفوشي، الأرضية واسعة،
والأرضية مفروشة بسجاد أحلى م المرتبة اللي كنا بننام
عليها ف بيتا القديم. يعني الأوضة دي ممكن تسد من غير
ما نبعزق الفلوس شوية هنا. وشويتين هناك.

كمان، فيه حكاية إن إحنا نطلب سرير زيادة ف الأوضة وندفع له فرق بسيط، يبقى فيه تلت سراير. إنما

تقول إيه بقى لغزالة؟ راسه وألف سيف قالي لأه. وهـوه دا كلام برضك يا ست ترتر. إحنا ناخد أوضتين يكونوا جنـب

بعضهم. فاتحين على بعض. أوضه لينا وأوضه للعيال. قلت له: بس إحنا لسه ما كتبناشي. والحاجات دي قدام العيال عيبة، أو دي وشي ومنهم فين بعد كده. أو أبقي

أقول ليهم إيه نما يسألوني. دا الواد الكبير فيهم، برضك مسيره يعرف في يوم من ذات ليام. اللي كان بيحصل ويبقى

مسيره يعرف ف يوم من دات ليام. اللي كان بيحصل ويبقى يلعنني في سره، ويلعنني ف وشي. وحا أبقى أقول له ساعتها إيه؟! عزالة قالى، مش مشكلة، أنام أنا ف أوضة، وأنتب

عراله قالي، مس مسكله، أنام أنا ف أوضه، وأنسي مع الولاد ف الأوضة التانية، إنما لزمن آخذ ليهم أوضه. هيه الحكاية حاتكون ضيقة عليهم ف الأول. واحنا حانضيقها عليهم في الآخر. الفلوس موجودة عاوزه اللي يصرفها.

غزالة ما استناشي عشان أوافق على كده، راح منادي على بتاع اللوكاندة. وقال له: إحنا عاوزين أوضتين جنب بعض. يفتحوا على بعضيهم. ويا سلام لو ليهم باب واحد يقفل عليهم من برة. بتاع اللوكاندة اتمحك وقاله: يبقى

تاخدوا جناح. وخد من ده بقى عندك.

ربك والحق. إني ما اعرفشي يعني إيه جناح، إنما نما شلنا حاجتنا وهدومنا وشنطة الفلوس، ورحنا الناحية التانية من اللوكاندة. لقيت كأننا خدنا شقة من بابها. فيه باب

التانية من اللوكاندة. لقيت كاننا خدنا شقة من بابها. فيه باب براني بيقفل علينا. تدخل من الباب البراني، تلاقي قعدة. الواد بتاع اللوكاندة. قال عليها صالون. وهوه بيفرجنا ع

المطرح الجديد. وبعد الصالة. تدخل تلاقي فسحة. والفسحة بتوصل لأوضئين. العيال كانوا فرحانين. بيتنططوم يدخلم من هنا

يطلعوم من هناك. يرزعوا الباب ويخبطوا الشباك، وهمه مش مسدقين نفسهم، وغزالة نزل عشان يمضي على ورق ويدفع فلوس. وأنا قعدت والحكاية تضرب تقلب في دماغي، محتارة الشقة دي تبقى بكام، دي لزمن بالشيء الفلاني.

أنا قبل كده، ما سألتش غزالة على أجرة أوضتنا بكام، إنما دلوقتي تلاقي الأجرة قد الأوضة مرتين واللا تلاتة. والله ما حد عارف. الحكاية حاتوصل لكام. احنا قعدنا نقسم التركة. والعيال قعدوا يتعاركوا على السرير اللي جنب

نقسم التركه. والعيال فعدوا يتعاركوا على السرير اللي جنب الشباك عايزين الأوضة اللي ع الشارع وهات بقى من شغل العيال ده. لغاية غزالة ما رجع.

سألته ع الأوضة اللي فاتت كت بكام، والشقة دي

بكام. قالى: دا اسمه جناح. ونطقها زى الواد بتاع اللوكاندة، والعيال قالولى، انتجرى يا أمه، وراح حالف براس سيدنا الحسين ف تربته إنه عمره، ما حايقولي لا بكام ولا بكامـه،

وغزالة طبطب عليه، وقالى: اتطمني الفلوس لسه يامه.

ومهما ناخد منها حاتفضل زي ما هي. دا احنا لسه بنصرف

ف الفكة. وما خرجناشي التقايل. والفلوس المجمدة.

قلت بعدين هوه لزمن حايقولي من نفسه. دا غزالة

وأنا عاجناه وخابزاه هوه ما لوش سر بعيد عنهي. وما

يقدرشي يخبى عنى أيها حاجة.

## تاني هام: غناوي العلالي

صحيح ده مش بينتا. ودي حياله لوكاندة، ساكنين فيها كام يوم، إنما دي أول مرة أسكن فيها في العلالي. طول عمري ما سكنت ف كاط عالي. من لدوار اللي الواحد نما يبص منها ع الأرض، تبيجي له دوخة، زي دوخة أيام الحبل لولانية.

كت عايزة أشوف الدنيا كليتها، وهيه تحتي وأنا فوقها. ما نا طول عمري وأنا تحت. اتبشنقت بمندبل بأويه

حلو، شارياه من الحتة دي بالعينة. وطلعت الترسينة بتاعت الأوضة على طراطريف صوابعي. وسبت باب الترسينة موارب. وقعدت أبص للناس من فوق.

عايز الحق واللا ابن عمه؟ طبعا هوه فيه حد يعوز غير الحق. كان نفسي يكون ليه حمى. أقول له يا سيدي نوبة. ويابه نوبة تانية. واحب على إيده الصبح. واحب على إيده ف الليل. واستبارك بيه. ويكون ليه أم جوز، حما يعني، أقول ليها يا ستي نوبة، ويا نينه نوبة تانية. وأحب على إيدها كل ما أشوفها. وأناقرها وتناقرني. ويكون ليَّه لخت جوز

أقول ليها يا عمتي. وتكون عازبة وكل ما تشوفني تقرصني في فخادي. وتقولي: قرصتك ف ركبتك أحصلك ف جمعتك.

في فخادي. وتقولي: قرصتك ف ركبتك احصلك ف جمعتك. ويكون ليه أخو جوز، ويكون عازب، أغسل له هدمته وأعمل له لقمته وأقول له يا سلفي. وأنا اللي اختار له مراته بنفسي.

وأنا ظغيرة انحرمت من كلمة يا أمه، ومن كلمة يابا، ونما كبرت ما كانليش أخ ولا أخت. وأنا مش عارفة إيه اللي جاب الحكايات دي لبالي، دانا واقفة في الترسينة ينكن عشان

جاب الحكايات دي لبالي، دانا واقفة في الترسينة ينكن عشان شفت الناس تحت طفف ماشيين مع بعض. وما فيشــي حــد لوحده. والله كل شيء جايز.

الليل هس هس، والبلد زي الفرن الكبير وما بقاشي قدامنا غير إن احنا ننام. ومين بيجي له نوم، وهوه وياه من الفلوس كوم، قلت لغزالة، دلوقتي عشان ننام عايزين دادابان

الفلوس كوم، قلت لغز اله، دلوقتي عشان ننام عايزين دادابان يحاجي علينا ويحرس ما لنا. قالي إنه عينه غفلت شوية وأنا قاعدة جنبه. بص لقى نفسه واقف قدام صجرة الملوك. صجرة إيه دى بقى؟ دى صجرة باما هنا وباما

هناك. تطرح كل يوم برتقانة. قلت له: وإيه يعني. تقولشي لمونة ف بلد قرفانة؟ قالي لأه. ده كت برتقانة دهب قد راس العيل اللي لساته نازل من بطن أمه. بس عمرها ما تطرح اتنين مع بعض. أول ما تنزل البرتقانة تنبت واحد تانية مكانها. ولزمن الواحد يفضل مزروع جنبها لغاية ما ترمي

مكانها. ولزمن الواحد يفضل مزروع جنبها لغايه ما نرمي طرحها. قلت له: دا غلب إيه ده. حتى الدهب الواحد ما

ينولوشي إلا بالتعب واللضا؟ قلت له: وجب، هوه النوم كان بيحوم حواليه من كل ناحية، قالي: في عرض النبي. عاوز أغمض عينيه شوية، قلت له، أنا اللي ف عرضك وف

طولك. اتفضل انت نام. وأنا صاحية وأول ما أنام أنا تصحى أنت. قالي: هيه النبطشيات ورايا ورايا. قلت له: دي نبطشية على مالك وحريمك.

نما عشنا لوحدينا، كان غزالة عاوز يجيب الدنيا كلها ليَّه. عشان اشبع بيها. كان بيظغطني من فوق. كت خايفة ليكون بيسمني عشان بيجي يوم يضور عليا وياكلني زي الغول ما بيعمل مع ولاد الناس اللي بيلمهم م السكك.

وأبص لنفسي، وأحلى حاجة ف اللوكاندة هيه المرايات. إيشي بالطول، وإيشي بالعرض. كل حته فيها مرايات.

بعد كام يوم. بقيت واحدة تانية. أقف قدام المرايـة

عمرى ما شفت مرايات كبيرة كده. تخلى الواحدة تبان من

ضو افر رجليها لغاية شعر راسها. بقبت أيص لنفسى و اقول، ودى تبقى مبن با بت با

ترتر؟ الخدود ورد أحمر . والمناخير نبقتين. النهود: رمان. و الرموش: زي سكة التعبان ما لهمش آخر. و الشفايف:

فراولتين. قلت لغزالة: انت قرشك حلال. وربنا حايبارك لك ف مالك.

قلت له، با هلترى با غزالة، العزده حابفضل قد إيه؟ كت خايفة موت من اليوم اللي بيجي يخلي اللي أكلناه

بط بط، ننزله وز وز. قالي متعديش. قلت له: أيام العز بتجرى، وأبام الضبق تقف زي اللقمة ف الـزور . ولـزمن

اعرف قدامي قد إيه ف الجنة دي؟ غز الة ضحك، وبص لى وقالى: ألف بوم مش كفاية؟

سألته: طبعا ألف بوم وألف لبلة؟ رد عليه: تمام قلت ف عقلي بالي، يا خوفي بجرم ف غمضة عين و أقعد أقول: جه الفقير يفرح، هربت منه أيام الفرح. فكرت آني أجيب فول. مش عشان أدمسه ونقعد ناكل منه تلت طقات ف اليوم، إنما فول، حصى. اشترى منه كام كيلو، وأعد حبه حبه لغاية ما بيقى العدد ألف حبابة، وبعد كده أشبل الحب ف حنة. و أقعد أرمى حباية واحدة كل يوم الصبحية، ويعدين أقعد أعد الحب

اللي فاضل وبايا، أقوم أعرف راسي من رجليه. بصيت لقيت الحكاية حاتبقي زي حسبة برما. اللي

بيحكوا عنها. قلت يبقى الهم حايركبني وبحور الفكر حتاخدني لآخر الدنيا وترجعني للحتة اللي كت قاعدة فيها.

قلت با باسط، وغز الة قالى: خلى لبساط أحمدي. مالك شابلة الدنيا على قرونك. هوه انتي زرعتيها تفاح طلعت لفت. يا ولية قولي معايا: احييني النهاردة وموتني بكره.

قالى غزالة، دا يوم فرحنا، أنتف ريشي، ريشة ربشة، أنجد لك بيه مرتبة، وأقص شعرى أعمل بيه مخده

ليكي، ورموش عينيه أنجد بيها لحافك. وليلة الدخلة. أصفى دمى نقطة نقطة، أنقرش بيه دايرن داير أوضة النوم والمندرة والترسينة. وترسمي غزال البر اللي كان شارد ولقى وليفه. واليمام اللي حطع الأرض وارتاح بعد ما طار

سبع تيام وسبع ليال. فو ق بحار ما لهاشي شطوط تانية.

قلت له، انت بتخطرف بتقول إيه، انت واكل لك لقمة زيادة، واللا شامم لك شمة، واللا شربان قصعة بوظـة والا

رياده، والله سامم لك سمه، والله سربان قصعه بوطه والا ينكن معفر سيجارة محشية. خلت عقلك يتوه. هوه رد عليه. وقالي، لحد ما ننول المراد من رب العباد. حاتفضل الميه ف البحر عكرة، والسمك ف قعره

قلقان، وورق الصجر دبلان، وجناحات الطيور اللي طايرة ف السما مكسرة، منتوف ريشها. قلت له: والله ناقصك ربابة

تشعر بيها وتلف ع الخلايق. تشعر بيها وتلف ع الخلايق. كنت أقعد ف اللوكاندة بالليل، الواد غزالة بينام بدري، ما هو واخد ع الصحيان من نجمة الفجرية، واحنا ف

بدري، ما هو واخد ع الصحيان من نجمة الفجرية، واحنا ف اللوكاندة كان ينزل كل يوم الفجرية، بعد أدان الفجر طوالي، عشان يروح وحدته. واحنا حظنا كويس، ما كناشي محتاجين حد يصحينا، عشان المكروفون اللي فوق الجامع. كان على الداكينة بتاحنا طور على أمل ما بخروش ندوج مي احدن

البلكونة بتاعنا طس عدل، أول ما يخروش نروح صــــاحين، ما هي المكروفونات دي وراك وراك. غز الة خاف. ما يروحشي وحديه. بيقـــي غيــــاب،

غزالة خاف. ما يروحشي وحدت. يبقى غياب، وينمسك، والخيط يكر ويوصلوا للفلوس والحكاية والرواية، يقوم من النوم، يغير ريقه بسرعة ويطلع جرى على وحدته،

يروح يغير هدومه عند المكوجي اللي كان بيغير عنده قبل ما يعرفنا، وييجى عنده الضهرية كده.

اليوم اللي عنده نبطشية فيه يدفع فلوس لواحد من ز ملاته اللي جابين م الفلاحين يمسك بداله، ومهما غلوا عليه

بقدر بدفع دلوقتي. دا الجبب عمر ان. و الأشيا معدن. وبحط ديله ف سنانه وطير ان عليّه. بيجي جرى، والفرحة مسش سابعاه. ما كانشى عاوز بفتح عينيه إلا وبالقبني قدامه.

آني كت فرحانة وقلقانة. فرحانة عشان لقبت الراجل اللي عايزني ورايدني، وقلقانة الأني باسأل نفسي وأقول كل

اللي له أول لزمن يكون له آخر، ولامتي حايفضك غزالة مش شايف غيري، هو ه ما فيش نسو ان غيري في الدنيا؟ كت أعرى شعر راسى. وادعى من عزم ما بيه. وأقول.. يا رب

بفضل كده على طول. بالليل كان غزالة، يروح في النوم أول ما يحط راسه

ع المخدة النصيفة واللينة بتاعت اللوكاندة، واني يخاصمني النوم، أقعد ع الكرسي. البني آدم مننا، حاجة غريبة، زمان كت تعبانة وزهقانة وروحي ف مناخيري من كتر الشخل. ودلوقتي حاأطلع من هدومي عشان مفيش لا شغلة ولا مشغلة.

مشغلة. كت عاوزه أجيب خضار ولحمـــة ورز ومكرونـــة وسمنة وزيت وبصل وأطبخ ف اللوكاندة، وحشــني أكـــل

إيديه، قالوا لي إن ده ما يحصلشي إلا ف لوكاندات كلوت بيه، إنما هنا. دي لوكاندة محترمة، لازم ننفع مطعم اللوكاندة ولو كنا عاوزين نغير، نطلع ونروح مطاعم من اللي بره.

بيه، إلما هنا. دي توحانده محترمه، لارم تنفع مطعم التوحانده ولو كنا عاوزين نغير، نطلع ونروح مطاعم من اللي بره. قبل كده. كت زي أم العروسة. حتى وأنا فاضية أبقى مشغولة. كت أجيب هدوم العيال الوسخة. عشان

أغسلها، وان اتغسلت عشان أكويها. وقبل ما أكويها أقعد أرفي الفتق اللي هنا. وأخيط الحتة المقطوعة اللي هناك. وأداوي وأطبب ف الهدمة عشان تكمل ويانا. عشان احنا ما نقدرشي نجيب هدوم جديدة.

نقدرشي نجيب هدوم جديدة.

كت دايما مشغولة. واني دلوقتي فاضية. والإيد البطالة نجسة، الفضا وحش. وما عرفتش كده، غير اليومين دولت. إني زهقت، وزهقي دا مخلياه جواياه، وغزالة خد

دولت. إني زهقت، وزهقي دا مخلياه جواياه، وغزالة خد باله. بيفهمها وهيِّه طايرة. قالي مالك. وأنا قلت له ولا حاجة. هوه أنا أقدر أقول ولا كلمة. دا أنا زي الغراب الله كده موت وخراب ديار.

زن على خراب عشه. وإيه كمان، قبل العش ما يتعمل. يعني

### تانت هام:

# طعامة الفسح

زي ما الأوضة بقت شقة. ابتدينا الفسح اللي رحناها من تاني. بقينا اللي نعيده نزيده. غزالة قالي: نما كنا بنلف كتي متحسرة ع العيال. أهم العيال بقوا ف حضنك. تعالي نتفسح من تاني. اليومين دولت مش حايتحسبوا من العمر.

كل حتة رحناها. رجعنا لها تاني. رحنا حلوان.

رحنا الهرم. رحنا القناطر الخيرية. ولفينا ولفينا لحد ما دخنا من اللف. في النوبة لولانية كت بالف ع المشايخ والأولية وأقرأ الفاتحة. وأوفى بالندور اللي عليه.

المرة دي، قعدنا نلف م الأول. ع الفسح الحلوة اللي ترد الروح وكل يوم واحنا راجعين حيلنا مهدود من الجري. لزمن نروح السيما، ونخش المطاعم. تقولشي بناكل ف آخر زادنا. واللا بناكل ف قتة محلولة.

كل مشاويرنا كت ركوب تكاسي، ما حطناش رجلينا نوبة واحدة ف أتوبيس. والمشاوير كـت طويلـة وبعيـدة، وغزالة كان ينزل ويكع الفلوس من غير ما خد بـالي هـوه

بيدفع كام. ويا هلترى كان بيدفع الأجرة المظبوطة واللا كانو ا بيضحكو ا عليه.

كت حاسة إن عنقود الفلوس قرب ينفرط، والأساتك اللي ماسكة الفلوس لبعضيها قربت تترمي، والربط اللي كت

كتيرة زي الرز وجب الرمل. قربت تبقى ربطة واحدة كبيرة، والمثل بيقول خدم الثل يختل، ودا ما كانشـــ تــل

فلوس. دى حياله شنطة لا هنا ولا هناك. دا احنا عشان

محر ومين. قلنا دى حاجة كتيرة خالص.

ومهما غزالة يقول إن الفلوس اللي معاه أكتر من ليام

اللي فاضلة لينا على وش الدنيا. آنى كت خايفة وكت

مر عوبة.

### <u>رابع هام:</u>

### حواديت الفرفشة والنعنشة

يرجع مرجوعنا لحكايتي آني وغزالة، أول ما قعدنا ويا بعضينا. غزالة حلف ما يهوب ناحيتي ولا يقرب مني إلا في الحلال. وأنا نفسي قلت يا بت زي ما هوه عاوز، لا يفتكرني مرة سايبة وعلى حل شعري، وكل واحد يقدر يطولها بالسهل، حاكم العيال دول فيهم أصناف تقول إن الولية اللي تسلم نفسها بعد كلمتين وتحسيستين. تبقى ما تعمرشي ومش بتاعت عشرة. حاجة كده طياري. ويبقى أي واحد يقدر يطولها.

إنما عشيتنا مع بعضينا خلت اللي حصل حصل. والله ما نا عارفة إزاي حصل؟ ولا إمتى ولا فين؟ ابتدينا نمسك إيدين بعضينا، ونحسس على بعض. وما اعرفشي إلا واحنا ف حضن بعض، زى الراجل ومراته تمام.

أني ما كانشي عندي مانع، عمري ما حسيت بالحنية اللي حسيتها مع غزالة. وهوه أول راجل ف حياتي كلها. صحيح إنى مخلفة من واحد تاني تلت تبطن.

الشاهد، لقينا نفسينا في حضن بعض. ما اعرفشي مين اللي خد الثاني ف حضنه لأول. وخد عندك بوس

و أحضان. كت عابز اه بعمل كل اللي ف نفسه، كان شكله كده أول مرة يخش دنيا وينكشف على حريم.

كت عايزه ألم الفرح اللي ف الدنيا كليها وأخبيه جوه سدرى. وأقفل عليه وأقعد أحرسه. نمت مبسوطة، على يميني ملاك، وعلى شمالي ملاك. ما كتش عايزة أنعس. عشان

عينيه مش حاتشوف العز اللي أنا فيه من تاني. م الفرح، كت أركب على ضهر غزالة، واحنا

عريانين ملط، وأهز فخادي اللي زي الملبن على جسمه اللي كل عضمة فيه باينة. وأقول له شي يا حمار. وهو يمشي و بنهق حا، حا، و هو ه بقول: هاء هاء. بس بدل ما اضربه. كت لحسس عليه بحنية. وأول ما يتعب موت آخده ف

حضني و أغني له.

دا أنا يا و لاد ما كنتش عايشة قبل كده. وعمرى ما عرفت إن الدنيا فيها حاجات زي قوالب السكر ، بنكن أكتــر من قمع السكر ذات نفسه. فعلا، غز الـة راجلـي لـولاني وبادعى ربنا ف انصاص الليالي. وسعت الفجرية. إنه تكون

آخرتی علی ایدیه، و اِن یومی بیجی قبل یومه. قادر یا کریم. بعد ما كنا بنخلص، غزالة كان بيموت ف جلده.

حكاية الحلال والحرام كت بتتقح عليه قوى. وأنا أقول له: نبقى نعمل كفارة، نبقى نصرف على أهل الله، ونكفر عين ذنوبنا، بلدنا تلتين اللي عايشين فيها من أهل الله، من الغلابة

اللي تجوز فيهم الحسنة. وربنا مسامح أكتر من الخلايق اللي ربنا ذات نفسه هوه اللي خالقهم.

أنا عمري ما عرفت راجل بالطعامة دي قبل كده. وكت باسمع كتير عن شهر العسل. اللي بيقولوا عليه. وليام

اللي عشتها وبا غزالة. قبل العبال ما بيجوا وبانا. كت شهر عسل بحق وحقيق.

كت أسنتي الليل، وما كتش باصبر لحد الليل ما بيجي. أول ما نلاقي نفسينا لوحدينا، نروح قالعين، وهات يا فر فشة، وهات يا أحضان. وهات يا بوس، لغاية ما نتفر هـد

ونتعب يروح طالب أكل وياكل. هوه كان يحب الحكاية دي ف الليل. أهو كده ف الليل ويس، ما اعرفش ليه، مع إنه غشيم وعمره ما عملها

قبل كده. واني اللي علمته كل حاجة، واني كت متطمنة. هوه ما يقدرشي يشك فيه. عشان متجوزة قبله. وف أول مرة. لا

ما يقدرشي يشك فيه. عشان متجوزة قبله. وف اول مرة. لا قال محرمة ولا دياولو، ما هو أصله واخدني من حضن راجل تاني. وعارف البير وغطاه.

هوه ف الأول، كان يحب الليل. إنما أول ما خدنا على بعض، كان أول ما يلاقينا مع بعض ينسى حدوته الليل. جوزي عبد الضار كان ياكل قبلها، وبعدها يــروح مشــخر

جوزي عبد الضار كان ياكل قبلها، وبعدها يــروح مشــخر عدل. بس اللي كان مزعلني من غزالة، إنه كان بكلم كتير

بس المي عن الرحقي من طراف إلى عند عند عند عند الفر الرجي يحل الموضوع. ورحت ضاحكة، إنما هوه رجع من تاني اكتر من نوبة للموضوع. خلا الفار لعب ف عبي.

وقلت له: هوه أنا كت ضحكت عليك يا ابن الناس. ما انت عارف آني سيب. وشايف ولادي بعينيك. ولا عب معاهم. ونايم ف حضنهم. كت فرحانة، إن غزالة ما عرفشي واحدة قبل منه.

بس كت باكز على سناني وأقول يا ترى. حايعرف واحدة بعدي. وأقول لنفسي وشفايفي بتوجعني من كز سناني، لزمن

ما يبقاشي فيه بعدي. عشان ما يعرفشي واحدة تانية، دي النسوان أكتر م الهم ع القلب. نهايته. غمضت عينيه وقلت

النسوان اختر م الهم ع القلب. تهاينه. عمصت عينيه وقلت لنفسي: اديني بنطة لحام. كوز المحبة اتخرم. ونما كان الكلام ده يعكرني موت. كت أطرده من خاطري. وأقول يا بت ما تبقيشي خميرة عكننة، خلينا ف

الوقت الحلو اللي احنا عايشين فيه دلوقتي هوه أنا زرعتها سمسم طلعت صبار؟

سمسم طلعت صبار؟ بعد العيال ما جم. أوض اللوكاندة ما لهاشي مفاتيح. وأول العيال ما كت تنام. يا إمه هوه يندهني. يا إمه آني

وأول العيال ما كت تتام. يا إمه هوه يندهني. يا إمه آني أروح له. وكت أشوف ف عينيه فرحة ما أعرفشي إزاي أوصفها. نما كت أروح له من نفسي. من غير ما يطلبني. واني كمان نما كان بنده عليه، كان جسمي بقشعر وبيقي

والي تعالى لله عال بده طيه المال جسمي بسلم ويبدي عامل زي الغريبة، مش ماسك بعضه، وانه عايزني، وما شبعشي مني لسه. بقيت ادعي ربنا...، وأقول يا رب ما ييجي عليه يوم من ليام يشبع مني.

أول العيال ما يناموا. اروح متسحبة. أمشي على طراطيف صوابعي، ابقى سامعة حس النفس اللي داخل جوه منى. وخارج بره منى. أبقى خايفة وانى ماشية ف الضلمة.

ما هو حاكم النور يصحى العيال. إني أخبط في أيها حاجـة، تعمل حس، يروحوا العيال صاحبين من أحلاها نومة وخد

عندك لحد ما أقدر أخليهم يناموا من تاني. وبعد ما نخلص أرجع أنام ويا العيال. عشان أول ما يفتحوا عينهم يلاقوني

وسطيهم. زي ما كت قبل ما ييجي لهم النوم ويغمضوا عبنهم.

ما كانشى فيه حاجة بتحوشنا عن بعضنا إلا الشديد

القوى. إن السكة عندى تكون مسدودة. النسوان عندنا ف

الحتة بيقولوا عليها انفلونزا تحتاني. وكت أعد ليام علي، صوابعي لغاية ما تروح. واطهر نفسي منها. وأقول لـه.

و هو ه كان بيحسبها أحسن منى. يعرف قبل منى، جت إمتى،

وحاتروح إمتى. وبعدها يبقى نتشوق، وع الآخر أكتر مني.

### خامس هام: غزالة هنا

#### بس عبد الضار هناك

الواد الكبير سألني عن أبوه. مش سؤال محبة: إنما عشان عايزين يعرفوا حاييجي امتى. دول بيخافوا منه موت. والعيال كانوا خايفين لحسن ييجي ياخدهم وياه. هوه كده من يومه: عامل زي البوبع اللي بيخوفوا بيه لولاد الظغيرين. قلت لهم: هوه حايعيش هناك. واحنا حانعيش هنا. وبعد شويتين احنا حانسيب اللوكاندة. ويبقى لينا بيت خصوصى ف حتة حلوة زي دي تمام. سألني الواد

الوسطاني عن أبوه. إنه مش حايعيش ف البيت ده؟ قلت له: تف من بقك. فال الله و لا فالك. سألني الواد الظغنطوط: وليه غز الة ما يبقاشي أبونا؟ قلت له: يا ريت.

العيال ما كانوش قادرين يوصلم للحكاية بالظبط. إنما العيال ما كانوشي واخدين بالهم من اللي بناتنا. واني وغزالة اتفقنا إن احنا قدام العيال نتحشم شوية. ونتأدب شويتين. ونراعي الأصول زي ولاد الناس. هوه حد خاربها غير ولاد الناس دولت. وما فيش داعي إن العيال ياخدوا بالهم من

حاجة كده واللا كده. لأنهم مسيرهم حايكبروم وتكبر وياهم كل الحاجات ديت اللي احنا بنقول إنهم عمرهم ما حاياخدوا المهم منها

كل الحاجات ديك التي الحال بعول بيهم مسرفهم ما حايات واللهم منها.
من قبل ما يحصل اللي حصل مع غزالة، واني فكرت ف حكاية الحبل. خفت أشيل منه في الوقت ده. لأن

فكرت ف حكاية الحبل. خفت أشيل منه في الوقت ده. لأن اللي حاييجي حايبقى ابن حرام. أحسن لي أرميه وهوه ضنايا وحتة مني. قدام أيها ملجأ وأهرب وأسيبه. أحبل إزاي؟ واني

لا اتطلقت من اللي ما يتسماشي الشر بره وبعيد، ولا أنا التجوزت غزالة. سألت غزالة نعمل إيه؟ قالي، في دي أنا بلاطة. ما

سألت غزالة نعمل إيه؟ قالي، في دي أنا بلاطة. ما أعرفش الستات بيتصرفوا إزاي. نزلت واشتريت من الأجزخنجي حبوب وحاجات تانية. كت بابص ورايا وقدامي وحواليه. زى اللي عاملة عمله واللا اللي سارقة سريقه.

وحواليه. زي اللي عاملة عمله واللا اللي سارقة سريقه. والناس كلها عارفاها. وبتشاور عليها. آني ما كتش مستريحة للحاجات دي. إنما قلت لحد ما تنفك عقدتنا الحرير. ونبقى

على راحتنا. الحبوب مش جديدة عليّه. كت باخدها وأنا مع اللي ما بتسماشي. إنما من ورا ضهره. عشان هوه كان عاوز میت عیل یشغلهم ویحط رجل علی رجل. وینجعص ویاکل من وراهم. وانی کت خایفة این کتر الحیل و الولادة. و اخد

البز يهدوا حيلي ويكبروني ويسرقوا عمري مني. مش كفاية هوه سرق من عينيه نورهم. ومن خدودي

مش كفاية هوه سرق من عينيه نورهم. ومن خدودي حمارهم. ومن شعري سبسبته ومن وشي فرحته وركبه الهم بدري. قبل ميعاده بسنين كتيرة. آني باسمع كتير عن الحلال المدري. أن المدري المدري المدري المدري المدرية وثالم المدرية المدرية وثالم المدرية المدرية وثالم المدرية وث

والحرام. إنما ما حستشي بيهم وكت مبسوطة عشان غزالة فرحان. بس كت بأقول يا ريت عقدتنا تنحل. ونتجوز وأول ما يحصل كده يبقى كله في السليم. سألت غزالة حانعمل إيه؟ حانفضل كده. متعلقين من

عرقوبنا وعينينا مكسورة لعبد الضار. قالي: الجعان تجييه بطنه. وهوه أول ما يخلص الفلوس ولزمن يخلصها قريب حاييجي ينط. والنوبة دي عمري ما حاأديله ملين أحمر إلا نما يطلق لول.. ورقة الطلاق قبل السلام عليكو. يا كده يا

حاييجي ينط. والنوبه دي عمري ما حاديله ملين احمر إلا نما يطلق لول.. ورقة الطلاق قبل السلام عليكو. يا كده يا حاييقى ليّه معاه تصريف تاني. قلت له: وإن ما طلقشي يعني حانعمل له إيه. دا

قلت نه. وإن ما صفعتني يعني خانعمل نسه بيسه. نا فاجر وداعر. ولا حد يقدر عليه. غزالة كان رأيه إنه يروح البيت هناك. يقدر ياخد ويدى وياه ف الكلام. والحس يعلم زي ما همه عايزين. ف اللوكاندة نبقى خايفين لحسن حد يسمعنا. أو محتد يتصنت علينا. أيها واحد ابن حرام يعرف

حكايتنا قلت له لأه. ما تروحشي، هوه مسيره ييجي من تاني. قبل ما ييجي عبد الضار. كت اتكلمت ف الموضوع مع غزالة. وقلت له: الحل إن احنا نمشي من هنا. ونفارق

مصر كليها، هوه غزالة مش بيحب سكندرية طيب. نروح سكندرية، ونأجر شقة. وهوه ينقل نفسه من وحدته من الجيش من هنا لهناك. وبعد ما يسيب العسكرية. يشوف له شغلانة.

من هنا لهاك. وبعد ما يسيب العسكرية. يسوف له سعادته. ونعيش هناك وابقى حلني. نما عبد الضار ده. يقدر يتلم علينا أو يوصل لينا. غزالة ما عجبهوشي الكلام ده مني، ما حبش يسمعه

لآخره، ليه يا عم غزالة؟ قالي، إن هوه يحب يمشي في السليم. الظاهر والله أعلم إن أيام العسكرية ديت، علمته إله مش يمشي في السليم، إنما يمشي جنب الحيط. كان دايما يقول: اللي يمشي عدل بحتار عدوه فيه. وعدونا عبد الضار.

يقول: اللي يمشي عدل يحدار عدوه فيه. وعدونا عبد الضار.
ومش حايسيينا. فلزمن نمشي صح. الصح كمان عشان دا
عارف سرنا. ويقدر يمسكنا منين بالظبط.

غزالة قالى: إن الدنيا دى زى ماهيه واسعة فهيه

ديقة. ومسير الحي يتلاقي. ومهما نروح حايوصل لينا. ينكن لو رحنا مرسى مطروح، أو حتى لو هجينا وطفشنا ورحنا السودان، وجايز والله أعلم، إنه جايب شوية عيال صيع، مقعدهم. حوالين اللوكاندة. يمشوا ورانا. لأي حتة بنروحها.

وإن حاولنا نهرب تبقى يا داهية دفي. مش بعيد يضربوا ف المليان.

أحسن حاجة لو نقدر نر اضبه وندبله حاجة ونلمـه. ونبتدي حياتنا ويا بعض ف السليم. وعلى ميه بيضا. وما

حدش ماسك لبنا ذلة. وما حدش كاسر عنبنا. غز الــة كــان باصص لحكاية الولاد. كان بيقول إنهم لز من ليهم ورق، فين هوه؟ شهادات ميلاد. والذي منه. وآخر المتمة. قالي غزالة.

إنه لو خلف منى. حايثبت العيال از اي وهو مش متجوزني في السليم. زي كل مخاليق ربنا. وإن اتجوزني دلوقتي ف بلد تانية، علي سنة الله

ويقدر عبد الضار لو شافنا ف أبها حتة بشدنا على أقرب قسم طوالي. ويعمل قضية من مافيش. وسين وجيم، وكلبشات

ورسوله. حابيقي اسمي متجوزة راجلين ف وقت واحد.

وحبس. وحكاية يبقى ليها أول. إنما من غير آخر. هوه دخول الكركون زى الطلوع منه. دا الداخل مفقود والخارج

مولود. يوميها أنى سكت. إنما بالليل. بعد العيال ما نامت.

بدل ما روح له. ونعمل زي كل يوم. آني قعدت أعيط. والله باين إن أيام العياط حاتر جع من تاني. وساعتها. قلت ف عقل بالى. الواد ده لو لقى الفلوس وخدها ومشى وسابنا، كان ربنا

كتب له الهنا. أنا اللي بوظت عيشة الولد ومستقبله. بالفلوس دى. كان يقدر ياخد بنت بنوت. قمر أربعتاشر. بت أجعصها واحد في البلد. بت ياخد وشها بإيده. ويشوف دمها بنفسه

مطرطش على المحرمة. ويعلقها ع السرير بدمها زي الراية، مش خد واحدة خرج بيت. وياخدها من تحت واحد تانى.

والله أنا مهما أعمل. مش حاأقدر أردله التعب الله تعبه عشاني. مع إني الست. والست مفروض تربِّح جوز هــا آخر راحة. الواد كبر ف نضري. ويقى حاجة كبيرة قدام

عينيه.

في يوم سعت المغربية جه عبد الضار. من أول ما شفت عبد الضار. السلك كان ضاربه، وساعتها احترت

وسألت نفسي: هيه الفلوس اللي بياخدها بيوديها فين؟ ده عمره ما يعرف يحوش ملين يوحد ربه. دا جيبه مخروم

وبينه وبين الفلوس عداوة؟ وعشان كل فلوسه بتبيجي م الحرام، عمره ما يعرف

قيمتها. القرش بيجي باليمين وينصرف بالشمال. يضربه بميت عفريت. قلت يبقى ماشي ف الهلس. مع النسوان. أول ما جه عبد الضار. وسأل علينا. قلنا الفرج جه.

أول ما جه عبد الضار. وسأل عليناً. قلنا الفرج جه. غزالة قالي: ما تفرحيش بالقوي كده. ما حدش عارف هـوه جاى يبريكي واللا جاي عشان يطلب فلوس من تاني. قلنـا

جاي يبريكي واللا جاي عشان يطلب فلوس من تاني. قلنا نطلعه فوق عشان ناخد راحتنا ف الكلام. احنا دلوقتي ساكنين في شقة كلملة كافيين خيرنا شرنا سرناية في شقة

ساكنين ف شقة كاملة. كافيين خيرنا شرنا. سرنا بقى ف شقة بعد ما كان ف حتة أوضة. وفي الشقة ناخد براحنا ف الكلام. وأول ما يطلع نحبس العيال ف الأوضة، ونقعد وياه

في الصالون نتكلم زي ما احنا عاوزين. وإن طمع في أيها حاجة. شرب أو أكل. نطلبها له ويطفحها هنا في الأوضة بالسم الهاري.

عبد الضار شاف الشقة الجديدة. وهوه كان قبل كده شاف الأوضة بتاعتنا. وطمع فينا أكتر، طلع عارف اسم اللي احنا فيه. ضرب كف بكف. ومصمص شفايفه. وقال دا انتوا ولا الملوك. دي الجناحات ديه. ما ينزلشي فيها غير الناس

ولا الملوك. دي الجناحات ديه. ما ينرلشي فيها غير الناس اللي فوق السحاب. وقعد يفاصل. ومن تحتينا، كان المحل اللي بيبيع الشرايط، مضور شريط بحس عالي. بيقول المغنواتي فيه: جرحوني وقفلوا الأجز اخانات، لا قالوا ازبك

المغنواتي فيه: جرحوني وقفلوا الاجزاخانات، لا فالوا ازيك ولا سلامات. طلب عبد الضار فلوس. غزالة قاله. الشهر لسه ما

هلش. طلب فلوس مقدم. كان عاوز أجرة ست شهر مقدم. وإن خدهم الوقتي ما حدش حايشوف وشه، إلا بعد ست تشهر بحالهم. غزالة قاله: نجوم السما أقرب لك. طلق وأنا أدفع لك. عبد الضار رد عليه: تبقى هيلا بيلا ونتقق بيعة وشروة.

من هنا لهنا. قال ع اللي هوه عاوزه. طلب من غزالة ينصص الفلوس بالنص. نص لينا ونص ليه. غزالة سأله: الفلوس الأصلية. واللا اللي فاضل منهم؟ عبد الضار قال له: يعنى طمعت ف جمل. اللي فاضل، نعده دلوقتي

ونقسمه النص بالنص. وأول ما آخد النص بتاعي. أتنازل لك عن العيال. وأطلق لك الولية، وكل واحد بيقى من سكة، وما

نتقابلشي تاني إلا ف يوم الموقف العظيم. الواد غزالة ما داشي منطق. قعد يفكر. وإني زعقت

ف عبد الضار، وقلت له: هيه عضمة بتمصمص فيها. وما ترميهاشي، إلا وهيه ما فيهاشي حاجة خالص. يا أخي حرام

علىك. منك شه. من هنا لهنا. ما اتفقناش. غزالة خدني ع الأوضية

اللي جوه، عشان نتشاور ويا بعض بعيد عنه. ومن غير كلام. قلت له: هيه لأه. يعني لأه. أوعى تتنيها وياه النص بالنص. دا بيقي حر ام.

غزالة قالى: آنى رأيي من رأيك. لأنه برضك لـو حتى خد النص عمره ما حابسيبنا و لا حابطاق. إحنا نفاصله،

والفصال نص الشطارة. لازم نخلص منه. لأنه طول ما هو قاعد لينا. عمر نا ما حانعر ف نتهني بحاجــة. لا بيو منــا و لا بليلنا و لا يقلوسنا.

قعدنا لبعد نص الليل. ونما لقى دماغنا ناشفة. هـوه

اللي جاب ور ١، قال نتلتها. نقسمها على تلاتــة. كــوم

لغزالة.وكوم ليه. وكوم لترتر. وارجع من تاني آخد نص كوم ترتر منها. التلت كمان عشان احنا دافنينه سوا، ونص كوم ترتر عشان أسيبها لحال سبيلها. وارمى عليها يمين

كوم ترتر عشان أسيبها لحال سبيلها. وارمي عليها يمين الطلاق تلت مرات. يعني عمرها ما ترجع لي إلا بمحلل.
غز الة شخط فه. علا حسه عليه. قاله: دا انت كده.

كأنك بتقول الغة كوم والتبن كوم. وعاوز تاخد الغلة. واحنا يفضل لينا التبن. يا أخي حرام عليك. قول كلام معقول. عشان نقدر نتفاهم. عبد الضار ضور على لسانه ف بقه

عشان نقدر نتفاهم. عبد الضار ضور على لسانه ف بقه عشان يقول بيه: دا اللي عنده. ويعد كده خلاص بح. هوه كان جاي مستعد وعامل حسابه على كل حاجة

هوه كان جاي مستعد وعامل حسابه على كل حاجة قعدنا نحسبها. بقت الحكاية عاملة زي حسبة برما. عشان احنا ما كناشي عارفين الفلوس اللي كت فاضلة ويانا كام. بعد البعترة اللي عاملها غز الة ف الفاضية و الملبانة.

عبد الضار سابنا. وقال هيه دي آخر حاجة. أقدر أقدر أقدر أقدر أقول عليها. وقال إنه حايسيبنا ويرجع لينا بكرة المغربية. عشان ناخد وندى ف الكلام. قبل ما يمشي طلب فلوس ع

عسان تا كله المدام، في ما يمسي طلب فسوس ع النوتة. حاجة كده ع الحساب، يمشّي بيها روحه، الحكاية مشحطة ع الآخر، وأنا شاورت لغز الله انه ما يديلوشي، لما

يحصل إيه. عشان طول ما هوه محتاج تتكلم وياه. ونما ياخد

قرش. يبقى حلني. وحا يطلع ديننا ويورينا النجوم في عرز

الضهرية، دي المحتاجة غناجة. هوه مشى من هنا. وأنا بقيت متوغوشة خالص.

وبقيت ماسكة قلبي بإيدي هوه مش ناقص. عبد الضار خاين

بطبعه ويعمل أيها حاجة.

#### ساتت هام:

# منهم لله اللي كانوا السبب

في الأيام دي. كنا نسينا صاحب الشنطة والفلوس.

ويا ترى كت جاية منين. وآهي راحت فين. عبد الضار وهوه ماشي فكرنا. وقال، أوعاكو تنسوا إن الفلوس دي ليها صحابات. وحكاية الفلوس الجرانين بتكتب عليها كل يوم. والبلد كلها حواديت. وصحابات الفلوس ناس تخاين. مش بعيد يكونوا بلغوا بنمرها. يعني احنا لازم نتصرف. ونغير الفلوس ونفكها ونقسمها وكل واحد يروح لحال سبيله. بدل ما تتاخد منننا كلنا غصب. وييجي نقبنا على شونة. غزالة سأله: دا تهديد واللا إيه بقى؟ رد عليه: أهددك إزاي. ونا ليه في واكتر؟

عبد الضار انطلق زي البربند، قال لغزالة إنه مسش دريان والسكينة سارقاه. ولابد ف حضن الست. ولو كت فخاد ترتر دامت لغيرك. ما كانتشي وصلت تحتك، افهموها بقى يا خلايق. شاور عليه. وقال إني ويا اللي معاه فلوس وبس. وأول الميه ما تتشف حاتقولك. ما اعطلكشي يا حبيب

القلب. وتروح مع واحد تاني. غزالة كان عايز برد عليه. أنا

قلت نقفل ع الموضوع ده. وما فيش داعي نكلم فيه.

نوبة واحدة. افتكرت صحابات الفلوس. دى الحكايــة تقولشي فات عليها سنين بحالها. يا ترى همه مين بالظبط. وحصل لهم إيه بعد ضيعان الشنطة، لو كت الفلوس بتاعتهم،

تلاقى جت لهم النقطة. وعيوا بالعيا البطال. اللي بياخد العمر وباه. بس هو ه معقولة. حد يكون عنده الفلوس دى كلها. وإن

كت الفلوس بتاعت الحكومة تلاقيهم في الحديد. وحا باخدوا فيها مش أقل من تأبيدة. عشان الفلوس جامدة.

أنا ما اعرفشي دول يطلعوا مين، أصل الفلوس ما بيكونشي مكتوب عليها اسم صاحبها. أنا كت مستغربة عشان

الناس دول ما بلغوشي عن الفلوس اللي ضاعت. كفواع الخبر ماجور. والله تلاقيهم سارقين الفلوس، من ناس سار قبنها همه كمان.

الشاهد؟ لو الفلوس جابت. لينا نصيبه. حاشلح هدومي وأفك شعري وادعى عليهم سعت صلاة الجمعة. وإن جت الفلوس وبقت وش السعد لينا. لزمن أدعى لهم في كل وقت بتر فع فيه الأدان لابو خيمة زرقا. وإن انحبسم حاابعت

ليهم من بعيد لبعيد عيش وحلاوة ودخان. وإن كت وراهم

عيلة برضك نصرف عليها ونشيل زنقتها بس من غير ما

يحسوا بأيها حاجة.

### <u>سابع هام:</u>

### البحر واحد والسمك ألوان

عبد الضار نما ما لا قاشي فيه فايدة. مشي. بس قبل ما يمشي قال: والله أنا عاوز أحل المشكلة. وانتوا اللي عاوزين ترجعوا للفقر وسنينه. ندهت على عبد الضار وهوه ماشي، وغزالة قالي: سيبيه. مش عارفه لو عبد الضار رجع تاني، وسألني أقدر أعمل إيه. حاأقول له: الفلوس فلوسه، والشورة شورته، هوه راجلي، حايقولي. لسه ما بقاشي أول عبد الضار ما انكشح حسيت، إن العيال كانوا واقفين ورا الباب بيتصنتوا علينا. قلت لغزالة: ما بدهاشي لزمن نهرب. وغزالة كان مبلط ف الخط. منه شه هوه السبب. ما أقدرشي أقول عليه غبي. وما أحبش أقول إنه

مش ابن أيل. دي الحاجات اللي خلاتني أحبه موت. بس برضك دي الحاجات اللي وداتنا في نصيبه بعد كده.

راجل خيخة وخرع وعوده طرى. ما أقدرشي أقول عليه

دي كت ليلة ولا كل الليالي. بكره حاينط لنا أبو

العيال ما ناموا وشخروا ويقوا بياكلوا رز مع الملايكة. وقبل ما يقولي، إنه ما لوش مزاج. والحكاية ديت عايزة راحة

النطيط. وشكله ناوي ع الشر. رحت صحيت غز الـة. بعـد

البال، قلت له، أنا مش جايه لك عشان كده. فيه حاجة تانية أهم. أهم. قلت له: ما تبيجي نشيل الفلوس في أيها حتة. ونخلي

قلت له: ما تبيجي نشيل الفلوس في ايها حنه. ونخلي شوية قليلة في الشنطة. ونقول هوه ده بس اللي فاضل. ونما عبد الضار بيجي ويقسم. نبقى إحنا اللي ضحكنا عليه. ويبقى

عبد الضار بيجي ويقسم. نبقى إحنا اللي ضحكنا عليه، ويبقى جه يصيدك. صدته أنت. عز الله ما رضيشي. هز دماغه وإيديه لتتين. وقال:

ودا مش حايخش دماغ عبد الضار: حايقول دي سرقة عيني عينك. خبطته ف سدره. وقلت له: هوه فيه حد بيسرق نفسه يا ادلعدي. احنا بنحمي نفسنا منه. قالي غزالة: إن عبد الضار مش عبيط. تلاقيه حاسبها بالورقة والقلم. وعارف

قلت له: هوه احنا قبل ما نحمي نفسينا بنخاف منه. قالي: معلهشي يا بت الناس أنا أحب أمشي في السليم. رحت

اللي انصرف على دابر الملين واللي فاضل قد إيه.

سابه له دين السليم اللي حاشره زي البقدونس في كل كلمـة.

راح رافع إيده عليه، وكت أول نوبة نتشاحن، وكان حايضربني. وشفت في إيده المرفوعة عليَّه. إيد عبد الضار. ودا عمري ما فكرت إنه يحصل من غزالة. استهدينا بالله

وقلنا الشيطان شاطر . وهدينا نفسينا.

و قعدنا نفر هد نفسينا. ونلف وندور حوالين بعض، كان الود ودي، نخبي الفلوس بعيد ونخلي شوية فكة، حتى لو

أخدهم كلهم تبقى التعويرة بسيطة. وهورَّه يقولي واحنا فاعدين على سرير واحد من غير جواز نمشى في السليم أحسن. سليم إيه يا سي غزالة؟ هوه فين السليم من أصله؟

هوه بعنى كان أخد الشنطة من العربية سليم؟ هيه عيشته معايا تحت سقف واحد سليمة؟ هيه نومته معايا كل ليلة سليمة؟ هوه أخده العيال سليم؟ هوه عاوز بيجي في الهايفة

ويتصدر. احنا كلنا بنعوم ف الغلط. بنخوض ف ميه الغلط اللي و اصله لغاية رجلينا. لأه. دي لحد رقابينا. ومش باين مننا بعيد عن الغلط غير عينينا. وبقنا وشفايفنا اللي عايمين

في الغلط. قاعدين نغني بيهم. ونقول السليم. الصحيح. العدل.

دا انت يا سي غزالة ولا دريان بنفسك. دا احنا بناكل غلط. وبنشر ب غلط. وبننام غلط، ونتفسح غلط، ونستلذ

غلط. وكل حاجة بنعملها غلط في غلط. وعينينا بتغمض ع الغلط. وتقتح على الغلط، وتيجي انت تهز طولك وتقول لي

العلط. وتعلم على العلط، وليجي الله للهر طولك ولعول لسي السليم كويس. دا احنا جينا في أيام هيه نفسها غلط. تعالى يا سي غزالة نرمح في الشارع ونشوف. حانلاقي ولا واحد ماشي سليم. هوه السليم يعرف يمشي

اليومين دولت. منك لله يا غزالة. ضيعت مننا آخر فرصة عشان ننفد بجلدنا. ونهرب ونتلم على بعض. ونفوت لعبد الضار بلاد وبحور.
في الليلة دي. قلت له. ونجوم الليل شاهدة على

كلامي، إنك مهما تدي عبد الضار حايفضل فاتح ضب في السما. وضب في الأرض. ويقول: كمان شا الله تديله الشنطة كلها. مش حايسيبنا. ما قدمناشي غير إن احنا نهرب منه ونشتري حياتنا. شا الله نشتري بزابورتات ونهج بلد الله.

خلق الله. نسيب مصر كلها ونخلع بدل ما احنا عايشين كده. على كف الرحمن. يوم بيوم، وعبد الضار عمره ما حايسيينا. إنما مين يقرا ومين يسمع، اللي حصل لينا كان

رجلينا بتغرز في الطين. ومين قبلنا غرز في الطين وقــدر

مكتوب، والمكتوب ما منه مهروب. مهما حاولنا نبعد نلاقي

يطلع منه؟

### تامن هام:

## من منام لكابوس يا قلبي لا تحزن

همه أهل زمان كانوا بيلعبم. دول أهل زمان همه اللي شربوا كبايات السمنة السايحة. وكلوا الحلاوة الطحينية كيلو كيلو، وسفوا الشطة السوداني حفان حفان. والواحد منهم كان يقوم بديك رومي لوحديه، والا فخد ضاني من غير ما بشاركه فيها حد.

أهل زمان همه اللي قالوا إن الحلو ما يكملشي. وغزالة حلو موت. غزالة أحلى واحد عرفته في حياتي. بس يا خسارة عمره ما حا يكمل.

ليلة غريبة، كلها كت كوابيس، وما كنتش عارفه إنها حاتكون الليلة الأخرانية. وزي ما كت فيه ليله أولانيه في حنة اللوكاندة، حاتكون ليها ليلة أخرانية، ما هم أهل زمان برضك همه اللي قالوا، إن اللي ليه أول. لزمن يكون ليه آخر.

أول عيني ما غمضت، شفت عبد الضار مشرق. وجايب شوية عيال من بتوع المنسر معاه. عيال من صيع

الحتة اللي كنا عايشين فيها. عشان العيال يهجموا ع الأوضة وياخدوا الشنطة بالفلوس اللي فيها. وقول يا فكيك. فريرة.

ويسور المست بالسوس المي اليها، وحول يا سيد، عرفانية وأنا اتني أسرخ وانتي أصوت. لحد ما أقوم م النوم عرفانية وعطشانة وعايزة أشرب ميه.

وعطشانة وعايزة أشرب ميه. ادخل الكبنيه وأفسر جواه الحلم. عشان أفك شره، وأبطل بلاويه، أنام من تانم. بطلع اللم حنيم عسد الضار

وأبطل بلاويه، أنام من تاني. يطلع اللي جنبي عبد الضمار وغزالة مش موجود. وأضور على غزالة سلقط في ملقط. ولا هوه هنا. أرمح وراه، أجري في الشوارع والحواري.

للسريخ والصوات من تاني. واصحى واشرب شوية ميه. أول عينيه ما تغمض تييجي الكوابيس طوالي. كابوس يطلع من كابوس. منامات ترعب وتخوف. دي ليلة لا كان هاده من المال المال أنه ذا كان هاده من المال المال أنه ذا كان هاده من المال الما

ولا كل الليالي. وأخونا كان هادي. ونام من بدري. عشان يقوم مبدر. يروح وحدته ويرجع لي الضهرية ونشوف حانعمل اله.

صحيته م النوم. قرب الفجرية. الفجر كان بيشقشق.

وأدان الفجر بيلعلع على جامع سيدنا الحسين. قلت له: وحا نعمل إيه؟ اتاوب ونام تاني وقالي: بكره يحلها ألف حلال.

رحت حالفة بالطلاق تلاتة. شافعي ومـــالكي وأبـــو حنيفة، ما هو حاكم جوزي عبد الضار كان بيحلف عليّه كده.

إن الواد غزالة. حاجة من اتنين. إما إنه مرتب ترتيب تاني. واد حويط حامي نفسه بس مش عاوز يكلم. ما هو اللي كتير الكلام. فعله ضعيف. با امه جاله خابط في نافو خه و عنده

الكلام. فعله ضعيف. يا امه جاله خابط في نافوخه وعنده لطف. ومش عارف النصيبة اللي مستتيانا عند أول عطفة. ما هو لسه عوده طري. لساته أخضر ما صلبشي حيله. دا

ما هو لسه عوده طري. لسانه اخضر ما صلبشي حيله. دا حظ إيه ده يا ربي. بقى أسيب الفاجر. أقع في الخيخة طوالي؟

تاني يوم الصبحية، أول ما فتحت التليفزيون، بتاع اللوكاندة، كت ليلى مراد، بتقول إنها حاسة بنصيبه جايه لها، وكان نجيب الريحاني. بيقول ليها يا لطيف يا لطيف. وتكمل

هيه، إن النصيبة ما كانتشي على بالها. وهوه يولـول: يـا لطيف يا لطيف. رحت ساكة التليفزيون على طول. واللا أجيب العيال وأقعد أبص لهم طول الليل. واللا أعبي شوية ضي من اللي مالي الشوارع. واللا هوا من اللي في

اللوكاندة. واللا انزل آكل آكل. لغاية ما أبقى زي كيس القطن. أهو أخزن من اليومين دولت. لليومين اللي جايين.

ما اعرفشي انها آخر ليلة. دي فاتت كوابيس كلها. وإن كت انت عينيك غفلت. واللا هوّب نواحيها النوم يكون النوم جه ناحيتي في الليلة ديت. الصبحية غزالة غير ريقه،

ونزل بدري قبل الشمس ما تطلع زي عوايده، قالي: عينك في وسط راسك. عبد الضار ده ما حدش يآمن له. وأنا قلت له: ينكن لآخر مرة: يالا بينا نهرب يا ابن الناس. وهوه قالى: انشاء الله حاتخاص الحكاية في السليم.

> أنا عمري ما كرهت كلمة السليم إلا عشان غزالة، كان ماسك فيها وطالع بيها السما. العيال صحيوا، همه فطرم وأنا ما فيش لقمة جرحت زوري ولا شفطة شاي بلت ريقي الناشف. فضلت قاعدة ولا كأن الليل لسه ما مشاشى.

الضهرية، جه غزالة ف ميعاده. اتغدى. بصيت له.

وسألت نفسي: هوه متطمن منين؟ نفسه هادية كده ليه؟ مين اللي مهديه كده؟ ومطمنه كده؟ سرخت فيه، يا للا نهرب.

أهي دي المرة اللي بعد الأخرانية، يا للا يا ابن الناس الناس نطفش. ننفد بشنطتنا. وهوه قالي: أول الدنيا ما تليل. عبد

الضار حاييجي. والنهاردة لزمن يكون فيه حل، قلت له: وإن ما جاشي عبد الضار قالي:ييقي حائروح لحد عنده. قلت له:

ما جاسي عبد الضار قالي بيفي حااروح لحد عده. فلك له: وإن حصل زي كل نوبة، رحت زي ما جيت من غير حل ولا غيره. قالي: كل عقده وليها عند الكريم حلال. رديت عليه بعلو حسى. وبعزم ما بيه. كل عقدة ليها

عند الكريم آي. إنما عند عبد الضار لأه. وألف لأه، دا عبد الضار الله وألف لأه، دا عبد الضار والأجر على الله. وغزالة طبطب على كتفي وقالي نضحي شوية. عشان نخلص من الموال اللي ما لوش نهاية

نضحي شوية. عشان نخلص من الموال اللي ما لوش نهايــة ده. وكل واحد يروح لحال سبيله. اتحايل عليه عشان آكل. إنما أجيــب بطــن منــين؟

اتحایل علیه عشان اکل. إنما اجیب بطن منین؟ ونفسی تقبل الأکل منین کت حاسة إن فیه نصیبه حاتحصل لینا النهاردة. وبالکثیر اللیلة دی. و إن عبد الضار عمره ما حایجییها البر. و عمرها ما حتبقی سلیمة ویاه. دا عبد الضار و أنا عاجناه و خابزاه و عارفه هوه بیعمل ایه؟

الليل جه. والضلمة نزلت م السما. فتل فتل، حسيت والضلمة نازلة. إن فيه حاجة بتكلبش ف قلبي. وتتكى عليه.

وإن فيه عنكبوت بيلف حوالين روحي. وإن خفاش لبد فيـــه مع إني طول عمري ما شفت الخفاش ده إنما أسمع عليه. يقيت متضابقة من ضلمة الليل وأنا كت عاملة نفس.

بقيت متضايقة من ضلمة الليل وأنا كت عاملة نفسي أبو العريف. وبأقول أنا عارفة عبد الضار حايعمل إيه. إنما اللي عمله عبد الضار ولاجه في بالي. ولا يقدر يعمله جنس

مخلوق. جالنا عبد الضار في الميعاد تاني يوم. كت عينيه منفخة وزي كاسات الدم م الحمار. باين عليه ما نمشي من

منفحه وري حاسات الذم م الحمار. باين عليه ما نمسي من سعت ما كان عندنا. أنا خفت منه، دا فيه كل العبر اللي خلقها ربنا.

المرة دي لا طلب شرب ولا أكل. ولا سال عن كشك بيبيع دخان. ولا طلب فلوس. كان واحد تاني هوه اللي جه. سألنا وهوه واقف زي المطالب: "شاورتوا نفسكوا؟" غز الة قاله: بس اقعد الأول. عبد الضار رد عليه: دي لا فيها

قعاد ولا كلام. أنا حتى مش مستعد أديكو مهلة تانية، هيّه كلمة ورد غطاها: أي والا لأه؟

غزالة قاله. أنت امبارح ما عملتش حساب العيال ومصاريفهم. مين اللي حايشيلهم من دلوقتي لحد ما كل واحد

منهم يمسك شغلانة. ودي حصة كبيرة. عبد الضار قال له: انت غاوي كلام. واللي تقلبه

تعيده. أنا قلت اللي ياخد الولية يشيل عيالها. عبد الضار سأل: الخلاصة. استبينا واللا يفتح الله؟ لو استبينا حااسمعكوا صلاة النبي. ولو يفتح الله يبقى كل واحد ينام ع الجنب اللي

صلاة النبي. ولو يفتح الله يبقى كل واحد ينام ع الجنب اللي يريحه: غزالة قاله: لأه موافقين أنا وترتر والعيال. بس هـز المبلغ شوية، عبد الضار اتعزرن وحلف بالطلاق إنـه مـا حابنزل ملين أحمر يوحد ربه.

مشي عبد الضار وهوه بيقول: ذنبكو على جنبكو. وقد أعذر من أنذر. أنا خدت الحكاية جد. ومت في نص هدومي. وغزالة قال عليه مراع. بياع كلم وحا يمشي ويرجع تاني. وتالت ورابع. هوه ما لوشي غير هنا.

هوه مشي من هنا. وأنا مسكت في هدوم غزالة. اطلب منه نهرب نمشي. نطفش. نبات في أيها حتة تانية. قال إن العيال مكشوف عنهم الحجاب، لو كت فيه حاجـة كانوم حسم.

والعيال قالوا لأه مع غزالة. همه عارفين أيها حاجة. غزالة

سكت. وفي وداني حسيت بصوات الكلاب. ساعتها كان عبد الضار يقول ان الكلاب ماسكة. عشان شافت

عزر ائیل و هوه نازل عشان یقیض علی روح بنی آدم جه

أجله. وعمره كلامه ما نزل الأرض أبدا. الصوت ده ملا وداني. وفضل لحد ما مديت صوابعي في وداني عشان

أسدهم. وصوابعي خلت الصفير يكتر. ربنا ما يوري حد

اللي شفته.

### تاسع هام:

### يا ناس يا عسل. البوليس وصل

بعد ما مشي عبد الضار. فاتت حصة ظغيرة. حاجة كده يدوبك كباية الشاي اللي قدامك تبرد من سخونيتها. ينكن تقدر تخلص سندوتش. واللا تدخن سيجارة. واللا تحمص ليك كرسى معسل. وكان اللي كان. وجرى اللي جرى.

بعد صلاة العشاء بشويتين. البوليس هجم ع اللوكاندة. والناس في الشارع زعقت:

\_ كىسة.

سألوا على غزالة. وسألوا عني. وخدوا من صحابات اللوكاندة نمرة الشقة اللي متاويانا. وطلعوا خبطوا علينا. أنا طلعت ع الباب. والباب كان فيه عين الواحدة تبص منها تشوف اللي بره. وهوه عمره ما يشوفك. ياما قالوا عليها. بس عمري ما عرفت أبص فيها.

قلت مین، رد علیه حس جامد:

\_ بوليس، افتحى.

سرخت، وصوتت، وخبطت على سدري من عزم ما فيه، وقلت يا حوستي، جه غزالة أول حاجة فكر فيها إنه ينط

ويه، وقلت يا حوستي، جه غراله اول حاجه قدر فيها إنه ينط من البلكونة ويهرب، أول ما سمع كلمة بوليس. هوه احنا عا نعيده من تاني. ما هو بيطلع من وحدته جدعنه. سلكي. هربان يعنى. بيقولوا عليها في الجهادية "كاتـت"، لا معاه

هربان يعني. بيفولوا عليها في الجهادية تكانت، لا معاه تصريح مبيت، عشان مش متجوز، ولا همه يقدروا يدوه تصريح مبيت كل يوم، وان خد تصريح يوم الخميس أو

لتتين، يبقى لحد الساعة عشرة بالليل. وبرضك يبات هناك. وهوه لساته في العسكرية لحد دلوقتي. يعني أول ما يسمع كلمة بوليس من بتاعتنا يقول يا فكيك. وأول ما يشوف البوليس. اللي واقفين لابسين على راسهم طواقي حمرا ولفين

على كتافاتهم شرايط حمرا. اللي يدبحه ساعتها ما يلاقيش فيه نقطة دم توحد ربها. ويفضل كده لغاية ما يبعد عنهم. يخاف يمسكوه.

قالوا لنا: يا تفتحوا الباب يا حانكسره. غزالة خبى الشنطة تحت مرتبة في الأوضة الجوانية، وفتحنا الباب، أول الباب ما انفتح استغربت. بوليس إيه اللي لابس زينا. دول ليهم

جيت أتكلم وياه. إنما اللي بره ما كانوشي صابرين،

لبس مخصوص وبيكونوا شايلين سلاح. والواحد يطلع النفر منهم من وسط ميت ألف. والله جايز يكونوا عصابة باعتها

منهم من وسط ميث الف. والله جاير يدونوا عصابه باعنها عبد الضار.
قبل ما نقول أيها حاجة، كان الكبير بتاعهم. وعرفته عشان هوه اللي كان بيشخط وينتر. واللي دخلوا قبله كانوا

عسال هوه اللي خال بيسخط وينتر. واللي دخلوا فبله خالوا بيوسعوا له السكة، ويقولوا اتقضل يا سعادة البيه. واتقضل يا باشا. الكبير راح راقع غزالة قلمين.. كل قلم منهم طق شرار نور الأوضة، اللي كت لساتها مضلمة.

باشا. الكبير راح راقع غزالة قلمين.. كل قلم منهم طق شرار نور الأوضة، اللي كت لساتها مضلمة. واحد منهم حسس ع الحيطة لغاية ما لقى زرار النور داح مولع، والظايط، ما هو لاز ديكون ظايط، أمال

النور راح مولع. والظابط، ما هو لازم يكون ظابط، أمال حايكون إيه؟ سأله: انت غزالة، وغزالة رد عليه: أيوه يا باشا. وراح غزالة معظمه. وخبط رجليه في الأرض. إنما ما عملتش الخبطة حس، عشان كان وقاف حافي، ما هم خدونا

عملتش الخبطة حس، عشان كان وقاف حافي، ما هم خدونا خوانة. وغزالة عسكري. والتاني ظابط. وما تفرقشي بقى مع غزالة، إن كان ظابط بوليس واللا ظابط جيش. أهم كلاتهم ظباط في بعضيهم.

بص لي الظابط. رحت رافعة إيديَّه طوالي. مداريــة وشي. قلت لا يكون عليه عفريت اسمه: اضــرب، يــروح

راقعني قلم زي غزالة. قبل ما يقول أيها حاجة. كان العيال ابتدوا يسرخم ويعيطم. سبت بتوع الكبسة عشان اسكت

الظابط بص للعيال. وسألني: دول عيال عبد الضار؟ وساعتها عرفت ان همه جايين عارفين كل حاجة عننا. مش من أول حكاية الفلوس. إنما من أول ما نزلنا من بطن أمهاتنا

العبال.

بهربيص. وعشان كده أول ما قالوا فين الشنطة، طلِّع الشنطة منك له ليها. راح الواد غزالة يا حبة عيني من سكات، جايب ليهم الشنطة. ومديها لهم، وراحوا واخدينا زى ما كنا. آني

ليهم السلطه. ومديها لهم، وراحوا واحديثا ري ما كنا. السي بقميص النوم، وغزالة بالفائلة واللباس. والعيال اللي من غير شبشب. واللي ما علهوشي جلابية، خدونا زي ما لاقونا. وهمه ببضوروا ع الحاجات في الشقة. قعدوا بسألونا

وهمه بيضوروا ع الحاجات في الشفه. فعدوا يسالونا عايزين يفتحوا محضر، وسؤالات والذي منه. طلع صاحب اللوكاندة. اتعزرن وعروق رقبته انتفخت ولعن اليوم اللي نزل فيه ناس زينا عنده. وسأل الظابط إن كان معاه ورقة من النبابة والالأه. والظابط طلع له الورقة وورهاله.

ساعتها صاحب اللوكاندة كبر في نظري، وبصيت لغز الة على إنه نعجة وخبخة. وساعتها افتكرت إن الراجل

اللي مخلف منى أونطجي. وإن اللي معايا بيخاف من خياله. وبصيت للراجل بتاع اللوكاندة. اللي كت رجله والقبر،

و عرفت بعني إيه كلمة راجل. عرفتها متأخر قوي. مع العلم انا كت فاكرة بتاع

اللو كاندة بهو دي. زي المنشار طالع و اكل. نازل و اكل عاوز فلوس وبس في الطالعة والنازلة. لكني فرحت، إنه مش هامه البوليس والظابط. دي أول نوبة ف حياتي. أشوف واحد

يسأل ظابط. الظباط دول همه اللي بيسألوا الناس. المرة دي بس، و احد بیسأل ظابط. و الظابط بیر د علیه، و بیطلع له الورق بتاعه بوريه له.

> ربنا ما يكتب على حد الفضيحة. نزلنا ف فضيحة. أنا ما اعر فشي أوصفها. كت ساعتها ميتة ف جلدي. قدامنا عساكر أولنا غز الة. شايل الشنطة بتاعت الهدوم، إنما الشنطة

اللي بالي بالك. كت وياهم. شايلها عسكري منهم. وبعد غزالة العيال وإنا في الآخر. في الأول عساكر. وفي الآخر عساكر وع الجنبين عساكر. والظابط ماشي ورا خالص. واللوكاندة. اللي كل واحد فيها في حال سبيله. ما حدش ليه دعوة بحد تاني لقيتها مدروزة ناس بيتفرجوا علينا،

وقدام اللوكاندة كت الناس أمام أمم. ترش الملح ما ينزلشي. واقفين حوالين عربيات البوليس. اللي شحنونا فيها. وهيلا بيلا بقينا في القسم. وفي القسم اتفرقنا. حطوني لوحدي

بيلا بقينا في القسم. وفي القسم اتفرقنا. حطوني لوحدي و العيال لوحديهم. وغزالة لوحده. وعدوا الفلوس اللي في الشنطة. مع إن العديقل البركة في الفلوس.

الشنطه. مع إن العد يقل البركه في الفلوس.
كلها شوية. والدنيا كلها جت. الحبايب اتجمعوا ما تعرفش إزاي. الراجل صاحب الفلوس جه. كان نايم في

العسل نوم. وعبد الضار شرف. وطلع هوه اللي بلغ علينا. الظاهر والله أعلم. إنه بعد مالقاهاشي نافعة. وما فيش منها فايدة. راح مبلغ علينا. وكان دايما يقولي. إن اللي يبلغ

فايدة. راح مبلغ علينا. وكان دايما يقولي. إن اللي يبلغ الحكومة على فلوس يبقى له ربعها. وهوه تلاقيه حسبها بالليل ما دام ما خدش مننا يبقى يخلينا ع الحديدة. وياخد هوه الربع. هوه دايما كان يقول. إنه أحسن واحد. في أيها قضية.

اللي يبقى شاهد ملك. يشهد ويطلع زي الشعرة م العجين. يعمل كل اللي هوه عاوزه. ويروح يبلغ الأول. المهم إن بلاغه يوصل قبل البوليس ما يشم خبر. ويبقى بكده شاهد

ملك. وشاهد الملك في أيها قضية، لازم يطلع في الآخر براءة.

عبد الضار بعد ما وصل. وكت في إيده شنطة بلاستيك متطبقة. وطلعونا م الحجز عشان يحققوا ويانا ويسمعوا كلامنا أول ما شفت عبد الضار رحت مزرغته.

ويسمو المحابط واقف بيقول له: انت كمان الغلط فوقك وتحتك. اديته مراتك. واتسترت عليه لغاية ما صرف جزء كبير من

الفلوس وقسمت وياه. عبد الضار اتمسكن. ما هو حاكم دحلاب. قال للظابط ما نا مقدم بلاغين يا سعادة البيه. بلاغ عن مراتي

وعيشتها معاه في الحرام. وسرقة عيالي مني. وبلاغ تاني عن الفلوس.

مش عارفة أقول إيه واللا إيه؟ دخلنا ف تحقيقات، ودونا النيابة، وإيشي حجز وكراكونات. ولا بقيت عارفة اولي من آخري.

والظابط وبنوع النيابة البهوات. رحت لهم. وكل واحد. قالي وقلت له، وجاني ورحت له. وهات ياسين وخد يا جيم، ورديت في السليم ببؤين كلام عسل ع الفرازة، أصلهم قال إيه حبو يتوهوني في حكاية الفلوس. رحت أنا توهتهم في الجهجهون. والمعرصين ضربوا الشراميط وقعوا

لهم صف سنان. كنا عاملين زي اللي بيلعبوا استغماية. يروحلي من

كنا عاملين زي اللي بيلعبوا استغمايه. يروحلي من هنا، آجي له من هناك. هوه يكلم عن الواجب الوطني. وحكاية الفلوس مبشنقة في تلفوفة مخه الجوانية والادعة الأرادة على القريدة والدعية الأرادة على القريدة والدعية المرادة على القريدة المرادة المرادة على القريدة المرادة ال

الأبلانينه. عايز يتلايم ع القروش. يتقشروا. ويتسأسأو. ويتوزعوا. وتبقى آدي البيضا وآدي اللي شواها. وآدي اللي قشرها. وآدي اللي أكلها. هم يا جمل هم.

قشرها. وآدي اللي أكلها. هم يا جمل هم. اللي يسألني أرد عليه بالعياط. والعيال انخرسم. كانوا دايما دمعتهم قريبة. تحت رموشهم طوالي. بس يوم ما

طلبهم البيه وكيل النيابة. لقيتهم هاديين وساكتين. وعمري ما افتكرت ولا خطر على بالي. إنه حاييجي يوم عيالي الظغيرين. حايقفوا قدام الظابط ويسألهم سؤالات ويفتح ليهم محضر.

محضر. دخت وجابولي لمون بسكر. أول البيه بتاع النيابة ما سأل ولاد بطني، أنا كت بانام في نفس أوضة غزالة، واللا لوحدي. وكت حاأموت ف جنتي. اول ابني البكري ما قال: ان أنا أول الليل كت أبقى معاهم. ولكن في نص الليل. لما واحد منهم يصحى عشان يفك ميه كان يلاقيني مع غز الـة

في أوضته، أول ما يصحوا الصبحية يلاقوني رجعت تاني معاهم زي ما كت.

وفين يوجعك. والضرب نازل. زي النطرة. سورقت

وشمموني كلونيا. وأول ما فقت شتمت الظياط وبتوعيات النيابة والعسكر. وقلت لهم ابعدوا ضنايا وضي عنيا عن الوساخة ديت. عمر هم ما سمعوا كلام من ده.

مش عايزة أقول، إن الحدوية خلصت. عشان الباقي كتير. أكتر م الهم ع القلب. أكتر م اللي فات. كت باسمع

أمي تقول: "جت الحزينة تقرح ملتقتلهاشي مطرح". وأهو ده اللي حصل لي بالظبط.

أول ما ودونا للبيه وكيل النيابة. سألنى عن ورقي. قات له:

\_ دا مع عبد الضار .

\_ و عبد الضار دا بيقي مين؟

ــ جوزي وأبو عيالي. \_ أمال اللي كان معاكي. وعايشه معاه يبقي مين؟

\_ كان حايتجوزني.

وابتدیت اکر زي حبل الصوف. احکي و هوه یسمع. وبعدین یملِّي على و احد قاعد جنبه. في ایده قلم. وقدامه دفتر کبیر. بقیت و لا کأني عریانة ملط. مفضوحة مکسوفة من

كبير. بقيت ولا كاني عريانه ملط. مفضوحه مكسوفه من نفسي. كت بأقول يا أرض انشقي وابلعيني. كل ده كان مكتوب لي فين؟ قعدوني ع الطرابيزة

برة، في وسط المخبرين. ونادوا على غزالة. كان خس، كش ييجي نصه، وهو كان قلة حتى في أيام العز. أول سؤال ليه كان:

ييبي تعد، وهو دن ده حتى تي ايام المر. أول سؤال ليه كان: \_\_ فين ورقك؟

أول ما ادى البيه وكيل النيابة ورقه. قال إله مفروض يوديه النيابة العسكرية، هيه اللي تحقق وياه. وطلع غزالة على جنب. وآهو حتى القضية فرقت بيننا.

حسيت إن كل ده مكتوب لينا من قبل ما نتولد ونطلع على وش الدنيا. ومهما نعمل. حايحصل حايحصل ل يعني عن عانهرب ونروح فين من المقدر والمكتوب؟

أنا كت عايزة إن عبد الضار يروح في ستين داهية. وعشان كده، قلت للبيه بتاع النيابة. ورحت محودة على عبد الضار هوه اللي نصب المعمعانه، هوه اللي رسم الرسمة وفتحت لينا الفتحة. وعمل فينا الملعوب كله. إنما غزالة دا

واد كمل. زي البفته البيضا. غلبان ما يعرفشي أيها حاجة. وعبد الضار هوه اللي نصب المولد. هو اللي كان بيقول لغز الة كل ليلة: شخشخ. شخشخ يا أبو النوم. يروح الواد

لغزالة كل ليلة: شخشخ. شخشخ يا أبو النوم. يروح الواد مديله طولي. عبد الضار هوه اللي لهط اللهطة الكبيرة. واحنا يا دوب نابنا لحسة، ودا مش مهم. نابنا لحسمة والا ما

ي دوب دب دب تحسد، ودر مس مهم، دبت تحسب ورد مت نبناشي. هوه احنا حنام من غير عشا. قال بطلوا ده. واسمعوا ده. المهم إنه لولا بعد الضار ما كناشي عملنا أي

واسمعوا ده. المهم إنه لولا بعد الضار ما كناشي عملنا أي حاجة من دي. بعد شوية رحلوني. وقالوا لي سجن النسوان، أنا

استنى فيه لغاية ما أروح المحكمة، ويتحكم عليه، عشان من دلوقتي وطالع، بقيت ليه قضية. ولا غزالة فين أر اضيه. ولا غزالة فين أر اضيه.

والفلوس اللي خدوها. وقالوا إنها أمانات. ما شفتش منها جنس ملين. هيه الحكومة بترجع فلوس. تاني يا ناس. حد فيكو سمع إن الحكومة رجعت فلوس لحد خدتها منه قبل كده. كلمة يا ريث عمرها عمرت بيث.

قعدت أقول يا ريتني ما عملت ولا سويت، وهيـــه

## عاشر هام:

## آخر المتمة

آني واحدة ست غلبانة مسكينة. جرحني البخت بسكينة تلمة، وعشان السكينة كت تلمة. الجرح فضل جرح. ما نزلتشي منه نقطة دم واحدة. ويا ريت السكينة دبحتني بدل ما كت جرحتني.

أنا دلوقتي عايزة واحدة منجمة شاطرة، تفك العمل المرمي ف سكتي، وتبطل العكوسات المعمولة ليه. وربنا يدي كل واحد على أد نيته.

سعت أدان الفجرية. كت أصحى من أحلاها نومة. واللي حواليه. محبوسين معايا. نازلين شخير. وادعي وأقول:

ـ يا رب، حلفتك بالحسين وأم هاشم والسيدة نفيسة والإمام الشافعي. سايقة عليك حبيبك سيدنا محمد. تتجيني، أنا وعيالي وغزالة. إنما عبد الضار عمري ما ادعي ليه. عشان هوه السبب في اللي احنا فيه دلوقتي. وكل اللي حاييجي بعد كده.

يعنى لو كت يا عبد الضار. يا للي عامل زي هباب

الفرن، لو كت جبت شوبة امشاط، على فلابات. على جلد بطاقات. على نفتالين بليه. على إيره فنيه بابور الجاز، ومسكتهم في إيديك. اللي صوابعها تتلف ف حرير. ولفيت

بيهم ف الأتوبيسات. مش كان أحسن من الشدة اللــ لحنــا

فيها. إنما ما بجيش منه. إنما جابز اللي حصل لبنا مقدر ومكتوب. والمكتوب

ع الجبين لزمن تشوفه العين. إنما هوه قلة علام. وقلة نباهة مننا. خلانا مبلطين ف الخط. مصهينين على كل حاجة. ما إحنا كان عندنا شيء وشيوات. ينغنغ البر كله.

خده الغراب وطار . واديني قفايا بقمر ميت رغيف. وأنا دلوقتي ما معابيشي اللي أجبب بيله كوزين درة مشوي. ينفشوا المعدة بكوزين ميه. وينام على لحم بطني من غير

عشا. وأصبح ما أغيرشي ريقي. بعد ما كت أحتكم علي شنطة فيها التقابل.

سألوني إن كان ويايا محامي. قلت ما كانشي يتعز. وهيه عورة عورة. آل محامي. آل. دا كل الكلام من دلوقتي

وطالع فك مجالس. حاجة كده جبر الخواطر على الله. وأنا

من دلوقتي. منتوفة الريش. وكل كليلة بقت زي الطين. صحيح إن غز الة كان أمير الأمرا. إنما ما عرفشي يتصرف.

فضوها سيرة بقي. كلشي إن كان عال العال. وكنا مز أططين. وكلشي

إن كان بقى أسود من قرون الخروب وأمر من الصبار. وهوه ده كل اللي أقدر أقوله. عن نفسى في الأول

وفي الآخر . أنا بقيت واحدة مشبها بطال. وديلها نجس عاملة زي مية الغسيل الوسخة، مخبية تحتها ياما. وياما. وفوق

وشها شوية رغاوي صابون.

أصل الحكاية وما فيها. وزي ما قلت في حال

المبتدا. وارجع وأقول في الأواخر . لما الناس تتعود ع الوحش تنسى طعم الحلو .

آهو دا اللي حصل. ودا اللي جرى. واللي كان. و اعمل إيه؟ و الله ما نا عار فة.

نبذة عن الكاتب	*
هذه روایة	£
" لبن العصور ".	
الله واحد	٥
الله واحد	٦
مالوش تائي	١٢
والتالتة تابتة	**
زرعت صجرة هلبت	* V

**Y V** 

**Y V** 

٥٧

٥٧

وسقيتها بميه يا ريت

طرحت ما يجيش منه

ايش يعمل الترقيع في التوب الدايب؟!

خمسة وخميسة

ست الستات	۲0
اللي سترها في الأول يسترها لحد الآخر	٦٥
سبعة	٧٧
الظاهر لينا	٧٧
والخافي على الله	<b>Y Y</b>
تمنيه	٨٩
كل شيء دواه الصبر	٨٩
لكن قلة الصبر مالهاش دوا	٨٩
تسعة	1.9
من حرام لحرامي	1.9
يا قلبي لا تحزن	1.9
عشرة	144
شيخ المنسر	144

حداشر	1 V .
الدنيا حلوة على مرة	1 V .
ومرها أكثر	1 V *
تناشر	141
جه يتاجر ف الحنة	141
كترت لاحزان	141
تلات تاشر	197
المزين يضحك ع الأقرع	197
بطقطقة المقص	197
أربعتاشر	711
طول ما انت زمار وأنا طبال	*11
يا ما راح نشوف م الليالي الطوال	711
خمستاشر	7 £ 7

Y £ %	أعمى يجر أعمى ويقوله:
Y £ %	- ليلة سعيدة اللي اجتمعنا
Y £ %	ومكسح يجر مكسح ويقوله:
7 £ 7	ـ يا لله نتفسح
<b>٢</b>	ستاشر
779	إن كتوا نسيتوا اللي جرى
Y % 4	هاتوا الدفاتر تنقرا
**1	أول هام: موال السراير
***	تاني هام: غناوي العلالي
710	تالت هام:

440

444

444

طعامة القسح

رابع هام:

حواديت الفرفشة والنعشة

خامس هام: غزالة هنا.	794
بس عبد الضار هناك	Y 9 W
ساتت هام:	4 * \$
منهم لله اللي كانوا السبب	4 + \$
سابع هام:	*. \
البحر واحد والسمك ألوان	*. \
تامن هام:	* 1 7
من منام لكابوس يا قلبي لا تحزن	* 1 7
تاسع هام:	٣٢.

يا ناس يا عمل. البوليس وصل

عاشر هام:

آخر المتمة

\*\*

\*\*

444